




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.271





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.271





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.271



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.271

1.6.271





1-6-97

A

1. 6 271

1



1-6 771

ARISTOTELIS
LOCA MATHEMATICA
Ex vniuersis ipsius Operibus collecta,
& explicata.

*Aristotelicæ videlicet expositionis complementum
hactenus desideratum.*

Accessere de Natura Mathematicarum scientiarum Tractatio;
atq; Clarorum Mathematicorum Chronologia.

*Authore IOSEPHO BLANCANO Bononiensi è Societate Iesu,
Mathematicarum in Gymnasio Parmensi Professore.*

Ad Illustrissimum, ac Nobilissimum

PETRV MFRANCISCVM MALASPINAM
Aedificiorum Marchionem, apud Cæs. Maiestatem
pro Sereniss. Parmensium Duce Legatum.



BONONIÆ M. D. C. X V.
Apud Bartholomæum Cochium. Superiorum permissu.

Sumptibus Hieronymi Tamburini.

ARISTOTELIS
LOCA MATHEMATICA
Ex antiquis ipsis Operibus collecta
& explicata.

Christophoro Clavius explicationis complementum
Balthasar de Siquiera.

Accessit de Naturae Mathematicarum Scientiarum Tractatus
etq; Clariorum Mathematicorum Chronologia.

Notae Iosephi BIANCANO Bononiensis & Societatis Iesu
Mathematicarum in Gymnasio Parmensi Professoris.

Ad Illustrandum, ac Notandum

PETRAE FRANCISCAE MALASPINA
Aedificationis Marchionem, apud Car. Malaspinam
pro Secretis. Parmensem Ducem Legatum.



BONONIAE M.D.C.XV.
Apud Bartholomaeum Cochium, typographum permissum.
Sumptibus Hieronymi Trubertii.

ILLVSTRISSIMO
AC NOBILISSIMO
PETROFRANCISCO
MALASPINAE
ÆDIFICIORVM MARCHIONI.



N tandem Illustriss. Marchio opus nostrum de Locis Mathematicis apud Aristotelem, una cum Tractatione de natura scientiarum Mathematicarum, necnon Clarorum Mathematicorum Chronologia; quod tibi Mecœnati meo munificentissimo iure merito dicare, ac sub clarissimi tui nominis patrocinio in lucem dare constitui. primum quidem, ut mei perpetui erga te amoris, & observantiæ hoc unum saltem specimen extaret: tum ut idoneum, æquumq; propositæ rei iudicem nanciscerer. cum enim ad iustum arbitrium duo potissimum requirantur, rerum scilicet cognitio, atq; prudentia, quem te rei, de qua agitur peritior, quemve prudentiorem inuenire potuerim? tu enim cum Physiologia, ac Mathematicarum omnium Encyclopædiam mirum in modum

A 2

exco-

excolueris, ad intima Mathematicarum penetrabilia ita
 persuasisti, ut Archimedis, & Apollonij admirandis, ac
 subtilissimis Demonstrationibus detinearis. Quanta por-
 rò in rebus agendis prudentia valeas, toti penè Europæ
 innotuit, cum pro nostris Sereniss. Ducibus, non solum ad
 omnes ferè Italia, atq; Germaniæ Principes, verum etiam
 ad Casaream Maiestatem rebus feliciter gestis Legatus
 decimum extiteris; ac demum à Sereniss. Duce Ranutio
 inter primarios de Rep. Consiliorum Authores adscitus
 fueris. Cæterum in Clarorum Mathematicorum Chro-
 nologia perlegenda, sæpius tibi nobilissimi æquè, ac do-
 ctissimi Viri, tui omnino persimiles occurrent, quod tibi
 nonnisi gratissimum accidere posse arbitror. Complectere
 igitur ea benignitate, atq; clementia, qua soles nostra stu-
 dia promouere, mea hæc quantulacumq; munuscula,
 quæ si tibi accepta esse intellexero, iam tandem ma-
 ximorum munerum loco habenda esse cense-
 bo. incolumem tibi, ac foelicem D. Opt.

Max. longæuitatem tueatur.

Vale.

Parmæ Idibus Maij M. DC. XIII.



Liber



Liber de se ipso.

NEC discet Lector me solo interprete totum,
Nec sine me totum discet Aristotelem.



Ego Iordanus Cassini Præpositus Prouincialis Prouinciæ Venetæ Societatis Iesu, ex auctoritate Adm. Reuer. P. nostro Præpositi Generalis P. Claudij Aquæuiuæ, facultatem concedo, vt hoc opus P. Iosephi Blancani eiusdem Societatis, quod inscribitur, Arist. Loca Mathematica ex vniuersis ipsius operibus collecta, & explicata, à deputatis Patribus recognitum, & approbatum typis mandari possit. Parmæ die 15. Ianuarij 1615.

Iordanus Cassini P.

Don Marcellus Baldassinus pro Illustris. & Reuerendis. Archiepisc. Bonon.

Imprimatur

Fr. Hieronymus Onuphrius pro Reuerendis. P. Inquisitore Bonon.

LE-

LECTORI.



VO D priscis olim temporibus (humanissime Lector) summi duo Philosophi, Philippus Mendæus, ac Theon Smyrnaus in Platonis Dialogis egregiè perfecerunt, vt videlicet quæ passim summus hic Philosophus de Mathematicis scripta reliquit, eadem ipsa ab illis selecta, & in vnum quasi corpus redacta lucubrationibus illustrarent: idem ego quoque in Aristotelis operibus efficere sum conatus, vt quæ de Mathematicis rebus in vniuersis eiusdem monumentis sparsa leguntur, eadem in vnum à me collecta, & explicata ijs Philosophiæ studiosis maxime seruirent, qui prisca illa consuetudine relicta, Mathematicarum omnium ignari non sine graui studiorum suorum detrimento Philosophiæ curriculum aggrediuntur. Vt autem huius operis necessitas, varia q; vtilitates planius cognoscantur operæpretium erit initio illius causas exponere; quæ me potissimum ad illud conscribendum compulerunt, quarum

Prima sit, quod hæc Arist. loca Mathematica, quæ quidem ferè 408. numerantur, pessimè latinis literis consignata sunt vsque adeò, vt Aristotelem ipsum, vel inuitum (quod postea multis in locis planum fiet) in absurdissima errata sæpissimè compellant.

Secunda, quòd plurima huiusmodi loca à nemine, quod sciam, adhuc declarata in tenebris magno nostrorum malo delitescunt: cuiusmodi sunt ad sexaginta problema, libellus de lineis insecabilibus, libellus de mundo, si tamen Aristotelis est, & Mechanicæ quæstiones, quamuis enim Piccolomineus in eas paraphrasim ediderit, loca tamen earum difficiliora non satis illustrauit. Vt autem dixi 408. in vniuersum loca minimùm numerantur, quibus illud Platonis inscriptum est *αὐτομέτρος ὁ δὲ αὐτὸς*; & in quibus Mathematicæ disciplinæ rudēs, & imperiti, quem sequuntur duces Arist. eum sæpe deserere non sine turpi dedecoris nota coguntur; quò fit vt exempla illa Mathematica lucem rebus aliquando allatura, tenebras cimmerijs, vt aiunt vmbri crassiores ipsæ obducant.

Tertia, quia Græci eorundem locorum commentatores breuiter, & obscurè admodum ea, quæ ad Mathematicum spectant, attingunt, hoc enim ab ipsis certū ponitur, Lectorem esse, vt moris tunc erat, omnium Philosophorum, Mathematicis imbutum; at verò nostra ætate magnam Philosophiæ iactura, quamplurimi earundem disciplinarum destituti præsidij, ne Græcorum quidem Interpretum explanationes, nedum Arist. obscurè dicta intelligunt.

Quarta.

Quarta. Adde, quod etiam si quis leuiter sit erudito illo Mathematicorum puluere conuersus, adeo tamen peruersa est eorumdem Græcorum in Latinum translatio, tantaq; figurarum, quæ necessariae erant confusio, & deprauatio, vt nec ab eo, qui sit Mathematicarum scientia excultus, sine magno labore percipi possint. Quin etiam figuræ illæ, quæ omnino necessariae sunt ob Scriptorum, & Typographorum inscitiam, aut inertiam pluribus in locis desiderantur. Latini verò multo minus, quàm Græci Mathematicæ petiti, qua ratione eadem loca pertractauerint, facilius est conijcere, quàm vt dici oporteat.

Quinta. Ex his omnibus in aliud incommodum, vel maximum Philosophi quidam incidebant; aut enim horum locorum expositionem taciti declinabant: aut eam minime necessariam ad Arist. percipiendam sententiam asseriebant; quo quid absurdius, quid studiosorum progressibus perniciosius excogitari potest? Eorum verò nonnulli eorumdem locorum expositionem audacter nimis aggrediebantur, atq; hinc pueriles illæ, ac ridiculæ expositiones passim audita, cuiusmodi est illa, quando Aristoteles ait, quod illi frequentissimum est, omnis triangulus habet tres; nihil aliud significari volunt, quàm omnem triangulum habere tres angulos. quod si dicat, omnis triangulus habet tres æquales duobus rectis: hic hærent, hinc anguntur: cumq; ex his angustijs, ac tricis se minimè expedire valeant, aurea verba illa, quibus ingentes sapientiæ thesauri continentur, alto silentij velo contegere Mathematicarum eos cogit inscitia: vnde illud, quod Græcæ linguæ imperitis mutata oratione acclamandum illis foret, Mathematicum est, non legitur. Nec minus elegans illa altera expositio; Diametrum esse incommensurabilem costæ; quod sæpe apud Arist. legentibus occurrit, nihil aliud sibi velle, quam Diametrum esse longiorem costæ, quam quidem asymmetriæ huius ignorantiam Plato de legibus dial. 7. non hominum, sed suum, pecorumq; appellare non dubitauit. Quid illa? cum Arist. ait duo cubi, cubus, ipsum loqui putant de duplicatione Geometrici cubi, nondum inuenta; non intelligentes, eum ibi de numeris cubis sermonem habere. Auerroes ipse tantus vir 5. Phys. commen. 15. quàm se Mathematicis, reliquisque Philosophis irridendum præbet dum à permutata proportionem putat se rectè in hunc modum pluribus apud ipsum verbis explicatum, argumentari,

Vt se habet voluntas noua ad effectum nouum,

Ita voluntas antiqua ad effectum antiquum.

Ergo permutatim, vt se habebit voluntas noua ad effectum antiquum, ita voluntas antiqua ad effectum nouum.

Speculatū admissi risum teneatis amici? nego, ait; quispiam consequentiam,

tiam, non enim hoc est argumentari à permutata ratione, deberet enim inferre, sic, ergo ita se habebit voluntas noua ad antiquam, quemadmodum effectus nouus ad antiquum. quæ vitiosa argumentatio quantumuis læuis sit, & manifesta, quosdam tamen magni nominis philosophantes adeò torfit, vt adhuc torqueat.

Quanta autem miseratione digni, qui publicè aliquando apud suos auditores totam Perspectiuam, qua nihil iucundius est, de medio tollere conati sunt, propterea quod illæ visuales lineæ, illi anguli, illæ pyramides, aut coni, quibus visio perficitur nullibi extarent, sed essent vana quædam optidorum figmenta. Qui verò fieri potuit, vt non aduerterint isti se Aristoteli suo manifeste repugnare, qui sapius de lineis visualibus perspectiuum pertractare asserit, discrimenq; inter lineam physicam, & opticam assignat, ipsiusq; optices tanquam veræ scientiæ mentionem sapius facit.

Alij ex altera parte contra Astronomos insurgunt, eccentricos, atq; epiciclos omnes de cœlo detrahère cupientes. Verum id isti nulla expressa nedum probabili ratione faciunt, falsò existimantes Astronomos admirandam illam Cœlorum fabricam asserere, non autem supponere: sed astronomi illam supponunt, eamq; propterea hypothesim appellat, non asserunt. Quod si aliqua probabili ratione id facerent, vti nonnulli ex recentioribus, quorum Ticho Coripheus est, laudandi potius, quam vituperandi essent. Impugnant itaq; astronomachi isti hypothesim pro assertionem; talesq; sæpè hi sunt, vt non satis intelligant, quid sit Aequator, aut Zodiacus, ne dum quid Epiciclus, aut Eccentricus. Nec defuit qui viginti duo argumenta excogitarit, atq; in medium protulerit, quibus contra Astronomos probare conatus est, nullo modo Solem, aut Lunam moueri posse motibus contrarijs, idest, ab oriente in occidentem motu diurno, & proprio ab occidente in orientem. Sed existimandum est istū Lunam nouam à Sole quotidie magis, ac magis versus orientem recedere, nunquam animaduertisse; ab ea enim hanc motuum concordiam didicisset.

Quid tandem dicendum de quodam magni nominis Philosopho, omnium tamen Mathematicarū experte, qui in publica disputatione axioma illud Mathematicum, omne rotum est maius sua parte, in sensu in quo à Mathematicis effertur negare non erubuit, eò, quod in infinito, vt aiebat non concederetur ab omnibus. scilicet non intelligebat mathematicum tantummodo tractare de Quantitate finita, ac terminata, in qua axioma prædictum ab omnibus conceditur. Neque vero hic nonnullorum insensus in Mathematicas animus quieuit, verum etiam eò progressus est, vt eas omnes omnino conuellere, atque ex albo scientiarum,

riarum, quamuis non Aristotele tantum, sed ipsa etiam veritate repugnante, expungere conati sint; idq; nescio an vlla alia de causa egerint, quam quod eas non satis calerent; non secus atq; Aesopica illa Vulpes, quæ cum cauda mutilata esset, caudarum mutilationem reliquis vulpibus vafre persuadere conabatur. Verum enim verò optimè scio, ea, quæ hætenus dicta sunt non in omnes nostri temporis Philosophos quadrare, cum non pauci hodie quoque sint, qui more antiquorum Mathematicis suffulti, optimè suis studiis consulentes, reliquam Philosophiam non sine magno compendio aggrediuntur. Quo fit, vt cæteros agometretos ita antecellant, vt eorum Magistri appellari possint, & debeant; tales fuerunt in primis Vicomercatus, Cardanus, Zabarella, Toletus, Bonamicus, & alij, quibus paulo antiquiores fuerunt D. Tho. & Scotus. Hi omnes Mathematicarum auxilio, quantum inter reliquos philosophantes excelluerint, nemo est qui non nouerit. Illud hoc loco minimè tacendum, Iacobum Zabarellam in suis logicæ commentariis testari se bis summa diligentia totum Euclidem perlegisse, vt perfectè Arist. de demonstratione sententiam assequi posset.

Hi ridiculas illas, ac pueriles expositiones superius allatas minimè effutierunt, neque reliquis supra recensitis incommodis obnoxij fuerunt, quibus magno etiam cum dedecore alij Mathematicarum ope carentes afficiuntur.

In horum igitur gratiam operam diligenter dedi, vt quantum in me esset damna à me supra enarrata aliqua ex parte rescirem. Quapropter loca hæc mathematica num rectè essent e græco in latinum translata diligenter prius expendi. Deinde claritate, quàm potui maxima eadem loca interpretatus sum, & in horum, de quibus dixi gratiam, quædam sanè tenuia prosequutus sum, quæ alioquin libenter omissem. Tum figuras omnes, aut correxi, aut restitui, aut nouas apposui. Hoc igitur nostro qualicumque labore poterit quisque omnia illa facile intelligere, atq; enumerata incommoda euitare. vnum tantummodo à Lectore mathematicarum experte requiram, vt principia saltem illa, scilicet definitiones, postulata, & axiomata, quæ primò Euclideis libro præponuntur, diligenter prius perlegat cum illa sua perspicuitate omnibus sint obuia; cætera ego explicanda recipio. Obiter etiam auctaria nonnulla partim mathematica, partim naturalia inserui, quæ ob nouitatem, ac pulchritudinem grata Lectori, atque iucunda fore existimaui.

Sciat præterea Lector nostrum institutum esse loca hæc mathematica, quatenus mathematica sunt declarare, siue ea supplere, quæ ex mathematicis petenda essent: reliqua autem me tantum attingere, quantum harum rerum cum illis connexio postulat.

B

His

His omnibus placuit appendices opportune nonnullas addere, quarum prima de natura mathematicarum scientiarum: altera, qua omnes demonstrationes primi libri Euclidis breuiter ad Logicam normam expendantur, ut pateat, quonam demonstrationis genere ceteri vnaqueque debeat, & ex illis de ceteris iudicium fiat. Tandem in gratiam etiam Mathematicorum tertiam appendicem appendi, qua omnia loca Arist. Geometrica ad Euclidis ordinem referuntur; unde & ipsi ad suas prelectiones exornandas aliquid subinde depromere queant.

Fruere igitur amice Lector hoc nostro qualiquali labore, quo ad plenam totius Arist. intelligentiam, cui adhuc mathematicarum ignoratio obstitit peruenire tandem possis: illudque experiaris, quod optimus quidam Philosophus, cum totum hunc librum perlegisset, effatus est, videlicet, opus hoc *Aristotelicae expositionis complementum ad hanc usque diem desideratum* iure ac merito nuncupari posse.

Illud demum tanquam parergon addam, quod ego his elucubran-

dis experientia didici, ad veram scilicet, ac perfectam to-

tius Aristotelis intelligentiam linguae in primis

grae, necnon mathematicarum om-

nium disciplinarum haud medio-

crem cognitionem ne-

cessariam esse.

Vale.



Praci

II

Præcipua quædam, aut noua, aut restaurata, quæ obiter pertractantur.

- D** E resolutione. numero marginali. 4
- 2 De figuris vacuum replentibus, ubi Aristotelis, & expo-
sitorum erratum aperitur. num. 121
- Inibi, Apum mirabilis quædam in cellis suis hexagonis
constitucndis industria detegitur. num. 120
- 3 De ijs, quæ aqua insident, unâ cum noua demonstratione problema-
tis illius Archimedis, quo metallorum mixtionem indissoluta Co-
rona, explorauit, in additione. ante num. 124
- 4 De Cometa, recentiorum sententia. num. 136
- 5 De altitudine montis Caucaſi. 148
- 6 De Terræ rotunditate, ac mundi duratione. 151
- 7 De Iride, in additione. 181
- 8 Scytala quid. 250
- 9 Securis antiqua quæ, & quæ ratione fieret. 258
- 10 Statera antiqua quæ. 259
- 11 De Aestu Maris. 272
- 12 Araneorum industria nuper patefacta: ubi Democritus contra Arist.
defenditur. 293
- 13 De Lucis figuratiōe, & rerum simulacris in obscuro loco. 345
- 14 De Pupilla oculi. 408
- 15 De Mathematicarum natura, propè finem operis.
- 16 Clarorum Mathematicorum Chronologia, in fine operis.



PRIMVS INDEX LOCORVM ARIST.
 Quæ in hoc opere explicantur, iuxta ordine librorum
 ipsius ex vulgata editione Lugdunensi.

In Prædicamentis.



Apote 3. de Relatione, vbi de Quadratura circuli.
 Cap. de Priori, vbi de Principijs Mathematicarum.
 Cap. de Motu, vbi de Gnomone.

In Primo Priorum Resolutoriorum.

Ad titulum libri de Resolutione.

Cap. 23. secti 1. libri 1. de Incommensurabilibus.
 Cap. 24. secti 1. lib. 1. de Descriptionibus.
 Cap. 2. secti 2. lib. 1. de Descriptionibus.
 Cap. 3. secti 2. lib. 1. de Incommensurabili.
 Cap. 1. secti 3. lib. 1. de eo, quod est, omnis triangulus habet tres angulos aequales
 aequales duobus rectis: Aequalitas Geometrica, quæ
 Cap. eodem, de exemplis, quibus vtuntur Geometria.

In secundo Priorum Resol.

Cap. 21. de lineis Paralellis, seu Coalternis.
 Cap. eodem. de Paralellis, & de triangulo.
 Cap. 26. Quod omnis triangulus habet tres, &c.
 Cap. 31. de Abductione.
 Cap. eodem, de circuli Quadratura, secundum Hippocratem Chium.

In primo Posteriorum.

Textu primo, De Præcognitis Mathematicarum.
 T. 2. Omnis triangulus habet tres, &c.
 T. 5. De Diametro incommensurabili. Item De Mathematicarum Principijs.
 T. eodem, De Indivisibilitate unitatis.
 T. 9. De Puncto, & linea. Item de recto, & circulari. Item de numero pari, impari;
 primo, & composito; æquilatere, & altera parte longiore.
 T. 11. Lineæ punctum inest per se, &c.
 T. 13. De Paralellis. De Isoscele. De Alterna Proportione.
 Item quod omnis triangulus habet tres, &c.
 T. 14. De iisdem cum precedentibus.
 T. 20. Magnitudines evadunt numeri. Item, quod non duo cubi cubus. Item de
 Mathematicis subalternatis.
 T. 23. Quadratura circuli secundum Erysonem. Item perfectam illam esse Demon-
 strationem, quæ Geometria ostendunt, quod Omnis triangulus habet tres, &c.
 Perspectivam, & Mechanicam subalternari Geometria, Musicam, Arithmetica.
 T. 24. De numero pari, impari, quadrangulo, cubo. In Geometria quid irrationale,
 refrangi, concurrere. Quid Astronomia consideret.
 T. 25. Geometram non mentiri in suis exemplis.
 T. 28. De Paralellis.

T. 29.

T. 29. Cur in Mathematicis non sit Paralogismus. Item quid multiplicata proportio. Quid Caneus dixerit. Cur Affectiones Mathematicorum maxime convertantur.

T. 30. De Luna sphericitate. Quid stereometria. & De subalternatione, &c. & Mathematicorum est scire Propter quid: sensitiuorum vero scire Quod.

T. 37. Isoceles, & Scalenum habere tres æquales, &c.

T. 38. Quid Mina, quid Diesis.

T. 39. Habere tres angulos æquales, &c. Item, quod omnis figura habet suos angulos externos æquales quatuor tantum rectis.

T. 43. Triangulum tres æquales, &c. De Eclypsi.

De combustionem per refractionem ex sphaera vitrea. De principijs scientiarum.

T. 44. Diameter incommensurabilis.

In 2. Posteriorum.

T. 1. Aequalitas, & inequalitas. Terram esse in medio mundi ab Astronomis perfecte demonstratur. Item Quid consonantia.

T. 2. Omnis triangulus habet tres, &c. Item de Definitionibus Mathematicarum.

T. 7. Geometra, quædam accipit, quædam demonstrat.

T. 11. Angulum in semicirculo rectum esse probari à Geometra per causam materiam. Zabarella correctus.

T. 24. Echo, Imago & speculo, Iris.

T. 25. Permutatim proportionale quid; exemplum in triangulis.

In primo lib. Topicorum.

Cap. 13. Diameter est incommensurabilis. Vox acuta velox, cur, &c. Colores in Musica, qui, tria genera veteris Musicæ.

In 4. libro.

Cap. 1. loco 1. lineæ infecabiles.

In 6. libro.

Cap. 2. loco 32. Definitio lineæ.

In 8. libro.

Cap. 2. loco 41. Vsus Definitionum in Mathematicis.

Cap. 4. loco 86. Elementa geometrica: Numeri capitales.

In Elenchorum lib. 1.

Cap. 10. Quid Pseudographia. Quadratura rursus Hippocratis, & Brysonis. Mathematica non contentiosa. Quadratio Antiphontis.

Ex 1. Physic.

T. 11. De Quadraturis circuli Hippocratis, & Antiphontis.

Ex 2. Physic.

T. 20. Quatenus Perspectiuus consideret lineam.

T. 28. Quid consonantia Diapason.

T. 68. Mathematicas Demonstrationes habere causam, quæ reducitur ad definitionem.

T. 8. De necessario, quod est in Mathematicis. & omnis triangulus habet tres angulos, &c.

Ex 3. Physic.

T. 76. Quinam numeri dicantur Gnomones.

T. 31. Quonam infinito utantur Mathematici.

T. 71. De infinito Mathematico.

Ex 4.

Ex 4. Phisic.

T. 120. De commensurab. & incommens.

Ex 5. Phisic.

T. 6. De chordis, graui, acuta; media, & vltima.

Ex 8. Phisic.

T. 15. Omnis triangulus habet tres æquales, &c.

Ex 1. de Cælo.

T. 33. De minimo indiuisibili.

T. 36. Ratione vtitur lineari, vt probet mundum esse finitum.

T. 48. Commensurab. & incommensurab. quid.

T. 119. Omnis triangulus habet tres, &c. Item de commensurabili.

Ex 2. de Cælo.

T. 24. Plato ex planis solida componebat, qui.

T. 25. Ordo figurarum planarum.

T. 31. Aqua superficiem esse sphericam.

T. 46. Maiorem circulum velocius moueri. Recentiorum obseruationes.

T. 57. De ordine Calorum ex sententia Astronomorum.

T. 59. De rotunditate Lunæ, bis.

T. 107. Centrum duplex grauit: & molis. Qua ratione graua ad mundi centrum aptarentur.

T. 109. Terram esse rotundam. alio item modo.

T. 110. Terram esse paruam respectu Cæli.

T. 111. Mare occidentale coniungi indico.

T. 112. De quantitate Terræ.

Ex 3. de Cælo.

T. 40. Vt componatur sphaera.

T. 66. Omne corpus diuisibile.

T. 66. Quanam planarum figurarum totum spatium repleant. Hinc de admirabili Apum ingenio.

T. eodem. Num plures Pyramides locum replere valeant, vbi Aristotiles, & omnes expositores errasse ostenduntur.

T. 71. Terram esse cubum, cur dictum sit.

Ex 4. de Cælo.

T. 33. Extare centrum Mundi, quod graua tendunt, à quo leuia abeant.

T. 44. & seq. Cur quedam grauiora quàm aqua, supernatent.

Ex 2. de Generatione, & Corruptione.

Tex. 56. Cur Planetæ duobus motibus moueri dicantur.

Ex 1. Meteororum.

Summa prima cap. 3. De magnitudine Terræ ad astra, & solem collata.

Cap. eodem. De magnitudine Astrorum.

Cap. 4. De ordine Luminarium Solis, & Lunæ.

Summa 2. cap. 3. de Mercurij stella. Item de Cometa: esse in Cælo.

Cap. 5. De Magnitudine Solis, & de vmbra Terræ.

Cap. 5. De Glaxia.

Cap. 6. Sententia Aristotelis de Glaxia, partim defenditur: vera, deinde aperitur.

Summa

Summa 4. cap. 1. De Monte Parnasso, dubia. Mare extraneum, quod. Errata quorundam veterum Geographorum, & Arist. corriguntur. Altitudo montis Caucaſi.
Cap. 2. De permutatione Aquarum, & continentis. Noua obſervatio de rotunditate Terræ, atq; Mundi duratione.

Ex 1. Meteororum.

Summa 1. cap. 1. De Mari rubro.

Summa 2. cap. 2. De ortu Stellarum fixarum: Item de occaſu earundem.

Cap. eodem. De Canicula. De Zonis temperatis. Corona Ariadne. Zonam torridam falſo putabant inhospitalem. cur habitabilis.

Cap. 3. De Ventorum ſitu.

Ex 3. Meteor.

Summa 2. cap. 2. De Halone, ſeu Area, ſeu Corona, Mathematica demonſtratio.

Cap. 4. De Iridis figura Mathematica demonſtratio, ſed deficiens. Noua de eadem tractatio.

Cap. 5. De Parelio. Rationes Ariſtotelis refelluntur.

Ex 1. De Anima.

Tex. 11. Quid rectum, quid obliquum. & omnis triangulus habet tres, &c.

T. 13. Sphæra planum tangit in puncto.

Ex 2. De Anima.

T. 12. Definitionem formalem, & cauſalem explicat exemplo Quadrationis Geometricæ.

T. 86. Acutum, & Graue, vt differant.

T. 159. De Solis magnitudine ad terram.

Ex 3. De Anima.

T. 21. Incommenſurabile.

T. 25. Indivifiſibilia eſſe priuationes.

T. 32. Permutata proportio.

Ex lib. De Senſu.

Capite 6. Dieſis.

Cap. 8. Nete. Diapaſon. Diapenſe.

Ex lib. De Memoria, & Rem.

Cap. 1. Omnis triangulus habet tres, &c.

Cap. 3. Mathemata facile reminiſcibilia.

Ex lib. De Somnijs.

Cap. 2. Terra, cur nauigantibus moueri videatur.

Cap. 3. Cur Oculuſ digito dimotuſ reſ geminatuſ videat.

Ex 1. Methaphyſ.

Cap. 1. Initium Mathematicarum ab Aegyptiorum Sacerdotibuſ. Item, Automata, quæ ſolſtitia. Diameter incommenſ.

Summa 2. cap. 3. Pythagorei Mathematicas cateriſ præferebant.

T. 47. Geometria habet ſuâſ præcognitioneſ.

Ex 2. Methaphyſ.

T. 14. Leges apud Muſicoſ quid.

Ex 3. Methaphyſ.

Tex. Mathematicaſ purâſ carere cauſiſ efficiente, & finali. Ariſtippuſ, vt Mathematicaſ ſugillaret. Tetragonuſ eſt inuentio media.

T. 8.

Tex. 8. Geodesia quid.

Ex 4. Methaphys.

T. 4. Quæ sint primæ, & quæ secundæ inter Mathematicas.

T. 28. Diameter, commensurabilis.

Ex 5. Methaphys.

T. 2. Exemplum causæ formalis ex Diapason. Quæ sint proportionēs Musicales.

T. 3. Quæ sit Materia in Mathematicis.

T. 4. Quidnam sint elementa apud Geometras.

T. 12. Diesis.

T. 17. Diameter incommensurab. Quid potentia vnius lineæ.

T. 34. Diameter incommensurabilis.

Ex 6. Methaphys.

T. 1. Principia, elementa, & causæ in Mathem.

T. 8. Diameter. commensurab.

T. 20. Descriptiones. Omnis triangulus habet tres, &c. Cur Angulus in semicirculo rektus.

T. 22. Omnis triangulus habet tres, &c.

Ex 10. Methaphys.

T. 4. Motum diurnum mensuram reliquorum. Diesis.

T. 11. Similes figuræ quæ Diuersum in Math. quid.

Ex 11. Methaphys.

Cap. 2. Ortus punctorum, linearum, superficierum.

Ex 12. Methaphys.

T. 44. Peculiarissimam Philosophiam, Mathematicorum videlicet, Astronomiam pluralitatem Cælorum docere.

T. 45. Numerus orbium cælestium secundum Eudoxum.

T. 46. Idem ex Eudoxo.

T. 47. Orbium cælestium numerus, & fabrica ex Calippo.

Ex 13. Methaphys.

Cap. 3. Quæ ratione Mathematici tractant de Bono.

In Mechanicas Quæstiones.

Cap. 1. Quæ sit Mechanica facultas.

Cap. 2. De Admirandis circuli.

Quæstio 1. De Libra. cur maior, exactior. inibi Arist. lapsus.

Quæst. 2. Duplex Libra. Piccolomineus reiectus.

Quæst. 3. De Veste.

Quæst. 4. De Remo; Petri Nonij in Arist. correctio.

Quæst. 5. De Temone Navis.

Quæst. 6. De Antenna.

Quæst. 8. De Rota.

Quæst. 9. De Trochlea, & Scytali. figura antiqua scytalis.

Quæst. 10. De Libra vacua.

Quæst. 11. De Curru, & scytala.

Quæst. 13. De Iugo. De Succula.

Quæst. 15. De Umbelicis.

Quæst. 16. De ligni oblongi, ac brevis flexura.

Quæst. 17.

Quaest. 17. De Cuneo.

Quaest. 18. De Trochlea; error Piccolominei.

Quaest. 19. De Securi. Securis veteris figura, & constructio; una cum affectione eius mirabili.

Quaest. 20. De Statera. Veteris Statera figura restaurata.

Quaest. 21. De Dentiforcipe.

Quaest. 22. De Nucifrago.

Quaest. 23. De Motibus in Rhombo.

Quaest. 24. De duobus circulis concentricis.

Quaest. 25. De funibus lectulorum.

Quaest. 26. De ligno humeris gestato.

Quaest. 27. De ponderibus humero gestatis.

Quaest. 28. De Tollenone.

Quaest. 29. De onere à duobus phalanga gestato.

Quaest. 30. De surgente à sessione.

In libello De Mundo ad Alex.

Cap. 2. Ordo Planetarum.

Cap. 3. De Cometis.

Cap. 5. De fluxu maris. noua de maris aestu sententia.

In libro De Admirandis audit.

Num. 8. De nouo orbe.

Nu. 100. De Istro, error Arist. & veterum Geographorum.

In libello De lineis insecabilibus.

Primus locus. De commensurabili, & incommensurabili.

2. locus. De figuris incommens.

3. locus. Quae linea rationalis, quae irrationalis. Binomio. Apotome.

4. locus. De communi mensura.

5. locus. Linea recta motus in semicirculum.

6. locus. Circulorum aequalium ab inuicem motus.

7. locus. Multum Mathematicis demonstrationibus tribuitur ab Aristotele.

8. locus. Si extarent indiuidua, omnes lineae essent commens.

9. locus. Idem probat aliter.

10. locus. Idem ex triangulo.

11. locus. Idem ex quadrato.

12. Ex diuisione lineae idem confirmatur.

13. Idem eodem fere modo cum praecedenti.

14. A quadrato cuiusuis lineae.

15. Idem probat ex superficie, & ex corpore.

16. Idem ex contactu circuli cum linea recta.

Ex lib. 9. Historiae Animalium.

Cap. 39. error Arist. & noua observatio de admiranda quadam Araneorum industria

De Incessu Animal.

Cap. 7. qua ratione in gressu fiat hypotenusa, & ea quid sit.

De Motu Animal.

Cap. 1. in flexuris animalium esse centrum, & circulum.

Cap. 3. Automata.

C

De

De Generatione Animal.

Lib. 2. cap. 1. Automata.

Lib. 2. cap. 4. Omnis triangulus habet tres, &c. Ibidem Diametrum esse incommensurabilem costæ, habet causam, & demonstrationem.

In Ethicis ad Nicom.

Lib. 1. cap. 7. Faber, & Geometra diuersè considerant angulum rectum.

Lib. 2. cap. 6. De Arithmetica proportione.

cap. 9. Centrum circuli reperire.

Lib. 3. cap. 3. Diameter, & latus incommensurabilis: Item quid resolutio Geometrica: Quid designatio.

Lib. 5. cap. 3. Vnitarius numerus. Quid Proportionalitas. Eam in 4. terminis consistere. Item quid Permutata proportio. Item quid Geometrica proportio. Proportio continuata, & disiuncta quid.

cap. 6. Proportio Geometrica, & Arithmetica.

Lib. 6. cap. 5. Omnis triangulus, &c.

cap. 8. Principia Mathematica non pendere ab experientia.

Lib. 7. cap. 8. De principijs Mathem.

Ex 1. Magnorum Moraliū.

Cap. 1. Numerus pariter par.

Cap. 2. Omnis triangulus habet, &c.

Cap. 10. Omnis triangulus habet, &c.

Cap. 16. Quadratum quatuor rectis æquales habere.

Cap. 30. Proportionale in quatuor terminis consistit.

Ex 1. lib. Moraliū Eudemiorum.

Cap. 5. Duplum inter multiplices rationes primum tenet locum.

Ex 1. lib. Mor. Eudemiorum.

Cap. 7. Omnis triangulus habet tres, &c.

Cap. 10. Diametrum commens. esse. Circuli quadratio.

Cap. 12. Triangulus habet tres, &c.

Ex 7. lib. Mor. Eudemiorum.

Cap. 12. Diametralis oppositio.

Ex 3. lib. Politicorum.

Cap. 2. Modi Dorius, & Phrygius apud Musicos, quæ.

Ex 4. lib. Polit.

Cap. 3. Modus Doricus, & Phrygius.

Ex 5. lib. Polit.

Cap. 1. Aequitas Arithmetica, & quæ secundum dignitatem.

Ex 8. Polit.

Cap. 5. Musica nuda, & cum melodia. Rithmus quid.

Harmonia lydia. Rithmus quid sit dicetur in Problematibus.

Cap. 7. Harmonia, & Rithmi, ut in præcedenti.

Ex Problematibus.

Sectione 1. num. 3. De ortu syderum innerrantium: Succula, Hypades, Atlantides, Virgilia, Pleiades. num. 17. De occasu affixarum stellarum.

Sectione 15. num. 1. Diametri ethymon.

num. 2. Iterum Diametri ethymologia.

num. 3.

num. 3. Denarius numerus cur perfectus. eius dignitates. Petri Apponensis deceptio.

4. De inæquali solis umbrarum incremento.

5. Cur Solis illuminationes semper rotundæ, quamvis per angulosa foramina ingrediantur.

6. Cur Luna semiplena videtur linea recta terminari? ubi de illuminatione Lune, quæ experientia docetur.

7. Cur Sol, & Luna videantur plana?

8. De umbris Solis orientis, occidentis, meridianis.

9. Cur Luna, quàm Solis minores umbræ?

10. Cur in defectu Solis etiam illuminationes ipsius defectivæ sunt? modus commodè videndi eclipsim Solis.

Seçt. 16. nu. 1. Cur bases bullarum in aquis sunt albæ?

3. Opplumbati tali.

4. De resultu cadentium in terram.

5. Cur conus, & cylindrus diversè moveantur.

6. De voluminum sectione.

12. Idem cum præcedenti 3.

13. Idem cum 4 superiori. reflexio radiorum pulchrè comparatur corporum resultationi.

Ex sectione 19. De Musica.

num. 2. Lineæ duplæ quadratum quadruplum. Hoc loco sequentium probl. causa, præmittitur totius Musicæ ortus brevis tractatio.

3. Vox tam in hypate, quam in nete cantando rumpitur.

4. Cur facilius hypate, quam nete canitur?

5. Cur suavius notam cantilenam audimus?

7. Cur veteres hypatem omittebant.

8. Cur gravis sonum potest acutæ?

9. Cur cantus ad tibiā vnam, aut lyram suavior?

10. Teretizare, quid.

11. Vox desinens acutior fit.

12. Gravior è fidibus cantilenam suscipit.

13. In Diapason graue est acuti Antiphonum.

14. Cur Diapason vnica vox videtur. Punicum quid.

15. Leges Musicæ, quæ. Genera, Diatonicum, Chromaticum, Encharmonium. Tetrachorda quæ.

16. Antiphonum suavius est symphono, cur.

17. Cur sola Diapason canitur. Magadis quid. Magadare.

18. De Antiphonis.

19. Cur Diapente, & Diabessacon non canunt in Antiphonis.

20. Mese sola dissonante, totum deffonat psalterium.

21. Vocum grauium errores manifestiores, cur?

23. Cur nete duplo acutior, quam hypate?

24. Nete interpellata, hypate resonare videtur.

25. Cur Mese sic appellata est.

27. Cur sola audibilia mores obtinent. Rithmus quid.

28. Cur cantilenæ quædam leges decebantur?

30. De Harmonijs, seu Modis, seu Tonis priscorum.

C 2

31. Vetu-

31. *Vetustiores fuisse magis Melopæos.*
32. *De ipsius Diapason ethymo.*
33. *Cur aptè de acuto in graue, non è contra canitur?*
34. *Cur bisdiapente, aut bisdiatessaron consonantia non est.*
35. *Cur diapason omnium pulcherrima est consonantia?*
36. *Mese sola dissonante, tota perit harmonia.*
37. *Cur difficilius acutum canere, quam graue?*
38. *Cur Rythmo, & harmonij omnes gaudent?*
39. *Cur suauius est symphonum vnisono?*
40. *Cur solam Diapason magadari solent?*
41. *Idem cum 5.*
42. *Idem cum 34.*
43. *Idem cum 24. Iugum in lyra veteri quodnam fuerit, vna cum figura veteris lyre.*
44. *Cur suauius ad tibiā, quam ad lyram cantatur?*
45. *Idem cum 25. superiori.*
46. *Idem cum 22.*
47. *Idem cum 26.*
48. *Idem cum 7. quid Grauidensum.*
49. *Idem cum 30. In choris tragædiarum, nec subdorius, nec subphrygius modus erat in vsu.*
50. *Cur grauior Melodia est etiam mollior?*
51. *Dolia duo equalia, quorum alterum plenum sit, alterum dimidium, Diapason resonant.*

Ex sectione 23.

De immersione Nanigij.

Ex sectione 30.

6. *Omnis triangulus habet tres æquales, &c.*

Ex sectione 31.

7. *Cur oculos, absq; vlla vi, ab inuicem dissociari nequimus?*
Cur duobus oculis res vna tantum videatur. Cur aliquando rei vise geminatio accadat.

11. *Cur distractis oculis res vna duæ apparent?*

17. *Oculo in latera contorto, cur non sit geminatio.*

21. *Cur solam rectitudinem vnico oculo inspicimus.*

Auctarium De Oculi Pupilla.

Oculi fabrica præmittitur, colores oculi vbi sint: vnde qui noctu vident.

Primo. De pupille voce.

2. *Cur in oculo appareat;*

3. *Cur non in tota cornea.*

4. *Pupille definitio.*

5. *Cur nigra in omnibus hominibus.*

6. *Cur in Sole enanescat.*

7. *Quantitas ipsius num videatur?*

8. *Cur modo maior, modo minor videatur, & cuiusdam lepida deceptio.*

Addi-

Additamentum de natura Mathematicarum disciplinarum.

*Primo. De subiecto Mathem. seu de materia intelligibili: ubi ostenduntur definitio-
nes Mathematicæ esse perfectissimæ.*

2. Demonstrationes Mathematicas esse perfectissimas.

3. Obiectiones: atq; etiam calumniæ diluuntur.

4. De præstantia cognitionis, quam Geometria, & Arithmetica gignunt.

5. De 4. Mathematicis medijs: Astronomia, Perspectiva, Musica, Mechanica.

6. Appendix de resolutione omnium demonstrationum primi Euclidis.

7. Clarorum Mathematicorum Chronicon.

Finis Primi Indicis.



ALTER

A L T E R I N D E X

Quo loca Aristotelis Geometrica, in hoc Opere explicata, ad Euclidem, secundum propositionum ordinem referuntur; ut Mathematicarum Professores habeant, unde suas prælectiones aliquando valeant locupletare.

In Primo Elem. Euclidis.



D verbum ipsum (*Elementum Euclidis*) vide infra tex. 4. quinti Methaph.

Ad principia primi elementorum, vide infra tex. 5. pri. Poster.

Ad definitionem 10. pri. pro angulo recto, vide 30. quæst. Mechanic. & cap. 7. lib. 1. Eth.

Ad axioma 10. quamvis Aristoteles nihil hac de re dicat; scias tamen velim hoc vno axiomate questionem quãdam inter Philosophos valde difficilem, facile dissolui. ea est, vtrum marmor, aut adamas, aliudue quidpiam inflexibile successiue findi, & aperiri possit. qui enim aiunt, sic refelluntur, quia nimirum sequeretur, duas rectas lineas habere segmentum commune: intelligantur enim duæ lineæ, vna in vna superficie, altera vero in altera, quæ antequam incipiat apertio, congruant; Quoniam igitur tota illa apertio non fit in instanti, sed successiue, facta iam aliqua apertionis parte considerentur prædictæ lineæ, erit igitur earum pars aliqua ab inuicem separata, altera verò adhuc alteri congruens, ergo sequeretur, duas lineas habere segmentum commune, quod est impossibile, quia contra 10. axioma.

Ad Calcem axiomatum primi accommodetur tex. 1. primi Poster.

Ad primam primi, post ipsius explicationem, commodè declarari potest, cur Arist. Demonstrationes Geometricas appellet Descriptiones, & Designationes, vide cap. de Priori, & cap. 24. secti primi, libri primi Priorum, & tex. 4. quinti Methaph. & tex. 20. sexti Methaph. & cap. 3. lib. 3. Ethic.

Item ad primam primi, vide tex. 7. secundi Poster. loco 2.

Ad 5. primi, vide cap. 24. secti 1. lib. 1. Priorum.

Ad 21. primi, vide tex. 20. primi Poster. loco 2.

Ad 22. primi, vide locum 10. de lineis insecabilibus.

Ad 28. primi, vide cap. 21. & cap. 22. secundi Priorum, & tex. 13. primi Poster.

Ad 32. primi, vide cap. 1. secti 3. lib. 1. Prior. & cap. 26. secundi Priorum, & tex. 2. primi Poster. loco 4. & tex. 23. primi Poster. vbi ait hanc esse potissimam demonstrationem. & tex. 37. primi Poster. & tex. 39. primi Poster. Ibidem loco 4. & tex. 43. primi Poster. & tex. 2. secundi Poster. bis. & tex. 89. secundi Phys. & tex. 15. octavi Phys. & tex. 119. primi de Cælo. & tex. 25. secundi de Cælo. tex. 11. primi de Anima. & cap. 1. de mem. & reminisc. & tex. 35. quinti Methaphys. & tex. 20. sexti Methaphys. & tex. 22. sexti Methaphys. & cap. 4. lib. 2. de Generat. animal. & cap. 5. lib. 6. Ethic. & cap. 2. Magnorum Moral. & cap. 10. Mag. Moral. & cap. 16. Mag. Moral. & cap. 7. secundi Eudem. & cap. 12. secundi Eudem. & problema 6. sectionis 30.

nis 30. tot Aristotelis loca illustrat vnica hæc Euclidis Demonstratio.

Ad scholion præcedentis 32. primi, vide tex. 39. primi Poster. loco 3. Item tex. 25. secundi Poster. loco vlt.

Ad 45. primi, vide locum 9. de lineis infecabilibus.

Ad 46. primi, vide locum 11. de lineis infecabilibus.

Ad 47. primi, vide locum 11. de lineis infecab. Item locum 14. de iisdem.

In secundo Elem.

Ad 2. definitionem 2. Gnomonis, vide cap. de Motu in Postprædicam. Quadratum augetur Gnomone circumposito.

Ad 14. propos. 2. opportunum est Auditores de Quadratura circuli erudire, vide igitur cap. de relatione in prædicam. & cap. 31. secundi Priorum, & tex. 23. primi Poster. & finem 1. cap. primi Elenchorum. lege primam Archimedis de dimensione circuli.

In tertio Elem.

Ad primam 3. vide cap. 9. lib. 2. Ethycorum.

Ad 2. tertij, vide tex. 13. lib. 1. de Anima. & locum 16. de lineis infecab.

Ad 31. tertij, vide tex. 11. secundi Poster. & tex. 20. sexti Methaph. loco 2.

In quarto.

Ad commentarium P. Clauij extremum lib. 4. elementorum. lege tex. 66. tertij de Cælo.

In quinto.

Ad 4. definitionem 5. vide cap. 3. lib. 2. Ethyc.

Ad 9. definitionem 5: vide cap. 3. lib. 5. Ethyc. loco 4. & cap. 31. primi Magnorum Moralium.

Ad 10. definitionem 5. vide tex. 29. primi Poster. loco 2.

Ad 12. definitionem 5. vide tex. 13. primi Poster. loco 3. & tex. 25. secundi Poster. & tex. 32. tertij de Anima. & cap. 3. lib. 5. Ethyc. loco 4.

Ad 16. propos. 5. vide tex. 25. secundi Poster. loco 2. ex hac Euclidis demonstratione patet, vitiosam esse illam Auerrois argumentationem, 8. Phys. comm. 15. scilicet.

Vt se habet voluntas antiqua ad antiquum effectum,

Ita se habet etiam voluntas noua ad effectum nouum:

Ergo permutando, ita se habebit voluntas antiqua ad effectum nouum.

Quemadmodum voluntas noua ad effectum antiquum.

Non enim in permutando confert antecedentem ad antecedentem, & consequentem ad consequentem, vt par erat, sed confert antecedentem ad consequentem, quod non licet.

In sexto.

Ad 2. propos. 6. vide cap. 2. lib. 8. Topicorum loco 41.

Ad 13. sexti, vide tex. 12. secundi de Anima, & tex. 3. tertij Methaphys.

In septimo.

Ad primam definitionem 7. vide tex. 5. primi Poster.

Ad 8. definitionem 7. vide cap. 1. lib. 1. Magnorum Moral.

In octauo.

Ad 4. propos. 9. vide tex. 20. primi Poster. loco 2.

Ad 8. propos. 9. vide problem. 3. sectionis 15. loco 4.

In

In decimo.

Ad primam definitionem 10. vide cap. 23. secti 1. primi Priorum. & tex. 48. primi de Cælo.

Ad 118. decimi, vide cap. 23. secti 1. libri 1. Priorum. & secto 2. cap. 23. libri 1. Priorum. & cap. 22. lib. 2. Priorum. & tex. 5. primi Poster. & tex. 44. primi Poster. & cap. 15. primi Poster. & tex. 119. primi de Cælo. & tex. 120. quarti Phys. & tex. 21. tertij de Anima. & cap. 1. primi Methaphys. & tex. 28. quarti Met. & tex. 34. quinti Met. & tex. 8. sexti Met. & cap. 4. lib. 2. de Generat. animal. & lib. 3. cap. 3. Ethyc. & cap. 10. secundi Eudem. tot Arist. loca ab hac vna Euclidis Demonstratione illustrantur.

In decimotertio.

Ad primam propos. 13. secundum editionem Commandini, aut Zamberti. vide initio Priorum, in verbum (Resolutio)

Atque hæc sunt, quæ ex Elementorum opere Aristoteles passim vsurpauit, quæque nos infra explicabimus.

Finis Secundi Indicis.

Quæ verò ad alias Mathematicas, Musicam scilicet, Perspectiuam, Mechanicam, & Astronomiam pertinens, facile poterunt ex primo Indice ad vnâquamque earum seorsum cum libuerit, secerni.



TER-

25 TERTIVS INDEX ALPHABETICVS,

cuius numeri respondent numeris marginalibus Operis.

<i>A</i>	
A Bductio quid. eius inuentor. numero 16. marginali.	
Acuti densum quid.	399
Aequalitas mathematica, quæ.	10
Aestus maris natura.	272
Aequitas arithmetica, & æquitas secundum dignitatem.	330
Agathirsi populi.	382
Angulus quid. vt nominari debeat 10. angulum in semicirculo esse rectum ostendi per causam materialem.	71
Angulus rectus variè consideratur à Geometra, & à Fabro.	301
Antiphontis quadratura circuli.	13
Antennæ navis problema.	248
Antiphonæ voces. 358. 363. 370. 371.	373
Apum mirabilis industria.	120
Apotome linea, quæ.	279
Aquæ superficiem esse sphericam ratione mathematica.	107
Arithmetica proportio.	302
Aranei industria patefacta, qua ad res inaccessas transeat.	293
filum emittit ex secessu contra Aristotelem pro Democrito.	ibidem.
Astronomia principia duo, Apparentia, & Observatio.	8
Automata, quæ. 199. 298.	a. b.

<i>B</i>	
B Asis ballarum in aqua, cur sit alba, & cur non faciat umbram.	351
Binomium linea, quæ.	279
Brasilenses, qua ratione numerare soliti.	340
Brysonis quadratura circuli.	35

<i>C</i>	
C Alippi opinio de numero Cælorum.	236
Cantilenam notam suavius, quam ignotam audimus.	362
Centrum circuli reperire. 303. Centrum mundi mathematicè ostenditur. 123. Centrum grauitatis, & molis. 38.	112
Chordarum veterum nomina.	359
Circuli quadratura quid. an possibilis. num. 1. Circulorum concentricorum maiores velocius moueri. 108. Circuli admiranda. 239. De circulorum concentricorum volutatione.	263
Coalterne lineæ, quæ. 12. 14.	44
Cælorum ordinem petendum ex Astronomis 109. item numerum.	233
Colores in musica 78. Colores oculorum vnde.	408
Cometarum tractatiuncula ex recentioribus, qui eas in Cælo collocant. 136. esse supra aerem longissimo saltem intervallo ostenditur mathematicè. 129. in additione.	
Consonantia, quid. 64. quibus numeris consonantie constant.	210
Conus, & cylindrus, cur variè mouentur.	355

D

Cubus

Cubus numerus. duo cubi cubus, quid significet.	33
Curru problema.	252
Cunei problema.	256
Cylindri, & conii motus comparatio problematica.	335

D

Definitiones mathematicae esse essentielles, & perfectissimas. cap. 1. de nat. Math.	
definitionum vsus in Mathematicis.	81
Descriptio, & describere, quid. 2. 6. 7.	205
Designatio pro demonstratione mathematica.	305
Demonstrationis perfectae exemplum. 36. demonstrationum mathematicarum praestantia. cap. 4. de nat. Mathem.	
Dentiforcipis problema.	260
Denarii numeri perfectio. 339. cur vsq; ad denarium omnes gētes numerēt. 339. 8. & c.	
Diameter incommensurabilis costae. 5. diametri etymon.	337
Diapason quid. 90. 350. omnium consonantiarum pulcherrima.	388
Diapason diapente.	359
Diapente consonantia, quae.	359
Diateffaron consonantia, quae.	359
Disdiapason consonantia, quae.	359
Diesis, quid. 53.	226
Dolia duo, quomodo aliquando Diapason resonent.	402
Duplum inter multiplicia primum est.	322

E

Elementa mundi non componi ex figuris geometricis.	120
Elementa geometrica, quae. 82.	213
Eudoxi opinio de numero Caelorum.	234
Exempla mathematicorum, qualia. 11. non esse falsa.	43
Exemplorum veritas, & conformitas, quatenus requirantur.	36

F

Figuram omnem planam habere suos angulos externos quotcūq; aequales quatuor rectis angulis, quae est mira proprietas.	59
Figure similes, quae.	70
Figurarum planarum ordo 88. quae nam totum locum repleant.	96
Figurarum solidarum, quae nam totum locum repleant: ubi Arist. & omnium expositionum erratum aperitur.	121
Figuratio lucis.	345
Figurationes pro demonstrationibus Mathem.	194
Filum Araneorum, ex qua parte corporis exeat, & ex qua materia.	293
Fluxus, ac refluxus maris.	272
Fuxium lectorum problema.	264

G

Gallaxia quid. 131. Aristoteles defensio. 132.	140
Galibei recens observatio.	141
Genera tria Musicae veteris. 78. Fusè explicantur.	371
Geodesia.	207
Geographia veteris plura errata. 145. 146. 147. 148.	149

Gno-

Gnomon, quid. 3.	331
Gnomones numeri.	93
Grave qua ratione ad centrum mundi descenderet, ei ⁹ aptaretur.	112
Granidensum, quid.	399

H Alonis demonstratio.	161
Hippocratis chij quadratura circuli. 17. eiusdē quadratura lunula optima. 17	
Hyades, Atlantides, & Succula.	335
Hypate, quid.	360
Hypotenusa in incessu animalium.	294

I Illuminationes Solis deficientis per foramina transeuntes, cur sint defectivae. 350	
modus videndi eclypsim facilis, ac iucundus.	ibidem.
Incessus animalium lineis explicatur.	294. & seqq.
Incommensurabilia, quae, & eorum inventores.	5
Indivisibilia mathematica esse priuationes. 189. oriri ex diuisione. 231. eorum duo genera.	276
Infito, qua ratione vtantur Mathematici. 94.	96
Iridis demonstratio secundum Arist. 163. & sequentibus. Item in qua de Iride tractatio. ibidem in additione.	
Iugum in lyra quid, & eius figura.	396

L Eges musicales.	204
Libra maior, cur exactior. initio Mechanicarum quest.	
Linea, quae terminus est illuminationis in Luna, cur modo recta, modo curua videatur.	346
Lineae rationales, & irrationales, &c.	279
Lumen oculorum noctu videntium, in qua oculi parte manet. in addit. de Pupilla.	
Lumen Solis, cur sit circulare, quamuis per foramina angulosa ingrediatur.	345
Luna plana, cur appareat, cum sit spherica. 347. cur in eadem altitudine cum Sole supra horizontem, maiorem vmbra efficiat.	349
Lunam esse sphericam. 48. illuminari sphericē quid: ibidem & de illuminatione Lunae. iterum esse sphericam ab eclypsis.	111
Luminarium Solis, & Lunae ordo.	133
Lychanos, quid.	360
Lyrae veteris figura.	396

M Agadis, seu magas, & magadiffare. 373.	393
Materia intelligibilis. fusē verd. explicatur in tract. de nat. Mathem.	
Mathematica media, seu subalternata habent propter quid suarum demonstrationem.	50
Mathematici negant reperiri quantitatem indivisibilem, seu minimam.	100
Mathematica non sunt contentiosa. 83. ostendunt per causam formalem.	91
Mathematicas inuenerunt Aegyptij Sacerdotes.	198
Mathematica ostendunt per causam materialem, & formalem. 205. earum utilitas. ibidem. De earum natura. in proprio tractatu.	

<i>Mathematica maxime tractant de Bono, & Pulcro, qua ratione.</i>	237
<i>Mechanica facultas, quæ.</i>	238
<i>Melodia.</i>	331
<i>Melopeia quid.</i>	384
<i>Medium Demonstrationum Mathem. in earum tractatu.</i>	
<i>Mese quid.</i>	360
<i>Mina in mensuris quid.</i>	53
<i>Monochordium.</i>	359
<i>Motus nauigij, & remi comparatio. 247. Pulchra P. Nonij in id annotatio contra Arist.</i>	
<i>Modi musici.</i>	383
<i>Modorum antiquorum ordo, numerus, &c.</i>	383
<i>Motus primi mobilis, seu diurnus est mensura cælestium motuum.</i>	225
<i>Musici recentiores reprehensi. 331. & in fine Chronologia.</i>	
<i>Musica totius elementa.</i>	359
<i>Musica nuda, & cum melodia.</i>	331
N	
<i>N Ete quid.</i>	360
<i>Nucifragi instrumenti problema.</i>	261
<i>Numerus, par, impar, primus, & compositus, quadratus, seu aquilaterus, altera parte longior. 24. Cubus num.</i>	33
<i>Numeri capitales, qui.</i>	82
<i>Numerum parem esse causam infiniti: imparem verò finiti.</i>	93
<i>Numerorum parium alij sunt primi, alij non.</i>	224
<i>Numerus unitarius.</i>	307
O	
<i>O Culi cur moueantur consimiliter.</i>	405
<i>Oculi anathome.</i>	408. &c.
<i>Omophone voces. 372.</i>	392
<i>Oppositio diametralis est omnium maxima.</i>	327
<i>Ortus, & occasus syderum, quid, & quoduplex: ubi de Orione, & Canicula.</i>	153
P	
<i>P Aranete</i>	
<i>Paramefe } quæ voces, aut chordæ.</i>	360
<i>Parhypate</i>	
<i>Parelia, cur appareant nondum satis explicari.</i>	182
<i>Parnassus mons, ubinam sit. Item paropameffus.</i>	145
<i>Partes quantitatis sunt materia illius.</i>	211
<i>Perspectiuus, quatenus consideret lineam.</i>	89
<i>Passiones Mathematicorum cum subiecto conuertuntur.</i>	47
<i>Pila cristallina, vel vitrea, qua ratione comburat.</i>	60
<i>Planera, qua ratione moueantur duplici motu.</i>	130
<i>Plato solida ex planis componebat. 105. cur Elementis figuras Geometricas attribueret.</i>	122
<i>Planetarum ordo.</i>	271
<i>Principia Mathematicorum. 2.</i>	18

Prin-

Principia scientiarum duplicia. Ex quibus, & circa quod.	61
Principia Mathematica non pendere ab experientia.	315
Proportio alterna. 28. multiplicata, seu multiplex secundum Caneum.	46
Pseudographia quid.	83
Proportionalitas quid.	308
Proportio continuata, & disiuncta quid. 310. alterna, seu permutata quid.	inibi.
Proportio Geometrica. 311. Arithmetica.	302
Proportio secundum dignitatem, est Geometrica.	330
Problemata musicalia varia à 360. vsq; ad finem sectionis 19. problematum.	
Punicum, musicum instrumentum.	370
Pupilla oculi etymon, & natura. 408. cur in oculo nostro imago pupille appareat.	ibidem.
problem. 2.	
Cur nigra in omnibus hominibus. probl. 5.	
Cur in Sole euanescat. probl. 6.	
Cur modo maior, modo minor appareat.	
Pythagorici primi Mathematicis operâ dedere, easq; ceteris scientijs præponebât.	202

Q uadratura circuli. vide circulus. de quadratura figurarum rectangularum, & quadratura duplex definitio causalis, & formalis.	185
Quantitas an constet ex indiuisibili. toto libello de lineis insecabilibus argumentis mathematicis.	

R emi problema.	245
Resolutio logica, & mathematica, vt conueniant. 4.	305
Resultus cadentium in terram, quibus angulis fiat.	354
Rythmus fusè explicatur.	381
Rubrum mare duplex.	152

S cythala quid, & eius figura. 250.	252
Securis problema, vbi de antiquæ securis figura, & angulo pulchra demonstratur.	258
Semitonium, quid.	360
Solem esse terra multo maiorem: probatur.	131
Sphæram planum tangit in puncto. demonstratur.	184
Statera antiqua, quæ: eius figura, & problema.	259
Stereometria, vt differat à Geometria.	49
Succula.	253
Symphonæ voces. 372.	392
Symphonia.	391

T emonis nauis problema.	246
Terram esse rotundam ex eclipsi. 114. Item aliter. 115. esse respectu Cali paruum valde. 115. esse cubum cur Plato voluerit.	112
Terræ quantitas.	115
Terram paulatim reduci ad perfectam rotunditatem.	1151
Tetragonismus. vide Quadratura.	

Tere.

<i>Teretizare, quid.</i>	366
<i>Tetrachordon, quid.</i>	386
<i>Tollenonis problema.</i>	267
<i>Tonus musicus, qui; unde oriatur.</i>	360
<i>Trochlea problemata. 249. 250.</i>	251
<i>Tunica oculi. 408. in tractatu de Pupilla.</i>	
V <i>Entorum nomina, & situs.</i>	160. a.
<i>Vectis quoduplex, &c.</i>	244
<i>Veteres canere solitos non solum in choris, sed etiam in scenis. 371. 384.</i>	400
<i>Virgilie, Pleiades.</i>	335
<i>Vise res geminantur distractis oculis.</i>	406
<i>Vise rei geminatio non fit altero oculo in latera torto, cur.</i>	407
<i>Visus res visas, cur non duplicet, etiam si duos oculos habeamus.</i>	405
<i>Umbelici litoralis problema.</i>	254
<i>Umbra terre parum supra Lunam transcendere.</i>	137
<i>Umbrae incrementa, & decrementa, cur inaequalia. 344.</i>	348
<i>Visus res geminat, si alter oculorum digito pellatur, cur.</i>	197
<i>Vocum musicalium antiquae appellationes.</i>	360
<i>Vox acuta velocior, grauis vero tarda, cur.</i>	77
<i>Voluminum sectio modo rectam lineam, modo curuam refert, cur.</i>	356
<i>Vnitas, cur indiuisibilis.</i>	22
Z <i>Onas terra, ut Arist. designet: & quae secundum ipsum sint habitabiles.</i>	156
<i>Zonam torridam quatuor reddunt habitabilem.</i>	159

Finis Tertij Indicis.



Vifum

Visum est etiam opportunum Lectori fore, ea simul in vnum loca colligere, in quibus Aristoteles mihi visus est in Mathematicis scopum non attingisse, ut alij præsertim Peripatetici facilius ea inuenire, atq; de ijsdem iudicium ferre possint.

- 121 **N** Vmero marginali: ubi ait plura Octaedra, seu Pyramides re-
plere locum: in quo omnes pariter expositores lapsi sunt.
- 124 Latitudinem figura, ait, causam esse supernatationis. & aquam
resistere simpliciter diuisioni.
- 136 Cometas in suprema aeris regione collocat; cuius contrarium ibi
lineari demonstratione ostenditur.
- 147 Ait Tanaim, & Indum oriri ex monte Paropamisso. &c.
- 148 Ait, tertia parte noctis Caucasii verticem illuminari à Sole.
- 149 Ait Danubium ex Pyreneo monte defluere.
- 150 Ait fluium quendam non minorem Rhodano in Liguria absorberi.
& iterum egredi.
- 152 Ait Rubrum mare parum Atlantico Oceano commisceri.
- 159 Zonam torridam inhabitabilem existimat.
- 164 Putat Iridis angulos non posse vnum supra alterum collocari, sed
tantummodo in orbem.
- 182 Rationes, quas in Parely dubitationibus affert, videntur inanes.
- 236 In subducendo cælestium orbium numero, memoria labitur.
- 243 Ait lineam O L, superare lineam L R, quantitate P L, ut in figura.
- 245 Remum ad vectem primi generis reducit.
- 246 Temonem navis reducit ad vectem primi generis.
- 247 In motu Remi collato cum motu Nauigij, à Nonio erroris manifestè
arguitur. eodem modo in motu Temonis.
- 250 Ait maioribus trochleis, aut rotulis facilius onera subleuari.
- 256 Reducit cuneum ad vectem primi generis.
- 270 Curres in vorticibus ad medium ferantur, veram causam assigna-
re non videtur.
- 275 Ait Danubium altero ramo in Mediterraneum, altero in Pontum
effluere.
- 293 Negat Araneum filum ab intrinseco emittere, Democritum iniuria
refellens. quamuis hoc ultimum ad Physicum pertineat.
- 403 Problem. 2. sect. 23. non benè videtur assignare causam variae im-
mersionis nauigij.

la cir-
lis, no-
intelli-
nismu
quadr
vt are
arez,
per qu
tia ci
quod
Qu
rema
ciend
pore
tis c
feste
hoc
rum
nus




L O C A
M A T H E M A T I C A
E X L I B R O
P R Æ D I C A M E N T O R V M
Per ordinem declarata.



X c. 3. De his, quæ ad aliquid. ubi ait (*Scientia verò si non sit, nihil prohibet esse scibile, ut circuli quadratura, si est scibilis, scientia quidem eius nondum est*) Cum velit Arist. ostendere, nō omnia correlatiua simul esse natura, id de scibili, & scientia variè probat, præsertim verò, quia multa sint scibilia, quæ tamen nondum sciuntur, ut patet, inquit, in Quadratura circuli, & scientia ipsius, quia quamuis ipsa circuli quadratura sit scibilis, nondum tamen simul cum ipsa, scientia illius extat. Quæ ut perfectè intelligantur, sciendum est, quadraturam circuli, quæ à Græcis tetragonismus dicitur, nihil aliud esse, quàm proposito cuilibet circulo exhibere quadratum æquale. Quæ æqualitas debet intelligi de areis, seu spatijs, ita ut area circuli, seu spatium illud, siue superficies illa circularis, sit æqualis areæ, seu superficiei quadratæ. Qua in re plurimi decipiuntur existimantes per quadraturam circuli inquiri æqualitatem linearum, ita ut circumferentia circuli debeat esse æqualis ambitui, seu quatuor lateribus quadrati: quod omnino falsum est.

Quadratio porrò circuli dupliciter proponi potest, vel tanquam Theorema, vel tanquam Problema (*theorema autem est propositio, in qua nihil faciendum proponitur; problema verò aliquid fieri exposcit*) neutrum autem tempore Arist. erat adinuentum nam theorema inuentum est post ipsum ducentis circiter annis ab Archimede: problema verò nondum à quoquam perfectè potuit reperiri. qua distinctione saluari possunt nonnulli, ut Boetius hoc loco, qui aiunt, se vidisse Demonstrationem quadraturæ huius, si nimirum intelligant theorema. & alij etiam verum asserunt, dum negant hæcenus repertam esse, si nimirum de problemate loquantur. theorema Archi-
E
medis

medis est propositio prima acutissimi libelli de Dimensione circuli; est autem huiusmodi. Quilibet circulus æqualis est triangulo rectangulo, cuius quidem semidiameter vni laterum, quæ circa rectum angulum sunt, ambitus verò basi eius est æqualis.




Sit, v.g. datus circulus, cuius semidiameter AB ; & fit triangulum rectangulum ABC , cuius angulus B , sit rectus, & latus BA , constituens angulum rectum B , cum basi BC , sit æquale semidiametro AB ; basis verò BC , sit æqualis peripheriæ eiusdem circuli dati. demonstrat iam ibi Archimedes acuta æquæ, ac evidenti demonstratione triangulum istud æquale esse circulo illi. quod perinde est, ac si ostendisset cuicumque quadrato sit æqualis, cum per ultimam 2. Eucl. possimus triangulo huic quadratum æquale construere, quod consequenter dato circulo æquale erit. Quod si in modum Problematis ita proponatur: Dato circulo æquale quadratum construere, nondum inuenta est ratio, quæ demonstratione confirmetur, quæ id geometricè penitus, hoc est ad æqualitatem mathematicam, seu exactissimam effici possit, totaq; difficultas posita esse videtur in inuestigando, quoniam modo exhibeamus lineam rectam BC , æqualem peripheriæ circuli dati. quam nullus hactenus geometricè illi æqualem potuit exhibere, atq; exhibita evidenti demonstratione comprobare; Quamvis Archimedes acumine sanè mirabili in lib. de lineis spiralibus, eam quoq; theorematice, non tamen problematicè inuestigavit. nam propositione 18. illius admirandi operis inuenit lineam rectam æqualem circumferentiæ primi circuli spiralis lineæ; propos. verò 19. reperit aliam rectam æqualem circumferentiæ secundi circuli. tu ipsum confule, si admirandarum rerum contemplatione delectaris. Multa hac de re Pappus Alexandrinus lib. 4. Math. coll. & Ioannes Buteco vnico volumine omnes quadraturas tam priscorum, quam recentiorum cõprehensus est. Quare qui plura cupit, eos adeat; nos tamen infra suis locis explicabimus tres illas celebres antiquorum Antiphontis, Brissõnis, & Hippocratis quadraturas, quamvis falsas, quarum sæpe meminit Arist. & alij. solet autem à nonnullis disputari, vtrum quadratura ista problematica sit possibilis, nec ne, cum videant eam à nemine, quamvis diu magno labore perquisitam, hactenus adinuentam esse. ego quidem esse possibilem existimo, quis enim dubitare potest, posse existere quadratum æquale circulo proposito? Quod si potest fieri, quare non etiam demonstrari? præsertim cum videamus ab Archimede iam inuentam esse, quatenus Theorema est. & præterea constet, Hippocratem quadrasse lunulam, vt suo loco dicemus, & Archimedem in libello de

Io de quadratura Paraboles, quadrasse ipsam Parabolem, quæ tamen duæ figuræ, lunula scilicet, & parabola sunt curuilineæ.

Ex cap. de Priori (*in scientijs demonstratiuis est prius, & posterius ordine*), ² *elementa enim priora sunt ijs, quæ describuntur, nam principia priora sunt theorematibus ordine*) verba illa, nam principia, &c. quæ non sunt in antiqua translatione desumpsimus ex castigatissimo græco codice editionis Francfordiensis, propterea quod totum hunc locum declarant; sunt autem ista, αἱ γὰρ ἀρχαὶ πρότερον τῶν θεωρημάτων τῇ τάξει. per scientias autem demonstratiuas intelligendas esse hoc loco ipsas Mathematicas ex eo patet, quod illis assignet Arist. Descriptiones; nam hoc verbo, Descriptiones, seufigurationes, solet ipse Mathematicas Demonstrationes innuere, quod in ipsisfigurationes, & Descriptiones adhibeantur, vt alijs locis patebit: idcirco verba illa à nobis addita ex græco, optimè præcedentia exponunt, cum per elementa intelligantur principia, qualia sunt initio Euclidis, & per descriptiones exponant theoremata. quod autem principia illa ordine priora sint demonstrationibus, siue ipsas præcedant, ex ipsa primi Euclidis inspectione patere potest.

Ex cap. de motu (*Quadratum augetur Gnomone circumposito*) Gnomon vox ³ græca inter alia significat instrumentum illud, quod Latini tum amussim,



tum normam appellant, Itali verò, Squadra, ad cuius similitudinem Geometra denominarunt figuram quandam, seu portionem cuiusvis parallelogrammi, vt videre est in definitione secunda 2. elem. & in præsentī figura, in qua quadratum ABCD, circumposito gnomone EFG, augetur, & fit maius quadratum HBI.

Idem etiam verum est in quadrato arithmetico, siue in numero quadrato: is enim pariter addito Gnomone augetur .i. addito numero impari: quemadmodum infra 3. Phys. tex. 26. fusè explicabimus.

Ex Primo Priorum resolutiorum.


⁴ **A**liquorum opinio est, Aristotelem hosce libros appellasse resolutorios, quod per illos doceat syllogismum, ac demonstrationem iam factam in sua immediata principia resolvere, quam opinionem meum non est, nunc refellere. persuasum tamen mihi est, rem multo aliter se habere, veram rationem huius tituli petendam esse ex penitiori Mathematicorum eruditione. Sciendum itaq; id, quod tradit Pappus Alex. initio septimi Mathem. collect. antiquissimos videlicet Geometras, Euclidem, Apollonium Pergæum, & Aristæum scripsisse libros de resolutione, in quibus ars tradebatur, qua proposito quouis theoremate, aut problemate possent facile ex eo, tanquam vero accepto inuestigare aliquam veritatem, per quam deinde componerent illius, quod quærebatur, Demonstrationem; inuestigationem illam appellabant resolutionem: compositionem verò nominabant discursum illū, quo ex vero illo per resolutionem inuento,

ostendebant conclusionem. Porro Diogenes Laert. huius resolutionis inuentorem facit Platonem: à quo eam Leodamas Thasius didicit, cuius beneficio, pluries deinde Geometricas demonstrationes adinuenit. definitio vtriusq; est apud Euclidem ad primam propos. 13. Elem. iuxta translationem Zamberti, & Commandini; vbi etiam quinq; priora theoremata, primò per resolutionem, deinde per compositionem demonstrantur, quæ tanquam perspicua exempla rei propositæ inseruire possunt. sunt præterea frequentes huiusmodi resolutiones in operibus Archimedis, Apollonij, & Pappi. extat adhuc liber Datorum Euclidis, qui geometricis resolutionibus inseruiebat. vtinam extarent etiam alij de resolutione, quorum auxilio non tantopere recentiores Mathematici in inueniendis Demonstrationibus laborarent; hanc resolutionem, sic Pappus fusiùs, quam Euclides explicat; resolutio est via à quæsito tanquam concesso per ea, quæ ex ipso consequuntur ad aliquod certum, & concessum: in resolutione enim id, quod quæritur tanquam factum, & verum supponentes, quid ex hoc sequatur, consideramus, quousque incidamus in aliquod iam cognitum, vel quod sit è numero principiorum. Quod quidem erat signum euidens, quæsitum quoque verum esse. eadem omnino habet Proclus in comm. ad sextam primi elem. Quod porro Arist. ipse hanc resolutionem Mathematicam cognouerit esse mediij inquisitionem manifestum est ex cap. 3. lib. 3. Ethyc. vbi sic ait (*Qui enim consultat, querere videtur, & resolvere prædicto modo, quemadmodum designationes*) vbi per designationes intelligit Geometricas demonstrationes, vt supra inuimus, & infra probabimus; cum ergo consultatio nihil aliud sit, quam mediij idonei ad finem in rebus agendis inquisitio, eamque dicat esse similem resolutioni Geometricæ, manifestum est, ipsam quoq; resolutionem esse mediij in rebus speculatiuis idonei peruestigationem. Existimo igitur cum doctissimis Zabarella, Burana, Toletò, & alijs, Aristotilem non solum hanc suam logicam ad mathematicarum scientiarum typum compegisse, verum potius imitatum esse opus illud Euclidis de resolutione, atque ex eo non solum plurima exempla Geometrica, verum etiam titulum desumpsisse, præsertim cum argumentum esset ferè idem vtrobique, sed Arist. intentio fuerit accommodare resolutionem omnibus sciètijs; Euclidis verò, & aliorum Geometriæ soli. hinc patere potest, cur hi libri resolutorij inscribantur, quod scilicet tradunt methodum, qua valeamus quæsitum quoduis resolvere, id est, ex quæsito tanquam vero inuestigare aliquam veritatem, per quam deinde propositæ quæstionis rationem methodo compositiua reddamus. Et verò cum reliquas appellationes Problematis, Theorematis, Propositionis, definitionum, postulatum, axiomatum, & alia huiusmodi ex Geometricis ad omnes scientias transtulerit, quid ni etiam resolutionem? maximè verò, quia si horum lib. intentio esset docere iam factum syllogismum in sua principia resolvere, parum esset utilis; imò nec utilis, sed superfluum quid. at verò vbinam docuit hanc resolutionem? profecto nullibi. quid opus est iam factum syllogismum resolvere? at verò propositam quæstionem resolvere veterum mathematicorum more, hoc opus, hic labor est.


Hanc porro resolutionem attendendam esse primò penes formam, quam docet primis duobus analyticis; secundò penes materiam, quam tradit duobus

bus vltimis, non prætereundum. reliquas duas logicæ partes, Topicam scilicet, & Elenchos, quæ syllogismos probabilem, & apparentem docent, noluit appellare resolutorios, quamvis inuentionem mediorum doceant, quia iam mos iste inoleuerat apud Philosophos, & Mathematicos, vt illa sola pars, quæ ex materia necessaria doceret syllogismum demonstratiuum construere, diceretur resolutio: cum Mathematici, qui primi de resolutione scripserunt, talem materiam solum considerent.

Ex cap. 23. secti primi lib. 1. (*Vt quod diameter incommensurabilis eo, quod imparia æqualia paribus fiant, si fuerit posita commensurabilis. æqualia igitur fieri imparia paribus ratiocinantur, diametrum verò incommensurabilem esse ex suppositione monstrat, quoniam falsum accidit propter contradictionem*) Euclides primis duabus definitionibus 10. elem. definit, quæ nam sint magnitudines commens. & quæ incommens. sic; commens. magnitudines dicuntur, quas




eadem mensura metitur, vt si fuerint duæ magnitudines, A, & B, quas eadem mensura C, idest quantitas C, metiatur, idest quætitas C, applicata quantitati A, & per ipsam aliquoties replicata ipsam adæquatè absumat, vt si linea C, quinquies super lineam A, replicata eam præcisè, & perfectè omninò




adæquaret: & eadem linea C, applicata lineæ B, & super illam ter, v.g. repetita ipsam consumeret, diceretur vtranz; metiri, & proinde duas lineas A, & B, esse commens. definit postea incommens. hoc modo, incommens. autem, quarum nullam contingit communem mensuram reperiri; vt si duarum linearum, A, B, nunquam posset reperiri aliqua mensura, quæ vtranz; adæquatè metiretur, v. g. si linea C, mensuraret A, quater sumpta, ter autem sumpta non adæquaret omnino lineam B, sed deficeret, vel excederet aliquantulum, atq; hoc fieret in quauis alia mensura, loco ipsius C, assumpta, siue maior, siue

minor ipsa C, vt vtranz; nunquam perfectè metiretur, essent duæ illæ lineæ incommens. Extare porrò tales lineas, & superficies, & corpora, eaq; quamplurima, ac penè infinita ex 10. Elem. manifestum est. inuentum autem huius asymmetriæ, quod Pythagoricis veteres attribuunt, mihi semper visum est omni maius admiratione, cum nulla experientia, nullusq; effectus in ipsius cognitionem potuerit priscos illos Geómetras inducere. Quapropter non immeritò diuinus ille Plato lib. 7. de legib. huius asymmetriæ ignorantiam censuerit. inter lineas incommens. sunt diameter, & latus eiusdem quadrati, quia nulla potest reperiri mensura quantumuis exigua, vti



est lineola E, in præsentī quadrato, etiamsi illam in infinitum subdiuidas, quæ vtranz; lineam, diametrum scilicet A C, & latus quoduis ex quatuor, v.g. latus B C, præcisè omnino metiatur. theorema istud demonstratur in vltima 10. Elem. eodem medio, quod ab Aristotele hic innuitur; Euclides ex suppositione alterius partis contradictionis ipsius propo-

propositionis, quæ falsa est, nimirum supposito prædictas lineas esse comm. deducit ad impossibile, siue, vt ait hic Arist. falsum ratiocinatur, quod scilicet idem numerus esset par, & impar, quod Arist. significat, quando ait, imparia æqualia paribus fiunt. ex quo absurdo deducitur falsam esse prædictam suppositionem, quæ astruebat esse comm. & proinde altera pars contradictionis, quæ est, esse incomm. vera astruitur. ex quibus satis videtur explicari hic locus. videas igitur, quàm leuiter nonnulli nostræ tempestatis ageometreti istud exponant, dicentes diametrum esse incomm. costæ, nihil aliud significare, quam diametrum esse longiorem costæ, qua expositione nihil ineptius. Aduerte tandem figuram vulgatæ editionis esse ineptam, cum habeat duo quadrata alterum super diametro alterius, quorum maius superuacaneum est.

6 Et cap. 24. secti primi libri primi (*Sed magis efficitur manifestum in descriptionibus, vt quod æquicruris, qui ad basim æquales sint, ad centrum ductæ AB, AC, si igitur æqualem accipiat AG, angulum ipsi ABD, non omnino existimans æquales, qui semicirculorum, & rursus G, ipsi D, non omnem assumens eum, qui secti. amplius ab æqualibus existentibus totis angulis, & ablatorum æquales esse reliquos E, F, quod ex principio petet, nisi acceperit ab æqualibus demptis æqualia derelinqui.*) Primum scias characteres vulgatæ editionis, vna cum figura ipsis respondente, esse mendosos; propterea ex textu græco vtrunque corrigendum putavi in hunc, quem vidisti modum. Secundo, per descriptiones Arist. intelligere demonstrationes Geometricas supra diximus, quod ex hoc loco euidenter confirmatur, vbi manifestè loco descriptionis supponit linearem demonstrationem. In hoc itaq; exemplo vult Arist. illud demonstrare, quod Euclides in 5. primi ostendit, alio tamen modo, scilicet Isosce-


 lium triangulorum, qui ad basim sunt anguli, inter se sunt æquales. est autem figura in omnibus textibus deprauata, quam sic puto restituendam esse ex quodam græco codice, qui characteres hoc modo apposuerat. sit Isosceles C A B, cuius basis C B, Dico angulos supra basim, in quibus literæ E F, esse inuicem æquales. facto centro in A, describatur circulus A B C, transiens per puncta C B, iam sic. omnes anguli semicirculi sunt æquales inter se, ergo anguli A C G, A B D, sunt æquales. Præterea cum anguli eiusdem sectionis sint æquales ad inuicem, erunt anguli sectionis C B D G, nimirum anguli, in quibus sunt G, & D, inter se æquales: cumq; hi duo anguli sectionis sint partes angulorū semicirculi A C G, A B D, si illi ab his auferantur, auferuntur æquales anguli ab æqualibus angulis, ergo anguli, qui remanent, scilicet E, & F, erunt æquales, quod erat demonstrandum. hinc Arist. infert manifestum esse oportere in omni syllogismo, reperiri vniuersales, & affirmatiuas propositiones, vt factum est in præcedenti aliter esset petitio principij. Quenam vero sit æqualitas, quam Geometra considerant, infra cap. 1. secti 3. explicabitur.


7 Ex cap. 2. secti 2. lib. 1. (*Secundum veritatem quidem ex ijs, quæ secundum veritatem describuntur inesse, ad dialecticos autem syllogismos ex propositionibus secundum opinionem*) verba illa; ex ijs, quæ secundum veritatem describuntur inesse;

inēſſe; ſic græcè, ἐκ τῶν κατὰ ἀληθείαν διαγεγραμμένων, vbi manifeſtè vtitur verbo, Deſcribere; per quod ſuperius annotauimus apud Ariſt. ſignificari Geometricas demonſtrationes, nam eas opponit dialecticis ſyllogiſmis, ſequentibus verbis, cum dixit (ad dialecticos autem ſyllogiſmos ex propoſitionibus ſecundum opinionem) hac adhibita conſideratione, quam interpres non videtur adhibuiſſe, ſenſus huius loci non erit obſcurus.


Ex eodem loco paulo poſt (*Quare principia quidem, quæ ſecundum vnum quodq; ſunt experimenti eſt tradere: dico autem, vt aſtologicam experientiam, aſtologica ſcientia: acceptis enim apparentibus ſufficiēter, ita inuenta ſunt aſtologica demonſtrationes*) Cum rationem tradat inueniendorum mediolorum ad quodlibet problema demonſtrandum; nunc docet, non omnia in ſcientijs poſſe probari, aut demonſtrari: principia enim ſcientiarum nō demonſtrantur, ſed ſola experientia manifeſta ſunt; vt patet in Aſtronomia, quæ ab experientia ſua ſolet ſtabilire principia: principijs autem experimēto conſtitutis ex ipſis reliqua problemata demonſtrātur. duo autem ſunt apud aſtronomos genera experimenti, primum dicitur Phænomena, id eſt, apparētiæ; & ſunt ea, quæ vulgo omnibus patent, vt Solem oriri, & occidere; aſtra ferri circulariter, diem augeri modo, modo minui: & his ſimilia. alterum genus dicitur obſervationes, quæ tantummodo aſtronomiæ peritis per obſervationem innotescunt, vt Solem inæqualiter ferri proprio motu per Zodiacum; aliquando maiorem, aliquando minorem videri; plures dies immorari citra æquatiorem in parte Zodiaci boreali, quam in altera vltra æquatorem aſtrali. dies naturales eſſe inuicem inæquales, &c. ex quibus deinde ponunt eccentricos, & augem, ad ſaluandas tum apparentias, tum obſervationes; & hac ratione aſtologica ſcientia paulatim reperta eſt, ac in dies reperitur.

Ex cap. 3. ſecti 2. lib. 1. (*Vt an ne diameter incomm.*) loquitur de aſymmetria diametri, & coſtæ eiſdem quadrati, de qua fuſè egimus ſuperius in cap. 23. ſecti 1. huius libri; quæ ſi repetantur, optimè hunc locū declarant.

Ex cap. 1. ſecti 3. lib. 1. (*Sit A, duo recti, in quo B, triangulus, in quo C, æquicus, ipſi itaq; C, ineſt A, per B; ipſi vero B, non amplius per aliud, per ſenamque triangulus habet duos rectos*) nullum aliud exemplum tam frequenter uſurpat Philoſophus, quam iſtud ex Mathematicis deſumptum de triangulo, ſcilicet, omnis triangulus habet tres angulos æquales duobus rectis angulis, cuius Demonſtratio eſt in 32. primi Elem. quod, vt probè intelligatur, explicandum eſt penes quid attendenda ſit æqualitas inter angulum, & angulum, quod facile aſſequemur, ſi meminerimus angulum eſſe inclinationem illam, quam duæ lineæ non in directum poſitæ faciunt: ſiue etiam (vt melius percipiamus) angulum eſſe acumen illud, ſiue mucronem illū, quem duæ lineæ non in directum conſtitutæ faciunt, vt duarum linearum A B, A C, inclinatio in puncto A, ſiue acumen illud, ſiue mucro, eſt ratio anguli. ſolum igitur duo anguli erunt æquales, quādo vnius acumen æquale erit acumini alterius; etiam ſi lineæ conſtituentes vnum angulum ſint longiores lineis alterum angulum conſtituentibus, quia quantitas anguli non attenditur penes longitudinem lineæ.



linearū, sed penes inclinationem, & mucronem, quem faciunt: vnde etiam si duæ linearū prædictæ A B, A C, productæ, siue etiam decurtatæ fuerint, dummodo situs, siue positio ipsarum, quam ad inuicem habent, non varietur, erit semper eadem quantitas anguli A. Aduertendum præterea rationem anguli non posse saluari in solo puncto A, in quo linearū concurrunt, sed necessariam esse aliquam quantitatem, quamuis exiguam, linearum A B, A C. Notandum etiam, quod in nominatione angulorum, quæ sit per tres litteras, semper litteram illam esse medio loco proferendam, quæ ad acumen ipsum posita est, vt in superiori, littera A, debet semper media proferri, dicendo angulum B A C, siue C A B, nūquam tamen licet dicere angulum A C B, vel C B A. Porro quemadmodum vnus angulus vni angulo æqualis est, ita aliquando duo anguli sunt vni angulo æquales, vt patet, si vnus angulus, v.g. angulus B A C, diuidatur in duos angulos à linea A D. tunc enim duo anguli partiales B A D, D A C, erunt æquales totali angulo B A C, cum partes omnes simul sumptæ sint suo toti æquales. pariter tres anguli possunt æquari & vni, & duobus alijs angulis, quando nimirum acumina, siue mucrones illi simul ad vnum punctum constituti adæquarētur mucroni illi, quem constituerent alij duo anguli, quibus illi tres sunt pares, v.g. sint tres anguli trianguli A B C, sintq; alij duo anguli recti, quos linea perpendicularis D E, facit cum linea F G; sit inquā anguli recti D E F, D E G, tunc tres anguli illius triaguli dicētur æquales duobus hisce rectis, si tres illi mucrones trianguli simul sumpti, & vniti ad punctum E, ad quod duo quoq; mucrones angulorum rectorum coeunt, congruent omnino duobus prædictis angulis rectis, siue duobus illis mucronibus angulorum rectorum, siue constituent lineam rectam F E G, sicuti faciunt etiam duo illi anguli recti; siue etiam dicamus, occupabunt idem spatium omnino, & præcisè, quod occupant duo recti: v.g. si mucro B, ibi poneretur, faceret angulum F E H, & si ibi iuxta ipsum apponeretur mucro A, faceret angulum H E I. quem si deinceps subsequetur reliquus angulus C, constitueret reliquū angulum I E G. iam, vt vides, illi tres anguli ad E, translati, sunt æquales duobus rectis ad E, pariter constitutis, cum illi tres fiant partes duorum rectorū, vel quia occupant idem spatium, vel eandem lineam rectam F E G, constituent. habet igitur omne triangulum siue æquilaterum, siue scalenum, siue isosceles mirabilem hanc proprietatem, vt tres anguli, cuiusvis trianguli sint æquales duobus rectis angulis. Quam demonstrationem primi omnium Pythagorici perfecerunt, vt refert Proclus ad 32. primi Elem. Euclides deinde ibidem aliter, quam Pythagorici idem demonstrauit. Quod si quis huius rei experiētiam aliquam velit; etiam si non exactam (cum æqualitas mathematica non cadat sub sensum, sed sola intelligentia percipiatur, quippe quæ in materia intelligibili, non autem sensibili versatur, & cuius æqua-




æqualitas nullum discrimen, quantumuis minimum admittat, quod sensui vitare ob sui imperfectionem non licet: vnde inter ea, quæ mathematicè sunt æqualia, nullus intellectus aliquam valeat reperire differentiam) sumat inquam triangulum quodpiam materiale, vt ex charta, quantum fieri potest perfectum, deinde ducat lineam vnā perpendicularem super aliam, quæ scilicet faciat, cum illa duos angulos rectos, postea abscindat tres angulos trianguli materialis, eosq; ita simul componat, vt mucrones illorum sint vniti, & contigui ad punctum lineæ perpendiculis cum altera, vti est in superiori figura punctum E; & illicò apparebit tres illos angulos materiales obtegere adæquatè totum illud spatium duorum rectorum, quos perpendicularis constituit. Hoc autem experiri poteris in diuersis admodum triangulis Scalenis, Rectangulis, Isoscelibus, Aequilateris, &c. non sine delectatione, atque hic est sensus illorum verborum, omnis triangulus habet tres æquales duobus rectis. Abstineo à demonstrationibus geometricis, quoniam ij, qui Mathematicis sunt imbuti, nostra hac opera parum indigent. si quis tamen volet, consulat 32. primi Elem. Ex hac igitur declaratione licet cognoscere nonnullos ægeometretos locum hunc, & similes subsequentes non satis intelligere, dicentes, nihil aliud verba illa Arist. velle significare, quam omnem triangulum habere tres angulos, quod inquit, notissimum est. Sed si incidant in sequentia; æquales duobus rectis, tunc, cum hæc non intelligant, abstinere etiam à priorum declaratione, quibus præmissis facile est Arist. textum percipere. sit A, duo recti, idest, duo anguli recti sint passio demonstranda, in quo B, triangulus, in quo C, æquicrus. ipsi itaque C, idest triangulo æquicrussi, inest A, scilicet duo recti, hoc est, inest æquicrussi hæc, passio habere tres angulos æquales duobus rectis per B, idest per triangulū vniuersale, quia hæc proprietas est trianguli propria, & cōpetit æquicrussi, non vt æquicrus est, sed, vt triangulum est; quare B, non erit medium ipsius A, quia prædicta passio A, non competit triangulo B, per aliud, sed per se, de eo enim primo, & per se demonstratur in 32. primi Elem. optimè Aegydius, & Niphus in hunc locum.

Ex eodem cap. (Non oportet autem existimare penes id, quod exponimus, aliquid accidere absurdum, nihil enim vtitur eo, quod est hoc aliquid esse. sed sicut Geometra pedalem, & rectam hanc, & sine latitudine dicit, quæ non sunt. verum non sic vtitur, tanquam ex his ratiocinans) Quoniam Arist. in exemplis affert pro rebus characteres, A, B, C, posset quispiam suspicari aliquod propterea absurdum accidere: cui suspicioni Arist. respondet, dicens, nihil inde absurdi accidere posse, quoniam ipse vtitur hisce literis, nō quatenus literæ sunt, sed quatenus rerum vicem, pro quibus exponuntur, gerunt: quemadmodum etiam Geometra faciunt, qui lineam, quæ pedalis non est, pedalem, & quæ non est recta, rectam; & quæ lata est, non latam, supponunt, & tamen nihil inde absurdi contingit. Ex quibus intelligimus per lineas illas sensibiles, & phycas, quas Geometra in suis figuris ducunt, intelligendas esse lineas verè Mathematicas omni latitudine carentes; vtitur enim inquit Arist. Geometra lineis phycis, non tanquam phycis, nec de eis tanquam de phycis lineis ratiocinatur, sed ijs vtitur tanquam verè mathematicis. idem dicendum est de superficiebus, necnon de corporibus, quæ iisdem Geometra describunt, vt per ea, de verè mathematicis discurrant. F Ex

Ex Libro secundo Priorum.


- 12 **E**X cap. 21. (*Quod faciunt, qui coalternas putant scribere, latent enim ipse se ipsos talia accipientes, quæ non est possibile monstrare non existentibus coalternis*) Vult Arist. exemplo mathematico explicare, quid sit petitio principij. vbi per coalternas intelligit parallelas lineas, vox enim græca *παράλληλος*, idem significat, ac mutuus, & coalternus. quoad exempli explicationem vtor figura textibus apponi solita, quæ est præsens. probat Euclides in 28. primi Elem. quod si linea recta quædam, vti EF, cadens super duas rectas, vti sunt AB, CD, fecerit angulos alternos æquales, angulos nimirum AGH, GHD, ij enim dicuntur alterni; siue alios duos, nimirum BGH, GHC, hi enim sunt quoq; alterni; probat inquam has duas lineas AB, CD, esse inuicem parallelas. Iam si quis vellet probare, se duas parallelas duxisse, hac ratione, quia scilicet faciunt prædictos angulos alternos æquales; & probaret facere angulos alternos æquales, quia sunt parallelæ, hic peteret principium, idest, illud, quod principio probandū erat, afferret pro ratione, & causa, quod dicitur peti principium, quia tunc petimus, vt concedatur nobis, id, quod principio, & primo omnium demonstrare proposueramus. aduerte, quod characteres, qui sunt in sequentibus verbis huius loci, non appellant characteres figuræ appositæ; in quo quidam decepti, nullo pacto poterant locum hunc intelligere.



- 13 Ex cap. 22. lib. 2. Priorum (*Vt si volens monstrare, quod diameter est incommens. argueret Zenonis rationem, quod non est moueri*) superius secto 3. lib. 1. fusè explicauimus hanc asymmetriam, quam si quis vellet demonstrare eadem illa ratione, qua Zeno motum impugnabat, quia scilicet mēsurā communis, quæ debet vtramq; quantitatem mēsurare, debet in mēsurando infinitas partes pertransire, nimirum medietates medietatum in infinitum, est autem impossibile pertransire infinitas huiusmodi partes, & propterea non poterit mētiri, neq; vnam, neq; alteram ex quātitatibus, quæ putantur commensurabiles, afferret hic, inquit Arist. non causam pro causa.
- 14 Ex eodem cap. (*Quoniam idem vtiq; falsum per plures petitiones accidere, nihil fortasse inconueniens, veluti coalternas coincidere; & si maior est extrinsecus angulus intrinseco; & si triangulus habet plures rectos duobus*) per plures positiones subaudi falsas. per coalternas intellige lineas æquidistantes, seu parallelas, vt in superiori cap. monuimus. Cæterum Euclides propos. 28. primi Elem. ostendit, quod si fuerint duæ parallelæ veluti in præcedenti figura, AB, CD, super quas alia recta EF, incidat, necessario faciet angulum extrinsecum EGB, v. g. æqualem interno, & opposito, & ad easdem partes, angulo videlicet GHD. si ergo inquit Arist. supponamus istud falsum, angulum scilicet EGB, externum esse maiorem angulo interno GHD, sequitur etiam falsum, videlicet lineas æquidistantes AB, CD, concurrere. & probatur consequentia hoc modo, quia si angulus EGB, maior est angulo GHD,

GH D, apposito utiq; communi angulo B G H, erant primum duo anguli E G B, B G H, maiores, quam sint duo B G H, G H D, quia si inæqualibus æqualia addantur, tota erunt inæqualia, ut prius per 4. axioma: hoc loco communis angulus additur semel maiori angulo, & semel minori; & ideo totum illud, in quo est maior angulus, adhuc maius est altero toto, in quo minor angulus continetur. at illi duo E G B, B G H, per 13. primi, sunt æquales duobus rectis angulis, ergo duo quoq; recti erunt maiores duobus internis B G H, D H G, siue hi duo interni erunt minores duobus rectis. At quando hi duo interni sunt minores duobus rectis, tunc lineæ A B, C D, sunt concurrentes, si protrahantur ad partes prædictorum angulorū. quod P. Clavius luculenti, & hætenus desiderata demonstratione ad 28. primi demonstravit. Atq; hoc pacto ex prima falsa suppositione, nimirum angulum illum externum esse maiorem interno, & opposito; sequitur falsum, nimirum lineas parallelas concurrere.

Præterea si supponamus aliam falsitatem, scilicet triangulum habere tres angulos maiores duobus rectis, sequetur eadem iterum falsitas, scilicet parallelas coïncidere, & probatur sic; sint enim triânguli A B C, tres anguli maiores, quam duo recti anguli, & per punctum C, ducta sit recta C D, parallela lateri B A. quia ergo angulus A, æqualis est angulo sibi alterno A C D, per 29. primi, & quia totalis angulus B C D, æqua-



lis est duobus angulis B C A, A C D, quos tanquam suas partes adæquatas continet, quorum alter, scilicet A C D, est æqualis angulo A. erit idem totalis angulus B C D, æqualis duobus angulis A, & A C B, triânguli propositi. ergo totus iste angulus B C D, simul cum reliquo triânguli angulo B. conflabit compositionem ex tribus angulis triânguli dati: & consequenter talis compositio trium angulorum erit maior, quam sint duo anguli recti. ex quo sequitur duas rectas B A, C D, super quas cadit linea B C, faciens duos angulos internos, & ad easdem partes, scilicet A B D, maiores duobus rectis non esse parallelas, sed concurrentes (ut patet ex nuper citata demonstratione P. Clavij). quod falsum est. & sequitur ex secunda falsa suppositione. ex quibus textus Arist. videtur satis clarus.

Ex cap. 26. (*Ut si A, duo recti, in quo autem B, triangulus, in quo vero C, sensibilis triangulus, suspicari namq; posset aliquis non esse C, sciens, quod omnis triangulus habet duos rectos: quare simul noscet, & ignorabit idem. nosce enim omnem triangulum, quod duobus rectis, non simplex est: sed hoc quidem eo, quod uniuersalem habet scientiam: illud autem eo, quod singularem. sic igitur, ut uniuersale nouit C, quod duo recti; ut autem singulare non nouit, quare non habebit contrarias*) vide, quæ diximus lib. 1. secto 3. cap. 1. ex quibus quidquid Mathematicum est hic, clarum redditur. reliqua verò, quæ ad Logicum spectant, huius loci commentatores prosequuntur.



In cap. 31. de Abductione.

Notandum hic cum eruditissimo Burana, Abductionem hanc, de qua in hoc cap. agitur esse vocem mathematicam, eamq; Arist. quemadmodum multa alia à Mathematicis mutuatum ad omnes alias scientias transtulisse. esse

autem terminum mathematicum colligitur manifestè ex Proclo, qui lib. 3.^o in comm. Elem. Euclidis ad primam propositionem primi Elementi, pag. 121. sic ait, Abductio verò est transitus à proposito problemate, vel theoremate ad aliud, quo cognito, aut comparato Propositum quoque perspicuum est. Exempli causa, cum cubi duplicatio proposita esset ad inuestigandam quæstionem in aliud transulere, quod illud propositum consequitur, ad duarum nempe mediarum linearum inuentionem translata est quæstio, & sic quærebant deinceps, quonam modo datis duabus rectis lineis, duæ media proportionales reperirentur. Primum autem dicunt Hippocratem Chium prædictorum titulorum, Abductionem fecisse, qui & lunulæ quadratum fecit æquale, & alia multa in Geometria inuenit. hæc Proclus. ubi non dissimulandum nos restituisse verbum, Abductionem, cuius loco interpretes Procli vititur inductionis voce, sequuti & rationem, & græcum textum, qui nostram hanc expositionem euidenter postulat, ἀπαγωγή enim valet & inductionem, & abductionem, sed abductio omnino rei propositæ quadrat.

Notandum præterea Hippocratem Chium fuisse auctorem huius Abductionis, cumq; fecisse Abductionem à proposito Problemate quadrandi circuli, unde manifestè apparet, Aristotelem ex Mathematicis hunc terminum mutuò accepisse, quandoquidem ex iisdem accepit etiam exemplum Abductionis Mathematicæ, imò etiam exemplum ipsius authoris Abductionis Mathematicæ. syllogismus autem Hippocratis, quo ostendebat circuli quadraturam reducebatur ad has propositiones, omnis rectilinea figura quadratur, sed circulus reducitur ad figuram rectilineam, ergo circulus quadratur. in probatione minoris facta est Abductio, cum enim ipse vellet rectificare circumferentiam circuli per lunulas, nec valeret, alij per lineam quandam quadratricem, ut est apud Pappum Alexandrinum, & apud P. Clavium in fine sexti Elem. & alij aliter frustra conarentur, facta est Abductio circa probationem minoris, in qua adhuc Mathematici versantur; quæ probatio, si tandem inueniri posset, mox sequeretur principale propositum problema, nimirum circulus quadraretur; vide quæ scripsimus in cap. 3. Prædicam. de hac re, quia plurimum hunc conferunt. sed iam ad textus explanationem veniamus.

- 17 Ex eodem cap. (Veluti si K , esset quadrati, in quo autem E , rectilineum, in quo vero F , circulus, si ipsius EF , vnum solum esset medium, hoc, quod est, cum lunulis æqualem fieri. circulum rectilineo, esse posset prope ipsum cognoscere, cum vero BC , neque credibilis sit, quam AC , neq; pauca media, non dico Abductionem: neq; quando BC , sit immediatum, tale enim scientia est) Aduerte figuram vulgatæ editionis esse mendosam, & præterea restituendam esse, qualis prima sequens ex Simplicio ad tex. 11. primi Physic. hoc modo Hippocrates Chius conabatur circulum ad quadratum redigere; sit circulus $ABGC$, quadrandus; constituatur itaq; super diametro eius BC , quadratum $BCDF$, cuius diameter BD , secatur bifariam in G , à circumferentia circuli dati, quod patet ducta semidiametro HG , perpendiculari ex BC , quæ suo extremo puncto G , secat bifariam, & diametrum BD , & circumferentiam BGC . facto ergo centro G , describatur alter circulus per puncta $BCDF$, connectaturq; recta GC . in triangulo orthogonio BCD , latus BD , subtenditur angulo



angulo recto C, ergo quadratum eius ex corollario 47. primi, duplum erit quadrati B C, quare etiam circulus B C D F, duplus erit circuli A B G C, per 2. duodecimi, & semicirculus B C D, duplus erit semicirculi B A C: & quadrans B E C G, æqualis erit semicirculo B A C: ablato igitur communi segmento B E C H, remanet lunula B A C E, æqualis triangulo B C G, quod triangulum si per vltimam secundi quadretur, erit lunula B A C, consequenter quadrata. hucusq; bene procedit Hippocrates. sed vt reliquum circuli quadret, sic pergit, ponatur recta L M, dupla ipsius B C, supra quam semicirculus describatur

L O M, cui inscribatur hexagoni æquilateri dimidium L Q S M, & super tribus hexagoni lateribus, sint tres semicirculi, vt in figura. & quoniam diameter L M, dupla est vniuscuiusq; diametrorum B C, L Q, Q S, S M, erit semicirculus L O M, æqualis quatuor semicirculis prædictis per 2. duodecimi, & per 4. secundi ablati igitur tribus segmentis com-


munibus L N Q, Q O S, S P M, relinquetur trapezium L Q S M, æquale semicirculo B A C, & tribus lunulis L H Q N, Q R S O, S X M P, abscindantur itaq; detrapezio tria triangula æqualia tribus lunulis, eo modo, quo supra in prima figura factum est, & quod relinquetur æquale erit semicirculo B A C. quod deinde quadretur per vlt. secundi, sed aduerte, quod quando ait, abscindantur de trapezio tria triangula æqualia lunulis, eo modo, quo supra, committit deceptionem, quia eodem modo, quo supra minimè id facere possumus, quia in superiori figura triangula erant constituta super latus B C, quadrati B C D F, intra circulum descripti, qui circulus facit cum B C, maius segmentum, quam faciat semicirculus L O M, cum lateribus L Q, Q S, S M. & propterea semicirculus iste non habet eandem proportionem ad vnamquamque lunularum suarum, quam habet semicirculus superior B C D, ad lunulam B A C E. atq; hæc est fallacia, quam authorem suum minimè latuisse putandum, cuius Arist. sæpius mentionem in sequentibus faciet: qui enim fieri potest, vt tam acutus inuentor, adeo manifestum errorem non vidisset, verum propter adinuenti excellentiam, authori suo placuit paralogismus. mirabilis tamen semper habita est illa superior lunula quadratio. Ex quibus satis clara esse possunt ea, quæ ad Mathematicum pertinent, ad locum hunc de Abductione declarandum. facta est igitur abductio ab Hippocrate in quadratione trium posteriorum lunularum, in quarum quadratione diu immoratus, nunquam nisi cum paralogismo quadrare valuit. Hæc pluribus, vt sequentibus etiam textibus, in quibus huius tetragonismi fit mentio satisfacere possumus. Hippocrates iste Chius est alter ab illo

ab illo Hippocrate Coo medicorum Magistro, vt colligitur ex Alexandro Aphrod. in Primum Meteororum de Cometis.

Ex Primo Posteriorum resolutoriorum.

18 **T**extu primo (*Omnis doctrina, & omnis disciplina discursiua ex præexistenti fit cognitione. manifestum autem hoc speculantibus in omnibus, Mathematicæ namq; scientiarum per hunc modum accedunt*) quo modo Mathematicæ fiant ex præcedenti cognitione, scilicet Principiorum perspicue quilibet videbit, qui saltem primum Elementorum Euclidis, vel è ianuis inspexerit; præcedunt enim primo principiorum tria genera, quorum primum continet definitiones subiecti Geometriæ, vt definitiones lineæ, superficiei, trianguli, &c. Secundum continet Postulata. Tertium Axiomata, seu communes omnium conceptiones, & sententias, ex quibus tanquam ex vberimis, & christallinis fontibus Demonstrationes Geometricæ deriuantur. Idem videre licet in operibus aliorum Geometrarum, Archimedis, Apollonij, Pappi, & cæterorum. Aliæ similiter mathematicæ, vt Arithmetica, Perspectiua, Musica, Mechanica, Astronomia, non nisi ex præmissis, ac manifestissimis principijs suas demonstrationes deducunt. Nulla porro alia scientia tam distinctè sua præmittit principia, tamq; perspicua, sicuti Mathematicæ, vt non immeritò Philosophus eas, tanquam veræ scientiæ typū, eumq; omnibus numeris absolutum sibi ob oculos proposuerit, ex quo veræ scientiæ descriptionem hisce libris complecteretur.

19 **Tex. 2.** (*Quod enim omne triangulum habet duobus rectis æquales, præscit: quod autem hoc, quod est in semicirculo triangulum est, simul inducens cognouit*) vide primo, quæ supra libro 1. Prior. secto 3. cap. 1. explicauimus de angulis trianguli. deinde scias, quod quando Arist. ait, hoc, quod est in semicirculo triangulum, &c. alludit ad demonstrationem quandam, quam ipse inferius in exemplum adducet, & quæ est in 3. Elem. Euclidis 31. in qua talis figura proponitur qualis est præsens, in qua vides triangulum ABC . in semicirculo. tunc autem dicitur triangulum in semicirculo, quando basis ipsius est diameter semicirculi, & reliqua duo latera ita concurrunt simul in angulum B , vt ipsum pariter in circumferentia constituent, quibus præmissis sic textum explicaueris: quod enim omne triangulum habet tres angulos æquales duobus rectis angulis præscit vniuersaliter per 32. primi; quod autem hoc particulare triangulum ABC , quod est in semicirculo habeat eandem proprietatem, simul, ac quispiam animaduertit illud esse triangulum cognoscit, absq; vlla demonstratione, sed solum virtute illius maioris propositionis; omne triangulum habet tres, &c.



20 **Tex. 5.** (*Vera quidem igitur oportet esse, quoniam non est non ens scire, vt quod diameter sit commensurabilis*) consule ea, quæ scripsimus ad cap. 23. primi Priorum, secto 1. sine quibus locus hic satis intelligi nequit; ijs autem perceptis sic locū hunc explicare possumus, cum diameter quadrati sit incommensu-

inmensurabilis lateri sui quadrati, falsum erit dicere diametrum esse commensurabilem prædicto lateri, quod autem falsum est, illud non est; igitur impossibile est scire diametrum esse commensurabile.

Hoc eodem cap. plura dicuntur de Principijs Demonstrationis, siue scientiæ, vt sunt Dignitates, Positiones, Definitiones, & similia, quæ quo modo se habeant, & quo modo illis Demonstrationes innitantur, optimè ex contemplatione primi libri Elem. Euclidis percipi potest. vt propterea benè insentiant, inter quos præcipui sunt Toletus, & Zabarella, qui asserunt, Arist. Mathematicas scientias tamquam typum perfectissimarum scientiarum sibi ob oculos proposuisse; ex quo typo veræ scientiæ descriptionem his libris complectaretur.

Eodem tex. 5. (*Ponit enim Arithmeticus vnitatem indiuisibilem esse secundum quantum*) hoc quamquam non ponatur ab Arithmeticis expressè, præsupponitur tamen ab eis: nusquam enim Euclides in totis tribus Arithmeticis libris, infra vnitatem descendit, vt propterea appareat, ipsam in quantitate discreta esse minimum, & indiuisibile. Verum dubitabit fortè quispiam hoc modo, si vnitatis minimum, atq; indiuisibile est in quanto discreto, qua igitur ratione Arithmetici practici eam diuidunt in dimidium, in trientem, in quadrantem, & alijs similiter modis, vnde numeri illi, qui fractiones appellantur, exurgunt? Respondemus, quotiescunq; vnitatis diuiditur ab Arithmeticis, tunc ipsi eam accipiunt tanquam totum quoddam cōtinuum in plures partes diuisibile: siue tanquam aggregatum quoddam vnitatum, quæ vnitates sunt partes illius, vt quando dicunt, vnum horæ quadrantem, vel duos horæ quadrantes, vel tres horæ quadrantes. accipiunt horam tanquam aggregatum quatuor quadrantum, & propterea numeri illi $\frac{1}{4}$, $\frac{2}{4}$, $\frac{3}{4}$. & similes fractiones, nihil aliud sunt, quam numeri partium vnius horæ: ex quo patet huiusmodi fractiones omnes reduci ad numeros integros, qui enim dicit tres quadrantes $\frac{3}{4}$. dicit tres partes alicuius totius, quod intelligitur diuisum esse in 4. æquales partes, ex quibus illæ tres tantummodo numerat.

Tex. 9. (*Per se autem, quæcunq; & insunt in eo, quod quid est, vt triangulo linea, & linea punctum; substantia namq; ipsorum ex his est, & in oratione dicente, quid est, insunt*) aggreditur explicare quænam sint ea, quæ per se dicuntur: quotq; modis dicatur aliquid per se. quorum primus est, ea scilicet, per se de aliquo subiecto dici, quæcunq; in definitione illius ponuntur, cuiusmodi sunt linea, & punctum, quæ per se prædicantur, illa de triangulo, istud de linea; in definitione enim trianguli ponitur linea recta, quia linea recta dum terminat illam superficiem, quæ dicitur triangulus illi trianguli naturam impertitur, & ideo triangulus definitur sic, triangulus est figura tribus lineis rectis terminata. similiter in definitione lineæ, non infinitæ, sed finitæ, & terminatæ ponitur punctum, quia duo puncta, quæ sunt extrema illius, faciunt, vt ea sit linea finita, & definitur sic, linea finita est longitudo, cuius extrema sunt puncta. quamuis autem hæc definitio apud Euclidem expressa non habeatur, tamen ex definitionibus ipsius præsertim secunda, tertia, & quarta elici potest.

Eodem tex. 9. (*Et quibuscunq; in existentium ipsis, ipsa sunt in oratione, quid est de-*

est declarante, quemadmodum rectum inest linea, & circulare: & impar, & par numero, & primum, & compositum, & æquilaterum, & altera parte longius. & oibus his insunt in oratione, quid est declarare, ibi quidem linea, hic vero numerus) quia locus hic benè exponitur à Toletò, & melius etiam à Conymbr. addam tantummodo quædam, quæ ad perfectam eius intelligentiam desiderantur. Sciendum igitur primò, nusquam ab Euclide definiri rectum, circulare, impar, par, primum, compositum, æquilaterum, nec altera parte longius: verù ab ipso in definitionibus primi definiri lineam rectam, non tamen circularem expressè. in definitionibus deinde septimi definiri numerum parem, & imparem, item numerum primum, & compositum, & æquilaterum, & altera parte longiorem. ex quibus definitionibus possunt erui definitiones recti, circularis, imparis, & cæterorum, quorum hic Aristoteles meminit. Cæterum Euclides definitione 11. septimi, sic definit numerum primum: primus numerus est, quem vnitas sola metitur. numerus autem, vel vnitas metiri dicitur alium numerum, quando sæpius repetita ipsum omnino adæquat, vt ternarius metitur nouenarium, quia ter repetitus ipsum ad vnguem explet. illi igitur numeri dicuntur ab Arithmetiis primi, qui à nullo alio, præterquam ab vnitate mensurantur, quales sunt, 2. 3. 5. 7. &c. Definitione verò 13. definit numerum compositum sic; compositus numerus est, quem numerus quispiam metitur, vt senarius erit compositus, quia ipsum binarius metitur, nam ter repetitus, ipsi perfectè adæquatur.

Per æquilaterum, intelligit quadratum, quadratus autem numerus definitione 18. septimi sic explicatur: Quadratus numerus est, qui sub duobus æqualibus numeris continetur, idest, qui fit ex ductu vnus numeri in se ipsum, vt si ducantur 3. in 3. fient 9. qui continetur sub duobus ternarijs; omnes autem ternarij sunt æquales. is autem numerus dicitur quadratus, quia, vt apparet in figura, nouem ipsius vnitates possunt in plano ita ad inuicem collocari, vt referant quadratum; & sicuti quadratum geometricum habet latera æqualia, ita etiam quadratum arithmeticum: siue numerus quadratus, habet sua latera æqualia, quot enim vnitates sunt in vno, tot etiam sunt in reliquis, vt in præsentia sunt tres vnitates in singulis lateribus. præterea quemadmodum quadratum geometricum resolui potest in plura quadrata, ita etiam arithmeticum, vt præsens, qui resoluitur in quatuor quadrata arithmetica. Neq; enim potest quilibet numerus, vt opinantur ageometreti, in hunc modum disponi, sed solum ij, qui producuntur ex multiplicatione numeri alicuius in se ipsum.




Per altera parte longius, intelligit numerum, qui producitur à duobus numeris inæqualibus inuicem multiplicatis, qualis est duodenarius, qui ex ductu trium in quatuor produci- tur, & refert figuram altera parte longiorem, siue, vt ait Boetius longilateram, cuius vnum latus est maius altero, vt in apposita figura videre licet. atque hæc sunt, quæ ex Mathematicis petenda erant, ad huius loci intelligentiam.



Tex. 11. (Per se autem, & secundum quod ipsum, idem, vt per se linea inest punctum,

punctum, & rectum; etenim secundum quod linea, & triangulo, secundum quod triangulum duo recti: etenim per se triangulum duobus rectis aequale. Vniuersale autem est tunc, quando in quolibet, & primo monstratur, vt duos rectos habere, neq; figura est vniuersale, quamuis est monstrare de figura, quod duos rectos habet, sed non de qualibet figura, neq; vtitur qualibet figura monstrans, quadrangulum enim figura quidem est, non habet autem duobus rectis aequales. Aequicrus verò habet quidem quodcunq; duobus rectis aequales, sed non primò, sed triangulum prius. quod igitur quoduis primum monstratur duos rectos habens, aut quodcunq; aliud, huic primo inest vniuersale, & demonstratio de hoc vniuersaliter est, de alijs verò quodammodo, non per se, neq; de aequicrura est vniuersaliter, sed in plus) pro quorum intelligentia necessaria sunt ea, quæ primo Priorum secto 3. cap. 1. scripsimus. deinde memineris figuram vniuersaliorem esse triangulo, & triangulum vniuersalius æquicrura. quando ait (vt duos rectos habere) vult dicere, habere duos angulos rectos non actu, sed potentia; quæ affectio est trianguli, quia, vt superius diximus, habet tres angulos æquales duobus rectis angulis: quæ proprietas vniuersaliter, & primò competit triangulo. non autem figuræ, quia figura est vniuersalior. neq; isosceli, quia isosceles est restrictius triangulo. omittimus reliqua singillatim exponere, tum quia satis clara sunt, tum quia ab interpretibus benè explicantur.

Tex. 13. (Si quis igitur monstrauerit, quod rectæ non coincidunt, videbitur utiq; 26 huius esse demonstratio, eo quod in omnibus est rectis; non est autem: si quidem non quoniam sic æquales, sit hoc, sed secundum quod quomodocunq; æquales) proponit tres errores, qui circa demonstrationem de vniuersali contingunt, quos omnes Geometricis exemplis illustrat; affert autem primo pro tertio errore duo exempla, quorum primum in præmissis verbis continetur, atq; ex 28. primi Elem. desumitur, quam propterea primo loco exponendam



censui. Quando igitur duæ rectæ constitutæ fuerint, vt AB, CD, in quas alia recta, vt GF, incidens, faciat duos angulos internos, respectu rectarum AB, CD, & ad easdem partes rectæ EF, vt sunt ex parte sinistra anguli AGH, CHG; ex parte verò dextra BGH, DHG; si in quâ linea EF, fecerit duos illos angulos ex parte sinistra simul sumptos, æquales duobus rectis angulis, vel duos ex parte dextra pariter æquales duobus rectis, probat Euclides rectas AB, CD, non concurrere, siue parallelas esse. Verum, quia linea EF, potest facere aliquando prædictos angulos non tantum æquales duobus rectis, verum etiam rectos, quo etiam modo probarètur eadem lineæ esse parallelæ, vt in sequenti figura, cum sint anguli AGI, CIG, re-



cti, probabitur de rectis AB, CD, æquidistantia. Ex his facile textum in hunc modum exponemus; si quis igitur monstrauerit, quod rectæ AB, CD, nunquam coincidunt, etiamsi in infinitum producantur, seu quod sunt æquidistantes, quando anguli prædicti interni sunt duo recti, videbitur utiq; huius esse demonstratio de vniuersali per se, & de primo subiecto,

G

biecto,

subiecto, vel secundum quod ipsum, eò quod probatur vniuersaliter de lineis omnibus habentibus prædictos angulos rectos. non autem de omni, secundum quod ipsum, si quidem non competit affectio hæc, esse parallelas, lineis habentibus illos angulos rectos actu; sed primò, & vniuersaliter, & secundum quod ipsum competit lineis habentibus illos angulos æquales duobus rectis, quomodocumq; æquales sint duobus rectis, siue ambo sint recti, siue vnus acutus, alter obtusus, sed tamen ambo simul æquantur duobus rectis, quales sunt lineæ primæ figuræ. In tertio igitur errore, vniuersale existit quidem, & habet nomen, sed tamen prætermittitur, seu strictius sumetur, quam oportet. alij latini, quos quidem viderim, præter Zabarellam perperam omnino ob mathematicarum ignorantiam, exemplum istud interpretantur.

27 Ibidem (*Et si triangulum non esset aliud, quam Iosceles, secundum quod Iosceles videretur utiq; inesse*) istud est secundum exemplum tertij erroris. Porro cum tres sint species triangulorum, æquilaterum, Iosceles, Scalenum, si accideret, vt ex illis tribus vna tantum species, v. g. Iosceles in mundo reperiretur; tuncq; quispiam de Ioscele ostenderet affectionem quampiam, putans se ostēdisse passionem de proprio subiecto, & primo, falleretur, quia affectio illa competeret Iosceli, non vt huic speciei Ioscelis, sed quatenus est triangulum, cui primo, & per se, & secundum quod ipsum conuenit. hoc loco discessimus à Zabarella, qui putat istud esse exemplum primi erroris, cum verba textus adeo clara sint, vt expositionem illius nullo modo admittant. sunt autem hæc textus verba (*Et si triangulum non esset aliud, quam Iosceles, secundum quod Iosceles videretur utiq; inesse*) quibus verbis manifestè apparet Arist. accipere pro subiecto vniuersali non indiuiduum vnum, vt in primo errore contingit, sed speciem loco generis, scilicet Iosceles, quod est species trianguli pro genere ipso, nimirum pro Triangulo. ait enim, si non esset aliud, quam Iosceles, secundum quod Iosceles: quibus verbis clarè speciem, non indiuiduum, significat. ex his duobus exemplis manifestus est tertius error, qui erat, quando erat (*vt in parte totum*) quodq; illis verbis exposuerat (*vel contingit etiam, vt in parte totum, in quo monstratur: ips enim, quæ sunt in parte inerit quidem demonstratio, & erit de omni, sed tamen non erit huius primi vniuersaliter demonstratio. dico autem huius primi, secundum quod huius demonstrationem, quando sit primi vniuersaliter*) id est, quando vniuersale subiectum existit quidem, sed tamen non de ipso fit demonstratio, sed de aliqua parte ipsius, v. g. de specie aliqua demonstratur aliquid, quod deberet ostendi primò de ipso vniuersali, cum illi primò competat.

28 Ibidem (*Et proportionale, quod alternatim, secundum quod numeri, & secundum quod lineæ, & secundum quod solida, & secundum quod tempora: quemadmodum & monstrabatur aliquando seorsum, contingens utiq; de omnibus vnica demonstratione monstrari; sed quia non sunt nominatum quidam omnia hæc vnum, numeri, longitudines, tempora solida, & specie differunt à se inuicem seorsum accipiebantur. nunc autem vniuersaliter monstratur, neq; enim secundum quod lineæ, aut secundum quod numeri, inerat; sed secundum quod hoc, quod vniuersale supponunt esse*) affert exemplum secundi erroris, qui accidit, quando vniuersale existit quidem, sed tamen est innominatum, pro cuius explicatione sciendum

dum quid sit alterna proportio. Alternam igitur proportionem definit Euclides definitione 12. quinti, sic, est sumptio antecedentis ad antecedentem,

6. 3.

4. 2.

& consequentis ad consequentem. Explico, exponantur quatuor quantitates proportionales, v.g. vt 6 ad 3. ita sint 4. ad 2. si igitur argumentemur sic, vt 6. ad 3. ita 4. ad 2. ergo alternatim erit, vt 6. ad 4. ita 3. ad 2. siue dixerimus, vt primum ad secundum, ita tertium ad quartum, igitur alterna-

tim erit, vt primum ad tertium, ita secundum ad quartum: valebit consequentia; quæ quidem probatur deinde propositione 16. quinti de magnitudinibus, hoc est in vniuersum de lineis, superficiebus, & solidis. quando igitur Arist. ait, monstramus proportionale, idest, quasuis quatuor quantitates proportionales, habere hanc proprietatem, vt sint etiam alternatim, proportionales, & non monstramus vnica demonstratione de omni quouis proportionali, sed separatim de magnitudinibus in 16. quinti, de numeris in 13. septimi, & seorsum de temporibus in astronomia, vel physica; hoc modo non ostendimus vniuersaliter de primo subiecto, quia talis affectio conuenit singulis, non vt numeri, aut magnitudines, aut tempora sunt, sed secundum quandam naturam illis omnibus communem, cui primò illa passio debetur; quæ quidem natura communis nomine caret, & propterea est causa erroris.


Nunc autem vniuersaliter demonstratur) nusquam apud Mathematicos inuenio hanc demonstrationem vniuersalem de illo communi omnibus prædictis, quare dicendum cum Zabarella, illud, nunc, esse intelligendum sic, nunc autem, idest, in præsentia autem deberet vniuersaliter demonstrari, quod tamen cum non fiat, contingit nos decipi putantes vniuersaliter demonstrasse. vel dicendum istud verificari tantum de lineis, superficiebus, & solidis, de quibus simul in vnica natura communi, quæ est magnitudo, demonstratur in 16. quinti vniuersaliter. atq; hoc modo explicatum est exemplum secundi erroris, qui verbis illis (*Vel sit quidem, sed innominatum sit in rebus specie differentibus*) continebatur.


Ibidem (Propter hoc si quis monstrauerit singulum triangulum. demonstratio-
ne aut vna, aut altera, quod duos rectos habet vnumquodque, æquilaterũ seorsum, & scalenum, & æquicus: nondum nouit triangulum, quod duobus rectis, nisi sophistico modo, neq; vniuersaliter triangulum, neq; si vllum est præter prædicta triangulum alterum. non enim secundum quod triangulum, neq; omne triangulum, nisi secundum numerum, secundum speciem autem non omne; & si nullum est. quod non nouit) vltimo loco ponit exemplum primi erroris, quem supra verbis illis (*Quando vel nihil sit accipere superius, præter singulare*) expresserat, quod, vt bene intelligamus, opus est ea, legere, quæ libro primo Priorum secto 3. cap. 1. scripsimus de proprietate illa trianguli, quod scilicet habet tres angulos æquales duobus rectis angulis, quibus præmissis, sic deinde locum hunc interpretaberis; Propter hoc, quod præcedenti textu dictum est; notandum in primo errore vniuersale, tanquam si non esset vniuersale ostenditur de singulari, si quis igitur monstrauerit singillatim de vnoquoq; triangulo in singulari, scilicet de vno æquilatero, tantum, & de vno Scaleno, & de vno Isoscele, separatim, vtens aut eadem demonstratione dum de vnoq;

Separatim ostendit, aut vtens diuersis demonstrationibus, vna pro æquilat-
tero, altera pro Ifofcele, tertia pro Scaleno, ostendens, quod vnumquodq;
illorum habet tres angulos æquales duobus rectis angulis; iste nondum no-
uit triangulum omne habere talem affectionem, nisi modo sophistico, quia
non cognoscit hanc affectionem illis cōpetere propter naturam illam com-
munem trianguli, cui primo, & per se competit; & neque vniuersaliter co-
gnoscit triangulum omne esse tale, etiam si nullum aliud reperitur trian-
gulum, præter illud æquilaterum, vel illud Ifofcele, vel illud Scalenum, de
quibus separatim demonstrauit, & secundum numerum, idest de vnoquoque,
quatenus est vnum numero. non nouit autem secundum speciem, idest secun-
dum naturam, & formam communem illis tribus indiuiduis, quæ est natu-
ra trianguli. hoc autem esse exemplum primi erroris manifestè conuincitur,
tum ex verbis illis, quando nihil sit superius, præter singulare, tum ex hu-
ius textus verbis illis (*Singulum triangulum*) & ex illis (*Nisi secundum nume-
rum*) idest, nisi de vno, quod sit vnum numero. propterea nos de singulari
triangulo omiſſa Zabarella sententia explicauimus. tandem in confirma-
tione nostræ expositionis in hæc tria errata illud non omittendum, fatius
esse dicere, Arist. attulisse pro tribus erratis tria exempla ordine retrogra-
do, quàm, quod facit Zabarella, primum esse pro tertio, secundum pro pri-
mo, tertium verò pro secundo; eo enim modo, Arist. confusionem nulla ra-
tione, imò contra omnem rationem imponimus.

31 Textu 14. continet quidam mathematica, sed ferè eadem cum
superioribus, quæ quia tum ex prædictis facile intelligi possunt, tum quia
benè ab expositoribus explicantur, ne actum agamus, prætermittimus.


32 Tex. 20. (*Nisi magnitudines numeri sint*) hoc est, nisi magnitudines sint di-
cretæ, ita vt cadant sub numerum, vt si linea quæpiam diuidatur in partes
decem, vel duodecim, tunc euadit quantitas discreta, siue numerus. & tunc
linea numerus est: idem de superficie, ac solido intelligendum.

33 Ibidem (*Propter hoc Geometria non licet monstrare, quod contrariorum vna
est scientia, sed neque quod duo cubi cubus*) quo ad verba illa, duo cubi cubus,
quæ ad nos pertinent, vult Arist. docere, quod non debet Geometra osten-
dere numerorum affectiones (per cubos enim intelligit numeros quosdam
sic dictos, vt paulo post ostendam) vt si quis vellet geometricè ostendere id,
quod ostenditur in 4. noni Elem. scilicet, si cubus numerus cubum numerum
multiplicauerit, productus numerus erit pariter cubus. nonnulli latinorum
perperam textum hunc exposuerunt putantes reperiri solummodo cubos
geometricos, at Euclides definit. 19. seprimi, sic arithmeticum cubum de-
finit, cubus numerus est, qui sub tribus numeris æqualibus continetur, qua-
lis est. 8. qui est ad instar cubi geometrici, & continetur sub tribus binarijs
multiplicatis inuicem, quæ multiplicatio sic instituitur, exponuntur tres bi-
narij, 2, 2, 2, primus ducitur in secundum, & producitur
4. qui est numerus quadratus huius figuræ, , deinde
tertius binarius ducitur in prædictum quadratum 4. & pro-
ducitur 8. qui dicitur cubus, quia si intelligantur duo qua-
ternarij, vnus supra alterum, vt in præſenti figura refe-
runt cubicam figuram, cuius tam longitudo, quam latitudo,



& alti-


& altitudo, est 2. Similiter cubus numerus est 27. quia fit ex tribus ternarijs inuicem modo prædicto multiplicatis, 3. 3. 3. nam 3. in 3. ductis fit 9.



qui est quadratus. quo deinde ducto in tertium ternarium, producitur 27. qui est cubus, & refert figuram cubicam hanc. Iam verò si cubus 8. multiplicet cubum 27. procreabitur 216. qui pariter cubus est. atq; hoc sibi volunt verba illa, si duo cubi cubus, idest, si duo numeri cubi multiplicentur mutuò, cubus alter producet; ex quibus videas, quam ineptè illi interpretètur hunc locum, qui dicunt, Aristotilem velle dicere non pertinere ad Geometram probare duos cubos geometricos sibi additos facere alium cubum, quod erat problema Delphicum de

duplatione cubi, nondum intentum; bis enim isti peccant, primo in Logica, quia sic non transiret Geometra de genere in genus, ipsius enim est agere de duplatione cubi; secundò in Mathematicis, cum nondum nouerint arithmeticos cubos; & præterea ignorent duos cubos sibi additos, non facere alium cubum. Quod præterea hoc loco intelligendi sint cubi arithmetici certò certius constat, ex sequenti 24. textu, ubi sic dicitur (*Veluti Arithmetica quidem, quid impar, aut par, aut quadrangulum, aut cubus.*)

Ibidem (*Neq; alijs scientiæ quod alterius, nisi quacumq; ita se habent inter se, ut sit alterum sub altero, ut perspectiua ad Geometriam, & harmonica ad Arithmetica*) excipit ab illa regula (qua prohibetur, quamuis scientiam in alienam falcem immittere) scientias subalternatas, quæ propriè in Mathematicis reperiuntur, Perspectiua enim propriè subalternatur Geometriæ, quia vtitur Demonstrationibus linearibus, quas applicat lineis visualibus, & Musica subalternatur Arithmeticæ, quia ab ipsa mutuatur demonstrationes numerorum, quas applicat numeris sonoris. v.g. Perspectiua dicit, ea, quæ videntur eminus videri minora, quam quæ videntur cominus, quia illa videntur sub angulo minori, hæc verò sub angulo maiori, quod verò remotiora videantur sub angulo minori, quam propinquiora cæteris paribus probat




per 21. primi Elem. fit enim magnitudo visa AB, remotior ab oculo in C, posito, & visa propinquior ab oculo in D. ductis lineis visualibus CA, CB: DA, DB; ab oculis C, & D, ad extremitates spectatæ magnitudinis, erit remotioris visionis. angulus C, minor

angulo D, propinquioris, ut ex præallegata Demonstratione patet. Hinc perspicuè vides, qua ratione Perspectiua Geometriæ subalternetur, siue quid sit ipsa subalternatio, ubi medium est Geometricum, conclusio autem optica. Exemplum subalternationis Musicæ sit, consonantia Diapason, quam vulgò octauam appellant in data chorda collocare, hoc est, vocem granio-rem facere duplam vocis acutioris. sumatur chorda AB, & diuidatur bisectione, siue in æqualia in C, tota igitur chorda AB, ad dimidium AC, habet propor-


proportionem, quam 2. ad 1. siue duplam, ergo etiam sonus totius chordæ A B, ad sonum chordæ dimidiæ A C, habebit eandem rationem, nimirum quam 2. ad 1. siue duplam. sed sonus chordæ A B, ad sonum chordæ A C, consonat diapason, seu octauam, ergo in data chorda collocata est consonantia diapason, quod oportebat. vides medium esse arithmetica, conclusionem verò harmonicam. Aliud exemplum Tonus, quod est interuallum primæ vocis, Vt, ad secundam, Rê, in duo æqualia semitonia diuidi nequit, ratio est Arithmetica, quia proportio superparticularis in duo æqualia arithmetice secari nequit; at Tonus consistit in ratione superparticulari, nempe in sesquioctaua, ergo Tonus bifariam diuidi nequit. desumptum est ex Boetio.

- 35 Tex. 23. (*Est autem sic monstrare, quemadmodum Bryso quadraturam, secundum enim commune monstrant tales rationes*) cum velit ostendere veram demonstrationem constare debere ex proprijs, non autem ex communibus; primum affert exemplum demonstrationis cuiusdam Brysonis, quæ ex communibus procedat, vt autem benè intelligamus, qualesnam sint huiusmodi demonstrationes, quæ per communia ostendunt, legenda prius ea sunt, quæ scripsimus de quadratura circuli in prædicamento relationis. Bryso itaque, vt tradit Alexander, in hunc modum conabatur quadrare circulum. sit quadrandus circulus A B C D, cui circumscribatur quadratum E F G H. per 7 quarti, & alterum quadratum I L M N, eidem inscribatur per 6. quarti, quid autem sit circumscribere, & inscribere figuram circulo, ex definitione 3. & 4. eiusdem libri petatur, quamuis ex inspectione figuræ præsentis satis percipi possit; deinde aliud quadratum medium inter prædicta duo constituatur, sitq; O P Q R. Iam sic ostendebat istud medium quadratum esse æquale circulo proposito. Quæcunq; sunt, simul maiora eodem, & minora eodem, sunt inuicem æqualia, sed circulus, & quadratum medium, sunt ambo maiora quadrato inscripto, & ambo minora quadrato circumscripto, ergo circulus, & quadratum medium, sunt æqualia. vtebatur, inquit Arist. prædicto principio, etiam numeris, lineis, temporibus, & qualitatibus communi, neq; deducto ex natura circuli, aut quadrati, de quibus erat demonstratio. præterea aduertendum est, illud esse falsum, nam sex, & quinque, ambo sunt maiores, quam quatuor, & minores, quam septem, & tamen non sunt æquales.

- 36 In eodem textu (*Vnumquodq; autem scimus, non secundum accidens, quando secundum illud cognoscamus, secundum quod inest ex principijs illius, secundum quod illud; vt duobus rectis æquales habere, cui inest per se, quod dictum est ex prin-*



principijs huius) affert nunc exemplum alterius demonstrationis, quæ non ex communibus, vt præcedens Brysonis, sed ex proprijs principijs ostendit affectionem de subiecto proprio. Est autem illud exemplum toties decantatum de triangulo habente tres angulos æquales duobus rectis angulis; idcirco operæpretium esse puto explicare demonstrationem, 32. primi Euclidis, quæ istud ex proprijs principijs demonstrat, & quam hoc loco Aristoteles innuit, hoc enim modo ipsius Arist. mentem probè penetrare poterimus.



fit ergo triagulum A B C. Dico aggregatum triū ipsius angulorum A, B, C, esse æquale aggregato ex duobus angulis rectis (vt autem melius intelligas, quæ sequuntur, lege prius ea, quæ dicta sunt in lib. 1. Priorum secto 3. cap. 1.) producat latus B C, vsq; in D, vt fiat angulus externus A C D; Iam sic, quoniam probatū est in 13. primi, duos angulos, quos

facit linea A C, cum linea B D, scilicet angulos A C B, A C D, esse pares duobus rectis: & quia pariter in prima parte huius propos. 32. probatum, est ab Euclide duos angulos A B, esse æquales externo angulo A C D: si tertius angulus reliquus A C B, sumatur bis, semel cum duobus angulis A, B, & semel cum externo A C D, addetur æqualia æqualibus, & propterea tres anguli A, B, A C B, simul sumpti, erunt æquales duobus A C D, A C B, simul sumptis; sed his duobus sunt æquales duo recti, ergo cum quæ sunt æqualia vni tertio, sint etiam æqualia inuicem, erit aggregatum trium angulorum A, B, A C B, æquale aggregato duorum rectorum; quod erat demonstrandum. Medium itaq; huius demonstrationis, si res ad trutinam Logicam expendatur, est, quod partes aggregati triū angulorū A, B, A C B, sunt æquales partibus aggregati duorū rectorū, & ideo aggregatū, aggregato æquale est. quod medium est in genere causæ materialis. quod verò partes illius sint æquales partibus huius, probatur, per dignitatem illā, quæ sunt æqualia vni tertio, sunt etiam inter se. partes porrò aggregati trium angulorum, erant hæ, anguli A, B, vna; altera verò angulus A C B; partes verò aggregati duorum rectorum erant A C B, A C D, quibus partibus, illæ sunt æquales, & ideo totum toti æquale. quod medium est omnino intrinsecum, & ex proprijs ipsius trianguli, siue ex proprijs angulorum ipsius, cum sint ipsius partes. quod pariter medium ex parte passionis, quæ demonstratur, est ex proprijs, cum sint partes illius materiales. per materiam autem oportet hoc loco intelligere materiam intelligibilem, idest quantitatem à qualitatibus abstractam, & terminatam, de qua pluribus agemus infra in tractatu de natura mathematicarum. Hinc videas eos magnopere decipi, qui putant, hanc demonstrationem esse per extrinseca, eò quod ad demonstrandum producat latus B C, in D, putantes lineam illam productam C D, esse demonstrationis medium; lineæ namq; huiusmodi, quæ in demonstrationibus geometricis construuntur, nunquam sunt media propria demonstrationum, sed tantummodo assumuntur ad probandum medium iam excogitatum esse veram causam conclusionis. Hinc etiam manifestè colligas


Mathe-

Mathematicas facultates habere demonstrationes perfectissimas; quod ageometreti negare solent, sed audacter aiunt exempla Arist. non esse vera: neq; requiri veritatem exemplorum; in quorū utroq; peccant, nam dictum illud vsurpari solet, & debet de exemplis moralibus. at vero requiri conformitatem exemplorum cum regulis traditis, nemo sanæ mentis dubitabit. Verum isti confundunt conformitatem cum veritate. Veritas exemplo tunc inest, quando illud, quod in exemplo narratur, verè extitit, vt si quis in exemplum pudicitiae afferret historiam Iosephi, verū istud esset exemplum. quæ veritas in exemplis moralibus non semper est necessaria, talia exempla sunt sæpè parabola, & fabula, quæ nunquam extiterunt, v. g. narratur ab Arist. de quodam filio, qui patrem crudeliter traxerat, qui postea grandior factus, cum filium procreasset, ab eodem pariter raptatus est ipse, vsque ad eundem locum, quo ipse patrem suum impiè raptauerat. non est necesse, talem extitisse filium, neq; patrem. Verumtamen semper conformitas exempli cum regulis, & præceptis, quæ traduntur necessaria est, alioquin exempla destruerent id, quod præceptio construit, illiq; contraria esset, quod omnino absurdum foret. non secus, ac si quis vellet alium docere characteres latinos, illiq; barbaros, quos Gothicos vocant in exemplum proponeret. requiritur igitur semper in omni exemplo conformitas cum eo, quod docetur; in moralibus tamen non semper requiritur veritas, vti diximus; Alij verò dicunt non requiri in exemplis determinatam veritatem, sed satis esse, si exemplum verum sit secundum opinionem aliquorum: quorū sententiam non improbamus. Exempla igitur ab Arist. passim ex mathematicis allata, congrua, conformiaq; omnino sunt ipsius doctrinæ, aliter ipsum perpetuò mentientem facimus. Postremò illud etiam est aduertendum, fortè Arist. in præsentī textu spectasse nō ad hanc Euclidianam demonstrationem, sed potius ad Pithagoricam. Pithagorei enim eam aliter, quamuis per idem medium, scilicet à causa materiali, demonstrabant; construebant enim aliter, neq; vlla utebantur diuisione. quod dictum velim propter nonnullos, qui ab huiusmodi diuisionibus abhorrent, timentq; ne demonstrationis perfectioni per eas plurimum derogetur. Pithagoreorum demonstrationem vide, apud Clauium in scholio 32. primi Euclidis, quam ex Eudemo etiam Proclus in comm. eiusdem recitat.

37 Ibidem (*Sed quemadmodū harmonica per Arithmeticam*) vide supra tex. 20.

38 Ibidem (*Demonstratio autem non computatur in aliud genus; nisi, vt dictum est geometricæ demonstrationes in Perspectiua, aut Mechanicis, & arithmeticæ in harmonicis*) exempla subalternationis Perspectivæ, & Musicæ in tex. 20. attulimus; nunc Mechanicæ subalternationis, quam hic Arist. insinuat, exemplum sit illud, quod Archimedes prop. 14. primi Aquep. demonstrat, nimirum centrum grauitatis omnis trianguli esse punctum illud, in quo rectæ lineæ ab angulis trianguli ad dimidia latera opposita ductæ concurrunt. sit triangulum A B C, à cuius angulis A, & B, ducantur duæ rectæ A D, B E, ita vt bifariam secent latera A C, B C, in punctis D, & E, & concurrant in F. Dico F, esse centrum grauitatis propositi trianguli. Quoniam enim in 13. Aquep. probauit centrum grauitatis esse in ea lineæ, quæ ducta ab angulo quouis secat oppositum latus bifariam, erit in lineæ A D, centrū grauitatis.

sed



sed eadem ratione erit etiam in linea B E, ergo non nisi in puncto F, quod solū est in vtraque, quod erat demonstrandum. ex quibus apparet, qua ratione mechanica conclusio Geometriæ subiaceat, dum lineari discursu ipsa demonstratio perficitur. Scias præterea centrum grauitatis esse tale punctum, ex quo si suspendatur corpus triangulare vniformis crassitici, manet semper horizonti parallelum, si

tamen antequam suspenderetur, iacebat plano horizontis, æquidistans; neq; si suspensum feratur huc illud nutat, sed semper in eodē situ perseverat.

Tex. 24. (*Veluti Arithmetica quidem quid impar, aut par; aut quadrangulum, aut cubus*) cognoscas hinc certò certius quadrangulum, & cubum esse species numerorum, sicuti supra tex. 9. & 20. explicauimus, quò nunc te vicissim, vt præsentem locum intelligas, remittimus.

Ibidem (*Geometrica verò quid irrationale, aut refrangi, aut concurrere*) per verbum, irrationale, non videtur Arist. intellexisse proprietatem illam duorum linearum incommensurabilium longitudine, & potentia, quia vsus fuisset verbo, ἀρρητον. quod apud Geometras vsurpari solet in illa significatione, sed vsus est verbo, ἀλογον, quod latinè redditur improporionale.

Per verbum (*Refrangi*) seu frangi, intelligit lineam aliquam rectam, non in directum tendere, sed in aliquo puncto frangi, seu declinari à rectitudine, ita vt constituat angulum.

Per verbum (*Concurrere*) intelligit, non esse parallelas, sed ad idem aliquod punctum coire, si protrahantur.

Ibidem (*Et Astrologia similiter*) per Astrologiam intelligit Arist. non iudiciariam, quamuis à recentioribus hoc nomine vocetur, sed quam hodie dicunt Astronomiam, aitq; ipsam considerare quantitatem, figuram, motum, & locum totius Mundi, ac partium ipsius integrantium, vt sunt Cœli, & Elementa.

Tex. 25. (*Neq; Geometra falsa supponit, quemadmodum quidam asseruere dicentes, quod non oportet falso vti: Geometram verò mentiri dicentem pedalem, non pedalem, aut rectam descriptam, non rectam existentem: Geometra verò nihil concludit ed, quod hæc est linea, sed quæ per hæc ostenduntur*) innuit his verbis eam materiam intelligibilem, quæ est subiectum Geometriæ: eam scilicet, quæ sub figuris Geometricis sensibilibus, & plerunq; falsis latet; nam sæpè Geometra vtitur linea quadam sensibili pro recta, quæ verè nec est linea mathematica, nec recta; supponit aliquando talem lineam esse pedalem, quæ verè non est pedalis: Verumtamen non mentitur, quia respicit ad veram lineam mathematicam, quæ sub illa intelligitur, & quæ recta concipitur; & quidem hæc omnia verè concipiuntur, quoniam ita esse re vera possunt.

Tex. 28. (*Coalternas verò coincidere*) per coalternas intelligendas esse parallelas lineas, alias, & nunc quoq; monemus.

Tex. 29. (*In Mathematicis verò non est similiter paralogismus, quoniam mediū est semper, quod duplex; de hoc enim omni, & hoc rursus de alio dicitur omni*) aduerte, quod quamuis nonnulli codices habeant pro, in mathematicis, in

H

disci-

disciplinis, idem tamen apud grecos μαθηματα sunt, ac apud latinos disciplina; verbum autem μαθηματα usurpat hoc loco Aristoteles. Porro non est in mathematicis, sicut in alijs paralogismus, quia in omni demonstratione maius extremum dicitur de omni medio, & rursus medium dicitur de omni minori extremo, ac si diceret mathematicæ demonstrationes sunt in primo modo, qui barbarè à latinis recentioribus Barbara appellatur. Hæc est autem pulcherrima mathematicarum commendatio, quippe præclarum est à landato laudari. In mathematicis, inquit, non accidit similiter paralogismus, idest, tam frequenter, quemadmodum in syllogismis dialecticis, quia modus argumentandi mathematicarum est perfectissimus, quippe in primo modo primæ figuræ.

- 46 Eodem tex. (*Contingit autem quosdam non syllogisticè dicere, & quod ex utrisque consequentia accipiunt, quemadmodum & Caneus facit, quod ignis in multiplici proportionem: etenim ignis celeriter gignitur, ut ait: & hæc est proportio. sic autem non est syllogismus, nisi celerrimam proportio sequatur multiplex: & ignem celerrima in motu proportio*) verba illa (in multiplici proportionem) grecè sic se habent, εν τη πολλαπλασιονι αναλογια, quod melius redditur latinè in multiplici proportionem, quemadmodum fecimus, quam in multiplicata, quemadmodum in vulgata editione. porro quid inter multiplicem, & multiplicatam rationem intersit, optimè declarat noster Clavius ad 4. definit. lib. 5. Elem. ex quo etiam loco pauca decerpam, quæ huic loco declarando conducunt. Proportio igitur multiplex est habitudo inter duas quantitates inæquales, quarum maior continet minorem, bis, vel ter, vel quater, & c. unde proportio multiplex habet sub se genera infinita, quando enim maior continet minorem bis, dicitur Dupla: quando ter, Tripla: quando quater, Quadrupla: & sic in infinitum: v. g. 2. ad 1. est proportio dupla; 3. ad 1. tripla; 4. ad 1. quadrupla, & c. omnes tamen continentur sub genere multiplicis rationis. porro si quæpiam proportio ex genere multiplici progrediatur per plures terminos, v. g. proportio quadrupla progrediatur hoc modo, 1. 4. 16. 64. 256. & c. fit, ut subsequentes termini mirum in modum augeantur. hic vides primum ipsam quadruplam rationem in dispositis terminis progredi, quia quilibet sequens terminus ad præcedentem est quadruplus. cernis etiam in paucis terminis, quinque scilicet magnum factum esse incrementum, cum usque ad 256. excreuerint. Caneus igitur dicens ignem augeri secundum multiplicem rationem, unam ex prædictis intelligebat aliquam, quia qualibet illarum magnopere crescit, si propagetur, ut ad 10. quinti definit. traditur: & ut paulo ante exemplo licuit perspicere. argumentabatur igitur Caneus in hunc modum; quod in multiplici ratione augetur, celerrimè augetur: ignis celerrimè augetur, ergo ignis in multiplici ratione augetur, quæ argumentatio vitiosa est, ex duabus quippe affirmatiuis in secunda figura procedens, ut colligitur ex verbis illis tex. (*Ex utrisque consequentia accipiunt*) ex his mathematica huius locis patere satis possunt.

- 47 Ibidem (*Conuertuntur autem magis, quæ sunt in mathematicis, quoniam nullum accidens accipiunt (in quo quidem ijs præstât, quæ disputationibus traduntur) sed definitiones*) Hæc est altera mathematicarum laus, unde earum quoque præstantia elucet, quia scilicet mathematicæ pro medijs, utuntur definitio-

nibus subiecti, aut passionis, quæ nullo modo sunt accidentalia conclusioni, v. g. in prima Euclidis demonstratione per definitionem subiecti probantur tres lineæ esse æquales, quia nimirum sint semidiametri circulorum æqualium, quæ est ipsarum definitio. & in 4. primi probantur basis, & anguli vnius trianguli æquales esse basi, & angulis alterius trianguli per formalem definitionem passionis, videlicet æqualitatis, quæ traditur in octauo axioma sic, quæ sibi mutuo congruunt, ea inter se sunt æqualia. probat igitur Euclides in quarta basim, & angulos vnius trianguli esse æqualia basi, & angulis alterius trianguli, quia ostendit, quod, si basis illa huic basi, & illi anguli hisce angulis superponantur, congruunt; ex qua congruentia mutua, quæ est æqualitatis definitio, infert æqualitatem ipsarum basium, necnon angulorum. eadem deinde æqualitatis definitione totam demonstrationem concludit, scilicet totum triangulum toti triangulo æquale esse, quia vnum alteri congruat. Astronomi quoq; demonstrant eclypsim de Luna, per interpositionem terræ inter Lunam, & Solem, quæ interpositio est definitio causalis ipsius eclypsis, scilicet passionis. huiusmodi se xctas reperies apud Geometras, Arithmeticos, Astronomos, ceterosq; Mathematicas demonstrationes: ita vt meritò dixerit Arist. Mathematicas alias omnes naturales scientias, quæ disputabilibus rationibus traduntur ex hac parte antecellere. assumunt igitur terminos conuertibiles, quia adhibent sæpè definitiones ad demonstrandum. Reliqua logici expositores declarant.

Tex. 30. (*Rursus quemadmodum monstrant Lunam, quod spherica sit per augmenta: si enim quod ita augetur, est sphericum; augetur autem Luna; planū quod spherica*) Illius demonstrationis, quæ ab effectu procedit, affert exemplum ex astronomia; Astronomi enim monstrant Lunam esse sphericam ab effectu ipsius sphericitatis, qui est illuminatio spherica: sic enim ratiocinantur: ea, quæ sphericè illuminantur sunt spherica, Luna sphericè illuminatur, ergo spherica est: quæ argumentatio fufius explicanda est; quod ait, quod ita augetur, idest, sphericè, est sphericum, idest, quia lumen nouæ Lunæ augetur sphericè, hoc est, ad eum modum, quo quæuis sphaera obiecta corpori luminoso solet illuminari. illuminatio porrò Lunæ in se semper est eadem, quia semper dimidium Lunæ quod Solem aspicit, illuminatur; dicitur tamen augeri respectu oculi nostri, quia scilicet initio facto à nouilunio pars illuminata incipit quotidie magis vergere ad oculum nostrum, ita vt in dies maiorem, ac maiorem illuminationem videamus, donec opponatur Soli, in qua oppositione totum ferè Lunæ illuminatū conspicitur. Vt autem huius illuminationis non inuicendam facias experientiam; cape spharam, quampiam solidam manu, cum qua recede ad medium cubiculi, & pone lumen seorsum ad partem aliquam: deinde brachio extenso oppone spharam lumini, quo situ nihil de illuminatione videbis, quamuis dimidium ferè illius illuminetur. postea conuerte te ipsum ibidem paulatim, ita vt aliquid illuminationis oculo tuo appareat; & videbis partem illam illuminationis, falcata, seu nouæ Lunæ similem. Deinde adhuc magis te conuerte, & cerne illuminationem dimidiata Lunæ similem: verte adhuc te ipsum donec sit sphaera ita lumini opposita, vt inter ipsam, & lumen oculus tuus sit medius; apparebit tunc tota illuminatio, quæ erit instar plenilunij. perge ad-

H 2

huc

huc te ipsum conuertere, & videbis paulatim lumen oculo tuo decrefcere non aliter ac in Luna fenefcente. atq; hoc eft fphæricè illuminari, fierique fphærica illuminationis augmenta. cum ergo videamus Lunam eo modo lumine augeri, quo fphæra, hinc ipfam quoq; fphæricam efle argumentamur.

- 49 Post nonnulla (*Vt Perſpectiua ad Geometriam, & Mechanica ad Stereometricam, & Harmonica ad Arithmeticam, vt Apparentia ad Aftrologicam*) ſupra tex. 20. exempla ſubalternationum Perſpectiuæ, & Mechanicæ cum Geometria ſunt allata. hic primo notandum Stereometriam non efle ſcientiam diſtinctam à Geometria, niſi ſicuti partem à toto: nam cum Geometria conſideret quantitatem, ſecundum tres diſenſiones, longitudinem, latitudinem, & profunditatem, oritur triplex illius diuiſio, de lineis, de ſuperficiebus, de ſolidis. pars igitur, quæ de ſolidis tractat, partimq; continetur 11. 12. 13. 14. & 15. Euclidis, partim aliorum Geometrarum libris, vt libro Archim. de Sphæra, & Cyl. & ſimilibus, dicitur Stereometria à græco στερεον, ideſt ſolidum. Porrò cur malit Ariſt. Mechanicam ſubalternari Stereometriæ, quam toti Geometriæ, qua tamen, vt videre eſt apud Archimedes, innititur, fortè ea ratio eſt, quia Mechanica præcipuè conſiderat machinas, quæ corpora ſunt, & propterea præcipuè, & primò debet Stereometriæ, quæ corpora pariter contemplatur, ſubalternari. Quod ait Apparentia ad Aftrol. intelligit per Apparentia vulgarem quandam Nautarum, & Agricolarum aftronomiam, quæ quodammodo ſubalternatur, & pendet ex ſcientia Aftrologiæ; indiget enim cognitione ortus, & motus aftrorum, præſertim Lunæ, Hyadum, Pleiadum, & Canis. Reliqua vſq; ad finem capitis optimè à Zabarella explicantur, neq; ad nos pertinet, cum de Mathematicis agant, quatenus ad Logicum ſpectant.


- 50 Post nonnulla (*Hic enim ipſum quidem quod ſenſitiuorum eſt ſcire, ipſum verò Propter quid Mathematicorum; hi namq; habent cauſarum demonstrationes, &c.*) ſenſus eſt in ſubalternatis, & dependentibus diſciplinis, quas ſenſitiuas appellat, quia de rebus ſenſibilibus ſunt, vt in Perſpectiua de obiectis viſibilibus, & in Muſica de ſonis cognoscitur. Quod, ideſt effectus: cuius effectus cauſa, ſeu Propter quid ſcitur auxilio Mathematicarum, ideſt, traditur à ſcientijs ſubalternantibus. v. g. alicuius effectus in Perſpectiua cauſa inquiritur, & inuenitur opè Geometriæ, cui illa ſubiacer. Hic obiter notandum, Ariſt. fateri manifeſtè Mathematicas ſubalternatas, ſeu medias oſtendere per cauſas, quas ſubalternantium ope perueſtigant.

- 51 Et poſtea (*Se habet autem & ad Perſpectiuam, vt hæc ad Geometriam, alia ad hanc, vt quod eſt de Iride. ipſum enim quod Naturalis eſt ſcire, ipſum verò Propter quid Perſpectiuæ*) ſicut ſe habet, inquit, ſciētia Naturalis de Iride ad Perſpectiuam, ita Perſpectiua ad Geometriam. qua verò ratione cauſa Iridis pertineat ad opticam, atq; hinc tandem ad Geometriam, optimè patebit in Meteoris, cum ipſius demonſtrationem afferemus.

- 52 Tex. 37. (*Vt æquicruri, & Scaleno hoc, quod eſt duobus rectis æquales habere ſecundum commune aliquod ineſt*) quid ſit habere tres æquales duobus rectis ſatis explicatum eſt lib. 1. Priorum ſectio 3. cap. 1. nunc igitur paraphraſim ſolum huius loci dabo. Triangulo Iſoſceli, & Scaleno conuenit paſſio illa, habere tres angulos æquales duobus rectis angulis ſecundum aliquod commune,

mune, quia illis competit, quatenus ambo sunt figura quædam, idest, quatenus vtrumq; illorum triangulum est; triangulo namq; omni primo competit habere tres angulos æquales duobus rectis.

Tex. 38. (*Et quemadmodum in alijs principium simplex, hoc autem non idem, ubique, sed in pondere quidem mina, in cætu verò diesis*) Diesis apud Musicos est pars Toni. Tonus autem est interuallum duarum vocum, quale est inter primam vocem, Vt, & secundam Rê, vt modo loquuntur. istud interuallum, diuidunt Musici primum in semitonia, non tamen æqualia, sed vnum maius altero. minus iterum in duas partes æquales subdiuidunt, quarum vtramq; veteres harmonici diesim dixerunt. & hæc diesis est minima vox ab eis considerata; & quæ prima cadit sub sensum; & propterea veluti simplex principium, & elementum, ex quo alia maiora interualla constent; & in quod resoluuntur. *Diesis* porro græcè valet inter alia, diuisionem. igitur interuallum istud minimum dictum est diesis, quod sit quædam diuisio, seu segmentum Toni (*Quemadmodum in pondere mina*) qui de ponderibus antiquis tractant, asserunt, Minam fuisse maiorem libra per semunciam, æquiponderabat enim centum drachmis: quæ refragantur huic loco. sed fortè dicendum, Arist. considerasse, Minam respectu Talenti, respectu enim illius dici potest principium, cum sex millia minarum in Attico talento continerentur.



Tex. 39. (*Si enim quod duobus rectis inest, non in quantum æquicrus, sed in quantum triangulus, noscens, &c.*) idest, si enim qui cognoscit, quod habere tres angulos æquales duobus rectis conuenit æquicruri, non quatenus æquicrus est, sed quatenus triangulus est, &c. quid sit habere tres æquales duobus rectis, &c. fusè explicatum est in lib. 1. Priorum secto 3. cap. 1. quò te nunc mitto.

Post pauca (*Inest omni triangulo hoc, quod est duos, &c.*) idest, hæc proprietas, quæ est habere duos angulos rectos non actu, sed per æquivalentiam trium angulorum trianguli. Vide quæ immediate supra de hac re dixi, & quò te remisi.

Eodem tex. (*Quando igitur cognoscimus, quod quatuor exteriores sunt æquales, quoniam Isosceles, adhuc deficit, propter quid Isosceles? quoniam triangulus: & hoc quoniam figura rectilinea, &c.*) exemplo geometrico vult ostendere demonstrationem vniuersalem esse particulari præstantiorem: est autem exemplum de pulcherrima, atq; admirabili proprietate, quæ omnibus figuris rectilineis continetur, estq; huiusmodi: Omnis figuræ rectilineæ anguli externi omnes simul sumpti, sunt æquales quatuor rectis angulis, quæ affectio demonstratur in scholio 32. primi Elem. dicuntur autem anguli externi, qui productis lateribus fiunt, vt in triangulo præsentis anguli externi sunt, BDC, DFE,


D F E, F B A, ita vt quælibet figura tot angulos externos sortiatur, quot habet latera; cum ex productis lateribus oriuntur. Vt autem propositio verificetur, singula latera ordinatim sunt producenda, hoc est, versus eandem partem, vt in figuris appositis vides. Quæuis igitur figura rectilinea, siue trilatera sit, siue quadrilatera, vel etiam millesatera, & proinde mille quoque angulos externos habeat, hanc tamen mirabilem proprietatem (quod vix credi potest) possidet, vt omnes illi anguli externi simul sint æquales quatuor rectis angulis. vnde tres externi anguli trianguli, & quatuor externi quadranguli, & quinque externi pëtagoni, &c. sunt æquales quatuor tantum rectis, nec aliter res se habet in figura millesatera. Ex quo fit, vt anguli externi cuiusvis figuræ sint æquales angulis omnibus externis alterius cuiuslibet figuræ. Arist. igitur inquit, quando cognoscimus, quod quatuor angulis rectis sunt æquales exteriores omnes anguli alicuius figuræ, quoniam figura illa est triangulum scalenum, adhuc talis cognitio est defectiua, quia non illi competit illa passio, quia sit triangulum scalenum, neque competit scaleno, quia sit triangulum; sed his omnibus competit, quia sunt figuræ rectilineæ, cui hæc proprietas inest primo, & vniuersaliter: qui igitur scit, scalenum habere prædictam affectionem, ex eo, quod sit figura rectilinea, perfectius scit, quia nihil amplius quæri potest, quia illa figura rectilinea illud vniuersale est, cui primo competit; reliquis autem per illam, qui igitur vniuersale scit, perfectius scit; quod volebat Arist. demonstrare.

57 Eodem tex. (*Vt si quis nouit, quod omnis triangulus habet tres duobus rectis æquales*) nihil frequentius. vide supra lib. 1. Priorum secto 3. cap. 1.

58 Tex. 43. (*Sed planum, quod etsi esset sentire triangulum, quod duobus rectis æquales habet angulos*) vide supra lib. 1. Priorum secto 3. cap. 1.

59 Post pauca (*Quare & si supra Lunam essemus, & videremus obiectam terram, non utiq; sciremus causam eclypsis*) loquitur de defectu Lunæ, qui fit, quando terra inter Lunam, & Solem posita, impedit, ne lumen Solis feratur in Lunam, sed efficit, vt umbra ipsius terræ eam contegat.

60 Et paulo post (*Quemadmodum si vitrum perforatum videremus, & lumen permeans, planum utique esset propter quid comburit*) loquitur de ea combustionione, quæ fit per refractionem, media sphaera vitrea. de qua Vitellio propos. 48. decimi libri; non autem de ea, quæ fit per reflexionem ex speculo concauo. quando combustio fit per refractionem, causatur à radijs Solis vitrum permeantibus, in quo ita franguntur, vt egredientes è vitro simul vniantur, ex qua vnione ita calor intenditur, vt ibi comburat. vt in apposita figura cernere facile est: in qua radij à Sole manentes, sphaeram vitream peruadunt,



dunt, atq; in exitu ita refraguntur, vt ad A, punctum coaceruati, ibi possint, si quid combustibile occurrat, comburere. Si igitur, inquit Arist. videremus illos radios sic permeare, & refrangi, planum vtique nobis esset propter quid incendant.

Ad finem tex. 43. (*Principia enim duplicia sunt, ex quibus, & circa quod: 61*
quæ quidem igitur, ex quibus, communia sunt: quæ autem circa quod, propria, vt
numerus, magnitudo) nonnulli codices corruptè legunt (vt numerus magnitudine) sed ex græco tex. corrigendi sunt, vti fecimus. Cæterum per principia, ex quibus, intelligit Dignitates, quia ex illis discurremus. per principia verò circa quod, intelligit Definitiones, quibus, vt apparet apud Euclidem, explicatur subiectum, circa quod scientia versatur; vt in definitionibus primi Elem. docemur, quid sit linea, quid triangulum, quid circulus, quid magnitudines reliquæ, quæ sunt materia, circa quam Geometria speculatur. In septimo verò traduntur definitiones numerorum, quid sit numerus, quid impar, quid compositus, quadratus, cubus, & reliquæ numerorum species, quæ sunt materia septimi, octauæ, & noni, in quibus de Arithmetica tractatur.


Tex. 44. (*Commenfurabilem namq; esse diametrum verè opinari, absurdum est*) 62
vide, quæ de commensurabilitate diametri quadrati cum latere exposuimus lib. 1. Priorum secto 1. cap. 23. ait igitur Arist. absurdum esse opinari diametrum esse commenfurabilem costæ, seu lateri eiusdem quadrati, reliquæ sunt Logica.

Ex Secundo Posteriorum.

TEX. 1. (*Dico autem simpliciter quidem subiectum, vt Lunam, aut terram, aut Solem, aut triangulum; aliquid verò defectum, æqualitatem, 63*
inequalitatem, si in medio, aut non) Zabarella locum hunc, etiam, quatenus ad Mathematicum attinet, optimè declarat. In questionibus, & demonstrationibus duo sunt, subiectum, & prædicatū, vtriusque causæ existunt, & queruntur: v. g. Luna, terra, Sol, & triangulum sunt subiectum in demonstratione, quorum prædicata sunt, Lunæ quidem, & Solis, eclipfis. terræ autem esse in medio mundi, quod ab Astronomis ratione ab eclipfis desumpta, euidentius, quam ab alio quoquam demonstratur, vt patet ex tractatu de sphaera. in quo Zabarella non probatur, qui solum ait, terram esse in medio mundi, à Physicis demonstrari. triagulum autem, seu angulorum ipsius prædicatū est æqualitas, & inæqualitas: vt cum in 32. primi Elem. demonstrat Euclides, omne triangulum habere tres angulos æquales duobus rectis.

Ibidem (*Quid est consonantia? ratio numerorum in acuto, & graui, &c*) tan- 64
gè breuiter Arist. causam formalem consonantiæ, & consequenter definitionem ipsius. definiunt igitur Musici consonantiam hoc modo; Consonantia est compositio soni grauis, & acuti, quæ suauiter auribus accidit; & quorum sonorum proportio ad inuicem sit sicuti proportio numerorum, qui quaternario includuntur: vt est proportio 2. ad 1. vel 3. ad 1. vel 4. ad 1. vel 3. ad 2. vel 4. ad 3. Quotiescunq; igitur duo soni habuerint quampiam
ex quinque


ex quinque prædictis proportionibus, si simul coaluerint, ita ut ex eis unus tantum sonus efficiatur; sonus ille erit concordans, & auribus gratus. atque hæc est sententia præscorum præsertim Pythagoreorum, qui propterea dicebant non licere Musico ultra quaternarium pertransire, eo quod solæ proportionibus, ut diximus, numerorum quaternario contentorum, concordem, ac consonantem concentum efficere poterant: quod ut adhuc melius percipiamus, accipe exemplum. Sint duæ chordæ A, & B, æqualis crassitudinis, & æquæ tensæ. quarum A, dupla sit ipsius B, quia igitur corpora sonantia sunt in dupla proportionibus, erunt pariter eorum soni in ratione dupla (ut patet ex principiis harmonicis) hoc est, eorum soni erunt, ut 2. ad 1. quia scilicet sonus maioris chordæ A, erit duplus ad sonum minoris chordæ B. hoc est, erit, ut 2. ad 1. & propterea, si simul ambæ chordæ pulsantur, sonus, quem ex duobus mixtum edent, consonans, atque gratissimus auribus nostris perueniet. huiusmodi porro consonantia, quæ est in proportionibus dupla, quæque omnium suauissima est, à grecis dicebatur Diapason. atque hæc in præsentia sufficiant, cum plura de his ad sectionem problematum 19. quæ tota est de Musica, dicenda sint.



- 65 Tex. 2. (*Ut quod omnis triangulus duobus rectis æquales habet*) vide annotata lib. 1. Priorum secto 3. cap. 1.
- 66 Eodem tex. (*Definitiones verò apparent omnes supponentes, & accipientes ipsum quid est, ut Mathematica, quid unitas, quid par, & impar*) alludit ad definitiones 7. Elem. ubi agitur de numeris. Quæ verò hoc loco de principiis dicuntur, luculentissime patent consideranti definitiones, & axiomata, quæ Mathematicis demonstrationibus ipsi omnibus ferè libris præmittuntur, ex quibus statim demonstrationes deriuantur.
- 67 Et paulo post (*Neque utique de plano figura, non enim est planum figura, neque figura planum*) alludit ad definitiones planarum figurarum, qualis est circulus, cuius definitio est inter definitiones primi Elem. 15. & est huiusmodi: circulus est figura plana, sub vnica linea comprehensa, quæ peripheria appellatur, ad quam ab vno puncto eorum, quæ intra figuram sunt posita, cadentes omnes rectæ lineæ inter se sunt æquales: in qua quidem definitione, non prædicatur planum de figura, nec figura de plano: neque enim planum, seu plana superficies est figura secundum se, nisi terminetur; neque figura est plana superficies, cum plurimæ sint figuræ curvæ, & præterea solidæ quamplurimæ.
- 68 Ibidem (*Quoniam monstratum est Isosceles habere tres angulos æquales duobus rectis, si id de omni triangulo monstratum sit*) ex dictis lib. 1. Priorum secto 3. cap. 1. petatur huius loci declaratio.
- 69 Tex. 7. (*Quid enim significat triangulum, accipit Geometra*) ut manifestum est in 20. definitione primi Elem.
- 70 Ibidem (*Quod autem sit, monstrat*) ut perspicuum est in prima demonstratione primi Elem. ubi triangulum æquilaterum constituit, & postea probat illud esse triangulum æquilaterum. Certum tamen est, Geometram supponere triangulum in communi, cum inter definitiones ipsius contineatur, quod

quod tamen non obstat, quominus probare possit, aliquando posse cōstrui, & esse aliquod particulare triangulum, vt fit in prædicta demonstratione Euclidis.

Tex. II. (*Manifestum autem, & sic, propter quid est rectus in semicirculo*) 71
affert exemplum demonstrationis per causam materialem, idq; vti solet ex Mathematicis peti- tum, est enim apud Euclidem 31. demonstratio 3. Elem. vbi ipse ostendit angulum in semicirculo esse rectum. Vbi aduertendum est propositionem hanc 31. ab Euclide demonstrari duobus modis; ex quibus secundum innuit hoc loco Arist. cui ascripta est figura similis huic nostræ: in editione Clauiana. quod fortè non benè aduertens Iacobus Zabarella, alioquin in his satis oculatus incidit in errorem, dicens, se nullo pacto videre medium Euclidianæ demonstrationis esse causam materialem; quod tamen nos mox aperiemus. per angulum in semicirculo intelligas eum, qui sit à lineis ductis ab extremitatibus diametri, & simul in quoduis punctum



circumferentiæ coeuntibus, vt in figura præsentī vides lineas AC, BC, ad C, punctum conuenire, ibiq; facere angulum ACB, qui dicitur angulus in semicirculo, quia descriptus est in semicirculo ACB. estq; sanè mirabilis hæc semicirculi proprietas, cum vbiq; punctum C, in periphæria sumptum fuerit, semper ta-

men angulus ACB, fiat rectus. quod Euclides eodem prorsus medio, quod Arist. hic innuit, hoc modo demonstrat. ducta enim recta DC, à centro D, ad punctum C, exurgunt duo isoscelia triangula ADC, CDB, ergo per 5. primi, anguli DCA, DAC, sunt æquales: pariter anguli DCB, DBC, æquales sunt. & quia per 32. primi, anguli DAC, DCA, simul sunt æquales angulo externo CDB, & inter se æquales, erit angulus ACD, dimidium anguli CDB. eadem ratione probatur angulus DCB, esse dimidium anguli CDA. ergo totus angulus ACB, dimidium erit duorum angulorum ADC, CDB, qui per 13. primi, sunt vel recti, vel duobus rectis æquialēr. Sequitur igitur, angulum ACB, in semicirculo esse dimidium duorum rectorum; & quia omnes recti sunt æquales, sequitur dimidium duorum rectorum, nihil aliud esse, quam vnum rectum angulum, ergo angulus in semicirculo, cum sit semissis duorum rectorū, erit vnus rectus angulus; quod erat probandum. ex quibus vides medium illud, quod Arist. assumpsit, esse omnino idem cum eo, quo Euclides vtitur, scilicet, esse dimidium duorum rectorum, & propterea esse rectum: quod etiam medium in toto demonstrationis decursu est vltimum, & principale, quod proximè conclusionem attingit, & propterea dici meretur esse medium huius demonstrationis. Cæterum, quod medium istud sit in genere causæ materialis, patet ex eo, quod est, esse dimidium; nam esse dimidium, vel esse tertiam partem, & similia, nihil aliud est, quam esse partem; esse autem partem est esse materiam totius, etiam ex sententia ipsius Arist. ex hac præterea materia conflatur definitio minoris extremi, vel subiecti; dum dicitur, angulus in semicirculo est dimidium duorum rectorum. syllogismus enim reducitur tandem ad

I


hanc

hanc formam, dimidium duorum rectorum est rectus, angulus in semicirculo est dimidium duorum rectorum, ergo angulus in semicirculo est rectus. vides in minori propositione contineri definitionem subiecti materialem? adeo ut hæc sit demonstratio omnibus numeris absoluta per causam materialem, ut bene sentit Arist. Reliqua ad logicum pertinent, etiam si per characteres more mathematicorum exponantur.

- 72 Tex. 24. (*Ut propter quid resonat? aut propter quid apparet? aut propter quid Iris? omnia enim hæc idem problemata sunt genere, omnia enim sunt refractione, sed specie altera*) propter quid resonat? scilicet echo; propter quid apparet? scilicet imago in speculo. dicit causam echo, imaginis in speculo, & iridis in nubibus esse eandem, nimirum refractionem, quamvis tres illæ refractiones, seu, ut melius loquamur, reflexiones differant specie ab invicem, illa enim est repercussio vocis; hæc reflexio speciei visibilis ex corpore terreo; ista denique radiorum Solis ex nube rorida in stato angulo repercussus. quæ ratione autem ista omnia fiant, longum esset exponere, & ab intelligentia huius loci fortè alienum. Illud tamen non prætereundum, quod si propriè cum Perspectivis loqui velimus, dicendum esse, omnia illa esse reflexionem, non refractionem. nam reflexio est, quando linea visualis, per quam fertur species in aliquod corpus terreo, impingit, ex quo deinde ad oculos reflectitur. refractione tunc est, quando species obiecti visibilis transit per media diuersæ crassitie, ut quando species lapilli per aquam primum, deinde per aerem means ad oculum peruenit; tunc enim linea, per quam species progreditur, frangitur in confinio aquæ, & aeris, ita ut species non per unicam lineam rectam, sed per fractam, seu refractam in confinio illo, oculis tandem accidat.

In fine textus (*Quoniam Luna deficit*) non intelligit defectum illum, quæ eclipsis appellatur, sed illum, quo paulatim lumen Lunæ minus oculis nostris apparet: decrescente enim Luna solent humida augeri.

- 73 Tex. 25. (*Ut propter quid, & permutatim proportionale? &c.*) quod quantitates, quæ sunt proportionales, sint etiam alternatim, seu permutatim, proportionales explicatum est ad tex. 13. primi Poster. quæ etiam necessaria sunt ad hunc locum bene intelligendum. Illud autem commune propter quod ea, quæ sunt proportionalia, sint etiam permutatim proportionalia, est quoddam innominatum, de quo ibi dictum est, quod cum conveniat lineis, & numeris, & tamen separatim de utrisque illa passio demonstratur, querit cuinam primò, & per se conveniat hæc passio, esse permutatim proportionale; scilicet quidnam sit illud innominatum, in quo deinde communiceant lineæ, & numeri, ut inde habeant esse etiam permutatim proportionalia.
- 74 Ibidem (*Hic quidem fortasse proportionaliter habere latera, & angulos*) vult indicare, in quonam consistat similitudo inter duas figuras rectilineas geometricas, quam similitudinem Euclides definit. 1. sexti, sic explicat: similes figuræ rectilineæ sunt, quæ & angulos singulos, singulis angulis æquales habent, atque etiam latera, quæ circa angulos æquales sunt proportionalia. ut si duo triângula apposita habeant angulos æquales, angulū A, angulo D: angulū B, angulo E. angulū C, angulo F. & præterea latera, quæ sunt circa



circa angulos æquales, v. g. circa angulos A, & D, habeant proportionalia, hoc est, vt latus AB, ad latus AC; ita sit latus DE, ad latus DF; & sic de lateribus alijs circa reliquos angulos æquales; erunt tunc prædicta duo tri- angula similia.

Ibidem (*vt extrinsecos æquales esse*) idest extrinsecos angulos cuiusvis fi- 75
guræ rectilinearæ æquales esse quatuor rectis angulis: vide quæ scripsimus de
hac re ad tex. 39. secundi Poster. quæ huic pariter loco satisfaciunt.

EX TOPICIS.

Ex Primo Libro.

C Ap. 13. (*Considerare, quod diameter est costa incommensurabilis*) vide 76
quæ de hac re scripsi lib. 1. Priorum secto 1. cap. 23.

Eodem cap. (*Similiter autem & acutum; non enim idem simpliciter* 77
*in omnibus dicitur: nam vox acuta quidem velox (sicut dicunt, qui se-
cundum numeros harmonici sunt) angulus autem acutus, qui minor est recto; gla-
dius verò, qui est anguli acuti)* affert tres species acuti, aliud dicens esse acu-
tum, quod est in voce acuta; aliud, quod est in angulo acuto: aliud denique,
quod est in gladio acuto: horum enim trium acumen diuerso modo se habet.
nam acumen vocis, & soni ex celeritate motus, qua aer percussus impelli-
tur; grauitatem autem ex tarditate oriri tradiderunt antiqui Musici om-
nes: quamuis non ex sola celeritate, & tarditate, sed ex alijs etiam causis
oriri posse voluerint. Primus omnium Architas Tarentinus, vt est apud Por-
phirium in harmonicis Ptolæmi, & Zarlinum pag. 58. complem. musica-
lium, ait, si virga celerius feriat aerem, gigni motum celeriores in aere,
atq; hinc sonum acutiorem reddi, experientia constat: si autem eadem vir-
ga tardius aerem feriat, gigni motum in aere tardiores, ex quo etiam so-
num grauem, vt experientia docet. Ptolæmus deinde lib. 1. cap. 3. Harm.
cum ex alijs, tum ex celeritate oriri sonum acutum, grauem verò ex tardi-
tate asserit; vt si chorda eadem parum intensa pulsetur, tardius aerem ver-
berat, & ideo grauiorem sonum efficit: si autem magis intendatur, validius
aerem pulsabit, & proinde citiorem motum illi imprimet, & propterea
acutiorem sonum reddet. hæc ille. videmus etiam, quod cannæ organo-
rum maiores cum plus aeris moneant, & idcirco tardius, sonum grauiorem
emittunt, quàm cannæ graciliores, quæ quia parum aeris cient, & ideo ce-
lerius, sonum acutum edunt. ab hac sententia posteriores Musici non reces-
serunt, vt videre est apud Zarlinum.

In quo postea consistat ratio acuti anguli, explicat inducēs definitionem
ipsius, quæ est inter definitiones primi Elem. huiusmodi, Angulus acutus
est, qui minor recto est. Demum explicat, cur nam gladius dicatur acutus,
quia nimirum habet angulum acutum superficiale, idest, quem duæ super-
ficies simul in acie gladij concurrentes efficiunt.

I 2

Eodem

- 78 Eodem cap. (*Rursum si eorundem, quæ sunt sub eodem nomine diuersæ differentia sunt; ut coloris, qui est in corporibus, & in melodijs*) veteres Musici cantilenas omnes ad tria genera reuocarunt, videlicet Enharmonicum, Chromaticum, & Diatonicum; quæ distinguebantur inuicem ex varia diuisione interuallorum, ex quibus ipsorum Monochordia constabant: siue ex varijs vocum interuallis, v. g. quia in vno continebantur plures toni, vt in Diatonico; in alio plures dieses, vt in Encharmonico; in tertio verò plura semitonia, vt in Chromatico: quæ vox deducitur à chroma, græco, quod latinis est color; quare Chromaticum latinè redditur coloratum. Hic est igitur color ille, quem hic Arist. innuit. quod genus forsitan à calore denominabatur, quòd ipsius notæ musicales essent coloratæ, vt hoc modo ab alijs generibus dignosceretur. quam consuetudinem existimat Zarlinus cap. 46. secundæ partis, etiam nostra tempestate aliquo modo perseuerare, cum videamus in organis, & alijs huiusmodi instrumentis, quæ pinnas, vulgò tactos, habent; illas inquam pinnas, quæ chromaticis interuallis deputatæ sunt, colore nigro tinctas esse.

Libro Quarto.

- 79 C Ap. 1. loco 10. (*Si quis infecabiles ponens lineas*) nonnulli antiquorum Philosophorum putarunt omnia ex indiuisibilibus componi, vt Democritus, & Leucippus, & propterea dixerunt, etiam lineas constare ex lineis quibusdam adeò paruis, quæ omnino essent infecabiles, seu indiuisibiles: de quibus plura in libello de lineis infecabilibus.


Libro Sexto.

- 80 C Ap. 2. loco 32. (*Vt qui lineam definiunt longitudinem sine latitudine esse*) supponimus lectorem intellexisse definitiones saltem primi Elem. inter quas definitio lineæ est secunda, eademq; cum hac Aristotelis.

Libro Octauo.

- 81 C Ap. 2. loco 41. (*Videntur autem in disciplinis, seu Mathematicis quedam ob definitionis defectum non facile describi; vt & quoniam, quæ ad latus fecat planum linea, similiter diuidit & lineam, & locum: definitione autem dicta, statim manifestum est, quod dicitur, nam eandem ablationem habent loca, & linea, siue latus planæ figuræ, est autem definitio eiusdem proportionis hæc*) mendosè legitur à nonnullis (*Est autem definitio eiusdem orationis hæc*) quos puto deceptos ab æquiuioco λόγος, quod & orationem, & rationem, siue proportionem significat: hic autem significare proportionem res subiecta satis manifestat. Notandum postea cum Alexandro (quod & superius alias communi in cap. de Priori, & alibi) per verbum (*Describi*) significari hoc loco geometricè demonstrare, quoniam Geometræ nō nisi adhibitis descriptionibus, seu figuris demonstrant. Vult autem Arist. exemplo mathematico ostendere, difficile esse disputare, aut argumētari, nisi prius rectè assignetur definitio-

definitio illius rei, de qua differitur. Porro exemplum mathematicum hic allatum sic videtur explicandum: Conetur aliquis demonstrare hanc propositionem; si linea ducta fuerit æquidistans lateri vnus plani trianguli, secabit & latera, & locum, idest superficiem illam triangularem similiter, idest



in eadem proportionem, vt in triangulo ABC, linea DE, parallela basi BC, secat latera AB, & AC, in punctis D, & E, in eadem ratione, in qua etiam secat totum triangulum, ita vt eadem sit proportio lineæ AD, ad DB, & lineæ AE, ad EC, quæ est partium totalis trianguli ABC, scilicet quæ est partis ADE, ad partem EDC, siue ad partem DEB. quod constat ex secunda 6. Elem. Inquit ergo Arist. Si quis

velleret hoc demonstrare nondum præmissa definitione eorum, quæ habent eandem rationem, siue nondum definitione allata quantitatum proportionalium, hic difficile id valeret ostendere: at verò allata prius definitione quantitatum proportionalium facile demonstrabit. Subdit verò Arist. dictam definitionem, dicens, tunc quantitates esse proportionales, quando habent eandem ablationem, idest, eandem diuisionem, idest, eandem diuisione tantum proportionaliter de vna, quantum de altera magnitudine refecatur: Quemadmodum etiam Euclides loco citato probat, latera illius trianguli, & superficiem esse similiter diuisa, ex quo sequitur esse proportionalia. Porro Euclides definit. septima 5. paulo aliter definit quantitates proportionales esse illas, quæ eandem habent rationem, v. g. si sit, vt prima ad secundam, ita tertia ad quartam. ex quibus quoad Mathematicas spectat, huic loco satisfactum fit.

Cap. 4. loco 86. (*Tentandum autem, & ea, in quæ sæpius incidunt disputationes, tenere, nam quemadmodum in Geometria ante opus est circa elementa exercitatum esse, & in numeris circa capitales promptè se habere, & multum refert ad hoc, & aliam numerum cognoscere multiplicatum*) Elementa vocabant antiqui demonstrationes faciliores, & simpliciores, quales propriè sunt omnes, quæ sex prioribus libris Euclidianis continentur: ex illis enim tanquam ex elementis abstrusiores, & difficiliore demonstrationes deducebant. atq; hæc est ratio, cur Euclides suos libros elementa nuncupauerit. ait igitur curandum esse horum elementorum cognitionem in promptu habere, quia frequens de ipsis incidit disputatio. Per capitales numeros intelligo simplices ab vnitatem, vsq; ad nouem inclusiue. & quando ait, alium numerum cognoscere multiplicatum, significat vtile valde esse ad quotidianum vsum

cognoscere, quemnam numerum producant numeri capitales,

si ad inuicem multiplicentur, quamuis huiusmodi co-

gnitio facilis, ac leuis sit: qua de causa videmus vsque in hanc diem pueros diu in

Abaco memoriter perdiscendo detineri.

Ex

Ex Primo Elenchorum.

83 **C** Ap. 10. (Nam pseudographia non contentiosa (secundum enim eam, quae sub arte sunt, captiosa sunt ratiocinationes) neque si aliqua est pseudographia circa verum, ut Hippocratis quadratura, quae per lunulas, sed, ut Brysso quadravit circulum; & tamen si quadretur circulus, quia tamen non secundum rem, ideo sophisticus) qua ratione Hippocrates orbi quadrum exhibere æquale tentauerit, explicatum est abunde in 2. Priorum cap. 31. & quo itidem modo Brysso lib. 1. Poster. tex. 23. solummodo id hoc loco notandum per pseudographiam intelligere, ut aperte etiam inferius explicat, Geometricam demonstrationem fallacem, eo quod demonstrationes geometricae fiant adhibitis descriptionibus, seu figurationibus: pseudographia autem latine idem est, ac falsa descriptio; quemadmodum est contrariò, sicuti supra in Topicis, & alibi observavi, per describere intelligit geometricè demonstrare, & per descriptiones intelligit demonstrationes geometricas. Qua ratione item Hippocrates ex ijs, quae sub arte Geometriae sunt, procederet ibi dictum est, propter quod non est contentiosa, quamvis fallax ipsius demonstratio: appellat enim Arist. illas demonstrationes contentiosas, quae non procedunt ex proprijs illius scientiae, in qua fiunt, sed ex communibus alijs scientijs: captiosas verò, & sophisticas, quae ex proprijs scientijs, in qua fiunt, decipiunt. At verò demonstratio, seu pseudographia Bryssonis erat contentiosa, quia ex communibus, & extra Geometriam petitis argumentabatur: quemadmodum ibi explicatum est.

84 Eodem cap. (Quadratura per lunulas non contentiosa) inquit Hippocratis tetragonismum, de quo in 2. Priorum, quae non contentiosa dicitur, quia ex proprijs Geometriae deducebatur.

85 Ibidem (Bryssonis autem contentiosa: & illam quidem non est transferre, nisi ad Geometriam solum; eo quod ex proprijs sit principijs) quādo ait (& illam quidem) intelligit quadrationem Hippocratis. vide 2. Prior. cap. 31. & quae paulo ante in praecedentibus locis diximus.

86 Ibidem (Hanc autem ad plures) intelligit tetragonismum Bryssonis, qui per communia deducebatur. lege superius dicta in praecedentibus locis huius capituli.

87 Ad finem cap. (Aut ut Antiphon quadravit) simile peccatum peccasse Antiphontem in orbe quadrando, ac Hippocratem, Arist. his verbis videtur significare, id est, ipsum, quamvis ex proprijs Geometriae, falsis tamen ratiocinatum esse. Ceterum Antiphontem in hunc modum orbem ad quadrum redigere tentasse, tradit Simplicius. circulo quadrando inscribebat primò quadratum A B C D. deinde in singulis quatuor segmentis inscribebat totidem trigona æquilatera, ut patet in adscripta figura.




figura. postea super singula latera horum triangulorum in reliquis segmen-
tis inscribatur adhuc triangula similia triangulo A I E. alia insuper trigona
super latera istorum constituebatur, donec ambitus figura illius multilatera
in circulo delineata, circumferentia circuli aptaretur. quod fieri posse ille
falso contra Geometriae principia assumebat; est enim principium Geome-
tricum continuum esse diuisibile in infinitum, neq; per diuisionem absumi
posse; cui principio aduersatur, dum putat se consumpturum totum circu-
lum, diuidendo illud in triangula semper minora; vel quia putat, lineam
curuam constare ex minimis lineis rectis. Similiter igitur atq; Hippocra-
tes errauit, qui pariter in Geometria fallebatur: Antiphon quidem contra
principia illius: Hippocrates vero assumens falsi quidpiam in Geometria.
At Bryllo, eo quod per communia alijs scientijs deduceret ratiocinatio-
nem. propterea pseudographia Antiphontis non litigiosa quidem, sed
tamen fallax extitit, non enim per communia alijs scientijs
procedat; unde nec transferri poterat ipsius falsa de-
scriptio, seu demonstratio extra Geometriae li-
mites, quod causa est contentionis.

Logicorum locorum finis.



EX PRIMO LIBRO PHYSICORVM.

88



Ex. 11. (*Simul autem neq; conuenit omnia soluere, sed quacumq; ex principijs aliquis demonstrans mētur; quacumq; verò non, minime: vt tetragonismum, eum quidem, qui per sectiones Geometrici est dissoluere; illum autem, qui Antiphontis non Geometrici est*) Tetragonismum, seu circuli quadraturam per sectiones, esse illam Hippocratis Chij existimant græci expositores, qui per lunulas, quas Arist. sectiones appellat, orbem quadrare tentabat. Eius demonstrationem explicauimus ad cap. 31. de Abductione in 2. Priorum, quam inibi videas. hoc solum hic notandum pertinere ad Geometram, ipsam refellere, quia ex falsa quadam præmissa ex Geometria desumpta, ratiocinabatur, idcirco debet (inquit Arist.) Geometra illius deceptionem inuenire. Tetragonismum autem Antiphontis non est Geometra cōfutare, quia aduersabatur principijs Geometriae, supponebat enim circuli circumferentiam ex indiuiduis, minimisq; lineis rectis componi: cuius falsam demonstrationem explicatam inuenies ad cap. 10. primi Elench. possumus addere tertiam rationem, quia scilicet Hippocrates non procedebat per communia alijs scientijs, vt videre est ad tex. 23. primi Poster. cap. 8. vbi ipsius pseudographiam exposui. Quemadmodum igitur Geometra dissoluit falsas tantummodo rationes eas, quæ seruatis Geometricis principijs procedunt; non autem eas, quæ Geometriae principia conuellunt: ita Physico non incumbit cōtra Parmenidem, ac Melissum naturæ principia destruentes disceptare, aut fallaces eorum rationes coarguere. Hoc volebat Aristoteles inferre.

Ex Secundo Physicorum.

89



Ex. 20. (*Geometria enim de physica linea considerat, sed non quatenus est physici: Perspectiua autem mathematicam quidem lineam, sed non quatenus physica est*) quamuis textus hic non pertineat ad Mathematicum, libuit tamen illum in ordinem nostrum recensere, operapretium etenim est ea, quæ in ipso continentur à nonnullis recentioribus rectè intelligi, vt ab his moniti, ab inani quadam optices impugnatione abstineant, ac tandem ex Arist. lineas illas visuales quas ipsi de medio tollunt, perspicuè videant. cætera, quæ in præcedentibus locis Arist. de Natura Mathematicarum habet, sunt præter nostrum institutum.


90

Tex. 28. (*Alio autem modo, forma, & exemplum: hæc autem est ratio ipsius, quod quid erat esse, & huius genera, vt ipsius diapason duo ad vnum, & omnino numerus, & partes, quæ in ratione sunt*) vt benè intelligas, quod in præsentī textu mathematico est, consule prius, quæ scripsi ad tex. 1. cap. primi 2. Poster. super verba illa (*Quid est consonantia?*) vbi perspicuè videbis, cur consonantia, quæ dicitur Diapason, essentia, & definitio sit ipsa proportio dupla, quæ sub his num. 2. 1. continetur: quibus perspectis facilis erit physico totius loci intelligentia.

Tex. 68.

Tex. 68. (Aut enim ad ipsum quid est, reducitur ipsum propter quid in immo- 91
bilibus, ut in Mathematicis, ad definitionem enim recti, aut commensurabilis, aut
alius cuiuspiam reducitur ultimum) ex his manifestè videas Mathematicas de-
monstrare per causam formalem, cum causam ipsam ad ipsum quid est, idest,
ad definitionem reducant. quorum exempla in logicis ex Mathematicis at-
tuli: sed etiam sequentis loci exemplum de triangulo idem apertè manife-
stat; in quo probat duos angulos ACB , ACD , esse rectos, ex definitione
ipforum, siue ex definitione lineæ perpendicularis AC , quod idem est.

Tex. 89. (Est autem necessarium in Mathematicis, & in his, quæ secundum 92
naturam sunt quasi eodem modo; quoniam enim hoc rectum est, necesse est, trian-
gulum tres angulos habere æquales duobus rectis; sed non, si hoc, illud; sed si hoc
non est, neq; rectum est.) cum animaduertim non parum esse dissensionis, &
difficultatis in exemplo hoc mathematico explicando, ita ut recentiores
quidam textum hunc pro arbitratu suo perperam latine verterint: ideò pri-
mum ex græcis codicibus interpretationem hanc veram attuli. deinde, quia
etiam græci in exemplo mathematico enodando, vel malè, ut Simplicius;
vel obscurè nimis, ut reliqui; Latini verò vel nihil; vel peius multò loquun-
tur, ideò sic ego exponendum censui. cum velit Arist. ostendere necessita-
tem, quæ in scientijs inter præmissas, seu medium, & conclusionem reperit-
ur, affert exemplum illud mathematicum sibi familiare, demonstrationem
scilicet istam, qua ostenditur, omne triangulum habere tres angulos æqua-
les duobus rectis angulis, cuius fusissimam explicationem inuenies supra in
primo Priorum, secto 3. cap. 1. quam necesse est, consulas. pro medio autem
huius passionis accipit lineam perpendicularem, quam innuit verbis illis
(quoniam enim hoc rectum est) ut in figura sit triangulum ABC , sitq; ut latus
 AC , sit perpendiculare cū latere BC , & pro-
ducatur BC , in D ; tunc triangulum ABC ,
habere tres angulos, A , B , & ACB , æquales
duobus rectis planum erit: nam cū latus AC ,
sit perpendiculare (quod Arist. dicit, cum re-
ctū hoc sit) erunt duo anguli deinceps ACB ,
 ACD , recti, ex definitione lineæ perpendicu-
laris, cum ergo duo anguli A , & B , externo, rectoq; ACD , sint æquales per
32. primi, & reliquus angulus ACB , communis, idest, sit angulus triangu-
li, & angulus vnus lineæ perpendicularis, & ideò rectus; manifestè apparet,
tres angulos A , B , ACB , esse æquales necessariò duobus rectis, ex positio-
ne illius recti, siue lateris perpendicularis, quia ex verò, verum necessariò
sequitur; non tamen posita hac passione, siue conclusione, habere scilicet
tres angulos æquales duobus rectis, necessariò sequitur illud esse rectum,
idest latus illud AC , esse perpendiculare ad latus BC , quia verum
sequi potest ex verò, & falsò. valebit tamen hæc consequen-
tia, si triangulum non habet hanc proprietatem, ne-
que illud rectum est, idest, neq; latus prædi-
ctum erit perpendiculare, quia falsum
non, nisi ex falso sequitur.




Ex Tertio Physicorum.

93 **T** Ex. 26. (Et hi quidem infinitum esse par; hoc enim comprehensum, & ab impari terminatum tribuit ips, quæ sunt, infinitatem. signum autem huius id esse, quod contingit in numeris, circumpositis enim Gnomonibus circa unum, & seorsum, aliquando quidem semper aliam fieri speciem, aliquando autem unam) ut melius percipiantur ea, quæ sequuntur, lege prius, quæ in cap. de Motu in post prædicamentis scripsi de Gnomone, ad similitudinem enim Gnomonis illius Geometrici, inueniuntur etiam in numeris Gnomones Arithmetici. Pythagorici enim (à quibus ista mutuatus est Arist. numeros impares solos appellabant Gnomones, eò quod in formam normæ æquilateræ, siue Gnomonis constitui possint, ut patet in his


$\begin{array}{ccccccc} \cdot & \cdot & \cdot & \cdot & \cdot & \cdot & \cdot \\ & \cdot & & \cdot & & \cdot & \\ & & \cdot & & \cdot & & \\ & & & \cdot & & & \end{array}$

nimirum in ternario, quinario, septenario, & sic de reliquis imparibus. pares autem numeri, quia nequeunt in figuram normæ æquilateræ disponi, cum non habeant unitatem pro angulo, & paria postea latera, ut oportet, non merentur appellari Gnomones, ut quaternarius, si disponatur sic $\begin{array}{ccc} \cdot & \cdot & \cdot \\ & \cdot & \\ & & \cdot \end{array}$ non refert Gnomonem, quia lateribus inæqualibus constat; neq; si hoc modo $\begin{array}{ccc} \cdot & \cdot & \cdot \\ & \cdot & \\ & & \cdot \end{array}$ quia deest huic figuræ angularis unitas, quæ illi necessaria est. Pythagorici igitur dicebant, numerum parem idè esse infinitum ipsum, quia videbant ipsum esse causam perpetuæ diuisionis, cum quælibet res quanta sit diuisibilis bifariam, idèst in duo secundum numerum parem, & subdivisibilis postea bifariam, & sic in infinitum, ut de linea problematicè probatur in 10. primi Elem. quamvis theorematice sit axioma. hunc porro numerum parem dicebant terminatum esse ab impari, quia oritur ex diuisione cuiusvis rei, quæ una sit, sumentes unitatem pro impari. signum præterea huius finitatis ab impari, & infinitatis à pari numero procedentis, aiunt esse Gnomones, numeros scilicet impares: Gnomones enim, idèst impares numeri unitati additi, producant eandem perpetuò numerorum formam, videlicet quadratum: at verò è contrariò numeri pares unitati additi, constant perpetuò varias numerorum formas: quapropter videntur numeri impares esse finitatis causa; sicut pares exaduerso infinitatis principium. quæ ut melius intelligas, declaranda est 26. propos. 7. Arithmetices Iordan, ubi istud idem demonstrat, quæ est hæc. sit unitas, & suo ordine sequantur impares, ut in sequenti hac serie apparet 1. 3. 5. 7. 9. &c. si igitur unitati addatur ternarius in Gnomonis modum, ut vides in prima figura, producet quaternarius numerus, qui est numerus quadratus (quid sit quadratus numerus explicauimus in Logicis tex. 9. primi Poster.) etsi huic quaternario addatur sequens impar, qui est quinarium in modum Gnomonis, ut in secunda figura, fit numerus nouenarius, qui pariter est quadratus. etsi huic similiter addatur sequens impar, nimirum septenarius, conflabitur sedenarius, qui numerus pariter quadratus est, ut in tertia figura, & hoc modo, si in infinitum



etiam

tum procedatur, numeri semper quadrati progignentur. Vides igitur, quæ ratione Gnomonum, siue imparium additione fiat semper eadem species, scilicet quadratus numerus, quod signum est, inquit, imparem numerum non infinitatis, sed finitatis esse auctorem. Post prædictam 26. propositionem Iordani, sunt aliquot propositiones, quarum summa hæc est: si pares numeri ab vnitæ coaceruentur; coaceruati erunt semper variæ formæ numerorum. quæ sic explicantur: sint ab vnitæ pares dispositi ordinatim, hoc modo, 1. 2. 4. 6. &c. si igitur vnitæ binarius coaceruetur, fit numerus



triangularis, vt in prima figura. si huic ternario coaceruetur sequens par, fiet altera species, nimirum hexagonus numerus, vt in secunda figura. cui si sequens addatur par, scilicet senarius, fiet iterum noua numeri forma, v. g. dodecag-

nus, vt in tertia figura. & sic semper in infinitum nouæ, ac variæ numerorum formæ ex hac additione parium prouenient, quod argumento est numerum parem infiniti naturam sapere. Porro reperiri numeros triangulares, pentagones, & similes, constat ex Arithmetica Nicomachi, Boetij, & Iordani, citati in definitionibus 7. suæ Arithmeticæ, atque ex tractatu Diophantis Alex. de numeris rectangulis. atq; ex his locus hic satis clarus redditur.

Tex. 31. (*Vtuntur etiam Mathematici infinito*) aliquando Mathematici ducunt lineas quantumvis longas, seu indefinitæ longitudinis, quas etiam infinitas appellant: & hoc modo vtuntur infinito, vt infra tex. 71. ipse Arist. exponit. alio præterea modo vtuntur infinito, vt quando supponunt data, quauis quantitate posse sumi maiorem, vel etiam minorem in infinitum, vt patet ex 6. postulato primi Elem. editionis Clauianæ. numerum quoq; augeri posse in infinitum, est secundum postulatam libri 7. Elem. vel demum quando probant quamlibet lineam posse diuidi bifariam, quia hinc sequitur posse subdiuidi in infinitum; his igitur modis Mathematicis infinitum in usu est.

Tex. 68. & 69. plura de magnitudine, & numero continent; sed quæ non indigeant opera nostra.

Tex. 71. (*Non remouet autem ratio Mathematicos à contemplatione auferens*) sic esse infinitum, vt actu sit versus augmentum, vt intransibile, neq; enim nunc indigent infinito, neq; vtuntur, sed solum esse quantumcumq; velint finitam) ratio physica tollens infinitum actu, non est Mathematicis impedimento, quia ipsi non vtuntur infinito actu; quam enim ipsi ducunt lineam infinitam, non est verè infinita, sed indefinita, eam enim quantumlibet magnam producant, vt possit ad demonstrandum sufficere.

Ex Quarto Physicorum.

Tex. 120. ter in hoc textu meminit commensurabilitatis, & incommensurabilitatis, quæ est diametri ad costam: cuius explicationem vide primo Priorum, secto primo, cap. 23.



Ex Quinto Physicorum.

- 98 **T** Ex. 6. (*Vt media grauis ad vltimam, & acuta ad primam*) alludit ad ordinem chordarum in musicis instrumentis, vbi media chorda edit sonum, respectu quidem vltimæ, & supremæ chordæ grauem: respectu verò primæ, & infimæ acutum.


Ex Octauo Physicorum.

- 99 **T** Ex. 15. (*Etenim triangulus habet tres angulos aequales duobus rectis angulis*) lib. 1. Priorum, secto 3. cap. 1. huius rei explicationem reperies.

EX PRIMO DE COELO.

- 100 **T** Ex. 33. (*Vt si quis minimam quādam esse dicat magnitudinem, hic enim minimum introducens, maxima ubiq; amoueret mathematicorū*) idest, si quis, vt Democritus posuerit in magnitudinibus esse minima, seu indiuisibilia, ex quibus entia mathematica componerentur, hic euerteret maxima mathematicorum, idest maxime ipsorum demonstrationes, atque etiam effata euerterentur: v. g. 10. primi Elem. quæ docet quamlibet lineam posse diuidi bifariam nulla esset, quia linea illa, quæ constaret ex tribus Democriti atomis, nulla ratione bifariam secari posset. pariter totus ferè decimus liber Elem. deceptiuus, & nullus esset, si enim darentur illæ atomi, ex quibus quātitas constaretur, nullæ essent lineæ incommensurabiles, quandoquidem omnes communi illa, ac indiuidua, commensurarentur. postulatum quoq; illud, qualibet data magnitudine sumi posse, minorem prorsus irritum redderetur, quia data atomo, illa minor accipi non posset.

- 101 **T** Ex. 36. (*Sit itaq; linea, in qua AGE, infinita ad partes E; & alia vtrinque infinita, in qua BB; si itaq; describat circulum linea AGE, circa centrum G, ferretur circulariter linea AGE, secans aliquando lineam BB, tempore finito; totum enim tempus, in quo circulariter latum est Cælum finitum est, & ablatum igitur, quo secans ferebatur; erit igitur aliquod principium, quo primum linea AGE, lineam BB, secuit. sed impossibile est; non est igitur circulariter verti infinitū, quare neq; mundum, si esset infinitus*) quamuis textus hic parum sit mathematicus, quia tamen supponit figuram mathematicam, quæ in codicibus pariter, ac commentarijs desideratur, illam placuit apponere. in qua quidem, quamuis duæ lineæ infinitæ supponantur, vnā ad alteram tantum partem in qua E: altera verò ad vtramq; partem B, & B, non



non potuerunt tamen describi, nisi finita; appositæ idcirco sunt ad partes illas, ad quas deberent esse infinitæ lineolæ quædam infinitatem indicantes. debemus postea, vt mentem Arist. percipiamus concipere lineam A G E, moueri circulariter factò centro in G. quæ quia infinita supponitur ad partem E, secabit necessariò alteram vtrinque infinitam β B, illamq; necessariò finito tempore percurreret, finito enim tempore tota mundi circulatio peragitur, spatio videlicet viginti quatuor horarum. ex quo Arist. infert mundum non posse esse infinitæ magnitudinis; quia si mundus esset infinitus; & duæ lineæ infinitæ, quales sunt prædictæ in ipso, atq; cum ipso moueri altera earum A E, intelligatur, alteram β B, manentem in tempore finito, idest, in diurna conuersione pertransibit: fieri autem nequit, vt infinita magnitudo finito tempore percurratur; quare dicendum est, mundum esse finita magnitudine præditum.

Tex. 48. (*Nibil autem refert grauitates, commensurabiles sint, an incommensurabiles*) quidnam sit commensurabilitas, & incommensurabilitas, explicatum est lib. 1. Priorum, secto 1. cap. 23. 102

Tex. 119. (*Est autem impossibile, & possibile; falsum, & verum, ex suppositione quidem, dico autem, vt triangulum impossibile est duos rectos habere, si hæc*) idest, si supponantur falsa quædam, quæ supponi possunt, sequetur impossibile esse triangulum habere tres angulos æquales duobus rectis angulis, vide, quæ scripsi lib. 1. Priorum, secto 3. cap. 1. de hoc, quod est, habere tres angulos æquales duobus rectis. v. g. si in triangulo pag. 73. producto latere A C, in D. si supponatur externus angulus B C D, non esse æqualis duobus internis, & oppositis A, & B, nunquam poterimus eo modo, quo Euclides, demonstrare passionem prædictam de triangulo A B C. huiusmodi impossibile, cuius oppositum non solum possibile, sed etiam necessarium est, vocat Arist. impossibile ex suppositione, quia scilicet impossibile euadit ex quodam falso suo supposito, vt in allato exemplo, triangulum habere tres angulos æquales duobus rectis, quamuis necessarium sit, tamen ex falsa suppositione, impossibile euasit. 103

Ibidem (*Et diameter commensurabilis est costæ, si hæc*) vide primo Priorum, secto 3. cap. 23. hoc solum nunc addendum (*Si hæc*) v. g. si supponamus lineas esse compositas ex indiuisibilibus, consequarium erit diametrum esse commensurabilem costæ, quia indiuisibile illud, ex quo vtraque linea constat, erit vtriusq; mensura communis. 104


Ex Secundo de Cælo.

TEx. 24. (*Amplius qui solida diuidunt in plana, atq; ex planis corpora generant, his testes fuisse videntur: solam enim figurarum solidarum sphaeram non diuidunt, vt non plures superficies, quam vnā habentem. diuisio enim in plana non perinde efficitur, vt quispiam diuidēs in partes diuidat totum, sed vt in specie diuersa: patet igitur sphaeram esse solidarum primam*) qui solida diuidunt in plana, ea diuidunt secundum numerum superficierum, quibus ambiuntur, v. g. diuidunt cubum in sex superficies, quia cubus sex quadratis planis superficiebus continetur: qua ratione nequeunt sphaeram 105

sphæram in plana vlla resolvere, neq; in alias plures superficies, quia sphæra ambitur vnica tantum superficie sphærica. quando verò ex planis corpora generant, vt facit Plato in Timæo, accipiunt primò triangulum æquilaterum, & ex quatuor triangulis æquilateris simul compactis conficiunt pyramidem; & hoc modo alia solida à pluribus superficiebus ambita contituunt: verum hac ratione nullo modo possunt sphæram componere, quia vnica tantum, eaq; sphærica superficie comprehenditur: atq; hoc pacto isti diuidentes, & componentes corpora fidem faciunt, sphæram, cum ex nullis componatur, solidorum esse primam.

106 Tex. 25. (*Est autem, & secundum numerorum ordinem assignantibus, sic ponentibus rationabilissimam, circulum quidem secundum vnum; triangulum autem secundum dualitatem, quoniam duo recti. si autem secundum triangulum, vnum. circulus non erit figura*) In ordine figurarum conueniens est, inquit, primam facere circulum propter simplicissimam ipsius naturam, cum vnica, ac perfecta circulari linea comprehendatur: Triangulū verò secundam, quoniam duo anguli recti, idest, quia triangulum habet tres angulos æquales duobus rectis angulis; quod fusè explicatum est lib. 1. Priorum, secto 3. cap. 1. Demum si primum locum dederimus triangulo, nullus alius remanet pro circulo, quod est inconueniens, ergo circulus prima figura erit.

107 Tex. 31. (*At verò, quod aquæ superficies talis sit, manifestum est hac suppositione sumpta, quod apta natura est semper confluere aqua ad magis concauum: magis autem concauum est, quod centro propinquius est. ducantur ergo ex centro A, linea AB, & linea AC, & producat, in qua BC, ducta igitur ad basim linea, in qua AD, minor est eis, quæ ex centro. magis igitur concauus locus est, quare influet aqua, donec vtiq; æquetur. æqualis est autem eis, quæ ex centro linea AE, quare necesse est apud eas, quæ ex centro, esse aquam, tunc enim quiescet. linea autem, quæ eas, quæ ex centro tangit, circularis est, sphærica igitur aquæ superficies est, in qua BEC.*) toto hoc textu lineari demonstratione probat aquæ manentis superficiem esse sphæricam: quæ demonstratio perspicua euadit, si figura, quæ in codicibus tam græcis, quam latinis, atq; etiam in commentarijs desideratur, quemadmodum fecimus, restituatur. sit igitur in præcedenti figura A, centrum mundi, ex quo educantur duæ rectæ lineæ æquales AB, AC, quæ deinde alia recta BC, coniungantur. educatur quoq; recta alia ex centro A, quæ pertingat ad BC, quæ basis est trianguli BAC, & producat vterius quantum libet in E. intelligatur demum cum circumferentia transire per puncta B, & C, quia illæ duæ lineæ AB, AC, sunt æquales, quæ circumferentia alteram AD, quæ fuit protracta, secet in E. Iam sic argumentatur: aqua natura sua semper defluit ad locum magis concauum, idest, ad loca centro A, terræ propinquiora, quale esset in figura locus D, respectu locorum B, & C, quia AD, linea minor est ijs, quæ ex centro ductæ sunt AB, AC. quapropter aqua, debet defluere ex B, ad D, vel ex C, ad idem D, donec pertingat ad E. qui locus non est decliuior punctis B, & C. quare cum loca B, E, C, quæ sunt extrema



rema linearum, sint æquè declinua, necesse est aquæ superficiem apud ipsa consistere, tunc enim debet quiescere, aliter nunquam quiesceret; sed videmus aquam manentem, & quietam, ergo quiescit circa puncta B, E, C, à centro terræ æquidistantia, per quæ transit lineæ circularis coniungens illa; etsi superficies per eiusmodi loca pertransiret, esset spherica: sed superficies aquæ transit per talia loca, ergo spherica est. Huius etiam habes acutissimam Archimedis demonstrationem initio libelli de ijs, quæ vehuntur in aqua, quam in suam spheram retulit Clavius.

Tex. 46. (*Reliquum est orbes quidem moveri, stellas verò quiescere, & infixas* 108
ipsis orbibus ferri; solum enim sic nullum absurdum accidit. celeriores enim esse
maioris circuli velocitatem, rationabile est circa idem centrum infixis: ut enim in
alijs maius corpus velocius fertur propria latione, sic, & in circularibus: maius
enim est eorum, quæ auferuntur ab eis, quæ ex centro, maioris circuli segmentum)
ex intellectu ultimarum periodi textus totius intelligentia pendet: sit igitur




figura præsens, in qua cum sint duo circuli concentrici, vnus altero maior, eductæq; sint ex cetro duæ semidiametri AD, AE, quæ vtrunq; circulum secant, apparet maius esse segmentum DE, quod è maiori circulo semidiametri ex cetro eductæ auferunt, quam segmentum BC, minoris circuli, quod eisdem semidiametris intercipitur. Verumtamen si circuli ambo simul moueantur, maior circulus æquali tempore maius illud spatium DE, & minor minus BC, pertransibit: idem igitur de cœlestibus orbibus dicendum, qui quamuis omnes diurnum simul motum

absoluunt, maiores tamen celerius conuertuntur: quo fit, ut stellæ maioribus circulis infixæ, atq; delatæ, maiori celeritate suos cursus peragant, neque oportet eas, dum mouentur cœlum dissecare, quod accideret, si proprio motu veluti pisces per aquam progredierentur.

Hæc quidem Arist. consentanea obseruationibus veterum Astronomorum; at verò illis nostræ ætatis obseruationes repugnant; præsertim illæ, quæ fiunt circa stellas errantes: ex quibus fatendum esse videtur, Cœlum, qua parte Planetas continet, liquidum esse, ac per illud Planetas proprio motu, ceu pisces in aqua progredi. Tycho namq; Brahe, alijq; plures exactè demonstrant Cometas in regione Planetarum esse, eosq; motu quodam intransuersum moueri, quo necessario Cœlū deberent perforare; iidem ostendunt nonnullos Planetas, Martem præsertim, ac Venerem modo supra Solem, modo infra ascendere, & descendere. Idem patet ex obseruatione noua per nouum Telescopij instrumētum in Venere facta, quæ lunulata vtrinq; à Sole apparet: quando nimirum est in imo epicyclo. iterumq; rotunda veluti Luna plena, cum in summo epicyclo versatur: quæ minimè apparerent, nisi supra, ac infra Solem circumiret. His rationibus conantur ipsi probare Cœlum esse liquidum; atq; in eo Planetas, veluti aues in aere, permeare: quarum solutio mihi nulla occurrit, alijs fortassis occurret.


Tex. 57. (*De ordine autem ipsorum, quo quidem modo singula disponantur, ut* 109
quædam sint priora, quædam posteriora, & quomodo spatijs se habeant ad inuicem,

ex ijs

ex ijs circa Astrologiam, consideretur: dicitur enim (sufficienter) sumit hoc loco Astrologiam, pro Astronomia, si iuxta recentiores loqui velimus. Dicit igitur ordinem cœlorum, ac syderum, item situm, & proportionem magnitudinum eorundem, cum per naturalis scientiæ principia sciri nequeant, ex rationibus Astronomorum petenda esse, apud quos ista sufficienter demonstratur. & meritò quidem hæc dicuntur; posteriores enim ab Arist. ordines, situs, ac magnitudines tam cœlorum, quam syderum firmis rationibus, atq; inuentu peracutis demonstrarunt. quorum princeps fuit Ptolæmeus; nostra tamen ætate Tycho Brahe, qui certis obseruationibus, quas maximo labore, ac sumptu exantlauit, in nonnullis à Ptolæmo, ac reliquis dissentit: standum autem esse recentioribus obseruationibus apud Astronomiæ peritos in confesso est.

II^o Tex. (Luna autem ostenditur per ea, quæ circa visum, quod spherica sit: non enim vtiq; fieret accrescens, & decrescens, plurimū quidem altera ex parte curua, altera concava, aut vtrinq; curua, semel autem bipartita) ait per ea, quæ circa visum, idest per opticem probari Lunam esse sphericam: sed consule, quæ primo Poster. tex. 3. de hac re scripsi, & plenam etiam huius loci intelligentiam assequeris, præsertim si experimentum ibi traditum inieris.

III^o Ibidem (Et rursus per Astrologica, quia vtiq; non essent solis eclipyses lunula speciem præferentes. Quare si vnum est tale, palam est, quod & alia vtiq; erunt talia) sicuti præcedēs sphericitatis Lunæ ratio ex Perspectiua desumpta est, ita præfens ex Astronomia, ex eò enim, quod eclipsis Solis habeat figuram lunulæ, idest, si instar Lunæ falcata, probant Astronomi Lunam esse sphericam. intellige tamen partem illam Solis, quæ non eclipsetur, habere figuram lunulæ, pars enim à Luna obumbrata non videtur, etsi videretur oualem quandam speciem, præferret: pars igitur, illa est corniculata, quia cum Solis defectio ex interpositione Lunæ inter nos, & Solem contingat, & Luna sit spherica, necessariò sphericè, & circulariter Solem obumbrabit; quare pars illa non obumbrata remanet falcata, & corniculata, vt in præfenti figura videre est; vbi cernis, Lunam Solem orbiculariter offuscare in linea A D C, partem Solis detectam contentā lineis curuis A B C D, esse lunularem, & falcatam; cum ergo in hunc modum fiat Solis deliquium, signum certum est, Lunam esse sphericam.



II^o Tex. 107. (Quod autem dubitatur, hoc est; videre autem non est difficile, si parum considerauerimus, & distinxerimus, quonam modo censeamus quantamuis magnitudinem grauem ad medium ferri. manifestum enim est, quod non quousque extremum tangat ipsum centrum; sed maior pars vincat, oportet, quousque suo medio ipsum medium comprehendat; hucusq; enim habet propensionem) sensus Aristotelis est, debere nos existimare, quod si quæpiam grauis magnitudo descendat ad centrum mundi, eam non permanfuram, statim ac ipsius extremum centrum mundi attrigent; sed eò vsq; descensuram, quousq; ipsius medium, mundi medium, siue centrum assequutum sit; maior enim ipsius pars, in qua scilicet medium est, minorem partem propellit, donec vtrinque à centro mundi æquè emineat; omne enim graue hucusq; habet propensionem, siue hucusq;

hucusq; grauitat, v. g. si lapis illuc descenderet, non quiesceret statim ac prima ipsius pars ad mundi centrum pertingeret, sed reliquæ ipsius partes adhuc grauitarent, sicq; vterius primam partem impellerent, donec lapidis medium, mundi medio congrueret: quo facto lapis quiesceret. quæ num vera sint, vt intelligamus, oportet prius præmittere, iuxta Mathematicos duplex esse medium, siue centrum cuiusuis magnitudinis: aliud enim est centrum molis, aliud est centrum grauitatis. centrum molis est illud punctum, à quo extrema æquidistant: centrum grauitatis est punctum illud, à quo extrema æque ponderant, siue à quo graue suspensum æque ponderat, siue in æquilibrio manet. Porro in corporibus regularibus, si vniformia sint idem, & vnum sunt centrum molis, ac centrum grauitatis: vt in sphaera plumbea, idem erit vtrumq; centrum: si verò difformia sint in grauitate, vt in sphaera partim plumbea, partim lignea, diuersum erit centrum molis, à centro grauitatis; illud enim erit in medio sphaeræ; centrum verò grauitatis in parte plumbea existet. In corporibus deinde irregularibus, etiamsi sint vniformis ponderis, aliud tamen esse potest centrum molis à cetro grauitatis, vt in corpore oblongo, cuius alterum extremum sit reliquis partibus multò maius, vt est claua: vbi centrum molis erit in medio longitudinis clauæ; centrum verò grauitatis, erit propinquius capiti clauæ. quando igitur Arist. ait, graue descensurum, donec ipsius medium, siue centrum, mundi centrum attingat; benè dicit, si de medio grauitatis intelligat; male autem si de medio molis. quia graua omnia ratione centri grauitatis ponderant, neq; manent, nisi ipsum maneat: quare nisi ipsum attingat centrum mundi, semper grauitabunt, & mouebuntur. Verum enim verò ex antiquorum monumentis manifestum est, Archimedes, qui multò post Aristotelem floruit, primum omnium de centro grauitatis esse philosophatum, qua ratione dicendum esset, Aristotelem de centro, molis loquutum esse, & perinde non vsquequa; verè.

Tex. 109. (*Præterea quoq; & per ea, quæ apparent secundum sensum, neque enim Luna eclipses tales haberet decisiones; nunc enim in ijs, quæ secundum mensuram sunt, figurationibus, omnes accipit diuisiones: etenim recta sit, & vtrinque curua, & concava*) probat terram esse sphaericam ratione astronomica, ex Luna eclipsibus desumpta: nam nisi terra esset rotunda, nunquam Luna in eclipsi haberet tales decisiones, idest non haberet falcatas, aut lunulatas partes illas, quæ in eclipsi obscurantur, & quasi à Luna resecantur. quamuis enim singulis mensibus Luna terminetur modo linea concava, vt quando noua est; modo recta, vt quando diuidua est: modo vtrinque curua, vt cum à diuidua ad plenilunium tendit. quod fusius primo Poster. tex. 30. exposui. in eclipsibus tamen semper curuam habet lineam illam, quæ partem eclipsatam desinit; vt paulo post explicabo. Vide præcedentem textum 59. & ea, quæ ibi annotaui; quæq; tibi proposui, & plenam huius loci intelligentiam assequeris. vide etiam, quæ mox subdam circa huius loci reliquum.


Ibidem (*Circa autem eclipses, semper curuam habet terminatam lineam: quare quoniam eclipsim patitur propter terræ obiectiōem, terræ circumferētia sphaerica existens, figura causa erit*) probat rotunditatem terræ ab eclipsi lunari, ex eo, quod Luna sphaericè eclipsetur, quod innuitur illis verbis, semper

L

curuam

curuam habet terminantem lineam, linea scilicet, quæ terminat partem eclypsatam à non eclypsata, semper apparet circularis; cum autem hæc linea sit terminus vmbre terræ, quæ lumen obumbrat, signum manifestum est, vmbra ipsam esse rotundam; nam cum Luna deficiat propter terræ obiectionem inter ipsam, & Solem, ita, vt vmbra terræ protendatur vsq; ad Lunam, eamq; in omni eclypsatione, siue eclypsis sit supra terram, siue infra, ad quamlibet deniq; partem terræ fiat, orbiculariter eam contegit, signum perspicuum est terram projicere quoquoersus vmbra rotundam, quæ vt in sphaera ostenditur, est rotunda ad modum coni; cum ergo vmbra terræ ex quavis parte projiciatur, sit rotunda, certò certius colligitur, terramq; quoq; ipsam rotunda figura præditam esse. hanc eandem rationem, si libuerit, fusius pertractatam videre poteris apud P. Clauium in sphaera.

- 115 *Tex. (Præterea per astrorum apparentiam, non solum manifestum est, quod rotunda, sed & quod magnitudine non magna sit; paruo enim facto nobis transitu ad meridiem, & Vrsam, manifestè sit alter horizon circulus, ita vt astra, quæ super caput, magnam habeant mutationem, & non eadem appareant, & ad Vrsam, & ad meridiem transeuntibus, quædam enim in Aegypto quidem stella videtur, & circa Cyprum, in ijs autem, quæ ad Vrsam vergunt regionibus, non videtur. & astrorum ea, quæ semper in ijs, quæ ad Vrsam vergunt, apparent, in illis locis occidunt. Quare non solum ex his manifestum est rotundam esse figuram terræ, sed & sphaera non magnæ: non enim tam celeriter insigne quippiam faceret, translatis nobis adeò parum) hic textus ei, qui sphaeram mundi audiuerit perfacilis est: propterea eum breuiter sic paraphrasticè exponam. Terram esse rotundam, atq; respectu cælestium corporum non magnam, signum est, quod facto à nobis paruo itinere siue ad meridionalem plagam, siue ad septentrionalem (quam Vrsam dicit) magnopere mutatur horizon: quod apparet primo ex variatione astrorum, nam quæ in primo loco supra nostrum verticem trāsibant, in secundo loco non amplius, sed alia, atq; alia valde ab inuicem seiuncta ex facto quamuis paruo itinere transeunt. sit in præsentī figura terra, vbi A, in qua facta parua mutatione ex loco F, in locum G, fieret magna mutatio astrorū versicalium B, in C, quæ multum ab inuicem distant. si autem terra esset maior, v. g. circulus medius, tunc facta maiori mutatione ex D, in E, fieret eadem astrorum variatio ex B, in C; sed cum nos experiamur fieri magnam astrorum mutationem, ex parua locorum intercapedine, signum est magnopere mutari horizontem, ac proinde terram esse rotundam, ac respectu cælestium corporum, paruum. aliud præterea signum huius horizontis permutationis est, quod stellæ, quæ in priori loco supra horizontem apparebant, mutato paululum loco ad alterutram plagam, statim absconduntur; aliæ verò nouæ apparēt; vt in Aegypto, & Cypro, stella, quæ dicitur Canobus supra horizontem, ascendit; quæ si paululum Vrsam, seu septentrionem ambulaueris, statim latitabit. Demum eiusdem citæ mutationis finitoris indicium etiam sic, quod*



quod regiones septentrionales incolentibus plurima sunt astra, quæ nunquam occidunt, quamvis horizontem leuiter perstringant, quæ tamen Cyprijs, atq; Aegyptijs oriuntur, atq; occidunt. ex quibus & rotunditas, & paruitas terræ colligi potest. has easdem rationes fusius explicatas reperies apud P. Clauium in sphaera.

Tex. 111. (*Quapropter existimantes eum, qui circa Herculeas columnas est locum coniungi ei, qui circa Indiam, & hoc modo mare vnum esse, non admodum incredibilia existimare videntur, &c.*) existimatores hosce non perperam existimasse apertè cōuincunt Christophori Columbi, Argonautarum principis nauigationes; quibus nouus orbis repertus est, qui inter columnas Herculis, atq; orientalem Indiam totus vna cū mari Oceano Atlantico interiaceret.

Tex. 112. (*Mathematicorum etiam, qui circumferentiæ magnitudinem rationari tentant, ad 400. dicunt stadiorum millia, &c.*) quam subtilibus rationibus inuestigauerint Astronomi quantitatem terræ, optimè, ac dilucidè exponitur à P. Clauio in sphaera: quem si libet, consule, ne inani labore opusculum istud exerefcet.



Ex Tertio de Cælo.

TEx. 40. (*Figura autem omnes componuntur ex pyramidibus: rectilinea quidem ex rectilineis: sphaera verò ex octo partibus componitur*) Alexander existimat, Aristotelem dicere sphaeram constare ex octo partibus illis, quæ designantur per tres circulos, quorum duo secant se mutuò ad angulos rectos, vt in sphaera mundi faciunt duo coluri; tertius verò medios illos diuidit æquidistanter à sectionibus illorū mutuis, quemadmodum æquator in sphaera mundi secat duos coluros. ex quibus sectionibus tota sphaera in octo partes diuiditur, quibus sphaeram componi vult Aristoteles. aduerte tamen hanc sphaeræ compositionem nullo modo habere partes actū, cum sphaera sit vnica simplici superficie terminata; sed quæ tantum sint à prædictis imaginatis circulis designatæ: at verò aliæ figuræ, quæ pluribus planis terminantur, vt cubus, octaedrum, & similia, quæ Arist. vocat rectilineas, quia terminantur superficiebus, rectilineis actū distinctis ab inuicem ex natura sua, non per nostram designationem, ideo rectè dicuntur componi ex pyramidibus, v. g. dicimus cubum componi ex sex pyramidibus, quia cum habeat sex bases, cogitamus supra vnāquamq; illarum singulas pyramides erigi, quarum omnium vertices ad idem punctum medium intra cubum imaginatum coeant. & sic de reliquis solidis. quæ quā ratione resoluantur in plures pyramides, constat ex 10. 11. 12. & 13. Elementorum Euclidis, at verò in sphaera nullum reale compositionis, aut diuisionis fundamentum reperitur.



Tex. (*Ad hæc necesse est non omne corpus esse diuisibile dicere, sed repugnare certissimis scientijs; nam Mathematica ipsum quidem intelligibile, accipiunt diuisibile*) ipsum intelligibile, idest, quantitatem abstractam tam continuam, quam discretam, quam statuunt Philosophi esse subiectam materiam mathematicarum. quam ideo appellant intelligibilem, quia cum sit abstracta per intellectum à sensibilibus affectionibus, restat vt sit tantummodo intel-

lectu perceptibilis. Hanc eandem supponunt esse diuisibilem in infinitum, vt supra 3. Phys. textu 31. dictum est.

120 Tex. 66. (*Omnino autem eniti simplicibus corporibus figuras tribuere irrationabile est. primo quidem, quia accidit non repleti totum; nam in planis tres figurae videntur implere locum, Triangulus, Quadratum, & Sexangulus*) per simplicia corpora intelligit quatuor elementa. Vult enim probare quatuor elementa non habere figuras illas mathematicas, quas illis Plato tribuebat, vt autem Arist. rationem probè percipiamus, sciendum, quod implere totum, siue locum, illæ figuræ dicuntur, quæ simul suis angulis in plano quopiam ad vnum, atq; idem punctum vnitæ locum illum totum, qui circa punctum illud consistit, cōtegunt, ita vt nihil vacui inter ipsas relinquatur. tales sunt, quibus fieri possunt pauimenta, oportet enim, vt simul vnitæ nihil vacui in pauimento relinquant. huiusmodi sunt triangula æquilatera (de his enim intelligendus est textus) quadrata, & hexagona, siue sexilatera regularia; nam sex triangula æquilatera simul iuncta in plano pauire possunt, vt patet in figura præsentī; ratio huius est, quia omnes anguli circa idem punctum (v. g. A, in hac figura) in plano, quotquot fuerint constituti, sunt æquales quatuor rectis, ex coroll. secundo 15. primi Elementi: cum igitur sex anguli, trianguli æquilateri æquiualeant quatuor rectis angulis, constituti omnes circa punctum A, totum locum circa illud implere possunt. Quadratum etiam replere locum manifestum est, cum enim ipsius anguli sint recti, si quatuor quadrata ad idem punctum A, copulentur, vt in figura apparet, replebunt eadem de causa vacuum.



Hexagonum quoque regulare, idest æquilaterum, & æquiangulum idem præstare potest; cum enim tres anguli ipsius æquiualeant quatuor rectis, si tria hexagona ad idem punctum A, vt in figura adaptentur, necessariò nihil vacui inter ipsa relinquatur, vt in figura hac ostenditur. præter has tres figuras, nulla alia reperitur, quæ istud efficere possit. cuius demonstrationem perfectam videre poteris in fine commentarij P. Clauij super 4. Elem. nos ea tantum attingimus, quæ percipi possint ab homine vix mathematicis tincto: sed tamen, quæ sensum Aristotelis patefaciunt. Aliæ porro figuræ replentes locum planum, quibus aliquando Architectores vtuntur, vel sunt irregulares, vel ad prædictas reduci possunt. cum igitur tres tantum ex figuris planis totum repleant, hæ solæ poterunt elementis attribui, ac propterea non sufficient, nisi pro tribus elementis. quare quartum absq; figura relinquatur; quod est absurdum.



[Admi-]

Admirabilis quedam Apum industria.

CÆterum occasione harum figurarum illud hoc loco apponere visum est, quod Pappus Alexādrinus initio quinti libri collectionum mathematicarum scribit, De admirabili Apum industria, atque prudentia in construendo suas cellulas figura hexagona regulari. cum enim vellent omne vacuum excludere, & præterea capacissimam omnium figuram habere, hexagonam acceperunt, quæ inter prædictas tres utrumque præstat, nam & inane omne excludit, & illarum trium capacissima est, cum magis ad circularem figuram accedat: ut patet ex tractatu de figuris Hòperimetris, qui est apud Clauium in sphaera, necnon in Geometria practica. hoc ideo libentius recensui, quia animaduerti naturales historiographos omnes latere, vel ipsum Aldobrandum nostrum, qui quamuis industriosa Apis instar omnia delibauerit, istud tamen de Apibus artificium tanta sapientia plenum, nescio quo modo prætermisit.

Ibidem (*In solidis verò duæ solum pyramis, & cubus*) idest replent locum solidum. nullum reperi, qui in hoc loco explicando non errauerit; nam Græci, qui alioqui solent mathematica probe intelligere, hic omnes lapsi sunt, secumq; & Arabes, & Latinos in eadem foueam supra se miserè traxerunt. communis ferè error omnium fuit, pyramides plures simul compactas posse replere solidum locum. quod ut melius intelligamus, sciendum est, replere locum solidum nihil aliud esse, quam si plura corpora solida simul ad idem punctum coaptata, ita constipentur, ut totum spatium, quod est circa punctum illud omnino occupent, hoc est, nihil vacui inter ipsa relinquatur: sicut enim prædictæ tres figuræ planæ, de quibus paulò ante, replent locum planum, idest superficiem; ita cubi replent solidum, idest soliditatem simul uniti constituunt, ita ut si octo cubi simul ad idem punctum coaptètur, constituent corpus solidum ex octo illius conflatum, nihilq; inane inter ipsos cubos relinquatur. & sicuti planæ illæ figuræ erant conficiendis pavimentis aptæ, ita solida hæc muris, qui corpora sunt solida, construendis idonea sunt. Notandum præterea, quod per pyramidem debemus intelligere pyramidem regularem, quæ dicitur etiam Tetraedrum, estq; secunda inter quinque corpora regularia rectilinea, quæ alias Platonica corpora dicuntur. eorumq; definitiones sunt in 11. Elem. Tetraedrum autem sic definitur, est figura solida sub quatuor triangulis æquilateris, atq; inuicem æqualibus contenta; de hac inquam est sermo. quia si liceret intelligere de irregularibus figuris, infinitæ reperirentur figuræ tam planæ, quam solida, quæ utrumque locum completerent. Aduertendum tandem Arist. videri loqui de repletionem loci solidi, quia transit à planis figuris ad solidas. & quia si hæc duæ pyramis, & cubus replent locum solummodo secundum suas superficies, quæ sunt triangulum, & quadratum, iam de his cum proximè ante dixisset, quid opus fuisset idem post modum repetere. ad hæc si in medium solida hæc duo profert, atq; ipsa replere locum, intelligens, planum, profectò non loquitur formaliter, idest de ipsis, ut solida sunt. Quare Arist. videretur sibi non constare, vel perperam existimasse plura Tetraedra complere soliditatem. deceptus fortè

fortè fuit Arist. eò quod videret Icofaedrum constare ex viginti pyramidibus, verum illæ non sunt regulares, idest nō sunt Tetraedra, vt postea ostendam. Verum quidem est octo cubos simul adactos soliditatem conficere, quia ad id necessarij sunt octo anguli solidi, quos octo cubi præbere possunt, cum anguli ipsorum sint recti, & solidi. Verum enim verò plures pyramides regulares, siue plura Tetraedra non posse replere vacuum, solidumq; constituere, ex eo patet, quia si id præstarent, conflarent necessariò, vel vnum ex quinq; corporibus regularibus, de quibus in 13. Elemen. vel aliud quodpiam; non aliud, nam, vt patet ex scholio 13. Elem. non dantur, nisi illa quinque; neq; vllum ex illis, quia diameter huiusmodi corporis, quod componeretur ex illis pyramidibus, esset dupla lateris eiusdem, vt patet, quia pyramides illæ omnes concurrerent ad centrum sphaeræ illas omnes complectentis, quare latus vnus pyramidis à superficie sphaeræ incipiens defineret in centrum, ergo latus istud esset semidiameter, quapropter tota diameter illius sphaeræ, & consequenter huius corporis in illa inscripti, esset dupla lateris eiusdem figuræ solidæ inscriptæ, sed nulla talis proportio diametri alicuius ex illis quinq; solidis regularibus ad latus eiusdem reperitur, quæ sit nimirum dupla, vt patet ex vltimis demonstrationibus 13. Elem. initio factò à 13. demonstratione, in quibus nulla reperitur proportio dupla inter diametrum, & latus eiusdem alicuius ex illis solidis; ex quibus manifestum est, plures regulares pyramides quouis pacto simul vnitas nullo modo posse verificari de repletionem solidi per plura Tetraedra, & omnes tamen commentatores auctoritate Arist. decepti pro ipso starent, dubius, ancepsq; diu hæsi, neque quidquam mea Minerva asserere ausus sum, sed P. Clauium præceptorem meum per literas consului, qui in hunc modum humanissime respondit; cubus implet locum quater sumptus, ad idem enim punctum quatuor cubi coaptantur: sic etiam pyramis sexies sumpta, seu sex pyramides ad idem punctum iunctæ ratione substantium triangulorū æquilaterorum. Verum hac ratione non videntur implere locum solidum, fateor; sed tamen Arist. in eo tex. non loquitur de repletionem loci solidi, hæc ipse, si igitur libeat Aristotelem, quod fortè Clavius intendebat defendere, dicendum est cum eo Arist. non loqui de repletionem loci solidi: neq; loqui de cubo, & Tetraedro, quatenus sunt corpora, sed quatenus habent superficies, cubus quidem sex quadratas, Tetraedrum autem quatuor æquilateras superficies, quæ duæ figuræ, vt supra in hoc textu vidimus, replent locum: atq; hoc modo facimus Aristotelem non formaliter loquentem. ex aduersò ne videamur magis Arist. quam veritatem sequi, videtur dicendum, Aristotelem formaliter locutum esse, & vt patet ex rationibus supra, allatis de repletionem solidi, esse intelligendum, vt etiam intellexerunt omnes huius loci expositores; Verum tamen ipsum errasse, dum plures pyramides replere solidum existimauit. Verumuis dixerimus, non tamen Arist. ab omni errore vindicabimus. Hoc tamen certum est, ex prædictis, Græcos omnes pariter, ac Latinos, illos sequentes, lapos esse, asserentes duodecim pyramides complere solidum locum, atq; Dodecaedrum constituere; nam pyramides Dodecaedron constituentes non sunt regulares, idest, non sunt Tetraedra


traedra (de quibus tamen Arist. loquitur) ut patet ex supradictis. Indulgeas Lector, si hoc loco necesse fuit in Geometria penetrabilia ingredi: operpretium enim est aliquando ipsis Mathematicis satisfacere. tu verò, si adeo es mathematicis imbutus, consule postremas demonstra. 13. Elem. & præcipue scholium ultimum, ubi plura de his corporibus scitu dignissima, atq; huc spectantia reperies. ex his omnibus Mathematica, quæ nostræ sunt partes, perspicue satis exposuimus.

Multo post tempore, quam hæc scripseram incidi fortè in cap. 38. speculationem Io. Benedicti de placitis Arist. reperiq; ab eo vno Arist. hoc loco erroris notari, dum asseruit duodecim pyramides replere locum corporeum, idest, ut exponit ipse, sex pyramides super hexagonam aliquam figuram superficialem, & sex sub eadem, id præstarent, cum potius maius vacuum remaneat ad quamlibet partium supra, & infra, quam plenum. hæc ipse. sed expositio ista puerili, ne dum Arist. ingenio prorsus indigna est: ut propterea existimem casu potius eum Arist. rectè reprehendisse, quam ex certa scientia, cum illius erratum maiori errato conetur corrigere. Incidi postremo in Indicem librorum, quem Maurolyus suæ Cosmographiæ præponit, ubi sic ait: Demonstramus autem in libello de figuris planis, solidisq; locum replentibus, cubos per se, pyramides verò cum octaedris compactas dumtaxat implere locum, qua in re Auerroem errasse pueriliter manifestum erit. Vides igitur tanti viri auctoritate confirmari nostram sententiam, pyramides videlicet per se, non replere vacuum. cum igitur constet vnam tantum ex figuris solidis, siue etiam dicas, ut perperam Arist. & alij plures existimarunt, replere totum solidum; nulla ratione poterunt elementa quatuor, quatuor diuersis figuris indoi, sed vnum tantummodo, quare reliqua absq; figura remanere necesse esset: quod est omnino inconueniens.

Tex. 71. (Deinde si terra & cubus, &c.) lege definitiones 11. Elem. quæ sunt 122 admodum faciles, ibi reperies definitiones quinque corporum regularium, quorum figuras Plato elementis tribuebat: qua verò id ratione faceret, habes in sphaera Clau. Simplicetiam hoc loco satisfacit.

Ex Quarto de Cælo.

TEx. 33. (Deinde ad similes videtur angulos ignis quidem sursum ferri, 123 terra autem deorsum, & omnino quod grauitatem habet, quare necesse est ferri ad medium. hoc autem utrum accidit ad ipsum terræ medium, an ad vniuersi, quoniam idem ipsorum sit, alius sermo est) cum vellet



probare Aristoteles dari punctum quoddam in medio mundi, ad quod grauia descendant, & concurrant: & à quo leuia ascendant; utitur, præter alias, etiam ratione aliqua ex parte mathematica; quæ est huiusmodi. videmus ignem, & cetera leuia ascendere à terra sursum ad angulos æquales; similiter videmus terram, & cetera grauia descendere ad terram deorsum ad angulos æquales, quod signum est omnia ista idem mundi medium respicere: v.g. sit terra in figura præsentis circulus E C D, cuius medium, siue centrum

trum A. via, qua ascendit ignis sit in linea A C B, quæ facit angulos in superficie terræ æquales, nimirum angulos B C D, B C E. similiter terra per eandem lineam faciēs eosdem angulos æquales descendit. linea autem, quæ facit tales angulos tendit ad centrum sphæræ A, vt patet ad sensum in figura, & probari potest geometricè ex primis tertij Elem. ex quibus patet tam lauia, quam grauia, quæ per talem lineam ferantur, respicere centrum A, sphæræ. Vtrum autem istud centrum sit idem cum cētro totius mundi, aliud, inquit, est sermo, hoc est, ad astronomum pertinet. vide igitur hac de re pulchram dissertationem apud Clauium in sphæra: qui probat euidenter esse vnum, & idem.

124 *Hoc loco desideratur commentarius in cap. vlt. de Cælo. cuius loco in-*
 125 *terim Lector adest Discursum Italicum Galilæi Galilei, de his,*
 126 *quæ in aqua mouentur, ac natant: Vbi propè finem, plura in hu-*
 127 *ius capitis explicationem affert.*
 128
 129


Ex Lib. 2. de Generatione, & Corruptione.

130 **T** Ex. 56. (*Ideoq̃, non prima latio causa Generationis, & Corruptionis est, sed quæ secundum obliquum circulum, in hac enim & continuum vnum est, & moueri duobus motibus*) per primam lationem intelligit motum primi mobilis, qui fit super polis mundi, quo Stella omnes ab oriente in occidentem rectâ feruntur. per obliquum verò circulum intelligit Zodiacum, qui obliquus est, quia poli eius sunt alij à polis mundi, & quia non tendit rectâ ab ortu ad occasum, sed in sphæra mundi transuersus est, & defleat à septentrione in meridiem, quamuis non rectâ, vt in sphæra explicari solet. motus ergo Planetarum, qui fit secundum hunc circulum, & ipse obliquus, & transuersus eodem modo erit; ferrenturque per eum à Borea ad Austrum, & è conuerso; ex quo accessu, & recessu efficiunt æstatem, & hyemem, item generationes, & corruptiones. Sol porro, & planeta, qui motibus proprijs hunc circulum peragunt, dicuntur moueri duobus motibus, & quidem contrarijs: quoniam dum Sol. v. g. per Zodiacum graditur motu proprio, interim etiam à primo mobili fertur ab ortu in occasum: ex quibus duobus motibus fit vnus tantum Solis motus spiralis, qui mixtus est, id est, qui fit à duobus motoribus; vnde re vera Sol non mouetur duobus motibus contrarijs re ipsa distinctis; hoc enim impossibile est: sed motu mixto ex duobus, qui spiralis est, circa mundum describens spiras ab vno tropico ad alterum: qui, vt dixi, causatur à duobus motoribus, qui sunt Sol ipse, mouens se ipsum per Zodiacum: & primum mobile mouens insuper ipsum Solem, & Zodiacum ab ortu in occasum circa mundum.

EX

EX PRIMO METEORORVM.

Semma 1. cap. 3. (*Moles autem terræ quanta sit ad ambientes magnitudines, non immanifestum, iam enim visum est per astrologica theoremata, quod multò etiam quibusdam astris est minor*) Quantitas terræ non solum absolutè considerata, ab Astronomis explorata habetur, vt videre est in sphaera Clauij; sed etiam respectiue considerata, idest respectu aliorum elementorum, & ipsorum etiam astrorum; cuius demonstrationes sunt partim in libello Aristarchi Samij, de magnitudine, & distantia Solis, & Lunæ, partim apud Ptolameum in magna Syntaxi, siue Almagesto: partim apud Albategnium de scientia stellarum: partim demum apud Tichonem Brahe. Porro facile est demonstrare Solem esse terra multò maiorem, terram verò maiorem Luna, idq; ex eclypsi lunari, cuius imaginem habes in figura sequenti; vbi vmbra terræ est D B E, in quam Luna nigricans immergitur, ac lumine deficit, reliqua cognitu sunt facilia: quia igitur Astronomi obseruarunt vmbra terræ paulò supra Lunam pertingere, cum superiora astra non adeat, hinc collegerunt eam necessariò esse acuminatam, seu conicam, vt figura refert. Cum ergo terra vmbra projiciat turbinatam, necessariò corpus Solis, quod ipsam illuminat, eadem maior erit: quotidiana enim experientia docemur, corpore illuminante existente maiore, quàm sit illuminatum, vmbra projici fastigiatam: cum deinde Solem valde à terra distare certum sit, optimè infertur, eum respectu terræ esse maximum: quanto enim duæ lineæ, siue radij B A, B C. à terra ad partes Solis



magis elongantur, tanto maius corpus illuminans intercipiunt, hæcenus de magnitudine terræ ad Solem. Cum verò Luna eclypsationis tempore, aliquando non solum tota in vmbra vertice lateat, verum etiam aliquando moram trahat, euident est, eam esse multò minorem illa vmbra parte, in quam immergitur; quæ pars cum sit conica vmbra media, erit multò gracilior quàm sit ipsa terra. Ex quo manifestè apparet, Lunam, quæ illa vmbra minor est, esse à fortiori multò minorem ipsa terrestri mole. Atque hæc de comparatione terræ ad Lunam. harum rerum demonstrationes exactiores pertractare non est huius loci.

Eodem cap. (*Considerantes vtrique, quæ nunc ostenduntur per Mathematica* 132
M suffi-

sufficienter; forte utique desisterent ab hac puerili opinione; valde enim simplex est putare unumquodq; eorum quæ feruntur esse paruum magnitudinibus, quia videtur aspiens; hinc nobis sic) utinam ista, necnon alia his similia, quæ passim apud Arist. occurrunt, pleriq; nostræ ætatis considerarent, qui nulla ratione probari posse existimant, Solem, v. g. terra esse centies sexagies sexies maiorem; sed etiam, quod peius est, negant esse maiorem; ad demonstrationes autem astronomicas dicunt se existimare eas esse fallaces; atque impossibile esse hos res adeo à nobis distantes sufficienter peruestigare: quanto sapientius, ac prudentius eorum Magister Arist. alibi sæpius, sed hoc præcipue loco; quippe qui Mathematicis sufficienter excultus erat; quibus isti destituti, nullo vnquam modo vestigia præceptoris assequi poterunt.

133 Summa 1. cap. 4. (*Quæ igitur astrorum est, velox quidem; longe autem: quæ verò Luna deorsum quidem; tarda autem: quæ autem Solis ambo hæc habet sufficienter*) quæ igitur astrorum, idest latitudo astrorum est velox, sed procul à terra; Luna verò latitudo terræ quidem proxima, tarda tamen: at verò Solis latitudo medio modo se habet inter utrumque, idest, quia neq; nimis ut astra distat, neq; tardè sicut Luna circumfertur. existimo Arist. loqui de motu diurno; quia secundum hunc astra inerrantia sunt Sole citatiora, Sol verò ipsa Luna citior. Verum enim verò illud non prætereundum, quod plurimum inualuerit opinio existimantium Arist. his verbis, Solem supra Lunam proximè collocasse; quod tamen ex ipsis nullo pacto deduci potest; sed solummodo ipsum supra Lunam collocasse. quod si ita sensisset venia dignus haberetur, cum tunc temporis nondum fortè adinuentæ essent demonstrationes illæ astronomicæ, quibus ordo Planetarum certissimè constat, Solq; medius inter Planetas collocatur. At verò nulla ratione ferendi sunt quicunq; nostra hac tempestate non solum Arist. ita sensisse, sed etiam contra firmissimas astronomorum demonstrationes, quibus adeo Arist. deferebat, vnica, ut putant ipsius auctoritate fulti, Solem secundum à Luna locum occupare omni ope defendunt.

134 Summa 2. cap. 3. (*Quod accidit circa Mercurij stellam, quia enim modicum superascendit, sæpe non apparet, ita ut post tempus multum appareat*) quod Mercurius non nisi rarò conspici possit, causa est, quia parum à Sole elongatur, siue ipsum antecedit, siue subsequatur. ex quo fit, ut diu ferè simul cum Sole circumferatur, & propterea siue oriatur, siue occidat, parum supra horizontem eleuatus apparere potest, quod Arist. ait modicum superascendit. vade fit tum propter nimiam Solis vicinitatem, cuius lumine tegitur; tum propter vapores, qui horizonti ut plurimum incumbunt, ut rarò, & post magna temporis intervalla conspiciatur. non me fugit hæc omnia ab astronomis per epicyclum excusari, sed ego mediocritati eorum, in quorum gratiam hæc scribo, consulum volo.

135 Eodem cap. (*Ad austrum autem quando feratur, copiam quidem habere talis humiditatis, sed quia parua est sectio circuli, quæ super terram, quæ autem deorsum multiplex, non posse visum hominum fractum ferri ad Solem; neq; ipsi tropico australi appropinquant; neq; in æstivis versionibus existente Sole. quapropter in his quidem locis neque fieri cometem ipsum. quando verò ad Boream subdeserit, accipere comam, quia magna est circumferentia, quæ est supra horizontem; quæ au-*

tem

gem est subens, pars circuli parua; facile enim visum hominum perungere tunc ad Solem) cur cometa in regione australi ultra Solis, anniq; vias constitutus non appareret, causam referebat Hippocrates paruitatem circuli, quem motu diurno cometa describebat, ob quam adeo parum supra horizontem attolleretur, ut non posset visus noster ab ipso ad Solem reflecti; quod secundum ipsum erat necessarium ad cometarum apparitionem. Loquitur igitur Hippocrates de circulis, quos diurna conuersione cometes circumducit, qui omnino similes sunt ijs, quos etiam Sol, reliquaq; astra eodem motu designant. qui quidem omnes in nostra sphaera obliqua ita se habent, ut iij, qui sunt ultra aequatorem ad Capricorni tropicum, minus supra horizontem extent, quam infra deprimantur, & tanto minus, quanto magis ab aequatore in austrum recedunt: contra vero faciunt, qui citra aequatorem ad Canceri conuersionem collocantur, quanto enim magis ab aequatore in boream remouentur, tanto eorum sectio, quae est supra horizontem, maior est ea, quae infra horizontem latet. quae quidem omnia clara sunt adhibita sphaera materiali, quam si ad tuam poli eleuationem accommodaueris, illico videbis tropici, Canceri sectionem, quae est supra horizontem multo maiorem ea, quae est infra. oppositum vero in altero Capricorni tropico, cuius minimam portionem supra, maximam vero infra horizontem existere videbis. Idem proportionaliter imaginari debes de circulis, quos cometa tam ultra Capricornum, quam citra Cancerum delineat; nam eorum, qui sunt ultra Capricornum ad austrum minores adhuc sectiones supra horizontem existerent, quam opus sit ad cometam spectandum. Atque haec causa est ex sententia Hippocr. cur in illa australi plaga nunquam cometes effulgeat. e contrario autem, quia ad boream sectiones illae maximae sunt, aptaeq; ad refractionem visus nostri usque ad Solem, idcirco in hac mundi parte cometas conspiciere solemus. Reliqua Vicomercatus, atq; Alexand. optimè explicant, quos tu consule, ne actum agatur.

In cap. 4. summa 2. lib. 1. Meteor. de Cometis.

IN praesenti cap. Arist. suam de Cometis sententiam exponit: Cometam nimirum infra Lunam in elementari mundo procreari, & ignitum quoddam Meteoron, ex lenta, pingui, siccaq; materia à terra in supremam aeris regionem attracta, existere; ibiq; rapti aeris calore, vel elementis ignis (quod illic esse putat) vicinitate, vel etiam vi astrorum incendi, atq; impelli. Hanc porro opinionem & si probabilibus tantum rationibus confirmatam, vulgo tamen usq; ad hanc diem receptam, cum falsam esse astronomi existiment, non erit abs re, rationes eas ex secundo progymno Tichonis volumine, desumptas hic breuiter referre, quibus astronomus ille eos supra Lunam in aetherea regione collocauit: quas quidem rationes ille ex diuturnis observationibus per exquisita organa factis adinuenit: easque Mathematicis linearum, ac numerorum demonstrationibus explicauit.

Prima, sed ut ab auctoritate, in quam obiter incidimus initiū faciamus, non est existimandum nonnullos solum ex recentioribus id constanter asseruisse,

uerasse, sed superiori etiam ætate id ipsum Hieron. Cardan. libro de subtilitate conatus est, neq; irritò conatu, demonstrare; qui præterea idem cum se ipso sensisse ait Albumazar. quibus etiam ex antiquis Seneca annumerandus est. prædicti autem recentiores omnes varijs demonstrationibus ex accurata obseruatione erutis illud certò certius confirmare contendunt: idq; non in vno dumtaxat, sed in quinque cometis; quorum demonstrationes apud Tychonem partim in progymn. partim in epist. fufius explicatas reperies.

2. Quarum potissima illa est, quæ ex parallaxi, seu aspectus diuersitate, desumitur, certissimum enim est lumen illud esse altero sublimius, quod minorem exhibet parallaxim: expertos autem se esse hi omnes, affirmant hosce quinque cometas multò minorem pati parallaxim, quam Lunam; imò quempiam minorem, quàm Sol ipse patiatur, quo posito manifestè conuinceretur eos omnes supra Lunam in ætherea regione effulisse,

3. Ratio, qua etiam ante nouas obseruationes uti solebant, desumitur ex motu cometæ diurno, quo scilicet oritur, & occidit, quemadmodum cætera sydera, hoc est spatio 24. horarum diurnam conuersionem circa totam terram absoluit, si igitur comete esset in sublimiori aeris regione, vbi cætera ignita meteora collocantur, mouereturq; diurno motu circa terram, sequeretur necessariò eum tanta velocitate videri à nobis circumferri, vt potius fulgor quidam, seu radius pertransiens ab oriente in occidentem appareret, quam stella quædam: idq; propter propinquitatem; astra enim ob nimiam distantiam videntur tardè moueri, quamuis velocissimè moueantur.

Quod melius ex sequenti figura, couincitur, vbi circulus interior est terra, cuius semidiameter A B. circulus verò exterior est cometæ gy-

 rus, quem ipse spatio 24. horarum, percurrit, qui secundum veram proportionem deberet adhuc ipsi terræ propinquior, ac proinde minor esse, iuxta aeris supremam partem. horizon est recta D C, tangens terram in B, vbi est oculus noster, qui nihil infra ipsam D C, videre potest; quare si cometa 24. horarum totum gyrum D C E, percurrit, non videbitur, nisi quando percurreret portionem D C, supra horizontem; quæ quidem portio, neq; semihora responderet, si figura iuxta veram proportionem construeretur. experientia tamen constat, cometas videri supra horizontem tot horis, quot stellæ fixæ, sub quibus moventur: non ergo est in supremo aere. Quod si fiat figura, in qua exterior cometæ ambitus adeò magnus sit, vt ipsius portio D C, supra horizontem existens, respondeat tempori, quo cometa supra nostrum pariter horizon-tem spectatur, ea figura terre semidiameterum A B. toties multiplicabit, vt ipsi Lunæ circuitui proximè accedat.

Præ-

Præterea aiunt, quis sanæ mentis dixerit, Meteoron ullum ex materia vaga, ac fluxa constans, posse tanta pernecitate moueri, vt diurnam conuersionem absoluat? vnde illi motus iste? præsertim cum videamus cætera ignita meteora esse ad modum temporanea, atq; euanida.

4. Comprobationem nobis suppeditant ex via, seu ductus circuli, quem toto durationis tempore proprio cursu designarunt: prædicti namq; quinque cometae motu sibi proprio, quo ab occidente non omnino orientem versus, sed ad aquilonem descedentes ab initio suæ apparitionis, vsq; ad vltimum finem exquisitissimè portionem circuli maximi in cælo designarunt; non aliter quàm Sol proprio motu per eclypticam in cælo mundi sphaeram in duo æqualia diuidentem describit. necnon aliter ac Luna suum iter per circulum maximum cælum bisariam diuidentem perficit. quapropter cometas hosce nō minus quam Sol, vel Luna in ipso æthere spatiatos esse contendunt, qui enim, aiunt, fieri potuisset, si in mundo elementari flagrassent, vt tam regulari, atq; constanti ductu circuli maximi portionem tam exactè delineassent, quam quidem inter elementa vagum, atq; instabilem pro materiæ instabilitate exercere debuissent?

5. Adde, quod in maximo hoc circulo describendo, etiam si inæquali velocitate visi sint moueri, inæqualitatem tamen illam regularem vbiq; semper seruauerunt, in principio quidem velociores, deinde successiue, & proportionaliter velocitatem illam simili analogia semper seruata inhibuerunt, nullo igitur pacto inordinatam inæqualitatem, qua à tardiore motu subito in celeriores, & rursus statim ab hoc in illū proflirent exhibuerunt: prout omnia Meteora, quæ in mundi parte elementari ex flammanti materia generantur, talem disparem, atq; inconstantem motum obtinere cernuntur.

6. Argumento præterea est cometas hosce minimè elementares fuisse, quod hic eorum proprius motus, quo maximo illo tramite ferebantur, nunquam tantus fuit, vt proprium Lunæ motum, vel tardissimum adæquauerit, quæ quidem cum lentissima est plus denis gradibus vna die promouetur; cum tamen cometa initio cum velocissimi sunt, non multum ultra quinos gradus diurno motu progressi sint, vt ob id longè supra Lunam cursum suum absoluisse manifestè probari possit: quo enim sydera magis à terra attolluntur, octauaq; sphaera propius accedunt, eo tardioribus proprijs lationibus proferuntur: ita vt stellæ istæ cælo adscititiæ supra Lunam admodum euoluendæ videantur. Quod si in suprema aeris regione conflagrarent, qua nam ratione vnâ cum toto cælo diurnam conuersionem absoluisent: neq; enim putandum est supremum hunc aeris limbum eadem pernecitate, qua cælestes orbes, verum minori admodum imò tardissimè à diurno motu, si tamen eo rapitur circumduci.

7. Tandem argumentum ex ipsorum duratione desumatur. cætera namque meteora statim atq; apparuerint, veluti temporanea prorsus, atq; euanida extinguuntur: At verò cometae ad mensem aliquando integrum perseuerant, qui igitur fieri potuerit, vt in hac corruptibili mudi parte ex materia adeo fluxa, & vaga, quam illis Aristoteles supponit, tandiu perdurare potuissent.

Atq; hæc sunt rationes, quibus plurimi astronomorum recentiorum, cometas

metas hosce motum æthereæ regioni conformem, contrā quam Arist. opinatus est, obtinuisse, manifestum esse volunt; ac proinde eorum locum, & cursum in cœlesti mundi parte extitisse, se comprobasse existimant: quare prudentis Lectoris esto iudicium: neq; enim, ut ille cecinit, nostrum est, tantas componere lites.

Verumenimverò Peripatetica omnis schola reclamat; Cœlum est ingenerabile, & incorruptibile, nihil igitur noui cœlo potest accidere. sed age respondent, nonne omnium astronomorum consensu stellæ tres nouæ nostro hoc sæculo in cœlo toti mundo conspicuæ illuxerunt? easq; in octaua sphaera resedisse constans est omnium assertio? quarum prior anno 1572. in constellatione Cassiopeæ apparuit. Secunda anno 1600. in Cygno, quæ nec dum extinguitur. Tertia anno 1604. inter Sagittarij stellæ visa est, de quibus vide P. Clauium in sphaera breuiter de illis tractantem: aut si mauis, & vacat, vide quoad primam primum volumen progymnasmatum Tychonis Brahe, ubi etiam aliorum astronomorum de eadem certissimas commentationes reperies. consulte etiam de reliquis duabus Ioannis Kepleri Casareæ Maiestatis Mathematici commentaria; & coactus libenter fateberis noui aliquid cœlo aduenire posse.

Postremò tandem posset quispiam in hunc modum opponere: etiam si constet quinq; cometas cœlo oberrasse, non propterea dicemus reliquos omnes esse pariter cœlestes, nullumq; proinde sublunarem. Huic memorati Astro-nomi sic responderent; id quidem mathematica, & infallibili ratione non colligi, imò aliquot parum infra Lunam extitisse, non omnino negandum videri: at verò in superiori aeris plaga, in tam fluxa, ac instabili mundi parte, cometas vnquam effulxisse, nemo sibi ob allatas rationes meritò persuadere posse.

137 Summa 2. cap. 5. (*Ad hæc autem si quemadmodum ostenditur in ijs, quæ circa Astrologiam spe. ulationibus, Solis magnitudo maior est quàm terra; & distantia multò maior æstorum ad terram quàm Solis; sicut Solis ad terram quàm Lunæ; non utiq; longè alicubi à terra conus, qui à Sole, conijciat radios, neq; utique umbra terræ, quæ vocatur nox, erit apud astra; sed necesse Solem omnia æstra circumspicere, & nulli ipsorum terram obsistere*) ex dictis summa 1. cap. 3. huius, & ex figura ibi descripta, facile est intelligere præsentem locum; nam cum Sol sit multò maior terra, ut ibi probatur, ac minus distet à terra quàm fixæ stellæ, magis tamen quàm Luna, ut patet ex solari eclypsi, sequitur necessario umbram terræ, quæ nox est ipsa, effici turbinatam, & valde procul à terra acumen coni umbræ ascendet, sed paulò supra Lunam conus hic umbræ permittet radios Solis se ipsum ambientes iterum simul committi, quod illis verbis (*Conijciat radios*) id est committet radios expressit Arist. cum igitur umbra apud Lunam sit satis gracilis, breui supra Lunam desinet, neque vllò pacto ad affixa sydera protendetur, neq; illis tenebras offundet. quod etiam experientia confirmat, cum nunquam astra illa, quæ Soli opponuntur, quæq; vertex umbræ collimat, vllam patiuntur eclypsim. quare sine vllò terræ impedimento Sol potest affixa omnia sydera perillustrare. Exactiores harum rerum demonstrationes sunt alterius loci.

138 Eodem cap. (*Amplius autem est tertia quedam opinio de ipso, dicunt enim quidam*

quidam lac esse reflexionem nostri visus ad Solem, sicut & stellam comatam; impossibile autem est & hoc, si enim videns quieverit & speculum, & quod videtur omne in eodem puncto speculi eadem apparebit utiq; pars imaginis, si autem moveatur speculum, & quod videtur, in eadem quidem distantia ad videns, & quiescens; ad invicem autem neq; æque velociter, neq; in eadem semper distantia impossibile eandem imaginem in eadem esse parte speculi. Quæ autem in lactis circulo feruntur astra, & Sol, ad quem fit reflexio, moventur manentibus nobis, & similiter, & æqualiter ad nos distantia; à se ipsis autem non æqualiter: aliquando enim medijs noctibus Delphin oritur, aliquando verò diluculo. partes autem lactis eadem manent in vnoquoque; atqui non oportebat, si erat imago, sed non in eisdem adhuc esset hæc passio locis) in his Arist. confutat opinionem dicentium Galaxiam apparere per quandam reflexionem visus nostri ab illa parte cæli, ceu, ex quodam speculo ad Solem: probat autem hoc esse impossibile ratione, desumpta ex parte Optices, quæ dicitur Catoptrica, siue specularia, quia tractat de visione reflexa, quæ fit mediante speculo, quam quidem rationem si vellem mathematicè explicare, longa nimis, ac præter institutum fieret tractatio. Pauca tamen addam, quæ Aristotelis sententiæ satis perspicuam reddant. si igitur inquit, Galaxia nihil aliud esset quàm reflexio nostri visus ex illa cæli parte, in qua ipsa apparet tanquam ex speculo ad Solem, ita ut nihil aliud ipsa esset, quàm Sol visus per reflexionem ex illa cæli parte tanquam speculo; sequeretur eam non semper in eadem cæli parte apparere, sed modo in vna, modo in alia, ita ut spatio vnius anni totum cælum pervagaretur: quod tamen non accidit. quod autem illud consequatur manifestum esse potest ex observatione eorum, quæ ex speculis videntur: tunc enim res per speculum visa in eadem speculi parte apparet, quando, & videns, & speculum, & obiectum immota manent: quod si & speculum, & obiectum ad invicem accedant, vel recedant, servata tamen eadem ab inspectore distantia, nullo modo fieri potest, ut eadem imago, in eadem speculi parte spectanti videatur, nisi obiectum speculo per eandem lineam accedat, secundum quam illi incidebat. At verò partibus illis lactei circuli, siue astris, quæ in eo fulgent, Sol perpetuò accedit, vel recedit, neq; per lineam incidentiæ eadem, servata tamen eadem à nobis distantia, quod quidem inde patet, quia Delphini constellatio, qui in ipso ferè lacte existit, aliquando medijs noctibus, aliquando verò mane, aliquando etiam vespere oritur; quod inde accidit, quia illi Sol modò appropinquat, modò coniungitur, modò ab eo recedit, quare necesse esset, ut lacteus orbis, non semper in iisdem locis, sed perpetuò in alijs, atq; alijs cerneretur, cuius tamen contrarium videmus. ex quibus constat falsam omnino esse eorum sententiam, qui Galaxiam per huiusmodi reflexionem fieri opinabantur. Quæ dicta sunt de speculo, & obiecto fatius est assumpto aliquo speculo experiri, quàm ea pluribus obscurare: quæ etiam experientia Arist. ratio confirmabitur.

Ibidem (Quæ autem in lactis circulo feruntur astra, & Sol, ad quem fit reflexio, moventur manentibus nobis, & similiter, & æqualiter ad nos distantia à se ipsis autem non æqualiter) quæ hic ab Aristotele dicuntur nō sunt usquequaq; vera propter apogæum, ac perigæum Solis, quæ quidem duo ab omnibus astronomis asseruntur: quando igitur Sol est in apogæo, maiori multo intervallo

teruallo distat à nobis, quàm quando est in perigæo, intervallum enim illud constat diametris terræ duobus, & quadraginta, hoc est milliarijs 208000. ferè, idest octonis millibus supra ducenta millia. quæ differentia facit vt Sol manifestè appareat nobis minor apogæus, quàm perigæus. Sol præterea similiter ipsis inerrantibus stellis fit tantumdem modo remotior, modo propinquior: sed fortè Arist. ista non occurrerunt, vel tunc temporis nondum perspecta erant.

140 Ibidem (*Aliquando enim medijs noctibus Delphin oritur*) vt probet, Galaxiam non semper seruire à Sole distantiam eandem, accipit tanquam huius rei signum, manifestum, quod Delphini constellatio aliquando medijs noctibus oriatur supra horizontem, aliquando verò diluculo; non ideò tamen putes hanc rationem supponere Delphinum esse in ipso lacteo circulo, quod tamen verum non est, non enim est in Galaxia, sed tamen illi proximus, vt noctu videre est in cælo, vel etiam si mauis in globo astronomico: non tamen ob id Arist. ratio minus valida redditur, cum Delphinus semper Galaxiæ eodem modo sit proximus, eoq; moto, ipsa pariter moueatur.

141 Summæ 2. cap. 6. Sunt qui velint Arist. Galaxiam nihil aliud esse, quàm quandam refractionem lucis stellarum illarum, quæ sunt in ætherea Galaxia, quæ inquam refractione fiat circa supremam aeris regionem ex occurso exhalationum, quæ ibi perpetuò conseruantur, & vi earundem stellarum, fursum semper attrahuntur, quæ refractione fiat ad eum modum, quo halo circa Solem, & Lunam. & quemadmodum halo, siue area omnibus vndecunq; aspicientibus semper videntur in eodem cæli loco, hoc est è regione Solis, vel Lunæ; similiter Galaxia in aere omnibus vndecunq; intuentibus appareat in eadem cæli parte, idest ex aduerso eorundem syderum, quæ cælestem lacteam viam conficiunt. Porro qui sic mentem Arist. exponunt, nullo modo possunt à Mathematicis redargui per rationem desumptam à diuersitate aspectus (quam postea explicabo) quamuis physicis rationibus refellantur. Alij sunt, quorum sententia magis videtur improbāda, eò quod Arist. summum Philosophum pueriliter in astronomia lapsum fateri cogantur. Existimant hi Galaxiam hanc Aristotelicam nihil aliud esse, quàm ipsas tenues exhalationes in aere subuectas, directèque infra stellas illas lacteum circulum in cælo constituentes nobis obiectas. qui præter innumera, ac magna absurda è naturali Philosophia petita, vnum maximum ex Astronomia, nempe ex diuersitate aspectus desumptum, nullo modo vitare possunt; estq; huiusmodi, quia si lacteus hic circulus esset in aere, non ab omnibus, neq; ex omni terræ loco per eadem sydera commeare cerneretur, sed è diuersis, & præcipuè ab inuicem valde distitis, circa diuersa astra se se oculis nostris obijceret: at testimonio sensus constat, Galaxiam semper in eodem loco; eademq; à syderibus fixis distantia albicare, ergò nullo modo viam hanc in aere quasi pendulam fabricare debemus. rationem hanc diuersitatis aspectus astronomicè magis explicatam reperies apud Clauium in sphaera. Porro hæc ratio quamuis adeo certa, ac nostra tempestate vulgata, parum tamen à nonnullis de rebus Meteorologicis commentaria confarcinantibus intellecta, minimè eos abstertere potuit, quin prædictam opinionem, non solum Aristoteli imponent, verum etiam ipsi tãquam veram astrue-

astruerent: huiusmodi patiuntur incommoda, qui absq; Mathematicarum auxilio Philosophiam aggrediuntur.

Eodem cap. (*Ad hæc autem locus plenus est astris maximis, & fulgidissimis, 142*
& adhuc sparsis vocatis) non solum viam hanc lacteam astris plurimis refer-
tissimam esse videmus, sed præterea eandem stellarum admodum feracem
appellare licebit, si quidem stellæ omnes illæ nouæ, quæ nostra tempestate
apparuerunt, omnes in hac via exortæ sunt. prima enim anno 1572. effulsit
in Cassiopea; altera anno 1600. in Cygno. tertia demum anno 1604. in Sa-
gittario, quæ omnes constellationes intra lacteum circulum continentur.
Verissimum præterea esse hoc idem confirmatur instrumenti illius mirabi-
lis auxilio, quod superiori anno in Belgio excogitatum, & postea in Italia
à Galilæo perfectius redditum est, quodq; ipse primum Italicè Cannocchiale,
Latinè verò, & quidem aptè à Græcis mutuato vocabulo alius Telescopium
appellauit: hoc inquam specillo adhibito perspicuum statim fit non solum
in via lactea innumeras stellas contineri, verum quid ipsa sit, certò certius
constat; sed satius est ipsius Galilæi verba ex Nuncio sydereo referre: Quod
tertio inquit, loco à nobis fuit obseruatum est ipsiusmet lactei circuli essen-
tia, seu materies, quam Telescopij beneficio adeò ad sensum licet intueri,
vt & altercationes omnes, quæ per tot sæcula Philosophos excruciarunt ab
oculata certitudine dirimantur, nosq; à verbosis disputationibus liberemur:
est enim Galaxia nihil aliud, quàm innumerarum stellarum coaceruatim,
constitarum congeries, in quacunq; enim regionem illius specillum dirigas,
statim stellarum ingens frequentia se se in conspectum profert, quarum com-
plures satis magnæ, ac valde conspicuæ videntur; sed exiguarum multitudo
prorsus inexplorabilis est. hæc ille.

Eodem cap. (*Consideretur autem & circulus, & quæ sunt in ipso astra ex de- 143*
scriptione) id est, consideretur Galaxia, & astra ipsius inspiciantur diligenter
ex descriptione alicuius Globi astronomici, in quo solent Astronomi omnes
constellationes, ac stellas suis locis reddere, atq; etiam lacteum ipsum cir-
culum graphicè effigere. huiusmodi globum veteres spheram Arataam di-
cebant ab Arato Poeta græco, qui cōstellationes omnes carmine prosequu-
tus est, ac proinde globum hunc ordine exposuit:

Eodem cap. (*Sparsa autem vocata*) putò sparsa hæc sydera illa esse, quæ 144
recentiores informia appellant, eò quod ad aliorum asterismorum formas
minimè reuocentur.

Summa 4. cap. 1. (*In Asia igitur plurimi ex Parnasso vocato monte videntur 145*
fontes) rectè dubitat Alexander, qua ratione mons Parnassus ab Arist. po-
natur in Asia, cum certò certius constet, ipsum in Græcia Europæ regione
situm esse. fortè legendum est, vt vult Vicomercatus, ex Paropameffo, non
autem ex Parnasso, quamuis Græci codices aduersentur; Paropameffum
namq; Plinius, & Strabo in Asia collocant, voluntq; ipsum esse iugum quod-
dam montis Caucas: Caucasum autem supra Pontum oriri, & vsq; ad Hir-
canum, & vitra mare per totam Asiam se proferre; tradunt veteres Geo-
graphi. vide Thesaurum geographicum Abrahami Ortelij. Strabo lib. 15.
sic: Indiam à septentrione Tauri extrema terminant, ab Ariana vsque in
orientale mare, quæ extrema indigenæ particulatim nominant Poropamis-

N

sum,

sum, Emodum, Imauum, & alijs nominibus: Macedones verò Caucasum vocant.

146 Ibidem (*Apparet mare, quod est extra*) intelligit illud mare Oceanum, quod Arabiam, ac Persiam alluit, Indicoq; Oceano committitur: quodq; à priscis Geographis Rubrum mare appellatur, cuius alterum Rubrum mare, quod inter Africam, & Arabiam se insinuat, est quidam sinus, quem nunc communiter omnes Rubrum mare appellant. de illo inquam meritò intelligit Alexander, non de hoc Aegyptiaco, cum ex aspectu illius à monte Paropamesso, sequatur ipsum esse editissimum, quod non sequeretur ex altero ob illius propinquitatem. Dixit autem mare, quod est extra, id est extra terram habitatam, ad distinctionem maris Mediterranei, quod est intra terram habitatam, ac propterea Mediterraneum dictum est.

147 Ibidem (*Ex hoc igitur fluunt & alij fluij, & Baëtrus, & Choaspes, & Araxes. ab hoc autem abscinditur Tanais pars existens in Meotidem paludem fluit autem, & Indus ex ipso, omnium fluijorum fluxio maxima*) hæc omnia sunt falsa, & impossibilia; nam cum Baëtrus Bactrianam regionem irriget, quæ est ultra Persiam, Choaspes verò Persiam ipsam, Indus deniq; in India oriatur: qui fieri potest, ut in Regionibus adeò iuicem diffitis orti fluij ab eodem quoq; Paropamesso monte ortum ducant. nec minus falsum est illud de Tanai, quod sit quasi ipsius Araxis ramus quidam, Tanais enim ex Riphæis montibus Scythiæ delabitur in Meotidem paludem longè longius ab Araxi. eumq; terminum inter Europam, & Asiam Geographi constituunt, vnde Dionysius Afer sic cecinit:

Europam, atq; Asiam Tanais determinat amnis.

verum huiusmodi errata Arist. atq; adeò Geographis illius temporis condonanda sunt, cum nondum Geographia satis excolta esset.

De altitudine montis Caucaſi.

148 **E** Od. cap. (*Caucasus autem maximus mons est eorum, qui ad orientem aestiualem, & multitudinem, & altitudinem. signa autem altitudinis quidem, quia videtur & à vocatis Profundis, & à nauigantibus in Stagnum. insuper illustantur à Sole ipsius summitates, vsque ad tertiam partem nocte, & ab aurora, & iterum à vespera*) Caucasus mons situs est inter mare Euxinum, & Caspium, supra Cholchidem, & Iberiam regiones, vbi polus eleuatur 47. circiter grad. ac respectu Græciæ, & maris Euxini vergit ad eam mundi plagam, vnde illis aestiuo tempore Sol oritur. ait Arist. eum esse omnium montium illius plagæ altissimum, quod probat primò, quia admodum à longè cernitur, nimirum ab illo Euxini loco, qui Profunda vocatur, eò quòd à Nauitis nusquam ibi fundus reperiatur. & præterea à Nauigantibus in Stagnum, siue in Meotidem paludem, quæ quidem loca minimum distant à Caucaso 560. miliaribus. Secundò, probat illius altitudinem ex eo, quòd summitates ipsius vsq; ad tertiam partem nocte, & vesperi à Sole illustrentur. Locum hunc fuit pertractat eruditissimus Iacobus Mazonius sectione 3. & 4. de Comparatione Platonis, & Arist. quo in opere plurima habet ex Mathematicis desumpta, quibus naturalem Philosophiam mirificè illustrat, manifestumq; reddit, quàm necessariæ sint Mathematicæ ad philosophicæ veritatis

tatis inspectionem. Is igitur sect. 3. cap. 5. de hoc Arist. loco sic loquitur : hic locus diligenter expendendus videtur tum quia difficillimus est, tū quia multis ansam dedit reprehendendi Arist. tanquam puerilia effutientem. textus itaq; Arist. duplicem habet sensum; alter à quo non abhorret Alexāder, vt tertia illa pars ad montem referatur, quasi dicat, quod antequam Sol ima montis illustret, illuminat illius cacumen vsq; ad tertiam montis partem: sed hæc Mazonij expositio nulla est, cuiuslibet enim montis etiam medio-
cris altitudinis Sol illustrat non solum tertiam partem, sed & dimidium, & duas tertias, & ferè totum, antequam ad planam illius basim descendat. Ego sic exponendum censeo, vt Arist. dicat, mane, idest initio Crepusculi matutini, & vespere, idest, in fine Crepusculi vespertini ipsius tertiam partem illuminatam conspici ab ijs, quorum horizonti tunc incipit, vel desinit Crepusculum; ex quibus illi necessariò respectu Caucaſi sunt occidentales, qui manè hoc vident, vti sunt ij, qui in Euxino, seu Ponto, & Meotide nauigant, vel loca proxima inhabitant: illi verò, qui in fine Crepusculi vespertini hoc cernunt, necessariò respectu Caucaſi erunt orientales. Alter huius loci sensus est, ait Mazonius, vt non de tertia montis parte, sed de tertia noctis portione loquatur, ita vt manè. v. g. initio tertiæ, & vltimæ noctis parte, cacumen Caucaſi illuminetur. hæc ille. vbi animaduertendum expositionem hæc parùm differre à nostra modò allata, cum vtraq; in idem tempus recidat; nam si dixerimus initio Crepusculi matutini illuminari tertiam partem Caucaſi, tempus hoc coincidit cum initio tertiæ partis noctis, quantitas enim Crepusculi in poli eleuatione 47. grad. qualem habet Caucaſus, per totam æstatem tres horas plus minus continet, vt patet ex tabula quantitatis Crepusculi, quæ est apud Nonium, & apud Clauium in sphaera vltimæ editionis; quæ quantitas reperiri geometrico calculo potest, vt docent Nonius, Clavius, & Maginus lib. 10. primi mob. quod quidem trium circiter horarum tempus est tertia ferè noctis pars in ijs regionibus, quibus polus eleuatur 47. grad. siue ergo dicamus id contingere initio Crepusculi, siue initio tertiæ partis noctis, erit idem tempus, trium scilicet horarum. si ergo, inquit Mazonius, sequamur priorem declarationem, necessarium est dicere, quod ea tertia pars montis, quæ initio auroræ Solis lumine perfunditur, sit ea montis altitudo, qua ipse exuperat illam aeris regionem, vnde Crepusculum incipit apparere. quo posito aptè, ac sagaciter altitudinem Caucaſi inuestigat hoc pacto. præmittit autem septem propositiones apud Mathematicos manifestas, quas ego missas facio cum non mihi necessaria videantur. postea sic discurret; His ergo ita se habentibus, dico nos inuenire posse viam, qua saltem rudi Minerua, montis altitudinem comper-
tam habeamus. si enim in principio Crepusculi v. g. matutini (ita enim, vt supra annotaui intelligendus est Arist.) illuminatur tertia pars, necessarium videtur tertiam illam partem supra eam regionem collocari, ex qua Crepusculum in planitie apparere incipit, sed illa regio ex Alhazino, & Vitell. de Crepusculis miliaribus 5 2. à terra recedit, ergo duæ tertiæ montis partes, quæ Solem initio auroræ non vident, sunt 5 2. miliaria ad perpendicularum, & tertia alia pars illuminata est ad perpendicularum 26. miliaria: ita vt totius montis altitudo perpendicularis sit 78. mill. sed papè in quos acu-
leos

leos imprudens me conieci? rident enim hoc Arist. dictum Mathematici, putant enim eum pueriliter lapsum esse. Caterum ego pro praeceptoris tutela, dico eum sequutum esse famam. hæc Mazonius, quorum nonnulla indigent consideratione cuiusmodi, sunt illa, quando dicit, necessarium videtur, quod ea pars supra eam regionem attollatur, unde Crepusculum in planitie apparere incipit. videtur enim his verbis velle dicere, quod quando habitantibus planitiem, quæ est ad pedem montis Caucasii, vel horizontem eiusdem, incipit Crepusculum, iisdem etiam tunc tertia montis pars appareat illuminata; in quo sensu errat postea in colligenda montis altitudine, quamvis enim verum esset partem illuminatam eminere totam supra 32. milliaria, non tamen sequitur ipsam solam eminere, sed alia etiam pars eminere potest, quod sic geometricè demonstrabo. describatur enim figura




Fig.

illa, qua ad vaporum altitudines indagandas vtuntur Alhazenius, Vitellio, & Clavius. in qua terræ globus est FLGE, regio vaporum, & exhalationum MXNT. horizon astronomicus OP. physicus QR, tangens terram in puncto F, vbi etiam ponendus est huius horizontis habitator, vnde cum, Caucaſo FV. Sol ABC, qui initio Crepusculi infra horizontem OP, deprimatur gr. 18. vti ab Astronomis compertum est, hoc est, arcum DP, esse grad. 18. radius autem CIK, tangens terram, incipit illuminare halitus, qui sunt ad K, in extremo horizonte sensibili FK. quique possunt videri ab oculo in F, idest ab huius horizontis habitatore. Cæterum prædicti authores post longam ratiocinationem ex calculo planorum triangulorum tandem ostendunt in triangulo HFK, latus HK, continere milliar. 3631. ex quo detracta HL, semidiametro terræ, quæ est milliar. 3579. reliqua LK, summa halituum eleuatio relinquatur 52. milliar. quibus ab ipsis demonstratis, si HF, terræ semidiameter, quæ continet milliar. 3579. ponatur sinus totus 100000. & latus FK, ponatur tangens anguli ad H, quem prædicti authores probant esse grad. 8. 54. erit FK, tangens partium 15659. fiat igitur per 2. pro. triang. rectil. Clauij;

vt HF, sinus totus, ad milliar. ita tangens FK, ad milliar.

100000. 3579. 15659. 560.

& inueniemus per auream regulam latus FK, continere milliar. 560. quanta scilicet est distantia ab oculo nostro ad exhalationes Crepusculi initium efficientes. Consideremus iam triangulum FKV, vt ipsius latus FV, quæ est Caucaſi altitudo, in milliaribus innotescat. iam ipsius latus FK, innotuit, angulus verò ad F, est rectus; at angulus ad K, sic manifestabitur; in quadrilatero FKIH, quatuor anguli sunt æquales 4. rectis ex 32. primi. duo autem F, & I, sunt recti ex 18. 3. ergo reliqui duo H, & K, æquales erunt duobus rectis, quorum alter H, est gr. 17. 48. vt prædicti Mathematici ostendunt, reliquus igitur ad K, erit gr. 162. 12. vt compleat duos rectos. qui si detrachatur à duobus rectis, qui sunt deinceps ad lineam FK, reliquus angulus FKV, erit gr. 17. 48. si ergo latus FK, notum ponatur sinus totus 100000. latus verò FV, tangens anguli noti, erit ipsa 32100. fiat igitur,

vt FK, sinus totus, ad milliar. ita FV, tangens ad milliar.

100000. 560. 32100. 180.

inueniemusq; latus FV, continere milliar. 180. cuius pars FX, quæ est infra habituum altitudinem continet milliar. 52. quibus detractis ex 180. remanent 128. pro tota XV, quæ tota est supra vapores, nondum tamen illuminata. vnde patet Mazonium errasse in colligenda hoc modo Caucaſi altitudine, ex prima Crepusculi illuminatione in horizonte Caucaſi facta, cum ex præmissis calculo constet partem montis FV, totam tunc temporis esse tenebrosam, quamuis superet multò regionem vaporum, contrà quàm ipse putabat, superat enim eam milliar. 128. quare duæ tertiæ montis erunt non 52. mill. vt ipse ait, sed mill. 180. & proinde tota altitudo erit mill. 270. quod sanè ridiculum est, cum nullius montis altitudo sesquimilliare transcendat. Quod si sequamur alteram expositionem, vt nimirum Aristot. loquatur non de tertia montis parte, sed noctis, ita vt dicat, circa initium tertiæ partis noctis apicem montis illustrari, altitudo eius erit tantummodo

modo 180. quot continet latus F V. vt vidimus, quæ quamuis illa minor sit, adhuc tamen absurda est.

Si verò dixerimus Arist. intelligere hæc omnia, non respectu horizontis Caucaſi, sed alterius, cuius habitator in principio sui Crepusculi tertiam Caucaſi partem iam illustratam videat, vt accideret si Caucaſus statueretur in L K, vbi incipit Crepusculum habitanti in F. tunc esset altitudo tanta, quanta colligit Mazonius, si tamen Arist. intelligatur de tertia montis parte; est enim L K, altitudo habituum 52. mill. & duc tertia montis, quare totus mons erit 78. si autem intelligatur circa tertiam noctis partem, montis apicem illuminatum videri ab habitatore F, sic altitudo eius erit tantummodo 52. mill. quæ tamen adhuc omnem veritatem nimium superat. Cum ergo hinc inde sequantur absurda, putat Mazonium excusandum esse Aristot. dicendo eum sequutum esse famam, loquutumq; esse populariter. Verumenimverò sapientiores iudicent num rectè philosophus, cuius est recondita, atq; abdita docere, excusetur, si dicatur, eum, popularem famam sequutum esse.

Tandem monendus mihi Lector est, in demonstratione Magini, quæ est apud Mazonium sect. 4. citati operis; assumi radium Solis tangentem terræ globum, qui cum horizonte faciat angulum gr. 18. quod falsum est, solus enim radius centralis, qui à centro Solis ad centrum terræ ducitur talem facit angulum, atq; hac de causa ipse colligit altitudinem nostra maiorem; nostra est 270. mill. sua verò 276. vbi etiam, sicut & nos assumit horizontem Caucaſi.

Aduertendum tandem Mazonium admodum aduersantia loquutum esse, sect. enim 3. demonstratiuè concludit altitudinem 76. mill. sect. verò 4. simul cū Magino demonstratiuè pariter colligit altitudinem eiusdem 276. m. quæ nimis ab inuicem discrepant, cum tamen vtrobiq; demonstret, & veritas sit vna. At verò causa huius discrepantiæ est, quòd sect. 3. accipit Crepusculum non horizontis Caucaſi, sed illius, in cuius extremitate orientali, vbi incipit Crepusculum, Caucaſus situs sit, distetq; ab habitatore 560. m. vt supra ostendimus. sect. verò 4. accipit horizontem ipsius Caucaſi, vt ex figura illic descripta videre est. ex hac igitur horizontum varia suppositione, varia etiam altitudo colligitur, quamuis vtrobiq; ex vtraq; suppositione vtramq; altitudinem rectè concludat. Atq; hæc de Caucaſo sufficiant.

- 149 Eodem cap. (*Ex Pyreneo autem, hic autem est mons ad occidentem equinoctialem in Gallia, fluunt Ister, & Tartessus, iste quidem extra columnas, Ister autem per totam Europam in Pontum Euxinum*) Arist. fortè sequutus est Herodotum, qui falsò tradit Istrum, siue Danubium ex Pyreneis defluere, nam luce clarius constat ipsum ex ijs Alpibus, quæ Helueticorum montes dicuntur, propè Basileam ex Adula monte ortum ducere. neq; verum est Tartessum, quem & Boetius alij nominant ex Pyreneis descendere. Tartessum hunc Maginus putat esse Tagum, cui fauet vocabulorum qualiscunque similitudo. extra tamen columnas Herculis quisquis sit in Oceanum occidentale illabitur. Ignoscenda sunt ista Arist. tunc enim Geographia nondū adoleuerat.
- 150 Ad finem eiusdem cap. (*Et circa Ligusticam non minor Rhodano absorbetur quidam fluminis, & iterum egreditur secundum alium locum*) incompertū & hoc Arist.

Arist. vt superiora, ob Geographiæ illius seculi imperfectionem, nusquam enim in tota Liguria quidpiam tale reperitur.

De Terræ rotunditate.

S Vmma 4. cap. 2. quod est de permutatione, & vicissitudine aquarum, 151
& continentis. Pergratum Lectori fore existimaui, nec alienum ab instituto, si occasione huius permutationis maris, ac terræ, rem exposuero scitu dignissimam, quam pridem obseruare ceppi, ac in dies obseruo, præsertim cum nullus præteritorum scriptorum, quod sciam, eam literis mandauerit: Terræ scilicet totius molem paulatim reduci ad perfectam sphericitatem, ita vt aliquando necesse sit futurum ipsam à mari inundari, atq; omnino inhabitabilem reddi. Primum igitur illud ex sacris literis statuendum, orbem terræ in suo primordio fuisse ab opifice rerum omnium, figura spherica donatum, hoc est absq; montium eminentijs, atque vallium depressionibus. quod patet ex eo, quia tunc tota Mari obtegebatur, ita vt minimè apta esset animantibus ad inhabitandum. redditam verò habitabilem, cum ipsius conditor quãdam ipsius partem humiliorem, & quandam eminentiorem effecisset; transferendo nimirum maximam terræ portionem ex vno loco in alium, vnde illic maris concauitas, istic verò montium sublimitas emerfit. quo facto aquæ omnes in loca illa decliuiora sua spontè recesserunt, quæ aquarum congregatio Mare appellatum est. Hinc nonnulli auctores grauissimi asserere non dubitarunt, montes cõflatos fuisse ex terra illa, quæ locum illum occupabat, quem postea maria inuasit. quæ cum ita sint. sequitur terram nunc esse extra naturalem suam figuram, & propterea in quodam statu violento, violētum autem nullū perpetuū. præterea cum terra sit grauior quàm aqua, nulla ratione deberent terræ partes superiores aquæ superficiem superare, cuius tamen contrariū accidit, nam superficies ipsa terræ, & multò magis môtana loca superficiem maris cuiusvis non parum superant; quæ altera violentia terræ, & aquæ inest, & ided minimè mirum est, imò vtriusq; naturæ valdè conueniens terram redire ad pristinam, ac primigeniam figuram, ex qua consecrarium erit aquam quoq; suam pariter illam sibi primæuam recuperaturam esse figuram. causam autem restauratricem huius terrenæ rotunditatis esse aquas tum pluuiiales, tum fluuiiales iamdiu obseruauimus, vt ex sequentibus obseruationibus patebit.

Primò, videmus flumina quotidie montium radices corrodere, ac quasi suffodere, ita vt passim ex hoc, vel illo monte magnas faciant ruinas, ac precipitia, atq; hinc inde prærupti appareant montes, vt meritò legamus apud Iob cap. 14. alluione paulatim terra consumitur. humum porrò illam ex montibus delapsam semper ad loca humiliora fluuij secum detrahunt. Ex continua etiam hac inter montes corrosione facta manifestè apparet, fluminum alueos in montanis modò esse humiliores quàm olim, quamuis contrarium accadat alueis fluuiorum per plana decurrentium, qui modò altiores sunt quàm exordio mundi, vt paulò post ostēdam. Illud autem liquidò apparet ex signis, seu symbolis, seu ex similitudine terræ, aut lapidis, quæ in altissimis fluminum ripis hinc inde passim videtur, quæ indicio sunt montes illos iam olim

olim fuisse continuos, atq; vnā, eandemq; terram continētem, antequam flumen eos ab inuicem separaret; flumenq; ipsum olim altius, vbi sunt signa illa ambulasse; quemadmodum in Pyramo Ciliciæ amne obseruauit Strabo, dum libro 12. de illius ripis hæc tradit, mira præterea est montis celsura, per quam alueus ducitur; nam quemadmodum in petris per medium scissis contingit, alterius partis depressioribus ita conuenire alterius partis eminentias, vt coniungi possint: sic videre est imminentes flumini petras vtrunque ferè vsq; ad montis summa pertendentes duorum, triumue iugerum spatio concauitates quasdam eminentijs oppositas habere. hæc Strabo de vno, quod nos in pluribus obseruauimus. Præterea videmus quotidie pluuias aquas, idem quantum possunt efficere, superficies montium, eorum maxime, qui coluntur, perpetuò absumentes, atq; ad loca conuallium deducen- tes. hinc videre est, montes cæteris duriores, vt sunt lapidosi, cæteris altiores remansisse; quippe qui magis & pluuijs, & fluminalibus aquis sua duritie obstiterunt. idem montani incolæ omnes confirmant, qui omnes aiunt sibi hanc montium demolitionem iam pridem innotuisse, ex eo quod nonnulli montes olim sibi impedimento erant, ne arcem, turremve in vltiore monte sitam conspicerent, quam deinde plures post annos intermedio monte depresso, commodè videbant. Ad hæc; antiqua in montium verticibus constituta ædificia, propterea intercidunt, quia terra hinc, & inde ab aquis paulatim consumpta, deorsumq; delapsa, fundamenta ipsorum nuda primò relinquit; deinde terra etiam ipsa, qua fundamenta innitebatur sensim delapsa, ipsa quoq; fundamenta vnà cum toto ædificio necesse est collabi. huius signa infinita propemodum videri possunt; vnum tamen, quod toti orbi conspicuum est, non omittam; Capitolum videlicet Romanum, cuius modo fundamenta tota extant, quæ olim altè sub terram descendebant. vide pulcherrimam hac de re tractationem apud Georgium Agricolum lib. 3. cap. 1. qui amplius addit illud, quod & mihi maxime probatur; flumina nimirum producere montes, collesq; hoc modo; vult enim initio mundi non extitisse tot particulares montes ab inuicem discretos, sed fuisse perpetua quædam terræ iuga eminentia quidem, sed non tot vallibus dissecta: v. g. mons noster Apenninus erat iugum, siue dorsum quoddam terræ eminentis quidem, sed nullis vallibus in tot particulares colles, aut montes dissectum; sed postquam flumina à summitate ipsius deorsum fluere cœperunt; paulatim corrodentes huiusmodi in dies magis, ac magis effecerunt valles, atq; hac ratione in colles, montesq; plurimos totus Apenninus diuisus est. hæc de montibus sufficiant, nunc ad plana descendamus.

Contrarium igitur omninò accidere videmus in planis, quoniam eadem aquæ, quæ ex montibus quotidie terram secum deducunt, eam ad humiliora loca, vt sunt plana, & campestria, siue ibi sint maria, siue arida, comportant, eamq; ibidem deponunt. hinc videmus antiqua ædificia in planis locis exstructa, esse iam penè tota sepulta, contra quam in montanis, cuius exemplum habes etiam Romæ propè ipsum Capitolum, in Arcu triumphali Septimij, qui iam ferè totus ruinosa vndique terra obruitur. sic Pantheon. sic etiam templa Episcopalia, quæ plerunq; satis peruetusta sunt, admodum infra terram conspiciuntur. Idem affirmant cæmentarij, & architectores omnes,

omnes, quibus ubiq; terrarum, dum in planis ædificiorum fundamenta ex-
 cauant, occurrit primò terra quædam, quam ipsi motam appellant, quæ li-
 gnis, rudibus, ferramentis, numismatis, sepulturis, varijsq; rebus per-
 mixta est; qua eruta, reperitur terra alia, quam nunquam fuisse motam, ap-
 paret, ex eo quod solida, ac benè compacta sit, neque vllis externis rebus,
 præsertim artificiatæ admixta. terra illa, quam motam dicunt, variam va-
 rijs in locis sortita est altitudinem, prout aquæ plurimum, vel minimum,
 montanæ terræ huc, vel illuc comportarunt: alicubi vt hic Parmæ erit sex
 vlnarum, alibi viginti, vt Mutinæ; alibi triginta, vt Romæ, nonnullis in lo-
 cis. Comprobatur tandem hæc nostra obseruatio ex arte illa, qua per eaf-
 dem fluuiales aquas solent, tam loca depressiora per aggerationem paula-
 tim replere, atq; eleuare: quàm etiam altiora per aquarum earundem cor-
 rosionem deprimere. qua in arte exercitatissimum P. Augustinum Spernac-
 ciatum nostræ Societatis videmus modo de mandato Summi Pontificis Pa-
 dum, ac Renum Bononiensem ob aggerationem stagnantes in mari émitte-
 re; cui totus hic noster discursus maximè probatur. Ex quibus omnibus se-
 quitur superficiem terræ tam montium, quam planorum quotidie variari,
 illam nimirum deprimi, hanc attolli. vnde aliud maximum notandum se-
 quitur, videlicet hac tempestate non esse eandem agrorum superficiem, quæ
 erat antiquitus, cum in montanis agris sit multò humilior, in campestribus
 verò altior, quàm antiqua illa, ac primigenia; quapropter mirum videri
 non debet, si quorundam locorum adeò immutata natura est, vt quæ olim
 generosa vina ferebant, vel quouis alio essent prædita munere, adeò dege-
 nerauerint, vt & vina, & alia nullius modò valoris, vel in parua copia pro-
 ferant. Quod verò ad marium aggerationem spectat, dicimus ijsdem aquis
 magnam arenarum copiam perpetuò importantibus, fieri aggerationem,
 hoc est littora quotidie magis crescere, seu in mare ingredi, & consequen-
 ter mare recedere. quod primò Arist. testimonio in hoc cap. comprobatur,
 cum quo pariter sentiunt veteres Geographi, & Historici omnes. Arist. igitur
 in comprobationem huius adducit primò magnam Aegypti aggeratio-
 nem; pars enim illa Aegypti, quæ Delta, Niliq; donum appellatur ab He-
 rodoto, ex arenis, & limo, ex Aethyopiæ montibus simul cum Nilo in mare
 delabentibus, est conflata, atq; antiquo littori addita, cui locum paulatim
 mare cessit; estq; propterea donum Nili appellata, quod ab ipso illuc are-
 nas importante sit facta. secundum, Arist. exemplum est Ammonia Regio,
 cuius humiliora loca. scilicet maritima, palam est, inquit, quod aggeratione facta,
 sunt stagna, & continens: succedente autem tempore, stagnans aqua ob
 nouam aggerationem desiccata est, & iam annihilata. tertium est Meotidis
 Paludis; At verò, ait, & quæ sunt circa Meotidem Paludem creuerunt allu-
 uione fluuiorum tantum, vt multò minores magnitudine naues, nunc innare
 possint, quàm anno ab hinc sexagesimo. quare ex hoc facile est ratiocinari,
 quod & primò, vt multa stagnorum, ita & hoc opus est fluuiorum, & tan-
 dem necesse est totum fieri siccum. quartum est illi Bosphorus Tracius; quod
 vnà cum præcedentibus satius est apud ipsum, vel potius apud eius exposi-
 torem Vicomercatum videre, vt breuitati consulatur. Accedit & Plinij te-
 stimonium, qui tradit multas terras nasci, non solum fluminum inuectu, sed

O

etiam

etiam marium recessu; sic mare ab Ambracia portu 10. millia passuum; ab Athenarum verò quinq; millia, & alijs in locis plus minusuè recessisse scribit. Huc facit locus quidam Strabonis ex lib. 12. de Pyramo Ciliciæ fluuius: sic; montes verò egressus tantum limum in mare deducit, partim ex Cataonia, partim ex Ciliciæ campis, vt huiusmodi de eo oraculum feratur:

Tempus erit rapidis olim cum Pyramus vndis

In sacram veniet congesto litore, Cyprum:

hic enim fluuius è regione Cypri insulæ in mari influit, &c. hæc Strabo.

Verum recentiora non desunt exempla. Rauenna olim erat in extremo litore sita, nunc paulatim aggeratione aucto litore, mare multum ab ea recessit. Patavium pariter, vt fertur mare alluebat, quod modo 25. passuum millibus ab eo distat. Aëstuarium ipsum Venetum, ob arenas à varijs fluminibus in ipsum immixtas adeò fundum extulit, vt vix amplius navigationi sit aptum, periculumq; sit ne Venetiarum mirabilis locus, ex maritimo fiat terrestris. demum exemplum sit Bononiensium Renus, qui quamuis exiguus sit torrens, paucis tamen annis Padum ipsum, in quem immixtus fuerat arena ita repleuit, vt & sibi, & Pado magno vicinorum agrorum damno viam in mare obstruxerit. Cum igitur mare ob hanc adaggerationem cogatur se quotidie magis recipere, fiatq; propterea alueus ipse angustior, atq; elatior, necesse est etiam ipsam quoque maris aquam quotidie magis coangustari, atq; attolli, & aliquando futurum, vt exundare incipiat. quod iam plerisq; in locis accidit, vt in litore Baltico, Danico, & Hollandico, quibus in locis sunt hac tempestate extructi prælongi, ac præalti aggeres contra maritimas inundationes: quibus antiquitus minimè fuisse opus historicorum, ac Geographorū silentium comprobatur. Hoc igitur modo terra, qua montes, collesq; constant paulatim ab aquis in maris concauitates deportata, causa est, vt mare sensim modo hac, modo illac, terræ superficiem superfundatur, terraq; iterum, quemadmodum exordio mundi inhabitabilis reddatur: quod tunc maximè accedit cum aquæ tam fluuiales, quam pluuiæ, super faciem terræ perpetuò discurrentes, totam illam montanam terram in pristinum locum, vbi ab initio fuerat, vndeq; sublata fuit, restituerint; tunc terræ erit iterum rotunda, & sphaerica, hoc est suæ primigeniæ iterum figuræ restituetur: quapropter mare etiam rursus sicut initio mundi totam terræ faciem circumquaq; inundabit, quod probare volebam.

Tantum cui mutare potest longæua vetustas.

Hinc nonnulla colligi possunt non minus notatu, ac scitu, quam præcedentia dignissima, quibus Ethnicorum Philosophorum error redarguatur, fides verò nostra magis roboretur: mundum nimirum ab æterno neutiquam extitisse, vel saltem terram ab æterno non fuisse hac figura præditam, qua nunc videmus, nec mundum perpetuò duraturum. nam si hæc montuosa illi figura ab æterno inesset, iampridem rota illa montium tuberositas fuisset ab aquis exarsa, & consumpta: neq; æterna erit, quia successu temporis, vt probauimus, reducetur ad rotunditatem, atq; à mari inundabitur, & idcirco inhabitabilis, vnde necessariò mortalium genus interibit. Quapropter nisi igne illo, quem sacræ literæ innuunt cataclysmus ille præueniatur, aqua mundus interiturus esset. sed de his hæcenus.

Quoad

Quoad magnum illud Diluuium, quod Arist. hoc capite existimat post multa secula reuolui, hoc veritati esse consentaneum argumento sunt, ac pariter admirationi varia cōchiliorum genera, quæ tūm in Apennino monte, tūm in Alpibus obseruauit; Idemq; in alijs mundi partibus inueniri putō; præsertim in tam immensa copia, atq; intra viscera montium collocata, quæ nulla vis humana illuc contulisset, nisi temporibus cataclysmi ebullientibus aquis maris super terram facta fuisset hæc varia rerum maritarum cum terrestribus commixtio: quæ quidem optimè ex Pomponio Mela comprobantur, qui libro 1. de Numidia sic narrat: interius, & longè satis à litore, si fides res capit, mirum admodum, spinæ piscium, Muricū, Ostreorumq; fragmenta, saxi atritu, vti solent fluctibus, & non differentia marinis, infixæ cautibus anchoræ, aliæq; huiusmodi signa, & vestigia effusi olim vsq; ad ea loca pelagi, in campis nihil alentibus esse inueniri que narrantur. neque locus ille Ouid. Met. 15. extra rem:

*Vidi ego, quod fuerat olim solidissima petra
Esse fretum, vidi factas ex æquore terras:
Et procul à Pelago concha iacere marina,
Et vetus inuenta est in montibus anchora summis.*

Nos autem Christiani ad Noemi Diluuium ista referre debemus.

Ex Secundo Meteororum.

C Ap. 1. ait multa esse maria, quæ ad inuicem non communicant. 152
Eorum rubrum mare vnum esse; quod cum Oceano Atlântico, qui est extra Herculeum fretum ad occidentem parum videtur commisceri. siue Arist. pro Rubro mari intelligat Oceanum illum, qui Arabiam, ac Persiam alluit, siue illius sinum, qui Arabiam, atq; Aethiopiam interluit, falsum est ipsum parum communicare cum occidentali Oceano, vt quotidianis Lusitanorum nauigationibus ad Indos patet. sed meritò hoc Aristot. condonandum, cum tunc temporis nondum tota Africa esset certò circumlustrata, neq; iter ab Hispania ad Indos maritimum, adeo nunc frequens, patefactum esset.

Summæ 2. cap. 2. (*Quapropter & circa Orionis ortum maximè fit tranquillitas*) 153
quando Medici, Philosophi, Poetæ, ac reliqui auctores loquuntur de ortu astrorum fixorum, aut constellationum, quæ sunt in firmamento, vti est Orion (& Canis, de quo postea) intelligunt semper de ortu ipsorum, qui fit matutino tempore, quando scilicet vel simul cum Sole, vel paulò ante Solem emergunt, ita vt videantur à nobis; qui ortus dicitur Cosmicus, tunc propriè, quando simul astrum cum Sole oritur; quando autem incipit apparere mane ante Solem, dicitur ortus Heliacus. i. solaris, quia oritur quodammodo ex radijs Solis, sub quibus antea latebat. Astra verò inerrantia, & planetæ Sole tardiores oriuntur vtroq; modo. nam cum ipsa Sol, quippe illis velocior primùm assequitur, ea suo lumine obteggit, estq; hic occasus eorum heliacus: cum verò eadem præterierit, ac post se reliquerit sit, vt motu diurno toto coelo conuerso, mane ante Solem effulgeant, siue heliacè oriantur: & cum quotidie magis Sol ab illis recedat, ipsæque magis à Sole

elongentur, fit, vt quotidie magis ortum Solis anticipent, & citius mane ante Solem videantur. sicq; tanto in dies citius, vt deinde media etiam nocte orientur; tum ante mediam noctem postea paulò ante occasum Solis. demum cum fuerint Soli opposita, occidente Sole orientur, qui ortus dicitur Vespertinus, vel Acronicus. postea oriuntur semper in die ante Solis occasum, donec Sol ipsa iterum assequatur, eaq; radijs suis offuscet, quod est heliacè occidere; & mox cum ipso Sole occumbant, quod Acronicè est occidere. Totum porrò illud tempus, quo per diem oriuntur, non eorum ortui, sed occasui deputatur, eò quod non cernuntur oriri, vt sequenti loco explicabitur. Quæ omnia adhibito Globo astronomico, in quo constellationes omnes depictæ sunt, eoq; ad tui poli eleuationem constituto, apppositoque Sole suo loco in Zodiaco, qui paulatim per Zodiacum orientem versus gradiatur, & interim diurno motu globus conuertatur, ad sensum manifesta apparebunt. In summa auctores intelligunt de ortu, qui mane fit ante Solem, quia tunc primum post diurnas latebras incipit apparere. nò autem intelligunt de ortu Acronico, quia ante hunc ortum videbatur noctu, itaq; ortu Acronico non fit noua apparitio; ideo de hoc non intelligunt. fit autem ortus hic Orionis, heliacus, & matutinus, de quo Arist. hoc loco, & alij auctores, nostra hac tempestate paulò ante Solis ingressum in Cancrum, siue ante solstitium æstiuum circa 22. Iunij.


154 Eodem cap. (*Incertus autem, & molestus Orion esse videtur & occumbens, & oriens, quia in transmutatione temporis accidit occasus, & ortus, æstate, aut hyeme, & propter magnitudinem astri dierum fit aliqua pluralitas*) hoc loco Vicomercatus ex sententia astronomorum occasum Orionis fieri autumnii tempore, Sole Scorpionem obsidente docet, quod & verba Arist. clarè significant, cum dicat ortum ipsius fieri æstate; in transmutatione verò temporis, videlicet in autumnio fieri occasum. Porrò occasus hic fieri incipit primum mane oriente Sole, diciturq; occasus cosmicus, quia dum Sol est in oriente, Orion est in occidente, & infra orizontem cadit: deinde paulò ante Solis ortum, sed tamen nocturno tempore, ita vt occasus eius videri possit, donec occidat parum post Solis occasum, & tandem cum Sole ipso heliacè euanescat. Scriptores autem ferè semper cum loquuntur de occasu inerrantium syderum, de eo, qui noctu videatur, intelligunt: sicuti ortum intelligunt eum, qui noctu fit, noctuq; videtur. affixa namq; sydera per sex ferè menses noctu oriuntur, oririq; ea conspiciunt, & propterea totum illud tempus, ortui ipsorum deputamus: Reliquum verò tēpus, quo per diem oriuntur, & idcirco ortus illorum minime apparet, nulla ratione ortui debuit ascribi: totum verò tempus, quo noctu occidunt, & occidere cernuntur, occasui illorum meritò attribuitur. & quemadmodum temporis illius initium, quo primo de nocte apparere incipiunt, dicitur absolutè ortus cuiusuis syderis; sic etiam initium temporis illius, quo primum per noctem ea occidere videmus, simpliciter occasum appellamus.

155 Eodem cap. (*Etesia autem sunt post versiones, & Canis ortum*) per versiones intelligit tropicos, quod & tropici etymon confirmat, cū tropicus idem valeat, ac conuersiuus. circa Canis ortum eadem sunt notanda, quæ supra de ortu Orionis annotaui; intelligit enim eum Canis ortum, qui mane fiat primum

primum paulò ante Solis ortum, cum scilicet incipit apparere.

Cum porrò in cælo sit Canis maior, & Canis minor, qui & Procyon, idest Anticanis dicitur, existimò Canem maiorem esse eum, qui vulgò Canicula nominatur, soletq; vehementes, ac noxios calores excitare. de quo etiam putò Arist. intelligere. eius porrò ortus in nostra poli eleuatione quadraginta quinque graduum, circa diem tertium Augusti contingit, Sole autem 10. gradum Leonis occupante. Ex Magini tabulis ante ephemerides.

Eodem cap. (Duobus enim existentibus segmentis habitabilis regionis: vno 156 quidem ad superiorem polum, qui noster est; altero ad alterum, & ad meridiem: eaq; tympani speciem habeant, talem enim figuram terræ excidunt ex centro ipsius ductæ lineæ, & faciunt duos conos, hunc quidem habentem basim tropicum, alterum autem habentem basim circulum semper manifestum, verticem autem in medio terræ. eodem autem modo ad inferiorem polum alij duo coni terræ segmenta faciunt) vt benè duas hæc terræ portiones, quas solas habitabiles putat Aristot. concipias, reliquaq; huius loci intelligas, inspicere sequentem figuram.



Maiores circulus sit cælum, in quo polus L, articus; M, antarticus, ille eleuatus supra nostrum horizontem S N, 45. gradibus, iste verò totidem infra, depressus. sintq; diametri circuli semper apparentium maximi S R, necnon diametri

diametri semper occultorum maximi Y N: tropicorum item T Q, Canceri, XQ, Capricorni, ut vides in figura. Terra sit A B C H G F E D Z K. à cuius centro Z, educantur primo duæ lineæ rectæ Z R, Z S. ad circulum semper apparentium maximum, quæ in terra transeant per puncta B, K. & iungatur lineæ B K: iam vides conum S R Z, cuius basis est circulus semper apparentis S R, vertex autem Z, in centro terræ, ut ait Aristot. educantur nunc duæ aliæ rectæ ad tropicum Canceri Z T, Z Q, quæ in terra faciant puncta I, C, iungaturq; recta I C; hic pariter vides conum alterum T Q Z, cuius basis est circulus Canceri, vertex verò centrum terræ Z. considera iam figuram B K I C, inter duas rectas B K, I C, & duos circuli terræ arcus contentam; hanc Arist. appellat tympanum vnum terræ habitabile, quod est ad Vrsam, idest in septentrionali plaga, in qua sumus nos: quæ quidem portio si consideretur ut solida, & à reliqua terra præcisa, erit corpus rotundum, verinq; tamen duobus planis circulis ad instar tympani terminatum: Ductis deinde similiter alijs quattuor lineis à centro Z, versus polum antarcticum sit alterum tympanum H D E G, australis terræ habitabilis, ut in figura manifestum est. fuisse autem huiusmodi habitabilis terræ segmenta figuræ tympani similia, optimè declarant veteres figuræ geographicæ Ptolemæi, & patet etiam ex longitudine, & latitudine, ut benè ait Arist. quas Geographi portioni terræ habitabili attribuebant, longitudinem enim dixerunt eius dimensionem ab occasu ad ortum: latitudinem autem à septentrione in meridiem, eò quòd illa multò hac longior esset. Ex quibus apparet habitatam fuisse veluti Zonam, terram ab occasu ad ortum præcingentem. quæ Zona si sumatur cum soliditate, quam ambit, ab Arist. tympano assimilatur.

- 157 Eodem cap. (*Hæ autem habitari solæ possibiles: & neq; ultra versiones; umbra enim non utiq; esset ad Vrsam: nunc autem inhabitabilia prius sunt loca, quam subdeficiat, aut permutetur umbra ad meridiem. Quæ autem sub Vrsa, è frigore inhabitabilia*) quod ait ultra versiones, idest intra tropicos in ipsa scilicet Zona torrida, non posse habitari, falsum esse ostendunt plurimæ regiones tam veteris, quam noui orbis, superiori seculo patefactæ, in quibus magna in amoenitate, ac fertilitate, summisq; delicijs viuunt. Quoad umbram illam, intellige meridianam .i. quam Sole circa meridiem existente, nos qui Boreales sumus, semper ad septentrionem proijcimus. Quod si ad meridiem perrexerimus, occurreret inhabitabilis (ut falsò putat) terra, prius quam umbra meridiana in Boream vergens deficiat. quæ signa sunt nostram habitationem esse citra Zonam torridam, in Boreali parte. Quæ autem sub Vrsa, idest sub polo arctico, ob nimium frigus inhospita omnino habetur, nam

Quod latus mundi nebula, malusq;

Iupiter vrget.

Veruntamen, quæ sub utroq; polo partes sunt adhuc incognitæ manent.


- 158 Eodem cap: (*Fertur autem, & corona secundum hunc locum, videtur enim super caput esse nobis, cum fuerit secundum meridianum*) constellatio videlicet, quæ corona Ariadnæ dicitur, hæc cum in cælo manifestè sit Borealis, nostrisq; vertici noctu, quando meridianum pertransit, incumbat: clarè indicat nos quoq; esse Boreales.

- 159 Eodem cap. (*Et quidem ad latitudinem vsq; ad inhabitabilia scimus habitatam,*

tam, hic enim propter frigus non amplius habitant, illic autem propter astum) illic autem, idest sub Zona torrida, compertum autem est nunc totam ferè torridam Zonam, & quidem alicubi percommode habitari, cuius causa sunt quatuor, quæ ipsum latuerunt. prima eaq; toti Zonæ torridæ communis, est perpetuum æquinoctium, quo Sol tantum supra, quantum infra terram immoratur. accedit, quòd Sol nocturno tempore maximè ad imum cæli feratur, plurimumq; ab horizonte, superoq; hemispherio recedat. atque ob hanc solam rationem Campanus in sua sphaera Zonam hanc putat maximè esse habitabilem: quamvis hæc sola causa, vt quotidiana docet experientia, non sufficiat. secunda sunt pluuia, quæ alicubi quotidie stata hora decidunt. tertia venti, qui veluti flabella quædam aerem agitant. quarta præalti montes perpetuis niuib; obfiti, quæ quatuor torridam hanc passim refrigerant, atque habitabilem reddunt.

Summæ 2. cap. 3. de vëtis (Oportet autem de situ simul rationes ex descriptione 160. a ne considerare) idest rationes ventorum ex descriptione, idest in figura aliqua, vt in sequenti considerare; solet enim Arist. figuras, imò demonstrationes ipsas Mathematicorum, descriptiones appellare, vt sapius in Logicis monuimus.

Descriptus sit igitur, vt clarior res euadat horizontis circulus quapropter, & rotundus) vt in sequenti figura circulus A G B H, descriptus horizontem referret.



Oportet

Oportet autem ipsius alteram portionem intelligere, quæ nobis habitat; quæ eodem modo diuidi poterit) idest oportet intelligere ipsius horizontis, vel terræ habitatae partem, quæ quamuis rotunda non sit, poterit tamen, ac si rotunda esset in figura circulari representari, atq; in plures partes eo modo, quo circulus secatur, secari.

Supponatur autem primò contraria secundum locum, esse plurimum distantia secundum locum; sicut secundum speciem contraria, plurimum distant secundum speciem. plurimum autem distant secundum locum, quæ per diametrum opponuntur. sit igitur vbi A, occidens æquinoctialis. contrarius autem huic locus vltimus B, ortus æquinoctialis) idest in sequenti figura ducta diametro B A. in altera ipsius extremitate vbi A. sit occasus æquinoctialis, qui sit Sole existente in alterutro æquinoctio; huic igitur per diametrum opponatur ortus æquinoctialis in B. qui pariter contingit tempore æquinoctiorum: linea autem B A, refert ipsum æquatorem.

Alia autem diameter hanc perpendiculariter secet, cuius punctum illud, in quo G, sit Vrsa: huic autem contrarium ex opposito illud, in quo H, merides) hæc diameter erit ipsa linea meridiana. pro Vrsa verò intelligit septentrionem, quod ibi sit Vrsæ constellatio.

Id autem, in quo F, ortus æstivalis; in quo verò E, occidens æstivalis) quæ duo puncta iunguntur linea F E, quæ refert sectionem tropici, Cancrī cum horizonte: ortus enim, & occasus æstivalis contingunt Sole Cancrī tropicum percurrente.

Id autem, in quo D, oriens hyemalis; vbi verò C, occidens hyemalis) linea autem D C, erit sectio tropici Capricornī, & horizontis; Sole enim hunc tropicum attingente ortus, & occasus hybernus fiunt.

Ab F, autem ducatur diameter ad C, & à D, ad E. quoniam igitur plurimum distantia secundum locum, contraria sunt secundum locum: plurimum autem distantia, quæ secundum diametrum; necessarium est, & statum hos inuicem contrarios esse, quicunq; secundum diametrum existunt. vocantur autem secundum positionem locorum venti sic; Zephyrus quidem ab A, hoc enim est occidens æquinoctialis. Boreas autem, & Aparetias à G. hic enim Vrsa. contrarius autem huic Notus ab H. Merides enim est hic, à quo flat, & H, ipsi G, contrarium est; secundum enim diametrum sunt. Ab F, autem Cæcias; hic enim oriens æstiuus est; cui contrarius est, non qui flat ab E, sed qui à C. Libs, iste enim ab occidente hyemali flat; estq; illi contrarius, quia secundum diametrum illi opponitur. Qui verò à D, Eurus, iste enim ab oriente hyberno flat, vicinus existens Noto, vnde & sæpè Eurōnoti flare dicuntur: cōtrarius autem huic, non qui à C. Libs, sed qui ab E, quem vocant, hi quidem Argesten, hi autem Olympium, alij verò Scironem; iste enim ab occidente æstiuo flat, & secundum diametrum ipsi solus opponitur. Venti igitur, qui secundum diametrum positi sunt, & quibus alij aduersantur, ij sunt. Alij autem medius est inter Argesten, & Apparitiam, à K, autem, quem vocant Meseu, Medius enim est Cæcia, & Aparetia. Diameter autem K I, iuxta circulum semper conspicuum esse solet, non tamen exactè) idest linea K I, solet in horizonte referre, diametrum circuli omnium semper apparentium maximi, eo quod sit ferè sub diametro illius, in qualibet enim sphaera obliqua, idest, in qua polus eleuatur,

natur, intelligunt Astronomi circulum quendam semper apparentium maximum, quem describunt ex ipso polo, tanquam centro, & interuallo vsque ad horizontem, circa ipsum polum: hunc appellant semper apparentium maximum, quia intra hunc alios quamplurimos concipiunt circa eundem polum, quorum minores semper sunt polo propinquiores. huius igitur diametrum vult Arist. per lineam, quæ à K, in I, duceretur (quamuis non exactè) representari.

Contrarij autem non sunt his flatibus, neq; ipsi Mese, spiraret enim utiq; aliquis ab eo, in quo M. hoc enim illi est secundum diametrum; neq; Trascia ab N, enim, quod punctum per diametrum aduersum illi est, spiraret. Nisi ab eo veniat, qui tamen non longè progreditur ventus quidam, quem accolæ Phaniciam vocant. maxime igitur præcipui, & definiti venti hi sunt: hocq; modo dispositi) supradicta porro omnia ex sequenti figura optimè poterunt intelligi, quam diligenti opera ad mentem Arist. ex græcis codicibus restituere conatus sum, cum animaduertenter figuras valdè deprauatas passim apud cõmentatores reperiri. Porro ad literam M, in figura scripti ventum Libonotum, quem Arist. quidem non ponit propter ipsius paruitatem; imò apertè dicit Helespontum non habere contrarium: sed feci, vt completum ventorum numerum, quem alij tradunt, haberemus.

Ex Tertio Meteororum.

ANtequam textuum explicationem aggrediar, illud animaduerten- dum est, vbiq; interpretatio antiqua vtitur verbis, refraçtio, & refrangere; ibi Vicomercatum in sua interpretatione meritò, & propriè vsum esse verbis; reflexio, & reflecti: differunt enim, valdè apud Opticos refraçtio, & reflexio, vt etiam refrangere, & reflectere. propterea optimè hoc loco Olympiodorus distinguit inter ανακλασιν, καὶ διακλασιν, reflexionem, & refractionem. Reflexio enim fit ex repercusso, vt quando lumen Solis incidens in aliquod speculum, inde resilit in oppositum parietem, illud resilire est propriè perspectiuis reflecti, vnde reflexio. Refraçtio autem fit ex transpectu: vt quando lapis, qui est in aqua, emittit suam speciem ad oculum, qui est in aere, tunc enim, quia species lapidis representatiua non tendit recta ad oculum, sed in confinio aquæ, & aeris frangitur, dicitur fieri refraçtio, & refrangi. in refractione igitur requiruntur duo media, per quæ fiat visio, quæ sint diuersæ densitatis, vt sunt aqua, & aer: vapor, exhalatio, & aer: vitrum, & aer, &c. quando igitur videmus Solem, aut Lunam per vapores, aut exhalationes fit refraçtio, quia densior est vapor, & exhalatio, quam aer.


Notandum etiam Aream, de qua mox dicam explicari posse tam per reflexionem, quam per refractionem: per reflexionem, quia supponunt Philosophi esse in aere rorido innumera specula parua inuicem valdè proxima, idest guttulas, per quas reflectatur ad oculum nostrum species syderis. per refractionem verò, vt vult Vitellio, quia sumit totum illum aerem humidum magis densum esse aere puro, qui est circa oculos nostros, & hoc modo constituit diuersa media in densitate, per quam fiat visio; corpus inquam

P

illud

illud humidum densius, & aerem deinde circa oculum rarius. Vicomercatus igitur quamvis vtatur voce reflexionis in Halone, non tamen ex prædictis videtur reprehendendus.

- 161 Summæ 2. cap. 2. De Areæ figura (Refrangitur autem à consistente caligine circa Solem, aut Lunam visus; quapropter non ex opposito sicut iris, apparet. Undiq; autem similiter refracto, necesse est circulum esse, aut circuli partem. ab eodem enim signo ad idem signum æquales frangentur super circuli lineam semper. sit enim à puncto, in quo A, ad B, fracta, & ea, quæ est ACB, & quæ AFB, & quæ ADB, æquales autem & hæ AC, AF, AD, inuicem. & quæ ad B, inuicem scilicet CB, EB, DB. & protrahatur AEB, quare trianguli æquales, etenim super æqualem, quæ est AEB, ducantur autem perpendiculares ad AEB, ex angulis; à C, quidem, quæ est CE; ab F, autem, quæ est FE; à D, autem, quæ est DE, æquales itaque hæ, in æqualibus enim triāgulis, & in vno plano omnes, ad rectum enim omnes ei, quæ est AEB. & ad vnum punctum E, copulantur. circulus igitur erit descripta, centrum autem E. sit autem B, quidem Sol, A, autem visus, quæ autem est circa CDE, circumferentia nubes, à qua refrangitur visus ad Solem) quia suppono Aream, siue Halonem fieri per refractionem vt vult etiam Vitellio, propterea præmittendum est principium quoddam, quo tractatio de refractione innititur; est autem huiusmodi; ea, quæ videtur per refractionem, siue sub aliquo refractionis angulo, manentibus nobis & astro, & medio iisdem in locis, non possunt videri sub diuerso angulo à priori, nec per consequens alibi apparere. v. g. Sol (vt in præsentī figura) videatur ab oculo A, media nube CDE, sub angulo refractionis BCA, vel BFA, & alijs similibus angulis in eadem nube, manente igitur oculo A, & astro B, necnon nube CDE. eodem in loco, impossibile est Solem videri ab eodem oculo sub diuerso angulo à priori, nec consequenter alibi apparere, quam in B. Nunc ad textus declarationem, in quo continetur Geometrica demonstratio rotunditatis Areæ, quam sic breuiter prius veteres excogitarunt: Viderunt primò Solem in Area apparere consimiles, siue æquales refractionis angulos; quia diuersi anguli, diuersam etiam apparerent efficiunt: atqui consimiles, siue æquales refractionis angulos necesse est in circulum cōstitui, vt mox constabit; causa igitur rotunditatis huius, est angulorum refractionis æqualitas. Sed iam textum Arist. qui geometricam huius rei continet demonstrationem, explicemus. Supponit igitur primò Arist. lineas visuales à sydere B, ad oculos nostros A, per nubem roridam CDE, procedentes, in nube consimiliter refrangi, idest vndiq; circa Solem, Lunamne facere angulos refractionis æquales. quod etiam patet



patet ex 48. 10. Vitellionis; ut in figura, in qua sydus B, oculus A, nubes C D F, radij visuales tres refracti in nube sint B C A, B D A, B E A, facientes consimilem refractionem, id est angulos refractos B C A, B D A, B E A, æquales in punctis C, D, F: atq; hoc est consimilem facere refractionem. Supponit secundò lineas à sydere ad nubem, vsque extensas esse æquales, ut sunt B C, B D, B F: similiter reliquas tres à nube ad visum A. pares esse C A, D A, F A. his suppositis, si deinde protrahatur recta A B, ab oculo ad sydus, exurgunt tria triangula omninò æqualia, & similia, cum duo latera vnus sint æqualia duobus alterius vtrunq; vtrique, & angulus angulo, & præterea basis sit communis; idè per quartam primi sunt omninò æqualia. ducantur nunc ex angulis C, D, F, tres perpendiculares ad rectam A B, quæ sint C E, D E, F E, in figura; quæ tres necessariò erunt æquales, cum sint ductæ ab angulis æqualibus æqualium triangulorum ad communem basim, & diuident necessariò basim in eodem puncto E, cum diuidant triangula æqualia proportionaliter; eruntq; propterea hæ tres rectæ in eodem plano, quod in nube concipitur ex 5. 11. Quare si concipiamus superficiem, siue planum delineari circa E, ad intervallum linearum æqualium C E, D E, F E, descriptus erit circulus per 9. tertij, cuius circumferentia C D F. Ex quibus patet tria illa puncta C, D, E, per quæ Sol transaret esse in orbem disposita. causa igitur rotunditatis Area, est similitudo angulorum refractionis, quibus Sol transaret: vel ideo rotunda est, quia similes anguli necessariò in orbem constituuntur, ut ostensum est. Eadem ratione omnia alia puncta eiusdem circumferentiæ sunt puncta, per quæ Sol videtur refractè; & hoc modo ad similitudinem trium linearum A C B, A D B, A F B, refractarum, infinita vndiq; intelligendæ sunt, quarum aliæ refrangantur in circumferentia prædicta, aliæ verò in alia periphæria maiori, aliæ etiam in minori, ita ut ex tota nube fiant refractiones circulares plurimæ, ex quibus in nube area constituatur. Atq; hæc cur Halonis figura orbicularis videatur, rationem reddunt, vnaq; textui lucem afferunt.

Summæ 2. cap. 4. De Iridis figura.


Quod autem neq; circulum possibile sit fieri Iridis, neq; maiorem semicirculo portionem, & de alijs accidentibus circa ipsam, ex descriptione erit considerantibus manifestum. In Logicis sapius monui Arist. per descriptiones intelligere geometricas demonstrationes, quod etiam hoc loco confirmatur, vbi Geometrica demonstratione quam descriptionem appellat, Iridis figuræ accidentia ostendit; nimirum cur sit quidem circularis, nunquam tamen circulus integer, imò neq; semicirculo vnquam maior, sed tamen semicirculo minor.

Ibidem (Hemispherio enim existente super horizontis circulum in quo A. centro autem K, alio autem quodam oriente puncto, in quo G, si lineæ, quæ à K, secundum conum excidentis faciant velut axem lineam in qua G K, & à K. ad M, copulata refrangantur ab hemispherio ad G, super maiorem angulum, circuli circumferentiam incident lineæ, quæ à K, & si quidem in ortu, aut in occasu astri reflexio fiat, semicirculus ab horizonte assumetur super terram factus. si autem supra, minor

P 2

semper

tiarum data est. apud autem aliud punctum, quam ipsius *M N*, circumferentiæ, ab iisdem punctis, eadem ratio in eodem plano non consistit) eorum omnium, quæ demonstranda sunt, præmittenda sunt duo necessaria fundamenta. Primum est; ea, quæ videmus per reflexionem sub quopiam angulo, manentibus nobis speculo, & obiecto iisdem in locis, non possunt videri sub alio diuerso angulo, nec alibi consequenter apparere. v. g. in superiori figura, quam textui restituimus existente Sole in *G*, oculo in *K*, & nube in *M*. ex qua radius Solis *G M*, reflectatur ad visum in *K*, per lineam *M K*, sub angulo *G M K*, impossibile est manentibus illis, vt dixi, videri Solem in nube *M*, sub diuerso angulo à priori, nec alibi apparere. Alterum est apud Opticos vulgatum; ea scilicet, quæ per reflexionem (de quorum numero est Iris) videntur, videri, tunc solum, quando angulus incidentiæ fuerit æqualis angulo reflexionis, quia tunc breuissimis lineis fit visio; quibus solis natura (si fieri




potest) vtitur. v. g. in figura præsentis sit speculum *C D E*, obiectum *A*, oculus *B*, linea incidentiæ est *A D*, & angulus pariter incidentiæ est *A D C*. linea verò *D B*, est linea reflexionis, & angulus pariter reflexionis est *B D E*, qui duo anguli nisi fuerint æquales, nunquam videbitur obiectum *A*, ab oculo *B*, hinc est, quod aliquando posito speculo, obiectum quamuis illi aduersum, à nobis pariter ante speculum constitutis, videri nequit, quia sci-

licet in tali positione speculi, obiecti, & nostri, nulla linea incidentiæ, idest, quæ ab obiecto in speculum tendit, facere potest angulum cum speculo, qui dicitur angulus incidentiæ, æqualem angulo illi, quem facit linea eadem reflexa à speculo ad oculum, quem dicunt angulum reflexionis. Cum ergo in Iride videamus colorem Solis per reflexionem, tunc solum apparebit Iris, quando Sol, nubes, & oculus fuerint in ea constitutione, qua radius incidens nubi, & radius à nube repercussus faciant pares angulos. Et quia quando nubes roseida perpendiculariter opponitur Soli, & nobis, possunt fieri prædicti anguli æquales non in vno loco nubis, sed in pluribus, constitutis tamen in circuli periphæria, hinc fit, quod Solis color reflectatur ex pluribus locis in orbem constitutis, quæ reflexio est ipsius Iridis arcus. ex Vitellion 63. 10. Totam autem figuram Iridis demonstrationem sic breuiter puto adinuentam esse. cum Sol in Iride videatur in orbem, atq; consimiliter, necesse est id prouenire ex angulis reflexionum consimilibus, siue æqualibus: dissimiles enim anguli, dissimilem vtiq; efficiunt Solis apparitionem. atqui consimiles anguli, siue æquales, non nisi in orbem possunt constitui; igitur angulorum æqualitas causa erit rotundationis arcus. hæc est summa totius discursus, quem pluribus, & nimis obscure Arist. explicat.

Inquit igitur Arist. sit enim in oriente, &c. vbi aggreditur probare vnum ex tribus illis, quæ supra proposuit, nimirum tunc Iridem esse semicirculum, quando astrum fuerit in oriente, siue in horizonte, vbi *G*. si igitur per triangulum *G M K*, intelligamus planum extensum, in quo *A*, in figura, adeo magnum, vt totum secet hemisphærium, faciet in superficie hemisphærij sectionem,


tionem, quæ erit portio maximi circuli, per 6. Theodosij, cum planum secans hemisphærium, transeat per centrū ipsius, quæ sectio, siue circuli portio repræsentatur in figura, per semicirculum in quo A, siue in quo G A M R O, nihil autem refert quodcunque intelligas planum super axem G K O, transiens siue per triangulum G K M, siue per aliud illi simile. Præmittendum præterea non posse in semicirculo superiori, quod est planum, & sectio trianguli G K M, poni alias duas lineas. v. g. G R, K R, ad aliud punctum, vti est R, quæ habeant eandem inuicem proportionem, quam habent priores duæ G M, K M, quod probatur, quia si sint vt G M, ad K M, ita G R, ad K R, cum G R, sit centro K, propinquior quam G M, erit etiam eadem G R, longior ipsa G M, per 15. 3. & tamen deberet esse æqualis illi; quemadmodum K M, est æqualis alteri K R; nequeunt autem duæ lineæ inæquales inuicem, habere eandem rationem ad duas inuicem æquales: ergo non habent eandem rationem G M, & K M, quam habent G R, & K R. quod si punctum R, sumatur supra M, erit similis demonstratio, si literæ M, & R, loca permuent. his positis, ait (*Quoniam enim G, K, puncta data sunt, &c.*) idest data, sunt positione, cum notum sit vbi sint. G, enim est in ortu. K, verò in centro horizontis, sequitur, quod etiam linea G K, cuius ipsa sunt extrema, data sit, & positione, & magnitudine, per 26. Datorum Euclidis. eadem quoque ratione data erit K M, linea; siue quia est æqualis ipsi G K, siue quia per astrolabium possumus ipsius longitudinem, & positionem inuestigare; quare & punctum M, datum erit per 27. Datorum, quare & linea G M, data erit quoad situm, & magnitudinem per 26. Datorum. Quare per primam Datorum erit data proportio linearum G M, M K, punctum itaq; M, tangens ambitum datum, qui basis est conī, quem linea K M, describit in reuolutione axis G K O, super polis G, O. cum enim data sit K M, posito, & magnitudine, eaq; sit latus prædicti conī, sequitur peripheriam, vel ambitum basis conī esse datum per similem definitionem 5. definitioni Datorum. sit autē ambitus ille in figura sequenti notatus literis L M N. qui ambitus L M N, non est concipiendus in eodem plano semicirculi G A N O, quemadmodum falsò pingitur in figura; sed debemus ipsum concipere tanquam erectum ad angulos rectos cum prædicto semicirculo, necnon cum horizonte G K O. Iam si triagulum G M K, prioris figuræ circumuoluatur circa axem G K O, punctum ipsius M, describit prædictum ambitum L M N. hunc ambitum, inquit Aristot. linea K M, attinget, eritq; hic ambitus datus, vt dictum est. Erit præterea sectio circumferentiarum horizontis, & huius ambitus data, cuius extrema puncta essent L, & N. si enim cōcipiamus in figura non solum horizontis diametrum G K O, sed etiam circumferentiam (in qua circumferentia essent duo illa puncta L, & N, vt in præsentī descriptione melius intelligitur, in qua horizon G N O L, & ambitus prædictus est L M N, qui debet intelligi eleuatus supra horizontem perpendiculariter) tunc sectio ipsius mutua cum horizonte esset



linea N P L, cuius extrema puncta sunt L, N, quæ data erunt, cum sint extrema lineæ K M, circumlatæ; & quemadmodum dabatur superius punctum M. eadem ratione ex Datis, dabitur punctum N, & L. quare etiam sectio N P L, quæ inter data puncta continetur, data erit ex 26. Datorum.

Illud nunc in memoriam reuocandum, quod paulò ante probaui, nimirum proportionem linearum G M, K M, non posse seruari in alijs lineis, quæ sint in eodem plano trianguli G M K, si ducantur ab ijsdem punctis G, K. potest tamen seruari in alijs duabus, quæ cadant in prædictum ambitum, siue circumferentiæ L M N, quæq; sint in alio plano, quàm in plano trianguli G M K, quod tamen transeat per axem G K O, sitq; vnum ex planis illis, de quibus supra dictum est. Verumenimverò ad quid probatio hæc? non posse duas alias lineas in eodem plano, &c. existimo Arist. idcirco hoc probasse, quia si aliæ duæ lineæ habentes eandem rationem, possent collocari in eodem plano; essent permutatio illæ duæ (in priori figura) G R, R K. vtræq; vtriq; æquales prioribus G M, M K, per quas videtur Iris, cum enim K R, sit æqualis ipsi K M, erit, & G M, æqualis ipsi G R, per 7. 5. & in eius scholio. quare natura ageret tam per lineas breuissimas agendo per has, quam per illas, hocq; pacto per has etiam Iris videri posset. cum ergò constet non posse has esse prioribus proportionales, sed maiorem, vel minorem, alteram illarum, quàm sit G M, sequitur, quod non faciunt angulum æqualem angulo G M K, sub quo videtur Iris, nimirum angulum G R K, qui sit æqualis angulo G M K; habet enim Iris hunc angulum determinatum, ita vt sub maiori, vel minori videri nequeat; ex Io. Baptista Porta. si autem punctum R, esset infra M, angulus G R K, esset minor angulo Iridis G M K, si verò supra esset maior eodem, quod vel ad sensum patere potest in quouis circulo, idq; sufficiat, ne longior euadat hæc tractatio. Fortè etiam addi potest, quod alibi existente puncto R, quàm in M, non possent anguli incidentiæ, & reflexionis esse, æquales, quæ causa esset cur sub alio angulo, quam prædicto G M K, Iris non appareret.

Prædicta omnia sunt secundum Aristot. discursum, & figurationem dicta, nam secundum veritatem possunt in eadem nube constitui plures anguli æquales, nec tamen in eodem orbe, sed vnus supra alterum; vt in figura præ-




senti, si nubes esset vbi B D. oculus in C, Sol in A. essent duo anguli A B C, A D C, æquales per 33. 3. qui tamen non sunt in gyrum constituti, posset igitur, per illorū vtrunque Sol Iridem efficere. atque animaduersio hæc videtur magni momēti esse, ad Iridis demonstrationē constituendam: cum hinc vtitæ demonstra-

tiones infringatur. Fortè confugiendum est ad illud, quod Maurolycus, & Io. Baptista Porta obseruarunt; debere nimirum distantiam ab oculo ad centrum Iridis esse æqualem altitudini, siue semidiametro Iridis. Ita vt non solum

lum requiratur idem angulus, sed etiam tanta Iridis altitudo, quāta requiritur ut angulus in orbem constituatur, ex quo Iris possit apparere. hac a nemine haecenus animaduersa placuit addere, ut ex ijs demonstratio Iridis omnibus numeris aliquando absolui possit, quod infra (ni fallor, fauente Deo) praestabimus.

- 165 Ibidem (Extraponatur igitur quaedam linea, quae DB , & scindatur ut MG , ad MK , sic quae D , ad B , maior autem quae MG , ea quā MK , quoniam super maiorem angulum reflexio conī, maiori enim angulo subtenditur trianguli MKG . Maior igitur est & ipsa D , ipsa B . addatur igitur ad eam, quae B , ea in qua F , ut sit quod D , ad B , quae BF , ad D . Deinde quod F , ad KG , quae B , ad aliam fiat, quae KP . & a P , ad M , copuletur quae PM , erit igitur P . polus circuli, ad quem lineae, quae a K , incidunt) hucusq; ostendit lineas visuales cadere ad M , punctum in Iridis peripheriam, pergit deinceps inuestigare polum, & postea centrum eiusdem ambitus, utraque autem existere in horizonte reperit, ut hinc inferat Iridis portionem illam, quae oriente Sole supra horizontem apparet, esse semicirculum, ut proposuerat. Differt autem polus circuli a centro eiusdem circuli. polus est punctum extra planum circuli, ex quo tamen ut cetro adhibito circino circuli peripheria describi potest; sic polus aequatoris est idem, qui polus mundi: centrū verò est in plano sui circuli, sic centrum aequatoris est idem cum centro mundi, cum aequator per illud incedat.

Dicit itaq; Arist. cum data sit proportio linearum KM , & MG , in superiori secunda figura numeri 164. quam nunc iterum inspicere oportet; exponatur alia linea recta BD . quae diuidatur in partes B , & D . proportionales cum lineis KM , GM , per 10. 6. cum ergo KM , sit minor quā GM , per 19. primi, quia in triangulo GKM , opponitur minori angulo, erit quoq; B , minor quā D , addatur iam ipsi B . linea F , ita ut sit tota FB , tertia proportionalis ad duas B , & D , per 11. 6. hoc ordine, ut FB , ad D . ita D , ad B . Deinde ut se habet F , ad KG . ita sit B , ad aliam, quae sit KP , in eadem figura per 12. 6. & a puncto P , ad M , iungatur recta PM . Dico P , esse polum circuli, quem dixi Iridis, & in quem lineae a K , procedentes turbinis formam effingunt, probatur autem ab Arist. in sequentibus.



- 166 Ibidem (Erit etiam, quod quae F , ad KG . & quae B , ad KP . & quae D , ad PM . non enim sit, sed aut ad minorem, aut ad maiorem ea, quae PM , nihil enim differet. sit enim ad PR . eandem ergo rationem GK , & KP , & PR , inuicem habebunt, quā quae F , B , D ; quae autem F , B , D , proportionales erant, quod quidem D , ad B . quae FB , ad D : quare quod quae PG , ad PR , quae PR , ad eam, quae PK , si igitur ab ijs, quae KG , quae GR , & KR , ad R , coniungantur, coniunctae haec eandem habebunt rationem, quā quae GP , ad eam, quae PR , circa eundem enim angulum P , proportionaliter, & quae trianguli GPR , & eius, qui KRP . quare & quae GR , ad eam quae KR , eandem rationem habebit, quā & quae GP , ad eam quae PR , habet autem & quae MG , ad MK , eam rationem, quā quae D , ad eam quae B , quare ambae a punctis G , K , non solum ad circumferentiam MN , constituentur eandem habentes rationem; sed & alibi, quod quidem impossibile) incipit, ut dixi, probare.

probare P, esse polum prædicti ambitus, sic. Primò enim sciendum in præmissa constructione esse, vt F, ad G K, & B, ad K P, ita D, ad P M. nam si non sit eadem ratio D, ad P M, cum alijs prædictis, erit eadem ratio eiusdem D, ad aliam maiorem, vel minorem ipsa P M. sit ad minorem P R. nihil enim refert siue dixeris habere eandem rationem ad minorem, siue ad maiorem, ergo permutando erunt G K, K P, P R, proportionales cum F, B, D. sed lineæ F, B, D, erant proportionales componendo hoc modo, vt F B, ad D, ita D, ad B: quare similiter erunt vt G P, ad P R, ita P R, ad P K. per 18. 5. si igitur à punctis G, & K, figuræ nu. 164. iungatur lineæ ad R, quæ sint G R, K R, erit vt G R, ad K R, ita G P, ad P R. quia orta sūt duo triângula G P R, K P R, quæ habent eundem angulum ad P. & latera proportionalia circa dictum angulum. est etiam vt G P, ad P R, in maiori triângulo, ita P R, ad K P, in minori, ex constructione, quare per 6. 6. erunt illa duo triângula æquiangula; ergo per 4. 6. erunt latera circum æquales angulos proportionalia; quare erit vt G P, ad P R, ita G R, ad R K: erat autem vt K M, ad G M, ita B, ad D. & ita etiam G P, ad P R; ergo per 11. 5. vt K M, ad M G. ita K R, ad R G, intra eandem circumferentiam, & in eodem plano: quod esse impossibile supra ostendimus, hoc autem impossibile, sequitur si neges esse vt F, ad G K; & B, ad K P, ita D, ad P M.


Ibidem (*Quonia igitur quæ D, neq; ad minorem ea, quæ P M, neq; ad maiorem* 167
(similiter enim demonstrabimus) palam est, quod ad ipsam utiq; erit, in qua P M, quare erit, quod quæ M P, ad P K, quæ P G, ad M P. Si igitur eo in quo P, polo utens, distantia autem ea, in qua P M, circulus describatur, omnes angulos attinget, quos reflexæ faciunt, quæ à K, G. si autem non, similiter ostendentur eandem habere rationem, quæ alibi, quam in semicirculo constituuntur; quod quidem erat impossibile) quoniam igitur, inquit, lineæ D, neq; ad minorem, neq; ad maiorem quam P M, habet eam rationem, quæ est ipsius F, ad G K, aut ipsius B, ad K P. similiter enim demonstratur absurdum sequi. palam est, quoniam erit D, ad P M, vt prædictæ ad prædictas: quare componendo, & permutando, erunt tandem vt G P, ad P M, ita P M, ad P K, & ita G M, ad M K, assumpsimus enim in constructione esse G M, ad M K, ita F B, ad D, & D, ad B. quare cum sit vt G M, ad M K, ita F B, ad D. & G P, ad P M. & P M, ad K P; erunt per 11. 5. vt G M, ad M K. ita G P, ad P M. & P M, ad P K. si quis igitur utens puncto P, tanquam polo, & interuallo P M, circulum describat, omnes angulos reflexionis attinget, quos faciunt lineæ productæ à K, & reflexæ ab M, ad G. harum enim infinitam multitudinem debemus imaginari à K, ad infinita puncta M, produci in ambitu illo constituta, reflectiq; ad G. si enim non attingat omnes illos angulos, sequitur, vt supra, in eodem semicirculo constitui posse duas alias rectas proportionales prioribus G M, M K, quod est impossibile. Porro sub angulo G M K, linearum G M, M K, Iris apparet: quare apparebit etiam sub alijs omnibus, quæ à punctis G K, duci possunt ad extremum lineæ P M, quia erunt in eadem ratione cum illis; cum non desinant in eundem semicirculū, sed in ambitum Iridis M N, in quo M, punctum imaginatur circumduci. Ex quibus patet P, esse polum Iridis, ex quo per puncta M, ubi fit reflexio, describitur arcus attingens omnes Iridis reflexiones.

Q

Ibidem


168 Ibidem (Si igitur circumducas semicirculū, in quo *A*, circa diametrum in qua *G K P*, quæ à *G, K*, reflexa ad id in quo *M*; in omnibus planis similiter se habebunt, & æqualem facient angulum, qui *K M G*, & quem etiam facient angulum, quæ *K P*, & *P M*, super eam, quæ *G P*, semper æqualis erit. Trianguli igitur super eam, quæ *G P*, æquales ei, qui *G M P*, consistunt. horum autem perpendiculares ad idem signum cadent eius, quæ *G P*, & æquales erunt, cadunt ad ω , centrum ergo circuli ω . semicirculus autem, qui circa *M N*, abscissus est ab horizonte) hac vltima, textus parte concludit Iridis portionem supra horizontem astro oriēte existentem esse semicirculum, hoc modo; si igitur imaginatione circumducas semicirculum, in quo *A*, circa diametrum horizontis *G K P*, in hac circumvolutione duæ lineæ *G M*, *M K*, in omnibus planis constitui possibilibus circa prædictam diametrum, quæ supra etiam fieri à triangulis infinitis diximus, successivè erunt; siue percurrent similiter omnia illa plana, & facient vbiq; eundem angulum Iridis *K M G*, eundem: pariter duæ lineæ *K P*, *P M*, facient vndique eundem angulum *K P M*. quare omnia triangula in prædictis planis imaginata, & cōstituta super lineā *G P*, similia ipsi *G M P*, & æqualia erunt; si igitur ab angulis ipsorum, in quibus *M*, ductæ sint perpendiculares ad latus *G P*, omnes cadent in idem punctum ω , vt in figura; quarū vna erit *M \omega*, quæ tamen cæteras omnes representabit, eisq; omnibus in volutione axis *G K \omega*, coincidit; erunt autem omnes æquales, quandoquidem sunt triangulorum æqualium. eruntq; in eodem eiusdem circuli plano, & punctum ω , erit centrum ipsius. similia dicta sunt in Halone. Cum ergo ipsius centrum ω , sit in diametro horizontis *G K \omega P O*, manifestum fit portionem eius, quæ supra horizontem eminet, esse semicirculum, qui in figura notatur lineis *L M N*. Atque hoc accidit Sole, vel Luna in horizonte existentibus; quod erat primo loco demonstrandum.

Porro sciendum posse nos breuius polum prædictum inuenire, si nimirum ad *M*, ducatur *M P*, faciens angulum *K P M*, æqualem angulo *G M K*, per 23. primi, erunt enim duo triangula æquiāgula *G P M*, *K P M*, angulus enim *P*, est communis, angulus verò *M K P*, est æqualis duobus *G*, & *G M K*, per 32. primi, ergo etiam, duobus ad *M*, siue toti *G M P*, & reliquis *K M P*, reliquo, quare per 4.6. latera circa angulos æquales proportionalia erunt, & omologa *G M*, ad *M K*, ita *G P*, ad *P M*, quæ æqualibus angulis subtenduntur. easdē autem proprietates habebant etiam triangula Arist. in figura, de qua paulò ante dicebam. Verba illa (Quæ alibi quam in semicirculo constituuntur) sunt perperam in antiqua translatione translata, nam Græcè sic, *αι αμοδι του ημικυκλιου συγισταμεναι*, transferenda essent, quæ in alio circuli loco concurrunt.



169 Ibidem (Iterum sit horizon quidem in quo *A C*. oriatur autem supra hunc *G*; axis autem sit nunc in quo *G P*. Alia igitur omnia similiter ostendentur vt & prius. Polus autem circuli, in quo *P*, erit sub horizonte eo, in quo *A C*, elevato puncto, in quo *G*. in eadem autem & polus, & centrum circuli, & terminantis nunc ortus, est enim iste, in quo *G P*. Quoniam autem supra diametrum, quæ *A C*, quod *K G*, centrum vtique erit sub horizonte priori eius, in quo *A C*, in lineā *K P*, in quo ω .

Quare



Quare minor erit superior sectio semicirculo, in qua ST, (nam QST, semicirculus est, nunc autem intersectus est ab horizonte AC; itaq; QS, disparens erit) elevato ipso Sole) demonstrat propositionem secundam nimirum Sole supra horizontem elevato, ambitum Iridis esse minorem circuli portionem, siue semicirculo minorem. fit igitur in figura superiori, quam textui cōgruentem restituiimus, linea AC, horizontalis, supra quam Sol sit eleuatus in circulo altitudinis in loco G, axis autem conī, quem reflexè faciunt sit

G K. P. alia igitur omnia, quæ supra existente in ortu astro ostensa sunt, hic pariter ostendi possunt, scilicet Iridem fieri tantum per lineas proportionales, & æquales lineis G M, M K, quia Iris videri nequit, nisi in tali, ac determinata reflexione, & angulo, ut initio supposui; & quia lineæ illis proportionales non possunt alibi constitui, quam in ambitu circulari, & in diuersis planis, sequitur, ut supra Iridem esse circularem M N L; eiusq; polum P, & centrum ω , inueniemus similiter in axe G K. P, & quia axis hic secat horizontem in K, in hac vltima figura propter eleuationem Solis supra A C, in G, sequitur partem axis, in qua ω , & P, existant, infra horizontem deprimi. & quia (ut patet ex 64. 10. Vitell.) & P, polus, & centrum ω , Iridis, & centrum K, circuli horizontis, cuius scilicet diameter esset A K S, & Sol, sunt in eadem linea G K. P, si centrum Iridis ω , sit infra horizontem, patet minorem circuli portionem, quam sit semicirculus supra horizontem eminere, in qua posui literas S L T, nam Q S L T R, est semicirculus, cuius pars contenta inter duos arcus Q S, & T R, est infra horizontem. debemus autem hunc semicirculum, & hanc portionem ipsius S L T, extantem supra horizontem imaginari erectam esse, ut planum ipsius circuli faciat angulos rectos siue perpendicularare cum axe G K P; & circulum altitudinis A G M N, modo fungi vice horizontis. sic enim sola portio S L T, appareret nobis, essetq; rationabiliter constituta. Ex quibus 2. Arist. propositio manifesta est.

Ibidem (*Minima autem cum in meridie, quanto enim superius G, tanto inferius & polus, & centrum circuli erit*) probat tertiam propositionem, nimirum Sole existente in meridie minimam omnium esse Iridis arcus portionem: ratio autem est, quia tunc G, siue Sol, est altissimus supra horizontem, & consequenter ω , centrum Iridis est depressissimum, quare tunc maxima circuli Iridis portio abscondetur, & proinde minima apparebit, quod erat ultimo demonstrandum. Non me latet has Arist. figurationes esse apud Olympiodorum nonnullis objectionibus obnoxias, sed cum facile dilui possint, & etiam si non diluantur, saluetur tamen veritas Aristotelicæ demonstrationis, breuitati studens, consultò eas pratermitto.

Aduertendum præterea Vicomercatum inordinatè citare librum Datorum Euclidis, & quandoq; etiam malè citare Euclidem ipsum. peius verò

faciunt ij, qui has demonstrationes absq; vlla libri Datorum mentione explicare conantur, cum manifestè illo innitantur.

Cæterum si quis breues, ac dilucidas harum rerum demonstrationes requirat, is legat 74. 75. 76. propositiones 10. Vitell. vel sequentem nostram de Iride additionem. ego enim longiorem hanc, atq; impeditam Arist. translationem in gratiam textus illius, vt instituti mei ratio postulabat, persequutus sum.

131 Ibidem (Quod autem in minoribus quidem diebus ijs, qui post æquinoctium autumnale cōtingit semper fieri Iridem: in longioribus autem diebus ijs, qui ab æquinoctio altero, ad æquinoctium alterum circa meridiem non fit Iris, causa est, quia quæ ad vrsam sectiones omnes maiores sunt semicirculo, & semper ad maiores, quod autem est occultum, paruum: quæ autem ad æquatoris meridiem sectiones, quæ quidem supra sectio, parua; quæ autem sub terra magna, & semper maiores, quæ longius. quare in ijs, qui ad æstiuas versiones diebus propter magnitudinem sectionis, antequam veniat G, ad medium sectionis, infra iam positus sit P, propterea quod longè distat à terra meridiem propter magnitudinem sectionis. In ijs autem diebus, qui ad hyemales versiones, quia non multū sunt supra terram sectiones circularum, contrarium necessarium fieri, modicum enim elevato in quo G, in meridiem sit Sol) quærit cur post æquinoctium autumnale vsque ad vernum, hoc est hyemali tempore, Iris appareat etiam Sole meridiem occupante: reliquo autem tempore æstiuo, quod est ab æquinoctio verno ad autumnale appareat tantum Sole vel in ortu, aut occasu existente, vel parum supra terram sublato. causa autem huius refert in sectiones parallelorum circularum, quos Sol diurno motu inter ytrung; tropicū, describit: nam sectiones parallelorum, qui sunt ad vrsam, idest in parte sphaeræ boreali, qui omnes sunt inter æquatorem, & tropicū Cancrī; sectiones, inquam horum circularum, quæ sunt supra horizontem, maiores sunt sectionibus infra horizontem depressis, & semper eō maiores, quod propiores sunt Cancro, ita vt magna valde sit ea portio, quæ est supra terram, exigua verò admodum, quæ infra (intelligantur hæc in sphaera obliqua, cuius polus eleuetur grad. 45. circiter) quare quando astrum G, condescenderit meridiem, adeo P, polus Iridis, & etiam α, centrum eius infra terram deprimitur, vt aut nihil, aut insensibile quid de Iridis ambitu supra terram eleuari possit. contrarium accidit in parallelis meridionalibus, quia eorum sectiones superiores sunt semper inferioribus minores, quapropter etiam si astrum ad meridiem eleuetur, parum tamen attollitur, & consequenter centrum α, Iridis parum infra horizontem

descendit, ac propterea etiam in meridiem pars ipsius satis magna conspicitur, quæ omnia adhibita sphaera materiali, eaque astronomice ad suam eleuationem accommodata, nullo negotio licebit intueri.



Additio

nam rectâ recedat, sicq; diameter Iridis EF , faciat angulos rectos cum linea horizontali ACL , in quo situ oculo C , totus ex opposito directè spectaretur, non aliter ac Iridem ipsam conspicerere solemus. Quod autem necessaria sit nubes rosida, pulcherrima hac experientia cōprobat: si enim in Sole positi ore aquam efflantes leui aspergine aerem Soli, ac nobis aduersum irroremus, actutum Iridis arcum guttulis illis, quamuis volitantibus inhaerentem summa voluptate spectabimus. Quod præterea oculus noster, cum Iridem videmus, medius sit inter Solem, & Iridis centrum, experimento diuturno, manifestum est.

Secundò, notandum est, arcum per reflexionem fieri: quod quidem primo eadem experientia, qua præcedens conclusio confirmatur: deinde, quia Iridem semper in opposita Soli, ac nobis parte cōspicimus; quemadmodum in eadem figura ostenditur, quod aliter quàm per reflexionem fieri nequit.

Tertiò, sciendum est ex Maurolyco, & Io. Baptista Porta, tantam esse distantiam CD , ab oculo ad centrum arcus, quanta est altitudo, seu semidiameter DB . obseruarunt enim ipsi angulos DCB , & CBD , esse semirectos, & proinde æquales, & consequenter duo latera CD , DB , trianguli CDB , per 6. 1. æqualia sunt.

Quartò, considerandum est lineas AB , AD , ob maximam Solis ab Iride distantiam insensibiliter differre; & ideò supponi possunt æquidistantes, quare angulus ABC , qui æqualis est alterno BCD , sumi potest absque vilo errore pro semirecto. hic autem angulus ABC , dicitur angulus reflexionis Iridis, sub tali enim reflexione lumen Solis occurrens nubi in B , reflectitur ad oculum C .

Quintò, sequitur ex prædictis arcum videri semper sub stato, ac determinato reflexionis angulo, scilicet sub semirecto, neq; posse per alium videri. quod etiam probari potest ex Arist. quia nimirum videmus arcum apparere consimiliter in ambitu circulari, ergò necessariò apparebit ubiq; in toto illo ambitu per consimilem reflexionem, siue per æquales reflexionis angulos, pro quibus omnibus vnus cernitur in figura angulus ABC .

Sextò, ad Iridis visionem, præter ea, requiri aeris rorantis multiplicationem; sicuti enim nebulam videre nequimus, nisi aer exhalatione illa infectus multus sit ante oculum nostrum: sic etiam existimo ad Iridis apparitionem, opus esse plurima nube rorescente, vt ex multiplicatione guttularum, quarum aliæ post alias sint, totus tandem Iris appareat. quia paucae guttulæ, etiam si quælibet illarum aliquid Iridis efficeret, ob paruitatem tamen illarum, nulla arcus figura spectaretur. Quod si ante oculum plurimæ sint in toto aere aliæ post alias, tunc se mutuò iuuantes, obiectum satis sensibile, quod Iris est, efficere possunt. Adde, quod etiam ex tali guttularum multiplicatione, aer opacatur, quæ opacatio plurimum iuuat ad Iridem spectandam.

Septimò, Iridis rotundationis causam ex præmissis constare potissimum ex duabus. primò, ex angulo reflexionis determinato, qui videlicet sit ferè semirectus. secundò, ex paribus distantijs CD , DB , huiusmodi enim plures anguli, qui ad Iridem sunt necessarij (debent enim singulæ Iridis partes sub huiusmodi angulo representari) non possunt aliter quàm in gyrum cōstitui,

quem

quem gyrum optimè concipiemus, si imaginemur triangulum ABC , circumuerti circa lineam horizontalem ACI , fixam, tanquam circa axem. in hac enim conuersione angulus Iridis B , describet circulum, qui erit Iris, & pertransibit omnes angulos, qui in tali Solis, oculi, ac nubis situ, arcum efficere sunt idonei.

Sed contra prædicta de angulo Iridis determinato eadem nobis obijcies, quæ nos supra ad finem numeri 164. Arist. & alijs obieciimus, plures nimirum posse constitui angulos æquales angulo Iridis B , in plano trianguli ABC , qui non sint in eodem orbe constituti, in quo sunt omnes anguli B . Iridem reflectentes, quiq; reflexionem faciant ad eundem oculum C , unde sequitur prædictam Iridis altitudinem non esse, uti diximus, determinatam, cum possit angulus B , alios sibi æquales tam supra, quam infra habere, qua ratione deberet etiam Iris, & altius, & inferius apparere.

Huic dubitationi respondeo, quod quamuis huiusmodi plures anguli æquales fiant, non tamen Iridis generationi obstant, quinimò ad eam valdè necessarij sunt; cū enim omnes sint in circumferentiâ circuli $ACDB$, quartæ figuræ num. 164. quæ modo inspicienda est, ut sunt in ea anguli ADC , ABC ; quæ circumferentia ob sui circuli immensitatem ad sensum est instar lineæ rectæ, sit ut omnes illi anguli tam qui supra B , quam qui infra sunt, sint quoad sensum in eadem recta CD , ante visum protensa, sicq; Iris, qui apparet in D , & in B , &c. ob medijs rorantis multiplicationem vnam tantum oculo Iridem representet. locus tamen, in quo apparet, & ubi est angulus B , qui propriè Iridis appellatur, est in tanta distantia à centro arcus, quanta est ab eodem centro ad oculum, ut supra dictum est.

Quod verò alibi extra circumferentiam illius circuli, poni nequeat angulus æqualis angulo B , præsentis figuræ, qui reflectat ad C , patet sic, sit enim angulus ANO , semirectus, & idè æqualis angulo B , erunt ergo BC , NO , parallelæ, quare non concurrent ambæ ad C , sed altera ad E , altera verò ad O , quæ propterea oculo in O , posito Iridem efficeret, non autem oculo C : sicq; oculus C , & oculus O , viderent diuersos arcus. eodem modo ostendi potest, neq; in superiori parte nubis ubi P , constitui posse angulum æqualem angulo B , qui oculo C , Iridem valeat ostendere. Ex quibus satis patefacta est causa rotunditatis arcus, angulus scilicet determinatus cum distantiarum CD , DB , paritate, necnon cum medijs rorantis sufficienti multiplicatione. Ex his etiam Iridis definitio in hunc modum concinnari potest, Iris est arcus multicolor in nube rorida, ex radiorum Solis, aut Lunæ reflexione sub statuto angulo effulgens.

Octauo loco Problemata nonnulla resoluemus.



Problema Primum.


Cur oriente, aut occumbente Sole, Iris semicirculus est?

Causa huius hæc est; supra enim dictum est, in omni Iridis apparitione tria hæc, Solem, oculum, & Iridis centrum esse in eadem recta linea, v. g. in linea A C D, præcedentis figuræ, cum igitur Sol tam oriens, quam occidens sit in horizonte, v. g. in A, horizontis puncto, similiter oculus sit in C, horizontis centro, confectarium est, centrum etiam Iridis D, esse pariter in horizontis superficie, quare secabitur ab horizonte per centrum, unde etiam sequitur ipsius Iridis portionem E B F, quæ supra horizontem extat esse semicirculum. Quod si horizon non obstaret, integrum Iris compleret orbem, cernereturq; toto ambitu B F M E.

An quandoq; maior semicirculo appareat?

Problema Secundum.

Maior quidem, imò etiam integer circulus, sed ab oculo in summitate montis constituto, Soleq; iam multum eleuato videri potest, vt in hac secunda figura cernitur, vbi euecto Sole ad locum E, supra horizontem




A B, poterit oculus in vertice montis C, positus Iridem F G H I, completam videre, quia infra lineam E C D, in qua existunt Sol, oculus, & Iridis centrum, nihil est ad partes D, vbi nubes irrorat, quod Iridis apparitioni sit impedimento.

Cur

Cur quanto Sol altior est, tanto inferior, tantoq; semicir-
culo minor appareat Iris?

Problema Tertium.

Quia eleuato Sole ad E, vt in hac tertia figura, necessario centrum Iri-
dis D, infra horizontem A B, deprimetur, cum in eadem recta E C D,



Sol E, oculus C, centrūq; Iridis D, existant: vnde necessario sequitur Iridis
portionem F G H, supra horizontem extantem, semicirculo minorem esse.

Cur Iris insequentes fugit, fugientes verò insequitur?

Problema Quartum.

Plancherrimum istud phenomenon primus omnium Philippus Mendæus
Platonis discipulus, obseruauit; Cuius ratio est, quia arcus non nisi sub
determinato angulo, distantijs etiam illis paribus, ac tandem idonea asper-
ginosa nubis multiplicatione spectatur; quapropter si quis per aerem to-
tum vadiq; roscidum inambulet, vbicunq; illi anguli, illaq; conditiones af-
fuerint Iris apparebit: quod si in aperta planitie obequitans arcu conspe-
cto, additis equo calcaribus citatum cursum ad eum direxerit, fugientem
ante se Iridem summa cum iucunditate mirabitur.

Ex dictis præterea patet, simpliciter nimis eos hallucinari, qui existimant
in plana, aut concaua nubis superficie Iridem tantummodo apparere posse.



R

Cur

Cur lunares Irides fiunt rariores?

Problema Quintum.

Quoniam iuxta plenilunia tantum, cum scilicet Luna plurimo lumine abundat, quod Iridem efficere debet, contingunt: præterea quia cum lunare lumen debile sit, nisi aliæ causæ perfectæ admodum concurrant, quod raro accidit, Iris nullo modo effulgere valet. Hactenus de Iridis figura sit satis.

Summa 2. cap. 5. De Parelio.

182 **T**extus (Fiunt autem ut diximus, & Virga, & Parelia in ortu, & occasu, & nec supra Solem, nec infra, sed ex lateribus, nec propè admodum, nec procul omnino. propinquam enim concretionem Sol dissolvit: si autem procul absit, aspectus non reflectetur, si enim à parvo speculo procul protenditur imbecillus fit. quare, & Coronæ à regione Solis non fiunt. si igitur supra fuerit, & proxima; eam Sol dissolvit: si verò procul aspectus minor quam ut reflecti possit in Solem non incidet; à latere autem fieri potest, ut speculum ita distet à Sole, ut non solvatur, & aspectus totus ad eum perveniat, eo quod ad terram dum fertur, quasi per immensum feratur, pervenire nequeat. sub Sole verò non fit, quia cum ad terram propius accesserit à Sole dissolvitur, cum medium cæli tenuerit aspectus distrahitur. omnino ne à latere quidem, Sole medium cæli tenente, efficiatur; quia aspectus sub terram non fertur, quare exiguus ad speculum producitur, & qui reflectitur prorsus imbecillis redditur) ibi (propinquam enim concretionem Sol dissolvit) rationes, quas affert circa Parelia videntur (audacter loquar) admodum debiles: præsens ea est, ut Parelium non fiat propè Solem, quia illa nubis concretio, quæ Parelio necessaria est, nequit adeo Soli propinqua esse, quia nimirum Sol ob propinquitatem eam dissolveret; sed quis non videt eam nubem, quam vulgò existimamus esse Soli propinquam, seu quasi inter nos, & Solem tantum, imò etiam minus aliquando à Sole verè distare, quam alia, quam vulgò remotiorem à Sole putabimus? præterea omnes nubes nostri horizonis re vera æquidistare à Sole certum est, ob maximam enim Solis distantiam, totus noster horizon physicus est insensibilis quantitatis ad Solem, & vnius puncti vicem gerit. Ibi verò (Si autem procul absit, &c.) reddit rationem, cur parelium non appareat in nube à Sole valde remota secundum vulgarem estimationem, vnde vulgarem etiam rationem affert, ait enim, nubem illam esse veluti speculum Solis representativum, speculum autem tam longè à Sole positum, reddi debile, & propterea non posse Solis imaginem referre. Verum ratio hæc nulla esse videtur, quis enim ignorat non propterea esse remotius à Sole, quamvis maiorem habere videatur à Sole lateralem distantiam, ut paulò ante dixi? Eandem rationem illi dubitationi accommodat, cur neq; videatur supra Solem, quamvis non ei quadret, potest enim aliqua nubes videri

deri supra Solem, quæ tamen remotior sit à Sole, quam illa, in qua Parelum
gignitur. Ait postea (*A latere autem, &c.*) cur appareat in nube satis Soli
à latere vicina, in distantiam à Sole refert: sed quæ dudum dicta sunt, istud
quoq; refellunt. Verba illa (*Eo quod ad terram dum fertur quasi per immensum
feratur, pervenire nequeat*) videntur alieno loco dicta; similia præcedentibus
sunt reliqua, præsertim quæ ibi (*Sub Sole verò non fit, quia cum ad terram pro-
pius accesserit*) cur non videatur infra Solem, rationem quandam, quæ fortè
inanis est reddit; nunquid enim non possumus tam infra Solem, quam supra
ita speculum accommodare, vt Solem nostris visibus remittat? huic certè
Optice tota repugnat. Cum igitur Mathematica ratione hæ rationes non
consistent, alias alij excogitent. Mirum tamen est, omnes, quos viderim
commentatores, eas tanquam optimas admittere.

In quarto Meteororum nihil Mathematicum occurrit.

EX LIB. PRIMO DE ANIMA.

TEX. 11. (*Videtur autem non solum ipsum quid est cognoscere utile esse
ad cognoscendas causas accidentium substantijs: sicut in Mathemati-
cis quid rectum, & quid obliquum, aut quid linea, & planum, ad co-
gnoscendum quot rectis, trianguli anguli sunt æquales*) quid sit vnum-
quodq; ex prædictis patet tum ex definitionibus primi Elem. tum ex com-
mentarijs ipsarum; quamvis autem ibi non definiatur rectum, nec obliquum
in genere, definitur tamen linea recta, & obliqua, & plana superficies, siue
planum, ex quibus facile definitio recti, & obliqui colligi potest: quæ defi-
nitiones necessariae sunt ad cognoscendum quot rectis angulis æquales sint
tres anguli cuiusvis trianguli. vide quæ de hac æqualitate scripsi lib. primo
Priorum, secto 3. cap. 1.

TEX. 13. (*Si igitur est aliqua animæ operatio, aut passio propria, continget uti-
que ipsam separari: si verò nulla est propria ipsius non utique erit separabilis. sed
sicut recto in quantum rectum multa accidunt, vt tangere æneam spheram secun-
dum punctum, non tamen tanget hoc, rectum ipsum separatum: inseparabile enim,
si quidem cum corpore quodam semper est*) Propositio 2. tertij Elem. probat li-




neam rectam, duo quælibet puncta quâcumvis pro-
pinqua in circuli ambitu assumpta coniungentem
cadere intra circulum. v. g. puncta A B, quantum-
vis sibi inuicem propinqua fuerint, attamen si linea
A B, ea coniungat, ipsa cadet intra circulum, &
veluti chorda subtendet arcum A B, quantum-
cunque. ex qua demonstratione colligitur in corol-
lario eius lineam rectam tangentem circulum ip-
sum in unico puncto tangere. v. g. rectam C D, tan-
gere circulum in puncto E. si enim dixeris tangere
in duobus admodum propinquis, vt in E F, tunc non erit amplius tangens,
sed secans, quia vt modo dixi, pars lineæ rectæ, quæ cōiungeret puncta E F,

R 2

intra

intra circulum per secundam præallegatam caderet, quod est absurdum, quia contra hypothese[m], cum supponamus illam solidum tangere, non autem secare circulum. Ex hac Euclidis doctrina Theodosius primo sphericorum, propositione 3, probat planum, siue superficiem planam tangere sphaeram in unico puncto, ut hoc loco innuit Philosophus. probat autem hac ferè ratione. sit sphaera A B C, quæ tangat quoddam planum in duobus punctis A, B, si fieri potest. per quæ duo puncta intelligatur ducta recta linea A B, intelligatur etiã circulus A B C, qui secet sphaeram per centrum C. & per puncta A, B, ergo ex demonstratis ab Euclide linea A B, quæ coniungit puncta A B, cadet intra prædictum circulum; sed linea hæc est in plano tangente ex suppositione, circulus verò in sphaera; ergò cum linea cadat intra circulum, cadet etiam necessario planum in quo est linea, & cum linea cadat intra circulum, cadet etiam necessario intra sphaeram; idemq; faciet planum, quod eam necessario sequatur, ergò planum secat sphaeram, non autem tangit, quod est absurdum, quia contra hypothese[m], supponunt autem Mathematici, entia hæc mathematica esse perfecta, qualia in sublunariis fortè non reperiuntur; ænea enim sphaera nulla erit perfecte rotunda, vel planum aliquod perfecte complanatum, ut ipsi supponunt, eò quod materiæ imperfectio, ac ruditas id nequaquam patitur. quare cum huiusmodi entia non reperiuntur abstracta ab impura hac materia, nullum erit inquit Arist. abstractum planum, quod possit mathematicè, atq; adeò in unico puncto mathematico sphaeram tangere. hucusq; necessaria sunt mathematica ad huius loci intelligentiã. ex quibus ea etiam, quæ ad physicum spectant manifesta sunt, nimirum sicut entia mathematica à materia non existunt separata, quia sic nullam haberent operationem; ita etiam anima, si nullam habet propriam operationem non existet à corpore separata.




Ex Secundo de Anima.

135 **T** Ex. 12. (Non enim solum ipsum, quod sit, oportet definitivam rationem ostendere, sicut plures definitionum dicunt, sed & causam inesse, & apparere. nunc autem, ut conclusiones rationes definitionum sunt, ut quid tetragonismus? æquale altera parte longiori rectangulum æquilaterum esse. talis autem definitio ratio conclusionis. dicens autem, quod tetragonismus est mediū inuentio rei causam dicit) aggressurus Arist. animæ definitionem præmittit duplicem esse definitionem, alteram scilicet, quæ explicat solum rei essentiam, quam dicunt formalem definitionem; alteram verò, quæ præterea explicat etiam rei causam, quam dicunt causalem definitionem: utramque autem exemplo Geometrico explicat.


In cap. igitur de relatione plura scripsi de tetragonismo, seu quadratione circuli, quæ huc spectant. propterea nunc tantum propria huius loci declaranda restant. loquitur igitur hic Philosophus non de quadratione circuli, sed

sed figura rectilinea illius, quæ dicitur Altera parte longior; qualis est præ-
sens figura A B C D, cuius quadranda ratio est huiusmodi. per 13. 6. inue-



niatur recta linea media proportionalis inter
duo latera figura A B, B C, eaq; sit B D, in se-
quenti figura / esse autem mediam proportio-
nalem nihil aliud est quam ita esse A B, ad B D,
sicut B D, ad B C. diciturq; media proportio-

nalis, quia in hac habitudine medium locum obtinet. quadratum autem li-
near B D, æquale est rectangulo dato A B C D, per 17. 6. Inuentio porrò hu-
ius mediæ proportionalis, quia facilis est, & scitu iucunda, eam sic habero.



accipe duo latera A B, & B C, quadradi rectan-
guli, eaq; in directum constitue, vt vnicam re-
ctam constituent A C, vt apparet in figura; de-
inde diuisa tota A C, bisariam in E, facto cen-
tro in E, describe semicirculum super lineam
A C, demum à puncto B, in quo duo latera con-
iunguntur, erigatur linea perpendicularis vsq;
ad periphæriam, quæ sit B D. hæc enim B D, est media proportionalis inter
latera A B, B D, quam nimirum habitudinem habet A B, ad B D, eam quo-
que obtinet B D, ad B C. Quadratum igitur huius B D, hoc est quadratum,
cuius quatuor latera sint æqualia linear B D, quale est præsens, æquale erit



dato superiori rectangulo A B C D, atq; hoc modo per-
acta erit quadratio, seu tetragonismus dati quadrilateri
A B C D. Vides igitur, qua ratione quadratum consti-
tuatur æquale dato quadrilatero; & qua rationem inuen-
tio illius mediæ proportionalis sit causa quadraturæ re-
ctanguli, & proinde si quis dicat quadrationem hanc esse

effectiorem rectanguli æquilateri, idest quadrati, æqualis dato quadrilate-
ro, hic definitionem formalem solum afferet: quæ definitio, vt dixit in Lo-
gicis, est instar conclusionis. si quis verò dicat tetragonismum hunc quadri-
lateri dati esse mediæ prædictæ inuentionem causalem afferet definitionem,
cum rei causam dicat. Aduerte Io. Grammaticum immeritò accusare Ale-
xandrum, quod dicat quadrationem hanc per inuentionem mediæ propor-
tionalis tradi in 2. Elem. nam verè in 14. 2. traditur talis inuentio, quam-
uis enim ibi nulla fiat expressa mentio huiusmodi mediæ, in ipsa tamen ea
reperitur, ac per eam figuræ rectilinearæ quadrantur: quod patet ex figura
14 prædictæ, quæ eadem est cum figura 13. 6. qua docemur prædictam in-
uentionem.

Tex. 86. (*Acutum mouet sensum in tempore pauco multum: graue autem in* 186
multo parum; non igitur velox est acutum, graue autem tardum; sed fit illius qui-
dem propter velocitatem motus huiusmodi, huius autem propter tarditatem) vide
quæ de hac re primo topic. cap. 13. dicta sunt, illa enim omnia in hunc lo-
cum quadrant. Verum occurrit illa dubitatio; quod cum Arist. ibi dicat
(*Vox acuta quidem velox*) hic autem (*Non igitur velox est acutum*) repugnanti-
a dicere videtur. cui dubitationi sic occurrendum; vt dicamus ibi Philo-
sophum dicere vocem acutam esse velocem, quatenus acumen vocis oritur

ex ve-

ex velocitate motus aerem impellentis. hic verò distinguere acutum à vel-
loci, tanquam effectum à causa.

- 187 **Tex. 159.** (*Apparent autem, & falsa, de quibus simul existimationem veram
habet, ut apparet sol vnus pedis, persuasum autem est, eum maiorem esse habitata*)
habitata, idest terra habitata. Vide, quæ cap. 3. summæ 1. primi Meteor.
Item capite 5. summæ 2. de Solis magnitudine scripsi, ea enim huic loco
abundè satisfaciunt.

Ex Terzio de Anima.

- 188 **T** **Ex. 21.** (*Vt incommensurable, & diameter*) vide, quæ de incom-
mensuratione diametri, & costæ scripta sunt lib. 1. Priorum, cap.
23. vnde satis huic loco fieri potest.

- 189 **Tex. 25.** (*Punctum autem, & omnis diuisio, & sic indiuisibile mon-
stratur sicut priuatio*) punctum enim cum sit terminus lineæ, est negatio vl-
terioris lineæ (*Et omnis diuisio*) innuit his verbis præter punctum, lineam
etiam, & superficiem. nam quemadmodum punctus oritur ex diuisione li-
neæ, ita lineæ ex diuisione superficiei, & superficies ex diuisione corporis.
& quamuis punctum, lineæ, superficies, sint indiuisibilia, monstrantur ta-
men quatenus sunt priuationes, seu negationes, illud vltioris lineæ, ista
vltioris superficiei, hæc tandem vltioris corporis.


- 190 **Tex. 32.** (*Sit igitur ut A, quidem album, ad B, quod nigrum; sic C, ad D; quæ
re & permutatim*) idest, quare & permutando (vt aiunt Geometræ) erit vt
A, ad C, ita B, ad D, hunc argumentandi modum à permutata proportio-
ne explicauimus in primo Poster. cap. 5. tex. 13. dicitur etiam alterna ratio;
& definitur ab Euclide definitione 12. 5.

Ex Libro de Sensu.

- 191 **C** **Ap. 6.** (*Et qui in Diesi sonus latet, quamuis continuum existentem audit
omnem cantum, distantia enim eius ad extremos sonos latet*) quid sit
Diesis apud Musicos explicatum est primo Poster. tex. 38. cum
autem Diesis sit minima distantia, seu vt loquuntur Musici, mini-
mum interuallū inter duas voces, hinc fit vt hæc minima distantia inter ex-
tremos sonos non exaudiatur, quemadmodum nec minima particula alicui-
us magni corporis à longè visi nō percipitur, sed latet inter extrema illius.

- 192 **Cap. 8.** (*Vnumquodq; magis est sentire simplex existens, quam mixtum, velut
vinum non temperatum, quam temperatum; & mel, & colorem, & neten solam,
quam in diapason, quia obscurant se inuicem*) nete apud veteres musicos erat
in musicis instrumentis omnium chordarum acutissima, cuiusmodi apud
nos est, quam vulgò canto appellant. Hypate verò erat chorda omnium
grauissima, qualis est ea, quam modo Basso vocant. hæc duæ simul pulsatæ
edebant consonantiam, quæ Diapason dicitur, & vulgò octaua. ex quibus
sensus verborum Arist. manifestus est.

Eodem

Eodem cap. (Velut Diapason, & Diapente) quid sit consonantia Diapason, explicavi in primo Poster. tex. 1. Diapente verò est consonantia ex duobus sonis coalescens, quorum proportio sit ut  3 ad 2, quæ dicitur sesquialtera, v. g. sint duæ chordæ æqualis crassitie, atq; æquæ tensæ; una tamen habeat ad alteram proportionem sesquialteram, ut in figura apparet; si simul pulsantur, edent consonantiam Diapente, vulgò autem quinta.

Ex Libro de Memoria, & reminiscencia.

C Ap. 1. (Sic meminit eos, qui trianguli, quod duobus rectis æquales) idest sic meminit tres angulos cuiusvis trianguli simul sumptos æquales esse duobus angulis rectis simul sumptis. lege annotata primo Poster. secto 3. cap. 1.

Cap. 3. (Sunt facile reminiscibilia, quæcunq; habent ordinationem aliquam, ut mathemata) hæc Philosophus dicens spectabat ad mirabilem illam, ac perpetuam demonstrationum connexionem, quæ Geometræ omnes, & præcipuè Euclides opera sua ab initio ad finem usque, diuino planè ingenij acumine deduxerunt.

Ex Libro de Somnijs.

C Ap. 2. (Cur autem fallimur, causa est, quoniam non solum cum sensibile mouetur apparent quælibet, sed etiam cum sensus ipse mouetur, si eodem modo moueatur, quemadmodum à sensibili. dico autem velut terra videtur nauigantibus moueri, dummodo visus ab alio) reddit rationem, cur nauigantibus videatur terra ipsa moueri, ac retrocedere, non autem ipsi nauigantes, quin potius ipsi sibi stare videantur. causam igitur eam esse ait, quia ex motu nauis, terra ipsa manente, accidit, ut eodem modo immutetur sensus visus, ac si terra ipsa moueretur, visus verò quiesceret. At cur eodem modo afficitur sensus? Perspectiui rationem esse dicunt, quia ea, quæ circa oculum sunt, ut nauis, & ea, quæ in naui sunt, non mutant situm respectu oculi, quemadmodum facerent, si nos ipsi sine naui progredieremur. arbores autem, & reliqua, quæ in terra sunt, variant situm respectu oculi, non secus, ac si ipsæ arbores retro deferrentur. propterea igitur visus tunc arbores remeare iudicat, quia quæ circa oculum sunt respectu ipsius oculi non mouentur, siue non variant situm ad ipsum; ex variatione enim situs rei respectu oculi, percipimus cuiusvis rei localem motum.

Cap. 3. (Quemadmodum igitur, si quem lateat suppositus oculo digitus, non solum apparebit, sed etiam putabitur duo, quod est vnum. Si verò non lateat apparebit quidem, non putabitur tamen) est hæc optica deceptio, quæ tunc accidit, cum aliquod obiectum intuentes, interim digito alterum oculum sursum pellimus, ita ut oculi propterea varient situm respectu obiecti, siue non eodem

dem situ vterque obiectum intueatur, hoc est, ut optici aiunt, axes visuales non amplius concurrunt simul in rem visam. Vnde sequitur speciem rei intentionalem oculis vario situ affectis imprimi, ac proinde eam eundem situm in vtroque oculo minimè obtinere, sed ea, quæ oculo à suo naturali statu dimoto accidit ab altera alterius oculi differt; quapropter vario etiam modo, duplici nimirum, obiectum representant. atque hac ipsa causa est, cur illud, quod vnum tantum est, duo tamen emoto oculorum altero, videatur. Vide Alhazenum lib. 3. proposit. 11. & 12. & infra Problem. 7. sectionis 31.



EX PRIMO METAPHYSICAE.



Apote 1. (*Circa Aegyptum Mathematicæ artes constitutæ sunt; illic enim gens Sacerdotum vacare permittitur*) Notanda maximè nobilis Mathematicarum origo, cum ab Aegyptiorum Sacerdotibus teste Philosopho fuerint adinuentæ, quibus occasionem præbuit anniuersariâ agrorum ob Nili inundationem, diuisio: cum enim iam per plures dimetiendorum agrorum rationes repertæ fuissent, Sacerdotes ipsi, quibus per otium licebat, illarum praxium demonstrationes cœperunt peruestigare, sicq; paulatim postea Geometria amplius exculta adoleuit; quæ deinde iisdem ad res astronomicas perscrutandas adiumeto fuit, hacq; ratione reliquas etiam in mathematicas inciderunt.

Cap. 2. (*Sicut de prestigiosis, quæ per se mouentur, illi qui nondum speculati sunt causam*) verbis illis (*Quæ per se mouentur*) vnica dictio Græca respõdet, Automata. erant autem Automata apud veteres Græcos machinæ quædam, quæ à Mathematicis Mechanicæ artis occultis quibusdam ingenijs, ea arte construebantur, vt à seipsis de loco ad locum, ac si viuæ essent spontè progredierentur; vnde, & automata, quasi spontanea dicebantur. Extat adhuc de huiusmodi machinis liber Heronis Alexandrini, quem nuper ex græco latinum reddidit doctissimus Abbas Guastallensis. de huiusmodi artificiosis operibus, quibus sæpè prisci ita admirationi fuere, vt præstigia quædam artificium ignorantibus, viderentur, intelligit hoc loco Arist.

Cap. 3. (*Aut de solstitijs*) quid solstitium, & cur Sol in vtroq; topico, quoad dierum incrementum, ac decrementum, & quoad eleuationem eius, aut depressiõnem meridianam, videatur moras trahere, quamuis nostrum sit explicare, ob rei tamen facilitatem omittantur. Hoc tantum scias velim solstitiorum causam esse Zodiaci ad Tropicos longiorem adhæsiõnem, idest, quòd Zodiacus propè contactum tropicorum ab ijs parum recedat, cum ergo Sol motu proprio semper per Zodiacum inambulet, fit vt ipse quoq; pariter modicum à tropicis remoueatur, imò plurimum secus illos incedat, ita vt eo tempore, quo ad eos paulatim accedit, aut ab eis paulatim recedit, quasi stare, siue quiescere apud eosdem videatur: atq; hinc etiam quantitas dierum, ac noctium videatur ferè nihil variari; & noua eleuatio, aut depressio Solis supra horizontem nulla ferè appareat.

Ibidem (*Aut de diametri incommensurabilitate, admirabile enim omnibus videtur, si quid, cum non sit minimum non mensuretur, decet autem in contrarium, & in melius secundum prouerbiũ consummare, quemadmodũ in his sit, cum discant, nihil enim magis vir Geometricus admiraretur, quàm si diameter commensurabilis fieret*) vide quæ de hac commensurabilitate scripsi lib. 1. Priorum, sect. 1. cap. 1. Videtur inquit mirum à principio Geometriam aggredienti diametrum, & latus eiusdem quadrati non commensurari, cum in neutro eorum detur minimum, seu indiuisibile, videtur enim omne diuisibile posse mensurari.

rari. postea tamen cum in Geometria versatus fuerit, maximè admiraretur, si audiret diametrum esse lateri commensurabilem.

202 Summa 2. cap. 3. (*Pythagorici primi Mathematicis operam dedere, hanc præponebant, & in eis enutriti, eorum principia, entium quoq; cunctorum putant esse principia*) utinam nostrates Philosophi Pythagoricos imitarentur; enimvero multò melius & sibi, & Philosophiæ consulerent. At verò non sine magno artium, atq; disciplinarum omnium dispendio à plurimis hac tempestate despectui habentur; sed quid mirum cum quas scientiarum omnium alumni Pythagorei omnibus scientijs anteferebant; eas nostri sæculi quamplures omnibus alijs facultatibus posthabeant.

203 Tex. 47. (*Qui Geometriam discit aliqua præscire contingit*) idest definitiones, postulata, axiomata, quæ sunt tria principiorum genera, ex quibus tota Geometria deducitur.

Ex Secundo Metaphysicæ.

204 **T** Ex. 14. (*Quantam verò vim consuetudo habeat, leges declarant, in quibus fabulosa, ac puerilia plus possunt propter consuetudinem, quàm si ea cognoscereamus*) per leges intelligit cantilenas illas, quas veteres Musici leges appellabant, eò quòd eas solas, cæteris abrogatis liceret lata lege decantari. Vide declarationem problematis 15. & 28. sect. 19. problematū, vbi tanquā in proprio loco ista fufius pertractabuntur.

Ex Tertio Metaphysicæ.

205 **T** Ex. 3. Verba huius textus, cum satis perspicua sint, ac parum mathematicis indigeant, omittenda duxi. Quod ad mathematicas attinet, ait, eas non demonstrare, nec per causam finalem, nec per efficientem (quòd intelligendum est de Mathematicis puris, & speculatiuis nam mathematicæ practicæ reliquas etiam causas, efficientem, & finalem necessariò habere debent, quapropter sophista quidam nomine Aristippus, eas irridebat, atq; adeo illiberalibus, ac sedentarijs artibus posthabeat, quæ causam efficientem, quia scilicet operantur, & finalem scilicet quæstum sibi proponunt. fuit autem iste ex Plutarcho, & Laertio primus, qui pacto pretio doceret, philosophiamq; faceret quæstuosam: ideoq; mathematicas paruipendebat, quòd neglecta causa efficiente, nihil efficerent; & finali, nihil lucrarentur. videas igitur quales sint pulcherrimarum facultatum contemptores, ij nimirum, qui philosophiæ, aut lucri, aut ambitionis causâ dant operam. Quod autem Mathematicæ nihil efficiant, nihilq; lucrentur, ne videamur vtile paruifacere, est omninò falsum: sunt enim plures mathematicæ practicæ, quæ innumera, atq; admiranda efficiunt opera, quæq; magnos quæstus quotidie faciunt. huiusmodi sunt Geometria practica, qua mensurationes omnes vel solo visu perficiuntur. Arithmetica, cuius vsus quàm latè patet? Musica practica, qua quotidie ipsi oblectamur;

mur; Deoq; Optimo Maximo laudes debitas concinimus. Mechanica practica, cuius ope ingentia pondera, vel exigua vi, inuicta; natura fufq; deq; commouentur. Perspectiua, quæ Pictoribus, & Architectoribus adeo infernit, vt absq; ea nihil fermè audeant. Astronomia tandem, si in praxim deducatur, ex vna solum eclypsium prædictione, quantam vniuerso orbi admirationem parit? mitto hanc solam dierum, mensum, & annorum distributionem, ac temporum emendationem exhibere, rem adeo Reipublicæ Christianæ necessariam.

Eodem tex. 3. (*Item & in cæteris tunc scire vnumquodque arbitramur eorum, quorum sunt demonstrationes, cum quid est sciamus, vt puta quid tetragonismus, quod inuentio media*) eadem reperies superius in secundo de Anima, tex. 12. fufius explicata.

Tex. 8. (*Si enim in hoc differret solum Geometria à Geodæsia, quod hæc quidem eorum est, quæ sentimus, illa verò non sensibilibus est*) Geodæsia est pars Geometriæ practicæ, ea scilicet, quæ circa diuisionem superficierum versatur. audi Pediasmum de mensuratione: Terræ inquit mensuratio in duas partes diuiditur, Geometriam scilicet, & Geodæsiam: Area namq; secundum artem mensuratio, & terræ mensuratio est, & meritò Geometria vocatur. Vnius verò, & eiusdem areæ, seu loci diuisio inter diuersas personas, partitio quædam est terræ, & iure optimo Geodæsia appellatur. hæc ille. dicitur autem Geodæsia à γῆα, terra, & δαίω, diuido. Vocabulum tamen istud Geodæsia fuit postea ad latiorē translātum significationem: extat enim Geodæsia Heronis Mechanici antiqui scriptoris, quampridem Baroccus latinitate donauit, quæ quidem ars est eadem cum Geometria practica, cum non solum diuisiones, sed mensurationes omnes etiam per dioptricam facultatem, seu per lineas visuales doceat inuestigare.

Ex Quarto Metaphysicæ.

TEx. 4. (*Philosophus namq; est, vt ille, qui Mathematicus dicitur, & hæc enim habet partes: ac prima quædam, & secunda scientia est: cætera quoq; consequenter in mathematicis*) inter mathematicas primæ scientiæ sunt Geometria, & Arithmetica, quia ipsæ à cæteris nulla ratione dependent; imò cæteræ ipsis inniuntur, quæ secundæ hoc loco appellantur, hæ sunt Perspectiua, Musica, Mechanica, Astronomia. illas duas recentiores subalternantes, has verò secundas subalternatas vocant. Exempla subalternationum varia attuli in Logicis tex. 20. & 23. primi Posterior. vbi clarè licet intueri quid sit subalternatio, vnde etiam præsens locus illustratur.

Tex. 28. (*Vt diametrum commensurabilem esse*) legenda sunt ea, quæ libro primo Priorum, secto 1. cap. 23. de hac commensurabilitate, & incommensurabilitate tractata sunt.

Ex Quinto Metaphysicae.

210 **T**Ex. 2. (*Alia verò causa est forma, & exemplar: hæc autem est ratio ipsius quid erat esse, & horum genera, ut ipsius Diapason duo ad vnum, & simpliciter numerus, & partes, quæ in ratione sunt*) affert exemplum causæ formalis ex Musica peticum: aitq; causam formalem illius consonantiæ, quæ Diapason dicitur, estq; omnium perfectissima, esse duplam proportionem, idest, quæ est inter duo, & vnum, id, quod omnes Musici fatetur. quod ut melius intelligas, repete, quæ in 2. Poster. ad tex. 1. scripta sunt: necnon quæ in libro de Sensu in cap. 8. Amplius inquit causam formalem genericam eiusdem Diapason esse numerum, & partes numeri, sub numero enim continentur & duo, & vnum. Occurrit hoc loco vnum magnopere notandum, videlicet tam consonantias, quam dissonantias habere proportionem numerorum, hoc tamen discrimine, quod consonantiæ habent solùm proportionem numerorum eorum, qui quaternario continentur, ex veterum præsertim Pythagoreorum sententia, qui propterea ultra quaternarium progredi vetabant. Recentiores tamen vsque ad senarium procedunt, quippe, qui omnes vocum consonantias admittunt, quæ proportionibus numerorum senario contentorum præditæ sint. Dissonantiæ verò secundum priscos habent proportionem numerorum extra quaternarium progredientium, iuxta nostros autem extra senarium. qua de re pluribus Zarlinus colloquio 2. definit. 3.

211 **T**ex. 3. (*Partes quoq; totius*) idest sunt materia; loquitur enim de causa materiali. libuit locum hunc annotare in gratiam Geometricarum demonstrationum, quorum media sæpè sunt ex causa materiali sumpta, quod tamen non ita ab omnibus observatur, quotiescunq; enim probant affectionem quampiam de aliquo subiecto, ex eo, quod subiectum illud sit, vel dimidium alicuius, vel duplum, vel reliquum, vel tertia pars, & his similia, erit talis ratio in genere causæ materialis. neq; est cur recentiores quidam, naturalibus scientijs assuetis, negent huiusmodi materiam veram esse materiam; ac proinde neq; Geometricas demonstrationes veras esse demonstrationes; dicendum enim talem quidem materiam non esse veram materiam physicam, & proinde illas demonstrationes non esse veras naturales demonstrationes, esse tamen veram materiam intelligibilem, quæ Geometriæ subiicitur, & proinde demonstrationes illas veras esse demonstrationes Geometricas; id quod Arist. sæpius in libris Poster. apertè significat, tum assertionibus, tum exemplis quamplurimis. Quapropter cauendum est illis, ne ingrati animi notam incurrant, dum pulcherrimam artem resolutoriam, quam Arist. à Mathematicis acceptam omnibus scientijs accommodauit (ut initio Priorum ostensum est) eam ipsi ita alijs facultatibus adaptent, ut Mathematicis ipsis, ex quibus orta, & sub quibus adoleuit, nulla ratione conuenire possit. De hac materia fusius infra in additamento de natura Mathematicarum.


212 **T**ex. 3. (*Et ipsius Diapason duplum, & numerus*) scilicet causæ formales sunt, quemadmodum supra tex. 2. huius cap. explicatum est.

Tex. 4.

Tex. 4. (Similiter autem figurationum quoq; elementa dicuntur, ac simpliciter demonstrationum. primæ enim demonstrationes, quæ in pluribus demonstrationibus insunt, hæc elementa demonstrationum dicuntur) verbo (Figurationum) siue descriptionū, Arist. intelligere demonstrationes Geometricas, sæpius dictum est, præsertim in Logicis, & ex hoc loco pariter confirmatur. Ex hoc porro loco illud innotescit dignum, quod præcipuè à Mathematico non ignoretur, quæ nam sint demonstrationes illæ, quæ nomine elementorū debeant appellari, necnon causa cur Euclides suum opus elementa nuncupauerit, sunt enim illæ, quæ in pluribus demonstrationibus insunt, idest, quæ sæpius in alijs demonstrationibus citantur, uti sunt præcipuè sex priores libri Euclidis: atq; hac ratione elementa appellantur.

Tex. 12. (Principium itaq; scibilis, circa unumquodq; ipsum unum, non est autem idem in cunctis generibus unum, sed hic quidem diesis, hic verò vocalis, aut muta) idest, in Musica quidem principium omnium, & elementum est diesis, quæ est minima vox, aut sonus, qui sub Musici considerationem cadat. Porro ad tex. 38. primi Poster. de diesi plura sunt dicta.

Tex. 17. (Veluti diametrum commensurabilem esse impossibile est) huius expositionem inuenies 1. Priorum, secto 1. cap. 23.



Tex. eodem (Metaphorice autem, quæ in Geometria potentia dicitur) potentiam unius lineæ appellant Geometræ quadratum illius, idest quadratum super ipsam constructum. v. g. quadratum in quo C, dicitur potentia lineæ DB, quia super illam constructum est.

Tex. 34. (Quemadmodum dicitur diametrum esse commensurabilem) vide annotata 1. Priorum, secto 1. cap. 23.

Tex. 35. (Ut triangulo duos rectos habere) idest affectio trianguli est habere tres angulos æquales duobus rectis angulis. Vide declarationem huius lib. primo Priorum, secto 3. cap. 1.

Ex Sexto Metaphysicæ.

TEx. 1. (Mathematicorum quoque principia, elementa, & causæ sunt) notanda sunt hæc aduersus quosdam, qui negant in Mathematicis causas reperiri, ut hinc quoq; illis scientiam auferant. enim uerò apertè patet eos falli ex toto hoc Arist. discursu.



Ex Nono Metaphysicæ.


VT si quis dicat diametrum posse commensurari, non tamen commensurabitur & paulò infra (Commensurari enim impossibile est) expositionem horum reperies 1. Priorum, secto 1. cap. 23.

Tex. 20. (Descriptiones quoq; actu inueniuntur, diuidentes nanque inuenirent, quod si diuisæ essent, manifestè essent, nunc autem insunt potentia. cur triangulus duo recti? quia qui circa unum punctum anguli duobus rectis æquales sunt,

sunt, si igitur quæ ad latus educeretur, videnti mox esset manifestum) per descriptiones, vel figurationes, vel designationes intelligendas esse demonstrationes Geometricas sæpius supra dictum est, & pariter ex hoc loco comprobatur. Dicit igitur, quod demonstrationes suas Geometra inueniunt, reducendo ad actum ea, quæ erant in potentia, diuidentes enim educunt in actum, figuras, angulos, lineas, & cætera huiusmodi, quæ prius solum erant in potentia, ex quibus postea suas demonstrationes perficiunt (*Cur triangulus duo recti*) affert exemplum eius, quod proximè dixerat, scilicet Geometras demonstrare producendo ad actum entia quædam Mathematica, quod exemplum, ut intelligas ijs opus habes, quæ primo Priorum, secto 3. cap. 1. conscripta sunt (*Cur triangulus duo recti?*) idest, cur triangulus habet tres angulos æquales duobus rectis angulis (*Quia qui circa vnum punctum anguli duobus rectis angulis æquales sunt*) nisi hoc dictum ad bonum trahatur sensum, falsum est, nam omnes anguli, qui circa vnum punctum, v. g. A, sunt constituti, æquales sunt non duobus, ut est in textu, sed quatuor rectis, ut patet ex corollario 2. 15. primi Elem. quotquot enim anguli constituuntur ad punctum A, omnes simul erunt æquales quatuor rectis, quos faciunt præsentēs lineæ B C, D E. vniuersi enim illi congruent his quatuor rectis: sed Arist. sensus est omnes angulos ad easdem partes constitutos, v. g. ad partes superiores lineæ B C, esse æquales duobus rectis B A D, D A C, ut ostenditur in 13. primi, necnon etiam patere potest ex corollario 2. 15. eiusdem. tales sunt quatuor anguli ad superiores partes lineæ B C, & ad punctum A, constituti, qui, ut patet, sunt æquales duobus rectis B A D, D A C, tales etiam sunt in hac secunda figura tres anguli B C A, A C D, D C E, qui quidem æquales sunt duobus rectis angulis. hoc sensisse Arist. patet ex demonstratione 32. primi, quæ demonstrat memoratā ab Aristot. trianguli affectionem, & ad quam, propterea ipse spectabat, cuius figura est eadem cum hac secunda, in qua Euclides ostendit prædictos tres angulos æquari duobus rectis. subdit postea, si igitur linea C D, quæ ad latus A B, parallela est in potentia, educeretur in actum, videnti mox esset manifestum tres angulos trianguli A B C, esse pares duobus rectis. ducta enim C D, parallela lateri B A, apparet statim angulus A, æqualis angulo A C D, & angulus B, angulo D C E; cum reliquis verò triāguli angulus B C A, sit apud prædictos duos ad idem punctum C, constitutus; atq; omnes hi tres duobus rectis æquantur, mox inspicienti talem figurationem manifestum fit tres angulos illius trianguli esse duobus rectis æquales.

222 Ibidem (*Cur in semicirculo vniuersaliter rectus & quia si tres æquales, & quæ bis est duo, & quæ ex medio supra stat recta, videnti manifestum erit ei, qui illud sciat*) In 2. Poster. tex. 11. inuenies huius loci expositionem. nunc solum hæc





hæc addenda sunt. Respondet Arist. quæ-
sito præcedenti, cur scilicet angulus in se-
micirculo sit rectus, qualis est in figura,
angulus A C B, dicitq; causam esse, quia
in figura tres lineæ sunt æquales, duæ ni-
mirum, in quas basis B A, diuiditur, quæ
sunt B D, D A, & tertia, quæ ex medio
basis erigitur, estq; D C, cum omnes sint

semidiametri eiusdem circuli. educta itaq; linea D C, de potentia in actum,
si cuipiam trium harum linearum æqualitas innotescat, continuo ei etiam
manifestum erit angulum A C B, in semicirculo, esse rectum. quia statim ap-
parent duo isoscelia B D C, A D C, quorum anguli ad bases B C, A C, sunt
æquales inuicem; & anguli duo ad D, sunt dupli duorum angulorū A C D,
D C B, ex quibus constatur totus angulus A C B, ergo duo anguli ad D, sunt
dupli anguli B C A, sed duo anguli ad D, sunt æquales duobus rectis, ergo
duo recti sunt dupli anguli A C B, ergo angulus B C A, est dimidium duo-
rum rectorum. cum autem omnes recti sint æquales, consequarium est dimi-
dium duorum rectorum esse angulum rectum. patet igitur, qua ratione ex
ductu linearum prædictarum actu, manifestum fiat angulum in semicirculo
A C B, esse rectum. ne mireris si vulgatam translationem antiquam non-
sum sequutus, indigebat enim correctione, quam iuxta græcū exem-
plar adhibui.

Tex. 22. (*Ut puta si triangulum non putet mutari, non opinabitur modo duos* 223
rectos habere, modo non, mutaretur enim) quia nimirum huius habemus scien-
tiam per demonstrationem 32. primi Elementorum. quomodo autem tri-
angulus habeat duos rectos, idest tres angulos æquales duobus rectis angu-
lis, explicatum est primo Priorum, secto 3. cap. 1.

Ibidem (*Verum aliquid quidem, aliquid verò non, ut puta parem numerum* 224
primum nullum esse; aut quosdam quidem, quosdam verò non) definitione 11.
7. Elem. sic numerus ille, qui à Mathematicis dicitur primus, definitur, pri-
mus numerus est, quem vnitas sola metitur, vnde patet inter numeros pa-
res solum binarium esse primum, cum ipsum sola vnitas bis replicata men-
suraret. quaternarium autem, senarium, &c. pares, non esse primos, cum
eos non sola vnitas, sed alius numerus metiatur: quaternarium enim bina-
rius bis replicatus mensurat: senarium mensurat & binarius, & ternarius:
quare verum erit existimare inter pares numeros aliquos esse primos, idest
binarium, aliquos verò non, idest cæteros pares vltra binarium.

Ex Decimo Metaphysicæ.

TEx. 4. (*Ac etiam motum simplici, & velocissimo motu mensurant. mi-* 225
nimum enim tempus hic habet. quapropter in Astrologia tale vnū prin-
cipium, & mensura est. motum enim æqualem, & velocissimū cæli sup-
ponunt, ad quem cæteros iudicant) intelligit motum diurnum, quem
primo cælo, seu mobili ascribunt, hic enim velocissimus est omnium reli-
quorum.

quorum cœlestium motuum, ac simplicissimus, & valdè vniformis, ac regularis, & propterea minimum habet tempus, idest tempus vnus diei naturalis, quo tempore totum primum mobile circulationem integram perficit. per minimum tempus, possunt etiam intelligi partes diei, quæ sunt horæ, & horarum partes. considerant hunc motum in circulo æquatoris, quia æquator motu primi mobilis, seu diurno vniformiter, ac maximè regulariter mouetur: hac de causa hunc motum tanquam reliquorum mensuram, ac normam meritò assumpserunt.

126 Ibidem (*Et in Musica Diesis primus sensibilis sonus, quia minimum*) idest minimum interuallum, quod à Musicis consideretur, est mensura maiorum interuallorum. ad tex. 38. primi Poster. satis dictum est de Diesi, quæ videas.

127 Eodem tex. sed cap. 3. (*Non semper autem mensura numero vnum est, verum aliquando plura, vt puta dieses duæ, non quidem secundum auditum, sed in rationibus, & voces plures, quibus mensuramus, & diameter duobus mensuratur, & latus, & omnes magnitudines*) ita corrigenda est antiqua translatio. quid diesis dictum sit ad tex. 38. primi Poster. quando autem ait (*Vt puta duæ dieses*) idest duæ dieses sunt mensura vnus interualli musici, qui tonus appellatur: quæ quidem duæ dieses non sunt mensura sensibilis, quæ scilicet auribus percipiatur, sed tantummodò existunt in numerorum proportionibus, ibi per intellectum excogitatis, quando ait (*Et voces plures, quibus mensuramus*) quando vtimur eodem interuallo, siue eadem voce ad cantus mensuram, tunc sunt plures mensuræ numero, quamuis vna tantum specie. Ait (*Et diameter duobus mensuratur*) v. g. duobus semidiametris: vel duobus pedibus. & latus pariter quadrati, duobus. v. g. pedibus mensuratur: eodemq; modo reliquæ omnes magnitudines possunt ab eadem mensura sæpius replicata mensurari.

128 Eodem tex. (*Semper autem mensura eiusdem generis est, magnitudinum namque magnitudo, & secundum vnumquodque, longitudinis longitudo*) ex his ratio manifesta apparet, cur Geometræ practici mensurent longitudes per aliquam longitudinem, vt puta per vnam, digitum, vnciam, &c. superficies etiam per aliquam superficiem, sed quæ sit quadrata, vt puta per vnam quadratam, palmum quadratum, &c. corpora quoq; per corpus, quod tamen sit cubus, vt per vnam cubicam, palmum cubicum, vnciam cubicam, &c.

129 Tex. II. (*Similia verò si cum non sint eadem simpliciter, nec secundum substantiam subiectam in differentia secundum formam eadem sit: quemadmodum quadratum maius minori simile est, & lineæ inequales, hæ enim similes quidem, verum non eadem simpliciter sunt*) Prima definitio sexti definit similes figuras eas esse, quæ sunt æquiangulæ inuicem, & quæ habent latera proportionalia circa æquales angulos. cum ergò quadratum maius, & minus sint æquiangula, quia habent omnes angulos rectos; & præterea habeant latera circa æquales angulos proportionalia, sicut enim latera maioris quadrati circa vnum angulum rectum sunt in proportionē æqualitatis; ita quoq; latera minoris circa vnum angulum rectum sunt illis proportionalia, cum sint inuicem pariter in proportionē æqualitatis, erunt necessariò similia hæc duo quadrata. duæ etiam, exempli gratia, lineæ rectæ sunt inuicem similes, quamuis vna sit maior altera.

Eodem

Eodem tex. (*Tertium sicut illa, quæ in Mathematicis*) tertium scilicet modum diuersi, ponit in entibus Mathematicis, sicut enim posuit idem esse in Mathematicis, quando duæ figuræ sunt similes, & æquales: ita ex opposito diuersum erit in Mathematicis, quando duæ figuræ fuerint dissimiles, & inæquales, dicenturq; diuersæ, in quo consistat similitudo figurarum dictum est in præcedenti expositione.

Ex Vndecimo Metaphysicæ.

SUMMA 1. cap. 2. (*Si quis verò lineas, aut quæ has sequuntur, dico autem* 231
primas superficies principia esse ponat. hæc non sunt substantiæ separabiles, verùm sectiones, & diuisiones, illæ quidem in superficiebus, hæc verò corporum, puncta verò linearum sunt, & etiam ipsarum earundem termini; hæc autem omnia in alijs sunt, & nihil separabile est) ait puncta oriri ex sectione lineæ, quamuis sint etiam termini illius; lineas verò oriri ex diuisione superficiebus, quamuis sint etiam termini illarum. superficies quoq; oriri ex diuisione corporum, quamuis sint etiam termini illorum. Hæc placuit annotare propter ipsorum conuenientiam cū ijs, quæ à Geometris traduntur.

SUMMA 3. cap. 2. (*Vt puta sub Cane fiat frigus*) idest sub ortum Canis, cœlestis, seu Caniculæ. Vide quæ libro secundo Meteororum, summa 2. cap. 2. de hac stella scripsimus.

Ex Duodecimo Metaphysicæ.

TEX. 44. (*Pluralitatem verò lationum ex peculiarissima Philosophia Mathematicarum scientiarum, videlicet ex Astronomia considerandum* 233
est: hæc enim de substantia sensibili quidem, ac sempiterna speculatur) pluralitatem nimirum cœlestium motuum petendam esse asserit ex præcipua totius Philosophiæ parte, quam ait esse Astronomiam. dignum porro consideratione est, quanti faciat Arist. Mathematicas disciplinas, ac præcipuè syderalem scientiam.

TEX. 45. (*Eudoxus igitur Solis, & Lunæ lationem posuit fieri à tribus orbibus, quorum primus quidem esset, qui inerrantium stellarum; secundus verò secundum id, quod per medium Zodiacum; tertius tandem, secundum quem qui in latitudine Zodiaci obliquatur. in maiori autem latitudine obliquari eum secundum quem Luna, quàm eum secundum quem Sol fertur*) Eudoxi tempore nondum satis exulta fuerat Astronomia, vt propterea minimè mirandum sit, eum hoc loco imperfecta admodum circa cœlestia tradere. omittit enim in Sole orbem motum augis conficientem; necnon duos eccentricos, qui solis anomaliam, atq; eccentricitatis variationem excusant. attribuit præterea Soli motum quendam in latitudinem, quod falsum est omnino, cum Sol perpetuò directè sub ecliptica incedat. In Luna pariter plures necessarios illi orbes ad motus ipsius saluandos prætermittit. Ex sententia tamen Tychonis Brahe hos orbes, ac circulos tanquam ab inuicem distinctos abrogare debemus.

T

Tex. 46.

235

Tex. 46. (*Errantium verò stellarum vniuscuiusq; in quatuor sphaeris, quarum primam quidem, & secundam eandem illis esse: etenim, quæ fixarum est eam illam esse, quæ omnes fert: at eam, quæ sub ipsa ordinata est, ac quæ secundum Zodiacum lationem habet, communem omnibus esse. Tertiæ verò omnium polos in eo, quod per medium Zodiacum est. Quartæ autem lationem secundum eum, qui obliquatus ad medium eius est; esse verò tertiæ sphaeræ polos aliarum quidem proprios, Veneris autem, & Mercurij eosdem*) pergit tradere theoriam reliquorum errantium quinque syderum, secundum mentem Eudoxi, qui propriè Planetæ dicuntur: Sol autem, & Luna hoc nomine non est complexus, eo quod ipsa mereantur potius duo mundi luminaria appellari, quàm cum ceteris stellis in ordinem redigi. Reliquis igitur quinque errantibus singulis quatuor sphaeris attribuebat, quarum prima, & secunda eodem modo se habebant, ac in Sole, & Luna, etenim octaua sphaera, seu firmamentum, quod affixa sibi sydera differt communicabat, secundum ipsum reliquis inferioribus sphaeris motum suum peculiarem, videlicet diurnum, quo ab oriente in occidentem tota cæli machina conuertebatur. secundam eam facit, quæ Planetas omnes secundum Zodiaci longitudinem ab occidente in orientem vehebat, quæ pariter eodem modo se habet in singulis. Tertiã verò eam confinxit, cuius poli essent in eclyptica, in quibus cita, ab eclyptica vltro, citroq; dilataretur. Quartam demum posuit, quæ tertiã bifariam secaret, eamq; tali motu ciceret, ne ab eclyptica plus iusto versus mundi polos exorbitaret. porro in reliquis voluit polos tertij orbis esse peculiare, Veneri autem, & Mercurio eosdem esse, idest esse in eadem linea. Ex mente igitur Eudoxi cælestes orbis in vniuersum 27. numerantur, in Sole simul, ac Luna 6. in reliquis quinque errantibus 20. atq; octauæ sphaeræ 1. Non me latet, [has Eudoxi positiones, ob ratas posteriorum astronomorum obseruationes non subsistere. at verò hic non ipsius placita, sed præcipuè textus intelligentiam persequor.

236

Tex. 47. (*At Calippus situm quidem sphaerarum eundem Eudoxo ponebat, hoc est distantiarum ordinem. pluralitatem autem stelle quidem Iouis, ac Saturni eandem illi attribuebat. Solis verò, & Lune duas adhuc putabat sphaeras addendas esse, si quis eorum, quæ sensibilibus apparent, causas assignare debeat. Ceteris verò errantium vnicuique vnã. necesse verò esse, si debent omnes simul posita, quæ apparent reddere, secundum vnãquamq; errantium alteras sphaeras vna pauciores esse, quæ reuoluant, & ad idem positione semper primam eius astri sphaeram, quod inferius ordinatum est, constituent. hoc enim modo solum contingit errantium lationem omnia facere. Cùm igitur, in quibus ipsa quidem feruntur sphaeris, hæc quidem octo, hæc verò viginti quinque sint. horum sanè non oportet illas solas reuolui, in quibus fertur, quod infimè ordinatum est. quæ quidem duarum sphaerarum primas reuoluant, sex erunt. quæ verò posteriorum quatuor, sexdecim. cunctarum verò numerus, tùm earum quæ ferunt, tùm quæ reuoluunt eas, quinquaginta quinque. quòd si Lune, & Soli, non addat aliquis quos diximus motus, omnes sphaeræ erunt septem & quadraginta. pluralitas itaq; sphaerarum tanta sit) textum hunc per paraphrasim sic explico; Calippus igitur eundem quidem ordinem, atque distantiam sphaerarum cum Eudoxo ponebat: eandemq; pluralitatem orbium mouentium Saturnum, ac Iouem; quatuor nimirum vnicuique eorum. sed putabat soli duas addendas, ac Lunæ similiter, si quis eorum apparétias saluare*

saluare vellet. cæteris verò errantium, Marti, Veneri, & Mercurio vnicuique; vnā necesse præterea existimabat esse, vt prædictæ omnes sphaeræ simul apparentias omnes excusarent, addendas esse alias singulis planetis totidem sphaeras vnā minus; quas Reuoluentes appellabat; ita vt qui quatuor Mouentes sphaeras habuisset, tribus præterea reuoluentibus opus haberet: quæ sphaeræ reuoluentes id præstabant, vt quasi priores Mouentes ita in officio continerent, vt prior positioni astrum, quod inferiori orbi affigebur suo tempore restituerent, vt Alexander exponit. hoc enim solummodo possibile putabat omnes errantium lationes nos imitari posse. Cum igitur mouentes sphaeræ illæ quidem Saturni, ac Iouis sint octo; reliquorum verò viginti quinque, nam reliqui Planetæ quinq; singuli sphaeras quinq; mouentes habent, quæ omnes simul numerum viginti quinque; explent: quarum omnium solæ inferiores, quibus astrum affixum volebat, non indigebant reuolvente, sequitur duorum superiorum Saturni, & Iouis, quorum octo erant mouentes, sex debere esse reuoluentes. Inferiorum verò quatuor planetarum reuoluentes erunt sexdecim: sed hoc loco Arist. memoria fallit, deberet enim dicere, reliquorum quinq; planetarum reuoluentes erunt viginti, sunt enim planetæ septem, quorum Saturno, ac Ioui supremis sex reuoluentes attribuit habita ratione sphaerarum mouentium; reliquis igitur quinq; planetis habita ratione suorum orbium mouentium, 25. cum singuli habeant quinq; mouentes, habebunt ex præscripto Calippi singuli 4. reuoluentes; ac proinde 20. in vniuersum erunt reuoluentes. Omnium igitur sphaerarum tam mouentium, quàm reuoluentium summam ait, sed perperam, esse quinquaginta quinque; cum enim mouentes Saturni, & Iouis sint 8. reliquorum autem 25. reuoluentes verò Saturni, & Iouis sint 6. reliquorum autem, vt ipse memoria falsus ponit, sexdecim, constant quidem summam prædictam, sed illi in memoria reuocandus est, planeta ille, quem oblitus est, cuius sunt quatuor reuoluentes, qui prioribus additi sphaerarum errantium numerum quinquaginta nouem constituent: quibus etiam addenda est octaua sphaera, seu firmamentum, quod inerrantium sedes est, non enim solum errantium, sed omnium cælestium orbium numerum inuestigare volebat, sicq; essent omnes secundum Calippum sphaeræ sexaginta. Quod si Lunæ, & Soli non addantur singulis duo mouentes, vt facit Calippus, neq; consequenter quatuor illis debiti reuoluentes non erunt omnes, 55. verum, detractis octo prædictis, erunt tantum 47. seu vt melius loquatur non erunt in vniuersum, 60. sed 52. tantum. Hactenus de numero cælorum.

Ex Decimotertio Metaphysicæ.

S Vmma 1. cap. 3. (*Qui dicunt Mathematicas scientias nihil de bono, vel pulchro dicere, falsum dicunt. dicunt .n. & maxime ostendunt. nam & si non nominant, quia tamen opera, & rationes ostendunt, non ne dicunt de eis? pulchra namq; maxime species sunt, ordo, commensuratio & definitiū, quæ maxime à Mathematicis scientijs ostenduntur, &c.*) placuit hæc in Mathematicarum commendationem, ac defensionem apponere, cum non desint hac nostra tempestate ageometreti complures, qui eas libenter sugillare solent.

IN MECHANICAS QVÆSTIONES.

Quidquid Mathematicum in his quæstionibus occurret, illud, ut plurimum per paraphrasim exponemus, ita tamen, ut tex. Arist. & figuræ textui respondentes per eam, quantum fieri poterit restituantur, & si quæ se offerent difficilia, pro viribus solvantur. Est autem nonnullis in locis textus tam græcus, quam latinus adeo corruptus, ac deprauatus, ut nullo modo emendari queat.

Caput Primum.

Quæ sit artis Mechanicæ facultas.

238 **E**orum, quæ miraculo sunt, alia quidem natura contingunt, suntq; ea, quorum ignorantur causæ: alia verò sunt, quæ præter naturam per artificium aliquod ad hominum vtilitatem perficiuntur. in multis namq; natura ei, quod nobis vsui esse potest, contrarium facit, quod inde oritur, quia natura eundem semper, ac simplicem seruat modum: quod autem nobis vtile est, plurimas subit varietates. quando igitur quippiam præter naturam facere opportuerit, illud, quod faciendum est, difficultate sua nos remoratur, arteq; propterea indigemus. quamobrem eam artis partem, quæ huiusmodi succurrit difficultatibus, Mechanicam appellamus. Cæterum optimè Antiphon Poeta in hunc modum cecinit;

Arte superamus ea, in quibus à natura vincimur.

Quemadmodum accidit, cum minora superant maiora, & quæcunque exiguum vim habentia, magna tamen mouent pondera, & omnia ferè illa, quæ sub ea cadunt problemata, quæ mechanica nuncupari solèt. sunt autem hæc neq; naturalibus omninò quæstionibus eadem, neq; seingata valde: verum mathematicarum contemplationum, naturaliumq; communia. Postea in græcis codicibus hæc sequuntur (τὸ μὲν γὰρ ὅς διὰ τῶν μαθηματικῶν δῆλον: τὸ δὲ περὶ ὃ, διὰ τῶν φυσικῶν) idest, si quidem quomodo sint, seu qua ratione existant, manifestum est per Mathematica: illud verò circa quod versantur, hoc est obiectum, de quo pertractant Mechanicæ quæstiones per scientias physicas habetur, idest res naturalis est; est enim pondus, & vis, aut potentia pondus ipsum mouens, quatenus quanta sunt; siue dixeris est quantitas ponderum, atq; potentiarum. Mathematicæ enim mediæ, de quorum numero est facultas Mechanica, considerant quantitatem rei alicuius determinatæ, sic Astronomia circa cœlestium corporum, motumq; quantitates, Perspectiua circa linearum visuale; Musica circa sonorum quantitates versantur. quæ placuit annotare, ut scientiæ huius naturam perspectam haberemus.

De

De dignitatibus, admirandisq; Circuli proprietatibus.

Cap. Secundum.

CVM vellet Arist. mirabilium effectuum, quos in Mechanicis admiramur, causam referre in circulum: meritò ante omnia de admiranda ipsius circuli natura disserit, quo minus mirum deinde videatur prædictas mirabiles operationes ex ipso procedere. quandoquidem ex admiranda causa admirabiles effectus prodire debeant. qualia sunt ea, quæ circa vectem, cum magna omnium admiratione contingunt. videmus enim exiguam prorsus vim ingens pondus, quod absq; vecte minime mouere posset, addito etiam ipsius vectis pondere, facile quocunq; voluerit propellere. quod quidem auditu absurdum foret, nisi visu constaret. omnium autem huiusmodi causæ principium circulus obtinet: & hoc quidem meritò, ex admirabili enim, quippiam mirandum accidere rationi omnino consentaneum est.


Primo igitur maxime admirandum est contraria simul fieri, aut existere: circulus tamen ex contrarijs est constitutus, oritur enim circulus ex commoto, & manente, quæ quidem naturaliter sunt inuicem contraria. fit autem circulus ex commoto, & manente, quia oritur ex circumuolutione, vnius rectæ lineæ, cuius alterum extremum fixum manet, alterum verò circumagitur; quamobrem isthæ cernentes minus admirari cōuenit reliquas, quæ in ipso sunt contrarietates. cuiusmodi est hæc, quod cum lineæ, quæ circuli orbem complectitur, quæq; circumferentia appellatur, nullam habeat latitudinem, ei tamen contraria quodammodo insunt, concauum scilicet, & curuum; quæ quidem eo modo sunt contraria, quo etiam magnum, & paruum, horum enim medium est æquale; illorum verò rectum. & sicuti quando magnum, & paruum inuicem commutantur, ita vt quod magnum est fiat paruum, quod verò paruum fiat magnum, necesse est, vt perueniant ad æquale priusquam ad extremum alterutrum; ita lineæ curua antequam fiat concaua, debet prius fieri recta: & ex concaua, vt transeat ad conuexam, & circularem, debet similiter prius esse recta.

Alterum contrarium, quod circulo inest, est simul cōtrarijs motibus moueri: simul enim ad anteriorem mouetur locum, & ad posteriorem. & eodem modo lineæ illa, quæ ex vno extremo manens, ex altero verò circumlata circulum describit, se habet; contraria enim simul continet, primum, scilicet, & extremum. Ex quo enim primo loco circumagi incipit ad eundem rursus postremò reuertitur, ita, vt primum ipsius, & postremum idem sint; quapropter, vt prius dicebamus non est inconueniens, ipsum circulum miraculorum omnium esse principium. Admiranda igitur ea, quæ circa libram fiunt, ad circulum tãquam causam referuntur, quæ verò circa vectem ad ipsam libram: alia autem ferè omnia, quæ circa mechanicas contingunt motiones, ad vectem reducuntur.


Præter prædicta aliud tandem mirum ipsi inest, quia nimirum cum innu-mera sint puncta in vna eademq; lineæ, quæ semidiameter est, omnia tamen
quando

quando semidiameter circa centrum mouetur, quamuis cum ipsa moueantur, inæquali velocitate mouentur; Nam punctum illud semper velocius mouetur, quod remotius est à centro circuli, seu à manente semidiametri termino. & proinde illud tardius, quod centro proximius est. Atq; ex hac mira circuli proprietate, pleraq; miraculorum accidunt circuli motionibus, vt in sequentibus quæstionibus manifestum erit.

Quoniam autem secundum contrarias simul motiones mouetur circulus, & alterum quidem diametri extremum vbi A, in figura præsentī antrorsum mouetur; alterum verò vbi B, retrorsum, efficiunt nonnulli, vt ab vnica motionē multi contrariō simul moueantur denticulati circuli: vt sunt ij, quos in locis proponunt sacris, quorum alij sunt ænei, alij ferrei. si enim circulus A B, alterum circulum C D, contigerit, mota diametro A B, ita vt A, antrorsum eat, commouebit alteram diametrum C D, ita vt C, retrorsum, hoc est in contrarium ipsi A, veniat, in contrarium igitur mouebitur secundus circulus C D, ad circulum A B, & rursus circulus E F. in contrarium ipsi C D, commouebitur ab ipso C D, ob eandem rationem. eodem etiam modo si plures fuerint, idem facient vno solo tanquam primo motore cōmoto. hanc igitur circuli naturam animaduertentes Architecti, instrumentum artificiosè fabricāt, motus principium occultantes, vt machinæ solū manifestum sit illud, quod admirationem parit, causa verò lateat: quod genus machinarum Automata dicebantur, quia spontē à se ipsis mouebantur.




In primis igitur, quæ circa libram accidunt, dubitare faciunt, quamnam ob causam maiores libræ minoribus sint exactiores: huius autem rei principium est illud, quod supra innuimus, quod scilicet, quæ à centro plus distat linea, siue quæ longior est, eadem vi commota citius fertur, quam illa, quæ minus à centro distat, seu quæ minor est. Porro citius bifariam dicitur; siue enim in minori tempore æquale pertransit spatium: siue in æquali tempore, maius conficit interuallum; citius fecisse dicitur. si autem duæ lineæ circa idem centrum moueantur vna maior, & altera minor in æquali tempore; maior maiorem circulum describet, quam minor; quia circulus à maiori descriptus, alterum à minori delineatum circumplectetur, atq; intra se continebit; maius autem est continens, quàm contētum. horum autem causa, quoniam quæ circulum describit linea, duabus fertur lationib; quæ nullam inuicem obtinent analogiam: quod antequam probemus, sciendum est, quod, quidquid duobus motibus inuicem proportionatis, mouetur, necesse est, quod motu ex illis mixto progrediatur per lineam rectam, quæ diameter est quadrilateri, cuius latera habeant illam proportionem, quam duo illi motus. sit enim in figura proportio lateris A B, ad latus A C, quam etiam habent duo motus, secundum quos latum quodpiam feratur, sitq; latum illud A, & feratur motu vno versus B, per lineam A B, altero verò motu feratur versus C. quod fiet si cogitemus latus A B, descēdere versus M C, ipsi



ipfi æquidistanter, dum punctum A, mouetur ad B. his duabus lationibus A, latum. necessariò motu mixto progredietur per diametrum A M, quod sic probari potest; sit iam A, motum primo motu vsq; ad D, linea verò ex secundo motu sit in G F E, quo motu punctum A, quod erat in D, tractū erit in F. quod punctum est in diametro A M, quoniam enim mouetur duobus motibus, cum lineis A B, A C, proportionalibus, motus autem hucusq; sunt A D, A E, quæ debent esse proportionales, cum A B, A C. compleatur rectangulum A D F E, erunt similiter proportionalia F E, D E, cum sint æqualia duobus D A, A E, quare per 26. 6. cum quadrilaterum paruum A D F E, sit simile toti A B M C, erit A M, vtriusq; diameter, ergò punctum F, in quo est A, est in diametro A M. eodem modo, de quouis puncto in linea A B, ad quod A, perueniat, probabitur ab altero motu descendisse vsque ad diametrum. semper ergò latum A, per rectam A M, diametrum quadrilateri, cum illis motibus proportionalibus progreditur, quod probandum erat. è conuersò manifestum etiam est, quod si quid secundum diametrum duabus fertur lationibus, eas lationes esse proportionales lateribus quadrilateri, cuius est illa diameter, si enim illæ lationes non sunt lateribus proportionales, latum illud non feretur secundum diametrum illam, sed secundum aliam alterius quadrilateri.

Quod si quid duabus lationibus nullam habentibus proportionem perpetuò ferratur, impossibile est ipsum motu mixto lineam rectam describere. si enim dixeris illud posse describere rectam lineam, tunc circa rectam illam tanquam diametrum describam quadrilaterum, & postea ostendam, vt proximè ostensum est, illud latum esse secundum laterum illius proportionem, quare impossibile est id, quod mouetur duabus lationibus nullam inuicem rationem habentibus, ferri per lineam rectam: quapropter dicendum est hoc modo latū, necessariò ferri circulariter, siue per lineam circularem, Quod autem ea, quæ describit circulum linea, dum altero eius manente, extremo circumagitur, duabus simul feratur lationibus, ex quibus motus orbicularis oriatur, manifestum est ex superioribus, quia & antrorsum, & retrorsum impellitur: tum etiam, quia si recta tenderet recta describēs circulum, nunquam ad diametri perpendicularum perueniret, sed tamen peruenit, ita vt sit ipsa à centro perpendicularis diametro. sit circuli figura A B C D, in qua extremum diametri B, feratur ad alterum extremum vbi D, per ipsius diametri B D, circumuolutionem circa centrum F, necesse est aliquando B, perueniat ad C. si igitur B, feretur duabus lationibus aliquo modo proportionatis, v. g. vt est proportio lateris B E, ad E C, latus, sequeretur ex demonstratis ipsum B, ferri per rectā B C, quæ diameter esset quadrilateri B E C G. sed




quia

quia in nulla proportionē fertur, propterea per circulearem lineam BEC , progreditur ad C , ita ut ipsa diameter BD , in positione AC , fiat perpendicularis priori diametro BD . ex quibus sequitur eam moveri duobus motibus nullam rationem habentibus; quod erat intentum.

Hoc modo Arist. probare conatur, lineam circulum describentem, duobus ferri lationibus, quæ nullam habeant analogiam: Verum, ut liberè fatear nullo modo mihi videtur intentum assequi, nam neq; ex dictis patet, ipsam duobus motibus ferri, quibus opus esset: neque patet eos (quamvis concedantur) nullam inuicem habere analogiam: qui enim fieri potest, ut duo motus reperiantur, qui nulla se mutuo habitudine respiciant? Præterea si B , ferretur illis motibus, non sequitur debere moveri per lineam circulearem, cum præter lineam rectam sint plures curvæ, quæ tamen non sunt circulares, ut sunt sectiones parabolicæ, & lineæ spirales. Deinde pergit.

241 Ut autem causa appareat, cur ea, quæ à centro longior est linea velocius moveatur, siue quod in eadem semidiametro remotiora puncta à cetro velocius moveantur, ut supra dictum est, sciendum est, Quod si duo moveantur ab eadem potentia, quorum vnum à quopiam alio mouente plus repellatur à motu priori, alterum verò minus, rationi cōsentaneum esse, tardius moveri id, quod plus, eo quod minus impeditur; quod videtur accidere, maiori, & minori illarum, quæ à centro egressæ circulos delineant. quoniam enim propius est manenti eius, quæ minor est extremum, quàm extremum maioris, propterea plus à centro, cui propius est, retrahitur à priori motu, hincq; motus eius tardior redditur, idest, quia centro propius est; hinc fit, ut extremum illud describat lineam circulearem quidem, sed tamen curuiorem quam describat extremum longioris lineæ, quæ circulum minus curuum, seu magis ad rectam lineam accedentem delineat. omni quidem igitur lineæ circulum describenti istud accidit, ut duobus feratur motionibus; vna quidem, quæ illi naturalis, ac secundum circumferentiam, qua recta tenderet nisi impediretur: altera verò, quæ illi innaturalis, qua in transversum agitur, seu secus centrum, ob quam cogitur in gyrum duci, minor autem linea secundum hanc motionem innaturalem plus fertur, quàm maior, idest plus ipsius progressio inflectitur in orbem; quia enim est centro vicinior, quod quodammodo retrahit à motu naturali, propterea magis vincitur, quàm remotior. Quod ex his erit manifestum. sit circulus vbi BCE , & alter in eo minor, vbi $NMOP$, circa idem centrum A . & projiciantur diametri in magno quidem CD , BE , in minori verò MO , NP . & altera parte quadrilaterum compleatur $DKRC$. si igitur semidiameter AB , circumacta, describit circulum maiorem, reuertitur tandem ad locum BA , vnde digressa est. similiter MA , circumuoluta



redibit

redibit ad priorem positionem in MA . Tardius autem fertur MA , quam BA , ut dictum est, quia maior illi fit retractio à recta progressionem. Sit igitur linea AB , mota usque ad locum ALF , & à puncto L , ducatur LQ , perpendicularis ipsi AB , in minori circulo. & rursus ducatur LS , parallela eidem AB , & à puncto S , in maiori circulo ducatur ST , perpendicularis eidem BA , necnon FX . erunt igitur ST , LQ , latera rectanguli TL , æqualia per 34. primi. erit postea BT , minor quam MQ , quia æquales rectæ ST , LQ , ductæ à circumferentia ad diametrum perpendiculares in circulis inæqualibus, ea quæ est in maiori circulo minorem refecat diametri portionem, quam quæ in minori.

In quanto autem tempore ipsa AL , lata est per circumferentiam ML , in tanto temporis spatio in maiori circulo B , extremum ipsius BA , latum erit per maiorem arcum quam sit BS ; iam considerandum est motus utriusque lineæ in hoc casu æquales esse, sunt enim descripti per lineas æquales TS , QL , quæ sunt rectæ; tam enim linea BA , quam MA , naturali motu recta tenderet, ut dictum est, peragrassetq; illa rectam TS : hæc verò rectam QL . Verum lationes innaturales sunt impares, latio enim BT , brevior est MQ . quantitate autem BT , retracta est BA , à motu sibi naturali, & recto: quantitate verò MQ , retracta est MA , unde apparet motu hoc violento magis retractam esse minorem MA , quam maiorem BA , quod erat primo declarandum.

Quod autem ob id AB , maior celerius mota sit motu naturali, quam minor MA , palam fiet. quia enim oportet utramq; lineam maiorem, & minorem eadem vi motam, confecisse binos illos motus proportionales, idest ita se debet habere motus naturalis maioris ad motum innaturalem eiusdem, quemadmodum se habet motus naturalis minoris ad motum innaturalem eiusdem: Oportet ergo, ut si AB , & AM , sunt eadem vi commotæ, ut sit eadem ratio TS , ad QL , quæ est BT , ad MQ , non est autem, ut ostensum est; ergo linea AB , eadem vi commota, ac MA , conficit plusquam BS , sed necessario peruenit ad F . hoc enim in puncto erunt prædicti motus proportionales, ut oportet, erit enim motus naturalis in maiori perpendicularis FX , & innaturalis BX , in minori verò naturalis LQ , innaturalis MQ . quod si ducantur rectæ BF , ML , apparebunt duo triangula æquiangula BXF , MLQ , & erunt per 4. 6. ut FX , ad BX . ita LQ , ad MQ , & permutando erunt etiam ut FX , ad LQ , ita BX , ad MQ . idest, ut motus naturalis ad naturalem, ita innaturalis ad innaturalem. In alio autem loco præter F , non erunt eadem proportionales.

Ex quibus patere satis potest, cur AB , longior à centro velocius moveatur quam minor MA , seu cur puncta eiusdem BA , velocius vertuntur, quo longius absunt à centro A , idest maiorem arcum BF , peractum esse à B , quam sit arcus ML , peractus ab M , quod erat ostendendum.

Atque hic est discursus ille Arist. quo putat se causam aperuisse, cur longior semidiameter velocius moveatur: quod num rectè attigerit, non puto operæpretium esse hoc loco discutere, præsertim cum ad naturalem Philosophum spectet.

Mihi tamen maximè considerandum videtur hoc ipsum quod asseruit, &

V

ex se


ex se patet, remotiores scilicet partes diametrorum à centro velocius moueri, quàm viciniore; ex hac enim maiori velocitate sequitur maiore etiam vi moueri, vnde & potentia mouenti in extremo eius vis augebitur, & plus poterit quam sola sine veste, est enim vestis duæ semidiametri altera alteram longior; ex quibus fortè apparet vnde vestis vires oriantur.

His igitur tanquam huius Mechanicæ facultatis principijs positis, ad varias Quæstiones discutiendas accedit.

Q V Æ S T I O P R I M A De Libra.

242

C Vr autem maiores libræ minoribus sint exactiores, palàm est ex præmissis principijs. considerare enim oportet, quod in motu libræ describitur quidam circulus, cuius diameter sunt ipsa libræ brachia, centrum verò est spartum, siue trutina; hoc enim punctum in motu libræ manet: duo verò brachia sunt veluti duæ semidiametri à centro exeuntes, vt in figura cernere est, in qua centrum, siue spartum est vbi C, reliqua sunt manifesta. In eadem porrò figura libra maior sit A B. minor verò circa idem spartum C, sit F G. Iam vt præmissum est, eadem vi, vel eodem onere in lance B, posito, mouebitur velocius brachium libræ maioris, quàm minoris. sit maior translata ad locū D E, ergò commota est per arcum B E, vel A D. Minor autem libra acta esset per minorem arcum G I, vel F H, melius autem apparet arcus B E, maior, quàm minor G I, atq; hoc est, quòd maiores libras exactiores facit. hincq; etiam est, quòd nonnulla pondera in minimis libris adeò paruam brachiorum apertionem faciant, vt ægrè percipi possit; in magnis verò propter brachiorum longitudinem valde sensibilem efficiant. quædam verò benè, & in magnis, & in paruis apparent, sed tamen semper melius in magnis ob dictam rationem. Quamobrem machinantur ij, qui purpuram vendunt, vt pendendo defraudent, tum in medio libræ non ponentes spartum, vt hoc modo brachium ex vna parte longius factum facilius moueatur, & proinde à minori purpuræ pondere; tum etiam plumbū in lancem illam infundentes inquam merces imponitur, vel partem illam lancis, quam magis grauitare cupiunt ex ligno radici proximo, vel ex nodoso facientes: lignum enim, quod radici proximum est, graue admodum est, quemadmodum etiam nodus; quia nodus est quædam radix. Atq; hæc est huius primæ quæstionis paraphrasis.




Q V Æ -


QVÆSTIO SECUNDA

De Libra.


Cir si quidem sursum fuerit spartum, quando deorsum lato pondere, quis-
piam id amouet, rursus ascendit libra? Si autem deorsum constitutum
fuerit, non ascendit, sed manet? An quia sursum sparto quidem existen-
te plus libræ extra perpendicularum sit, spartum enim est perpendicularum,
quare necesse est deorsum ferri id, quod plus est, donec ascendat, quæ bifariam li-
bram diuidit ad ipsum perpendicularum, cum onus incumbat ad libræ partem tractam.



fit libra vbi recta BC, spartum autem
AD: hoc igitur sursum eiecto, perpendi-
culum erit vbi AD M. si igitur in ipso B,
ponatur onus, B, quidem descendet vbi E;
C, autem ascendat vbi H, quamobrem ea,
quæ bifariam libram secat, primò quidem
erit DM, ipsius perpendiculari; incumben-
te autem onere erit DG, quare libræ ip-
sius vbi EH, quod extra AM, perpendi-
culum est, vbi est DDH, maius est dimidio. si igitur amoueatur onus ab ipso E, ne-
cesse est H, deorsum ferri, minus enim est ipsum ED. si quidem igitur sursum ha-
buerit spartum, propter hoc ascendit libra. si autem deorsum fuerit, id quod sub-
stat, contrarium facit; plus enim dimidio fit libra, quæ deorsum est, pars, quàm
quod perpendicularum secet; quapropter non ascendit, pars enim eleuata leuior est.




fit libra vbi NG, perpendicularum autem
KLM, bifariam igitur secatur NG. im-
posito autem onere in ipso N, erit quidem
N, vbi O, ipsum autem G, vbi R; KL, au-
tem vbi KP, quare maius est LPO, quàm
LR, ipso PL. Ablato igitur onere, ne-
cesse est manere; incumbit enim, ceu onus
excessus medietatis in quo PL. Aduer-
te textum græcum esse mendosum, la-
tinum verò mendosissimum. Ego partim ex certa rei intelligentia, vti vi-
des restitui. Idemq; circa figuras præstiti. Porro quoniam Piccolomineus,
& si plurimum, vt ipse fatetur, insudauerit, non tamen solutionem huius
quæstionis est affecutus, eam tibi ex Mechanicis Guidibaldi tradam. Arist.
igitur ponit duas libræ species, siue potius duas eiusdem libræ positiones,
ynam, quæ habet spartum, siue perpendicularum supra; alteram, quæ infra.



vt in præsentī figura, sit libra BC, cuius
spartum, siue perpendicularum AD, sit sur-
sum, ita vt in puncto A, sit affixum perpen-
diculum, & circa idem punctum A, tan-
quam circa centrum tota libra circum-
uertatur. hæc est prima libræ collocatio. sit deinde libra BC, cuius spartum,
siue perpendicularum AD, sit deorsum, vt in altera figura, sitq; circa pun-
ctum

ctum A, tanquam circa centrū, aut axem ita fixum, vt ipsi libræ conuersio innitatur, quæ est altera libræ positio. Querit igitur, cur si in libra sursum habere perpendiculum, & centrum, ponatur ex vna



parte onus quodpiam, v. g. in parte B, vt in prima textus figura factum est, libra de primo situ B C, mouetur ad situm E H, sed tamen ablato pondere reuertitur sua sponte ad pristinum situm B C. si autem in libra, cuius perpendiculum, ac centrum deorsum sit, vt in secunda figura textus, pondus imponatur, ipsa quidem à situ B C, ad situm O R, transferretur; verumtamen ablato onere, nō amplius ad priorem positionem, vt prior, reuertitur.

Huic quæstioni, vt respondeat, tacite supponit omne graue tendere deorsum, hoc pacto, vt centrum grauitatis ipsius tendat per lineam rectam ad mundi centrum ab ipso grauitatis centro protractam, quam lineam Directionis Recentiores appellant. sciendum autem centrum grauitatis esse punctum quoddam in quolibet graui, ex quo si graue illud suspendatur, semper manet in æquilibrio, nec vnquam positionem respectu suarum partium mutat, quamuis ita suspensum huc illuc transferatur. Ita Pappus Alexandrinus initio octauī libri Mathematicarum collectionum. Totius igitur libræ absque onere centrum grauitatis esset circa punctum D, quod esset distinctum à centro circumuolutionis A. quod grauitatis centrum, semper quantum fieri potest, si nihil obstat, centro mundi appropinquat, & propterea facit, vt prior libra sine onere suspensa in A, in æquilibrio, atque horizonti parallela permaneant, stante enim D, centro mundi maximè propinquo, siue in loco humillimo, erit inter punctum A, & centrum mundi, ac consequenter in linea directionis. quæ linea directionis in prima figura textus esset eadem cum perpendiculo A D M, manente libra sine pondere horizonti parallela; in secunda autem figura textus coincideret pariter cum perpendiculo K L M, antequam libra ob impositum onus ab æquilibrio dimoueretur. per hanc enim lineam centrum grauitatis libræ, quod est propè puncta D, & L, tenderet ad mundi centrum, si libra liberè ad centrum mundi dilaberetur. his præmissis sic quæstioni satisfacit, & primò primæ parti, quando nimirum spatium supernè collocatum est. Ratio igitur, cur tunc libra amoto pondere ad horizontis æquilibrio reuertatur est, quia pondus libræ impositum in altera tantum libræ parte, grauitando impellit libram ad alium situm E H, ita vt maior pars libræ constituatur ex altera parte lineæ directionis prioris A D M, in qua etiam parte existit centrum grauitatis libræ ipsius, est enim circa D, quod centrum vi ponderis incumbentis in E, cogitur paulum ascendere, atq; contra ipsius naturalem inclinationem à mundi centro recedere, vt si in libra B C, appendatur onus in B, vt in prima textus figura; B, descendet ad E, & C, ascendet ad H, & centrum grauitatis D, paulum ascendet à centro mundi, & linea A D M, quæ libram bifariam secabat modo translato perpendiculo in A D G, non amplius eam bifariam secabit; sed libræ E H, maior pars erit vltra perpendiculum A D M, quæ maior pars est D D H.

Si igitur nunc onus amoueatur libræ E H, centrum grauitatis, quod est ad D,

ad D, remanet ultra priorem Directionis lineam; & quia pondus non amplius illi æqueponderat, grauitabit, & quia libra cum affixa sit ad A, nequit deorsum recta tendere, circumferretur circa A, trahente ipsam grauitatis centro, cum nihil obsit, donec iterum perpendiculum A D G, priori situi A D M, congruat: hac enim ratione centrum grauitatis, quantum potest, iuxta naturam suam descendet, libraq; ad pristinum æquilíbrij B C, situm restituetur. Si autem deorsum fuerit spartum in secunda figura textus, imposito pondere contrarium accidit, quia maior pars libræ, & in qua centrum grauitatis est, in tali motu descendit: altera autem pars minor, ac læuior sursum tollitur. & quia graue natura sua nequit ascendere, propterea ablato pondere non reuertitur ad æquilíbrium B C, cum centrum grauitatis ascendere nequeat, quod tunc oporteret.

Sit libra N G, in secunda figura, cuius perpendiculum, simulq; directionis linea sit K L M, quæ libram in prima positione diuidit bifariam; imposito autem onere in N. N, trahetur ad O, & G, ad R, & K L, vbi K P. quare maior est O L, in quo centrū grauitatis, & propterea grauior quàm sit L R: superat enim O L, ipsam L R, excessu duplæ P L, quod facillè apparet si ponatur tota O R, 10. & dimidia O P, & O R, 5. & P L, ponatur 2. erit enim, tunc O L, 7. & L R, 3. quæ hanc superat 4. duplo scilicet ipsius P L, 2. quare nescio cur Arist. dicat, ipsam O L, superare ipsam L R, solum quantitate P L. Quapropter etiam si onus auferatur, necesse est ibi libram manere, quia maior, & grauior ipsius pars deorsum est, nec potest natura sua laui-rare, vel ascendere, vt oporteret, si ad pristinum situm N G, restitui deberet. remanebit igitur in O R.

Ex his, quæstionis solutionem, textus explicationem, ac restitutionem habeto.

Aduertendum quoad secundam libram, ne simul cum Io. Baptista Benedicto in libro speculationum immeritò Arist. erroris arguamus: ipse enim, quia libram hanc non agnouit, ausus est affirmare, Aristot. hoc loco falsum prorsus dixisse, cum dixit libram sparto infimè collocato, non redire ad pristinam positionem.


QVÆSTIO TERTIA

De Vecte.

CVM textus tam græci, quàm latini mendis scateant, neq; hi textus maioris sint momenti, eos per paraphrasim explicabo, in qua tamen totus textus continebitur, atq; emendabitur. Cur exiguæ vires (quemadmodum à principio dictum est) adhibito vecte, maiora mouent pondera, quàm absq; vecte? contrarium enim videtur debere fieri, nam mouenti additur grauitas vectis, & ideò pondus augetur, ergò difficilior ipsum cum vecte, quàm sine eo mouere deberet.

Vectis porro est instrumentum oblongum, quo ad subleuandum graue, quodpiam vtuntur opifices, quod innititur cuidam fulcimento, quod græcè hypomoclion dicitur: hypomoclion autem oneri leuando, quantum fieri potest

potest proximum esse debet, vt vectis pars longior sit ad partes potentie mouentis. vt plurimum verò fulcimentum est inter pondus, & potentiam; aliquando etiam est ex altero vectis extremo, ita vt onus sit inter futuram, & potentiam; aliquando potentia est inter vtrunque, vnde tres vectis species existunt. vt in subiectis figuris apparet. In prima, vectis est A B, futura E, onus C, potentia autem seu vis, seu aliud pondus mouēs sit vbi D. quæ deorsum in D, præmens eleuabit sursum ex altera parte onus C. & vectis circa futuram E, tanquam centrum conuertetur. In altera figura pondus est inter futuram, & potentiam, futura autem in altera extremitate, vt patet in figura, hic autem potentia non præmit deorsum in D: sed sursum vectem eleuando pondus C, attollitur. In tertia tandem figura potentia, est inter vtrunque, est enim in D, ibique sursum vrget. verum tamen est hunc vectem artificibus esse inutilem, quippe qui nullo modo inuet potentiam, imò verò pondus ipsum grauius reddit: neq; hoc genere in his Mechanicis indigemus.



Respondet igitur dubitationi, dicens rationem huius incrementi potentie motricis, quod sit assumpto vecte forè inde oriri, quod vectis sit quædam libra, cuius alterum brachium sit altero longius; in prima autem questione explicatum est, cur libra maior, maiorem vim habeat, cum ad circulum reducendo; vectis autem sit libra, hypomoclion enim est loco sparti, tam enim spartum, quam hypomoclion veluti centra manent, quoniam verò ab eodem pondere, celerius, siue maiori vi mouetur linea, quantò longior à centro fuerit, vt dictum est de admiranda circuli natura; hinc fit, vt cum duæ sint in vecte potentie, siue duo pondera, mouens, & motum, illud facilius ac maiore vi moueat, siue vires ex vecte acquirat, quod longiorem vectis partem presserit. quemadmodum igitur pars vectis longior, quæ spectabat ad mouentem potentiam, superat minorem partem, in qua est motum; ita etiam maius est pondus motu, quam mouens. semper autem quanto ab hypomoclio magis distabit potentia, tantò facilius mouebit, cuius causa supra reddita est, quoniam nimirum, quæ plus à centro elongatur maiorem describit circulum, qui magis ad lineam rectam accedit: quare ab eadem potentia adhibito vecte, tantò facilius pars vectis mouens dimouebitur, quantò magis à fulcimento distabit. Exempli gratia sit in superiori prima figura vectis A B, pondus C, mouens D, hypomoclion E, in qua prædicta poteris contemplari. vltima illa textus verba (*Quod autem vbi D, mouens, vbi E, motum autem vbi C, pondus in G,*) videntur supernacanea, atque mendosè addita.

In hac questione respexit Arist. solùm ad primam vectis speciem. Illud demum, quod dixit eandem habere rationem potentiam ad pondus, quam partes vectis inuicem demonstratum est postea acutissimè ab Archimede, propo-

propositione 6. & 7. de æqueponderantibus : & nostra tēpestare alio quam-
nis modo, & vnica demonstratione à Guido Vbaldo in suis Mechanicis pro-
positione 1. de Vecte, quæ est huiusmodi ; Potentia sustinens pondus vecti
appensum, eandem ad ipsum pondus proportionem habet, quam vectis di-
stantia inter fulcimentum, ac ponderis suspensionem, ad distantiam, à fulci-
mento ad potentiam interiectam. quod de omni vecte ab eo demonstratur,
cuius propositionis sensus est hic ; in superiori prima figura si pars vectis
E B, fuerit, v.g. quadrupla partis A E; etiam pondus C, erit quadruplo ma-
ius pondere, seu vi in D, quæ ipsum C, ope vectis sustinet. quod etiam trans-
ferre debes ad secundam figuram.

QVÆSTIO QVARTA

De Remo.

EI, qui superiora intellexerit satis clara videtur. Illud tamen non- 245
omittendum, scilicet dicendum potius Remum esse vectem secundi
generis, quàm primi, quod fortè Arist. non animaduertit, nec Pic-
colomineus, nam mare est hypomoclion, respectu enim naus non
mouetur, sed manet, scalmus autem simul cum tota naui est pondus motum;
verè enim naus ipsa mouetur. mouens est ipse remex. Reliqua in textu
sunt clara.

QVÆSTIO QVINTA

De Temone Naus.

Quemadmodum in præcedenti quæstione Arist. vectem secundi ge- 246
neris ad solutionem non adhibuit, vt par erat, & propterea obscu-
rior euasit, ita etiam in præsentī, quæstionem ad vectem primi ge-
neris reducit, quæ ad alterum reducenda erat: atq; hinc obscuri-
tas, atque prolixitas solutionis manauit. Est enim propriè Temo, siue gu-
bernaculum naus, vectis secundi generis, vt mox explicabo, est enim temo



instrumentum in extrema naus parte, seu puppi affixum, vt in figura præ-
senti vides tabellam, in qua B C D,
cuius manubrium A B, intra nauim
recipitur, quæ tabella, seu temo in
duobus cardinibus, vbi C, & D, cir-
cumuertitur à Naus gubernatore,
manubrium vbi A, tractante; ex qua
conuersione nauigium, quò vult ipse
gubernator facillè dirigit, ipsumque
nauigium huc illuc quamuis adeò magnum ipse solus impellit, & agit. est
enim temo vectis, cuius auxilio vires mirum in modum augentur, nam to-
ta A B, est ipsa Vectis longitudo, cuius hypomoclion est mare, cui contra-
nitur

nititur tabella B E; onus autem est puppis, quod onus præsertim in cardinibus C D, mouenti resistit, & quod præcipuè mouere gubernator intendit. cum igitur motum onus sit intra vectis extrema, hypomoclion in extremo ad B E, vbi in motu temonis tabella mare vrget, quod minimè cedit, ipsaq; in hoc motu ferè maneat, & fiat quasi centrum, circa quod totus temo circumducitur, patet temonem esse vectem secundæ speciei, vt dicebam. quod etiam hinc patere potest, quia temo est veluti remus, cuius scalmus sint cardines C, D. sicut ergo remus est vectis secundæ generis, cuius pondus est scalmus, & mare hypomoclion; ita temo erit vectis eiusdem generis, cuius pondus erit vbi cardines, fultura verò mare.


Quærit igitur Arist. vnde nam tantas vires paruus nauis temo gubernatori suggerat, respondetq; propterea id contingere, quod temo vectis naturam obtineat, cuius inquit onus est mare, melius autem, vt dixi, dixisset onus esse nauim, mare autem hypomoclion, mouens autem est gubernator. Differunt autem remus, & temo, quamuis vterq; sit vectis, quoniam remus secundum latitudinem nauis, seu ad latera nauis mari obnititur. temo autem in directum ferè nauigij constitutus mare scindit. hinc fit, vt remus ad nauem antrorsum rectâ agitandam, gubernaculum verò ad eam in latera, & obliquè contorquendam idoneum sit. quoniam enim mare est hypomoclion, fit vt dum gubernator mouet ansam temonis in A, seu ad dextram, seu ad sinistram secum ad eandem partem trahat nauigium, quod temoni est connexum; ad cōtrariam tamen partem trahit ei, secundum quam mare impingit. atq; hoc pacto remus antrorsum, temo verò obliquè nauim agit.

Posthæc sequuntur huiusmodi verba (*In extremo autem, & non in medio iacet, quoniam moueri facillimum est ab extremo motum mouere: prima enim pars celerrimè fertur, quoniam quemadmodum in ijs, quæ feruntur in fine deficit latio, sic ipsius continui in fine imbecillissima est latio, imbecillissima autem ad expellendum est facilis, propter hæc igitur in puppi gubernaculum ponitur*) quorum sensus videtur difficilis, neq; græcus textus excusandus est, benè enim translata sunt. Piccolominaus quidem plura quàm Arist. fatur, sed non clariora. difficultas est in verbis illis (*Prima enim pars celerrimè fertur*) & in illis (*Sic ipsius continui in fine imbecillissima est latio*) videtur velle dicere, quod quando continuum aliquod proiectum fertur per aera, pars ipsius anterior ea est, quæ præ cæteris partibus principaliter mouetur, & ad cuius motum reliquæ posteriores tanquam subsequentes moueantur; quasi dicat tota vis lationis est in anteriori parte: siue ipsi impetus maior inest: videmus enim proiecta, quorum vna pars est cæteris grauior, quia ei parti melius imprimitur motus, eam etiam fieri anteriorem in latione, quamuis initio fuerit posterior. sic etiam quando graue fertur deorsum, dicimus ipsum ferri secundum centrum grauitatis ipsius, ibiq; maiorem vim grauitandi existere, sic in proiectis partem anteriorem dicere possumus esse, secundum quam totum continuum fertur: ibiq; totum esse impetum lationis, & propterea etiam maiori impetu, atq; celerrimè ferri: & consequenter partem posteriorem, quamuis priorem æqua velocitate consequatur, non tamen tanto impetu, cum ipsa ad alterius impetum moueatur, & propterea latio ipsius est admodum imbecillis.

Si quis

Si quis sagittam per aerem latam à suo motu vellet defletere, eam facilius in posteriore parte à suo cursu deuiaret, quàm in anteriore. hunc continui corporis motum continuo projectorum motui assimilat: quemadmodum enim motus projectorum in fine debilius lentescit: sic totum continuum in postrema parte segnius impellitur. Quia igitur navis est cōtinuum, quod vi remorum recta antrorsum fertur, & propterea maiore vi prora, quàm puppis, facilius est à suo directo cursu nauem defletere, eam in puppi, quàm in prora commouendo. hac igitur de causa, gubernaculum puppi affigitur. quæ quidem ratio, & quantum valeat, & an naui quadret, & num bene sit explicata, physicorum est iudicare.

Ego tamen aliam huius rationem video, quia nimirum si temo in priorī parte esset, quando à rectitudine ipsius navis ad dextram, aut ad sinistram esset inclinandus, tunc quia aqua in vnam tantum ipsius partem, seu faciem tota impingeret, in eam scilicet, quæ antrorsum respiceret, eam aqua retrorsum simul cum tota naui auerteret, sicq; totam nauim inuerteret, ita vt prora, cui adhæreret temo extrema fieret. impetus igitur aquæ, & nauigij temonati, cogit temonem esse postremum non primum, nec medium. atq; hinc oritur necessitas eū posteriori parti affigendi. subdit postea aliam eiusdem rationem, quia nimirum parua motione facta in puppi multo maius interuallum cogitur mutare prora; nam idem angulus, quo eius lineæ sunt longiores, eò maiorem subtensam sibi lineam respicit, quod facili in



adscripta figura intueri licet; in qua duæ lineæ AB, AC, continent angulum A, cui angulo subtenduntur tres lineæ parallelæ FG, DE, BC, quarum BC, maxima est, quia ibi maiores, siue remotiores sunt ab angulo A, duæ rectæ AB, AC, ipsum continent, quod Geometricè per 4. 6. probari potest. sic etiam facta motione, vel


parua in puppi, tota navis transfertur ad alium situm, ita vt prora multum aliò transferatur, quod non accideret, si eadem motio fieret ad medium nauigij. propterea igitur aptissime puppi gubernaculum connectitur.

Ex iisdem etiam rationibus mathematicis patet, cur magis antrorsum procedit nauigium, quàm remi ipsius palmula retrorsum: eadem enim magnitudo, iisdem mota viribus in aere plus, quàm in aqua progreditur. Sit igitur AB, remus, G, verò scalmus. A, autem in nauigio sit remi initium. B, verò in mari palmula. si igitur A, vbi D, transferatur, per rotum spatium AD, non permeabit tantumdem spatij B, vsq; ad E. BE, enim ponitur æqualis ipsi AD, sed minus interuallum propter resistentiam aquæ ex suppositione percurrat, quale est BF, quod minus est quàm AD, quare etiam linea BG, abbreviabitur, eritq; veluti FY, quæ etiam erit minor ipsa DG, quæ facta est DY, propter duo similia triangula DYA, BYF, similia autem triangula sunt ea, quorum anguli vnius sunt æquales angulis alterius, quo posito sunt etiam latera vnius proportionalia lateribus alterius, vt patet ex prima definitione 6. necnon ex quarta eiusdem demonstratione. hæc

X

quidem

quidem duo triangula sunt similia, & rectè concluditur F Y, minus esse quàm D Y, sed tamen non videntur ista propositum ostendere, quod erat, plus nauim procedere, quàm palmulam retrocedere. Fateor quidem textum hunc esse obscurissimum,




idq; propterea fortè, quia est admodum corruptus, præsertim circa characteres, qui corrigendi sunt uti nos facimus. nescio qua ratione Piccolominius videatur sibi locum hunc explicasse. Forsitan addenda sunt nonnulla hoc pacto; cum initio remigationis ponamus remum in situ A B, in fine verò primæ impulsione in D F, scalmum verò circa medium remi in G, primo; ultimo erit etiam circa medium D F, ubi H, quare scalmus translatus est à G, ad H, totaq; G H, perficit, quam deberet Aristot. ut sibi constaret probare esse maiorem ipsa B F, quam palmula obiuit, & consequenter probasset nauigium plus processisse, quàm palmula recesserit: quod proposuerat. Verum hoc non demonstrat; neq; ex præmissis deduci potest. postea subdit (*Stans autem erit medium ubi est G, in contrarium enim ipsi, quod in mari est, extremo B, procedit, ubi extremum in nauigio est A, non procederet autem ubi est D, nisi commoueretur nauigiū, & ed transferretur ubi est remi principium*) ubi in textu mendosè legitur C, pro G.

Sensus porro horum verborum est hic; si remus circa scalmum G, verteretur, & tamen naus ab eo non propelleretur, sed staret, tunc medium nauis maneret ubi G, per motum enim remi impellitur in contrarias partes ipsi palmula B, quæ est in mari, quia sequitur motum alterius extremi A, manubrij scilicet remi, qui est in naui: quod autem nauigium à remo moueatur, signum est, quia manubrium A, non procederet ubi est D, nisi pariter cum remo nauigium illorsum consequeretur. Hæc quidem Arist. circa motum nauigij imperfectè admodum nisi textus corruptionem causetur, dixisse videatur. Quapropter operæpretium me facturum existimo, si Petri Nonij acutissimi Mathematici, subtilissimas, scituq; dignissimas in præfens problema anotationes hoc loco descripsero, ex quibus perfectè, ac mathematicè toti huic quæstioni fit satis, quæ sic se habent.

*In Problema Mechanicum Arist. de motu Nauigij
ex remis, annotatio Petri Nonij.*

CUm olim discipulis nostris mechanicas Arist. quæstiones interpretaremur, nonnulla circa problema illud annotauimus, cur magis procedat nauigium, quam remi palmula in contrarium. Aristot. enim ratiocinatio obscura est; quam nos tamen, ut aliquid lucis haberet, ad hunc modum explicauimus; & propter materiæ similitudinem hisce nostris libris de nauigandi ratione adiunximus. Supponit autem ipse auctor remi palmulam retrocedere, quoties nauigium in anteriora progreditur,

ditur, locumq; scalmi, super quo circulari motu remus vertitur, in medio ipsius remi positum esse, ut scilicet tantum distet à manubrio, quantum à palmula. Duæ itaq; rectæ lineæ ponantur æquales AB , & DE , quæ quidem in C , puncto medio se inuicem secant, & connectantur AB , & DE : remus autem in initio vnius remigationis positionem habeat rectam lineam AB , sitq; A , manubrium; B , palmula; C , verò scalmus. Cum igitur A , remi caput in fine ipsius remigationis eò translatus fuerit D , non erit B , ubi E ; si



enim ibi fuerit; remus igitur positionem, habebit rectam lineam DE ; & quoniam contraposti anguli, qui ad C , æquales sunt, & duo latera AC , & DC , trianguli ADC , duobus lateribus BC , & CE , trianguli BEC , æqualia etiam sunt: reliqui igitur anguli, atq; bases ipsorum triangulorum æquales erunt per 4. propositionem primi libri Euclidis, & propterea tantum spatium percurrat B , quantum A : scalmus verò C , immotus omnino erit: & nauigium idcirco, in quo ipse scalmus, immotum etiam erit contra hypothefim. supponitur enim in quæstio-

ne, quòd nauigium illa remigatione in anteriora moueatur, remi verò palmula retrocedat. Scalmus porro quamquam circularis remi motus expers sit; motu tamen nauigij commouetur. Remus igitur positionem habeat in fine ipsius remigationis rectam lineam DZ , quæ quidem rectam AB , secet in T , inter B , & C ; rectam verò BE , in Z . Et quoniam duo coalterni anguli CAD , & CBE , æquales ostēsi sunt, & angulus ATD , contraposito BTZ , æqualis est: duo igitur triangula ATD , & BZT , æquiangula erunt per 32. primi, & communem sententiam. Similia itaq; erunt ipsa triangula, lateraq; habebunt proportionalia per 4. 6. sicut AT , ad BT , ita DA , ad BZ . Maior est autem AT , quàm BT : maior igitur DA , quàm BZ , quod etiam per cōmunem sentētiā neglecta triangulorū similitudine concludi potest.

Maius itaq; spatium decurrit manubrium, quàm remi palmula, atq; illuc transuehetur nauigium, quò remi capulus deportatus fuerit: nauigium igitur in diuersa procedens, plus spatij, quàm remi palmula transmittet. Vtimur autem tralatione, atq; demonstrationis figura Victoris Fausti. Aduertendum est tamen, quòd cum remus positionem habuerit DZ , remi palmula erit infra Z . Nam quoniam trianguli ADC , duo latera AC , & DC , æqualia posita sunt: duo igitur anguli, qui ad D , & A , æquales erunt: angulus igitur ADT , angulo DAT , maior erit: & idcirco latus AT , trianguli ATD , latere DT , maius erit per 19. primi. Aequalis porro ostensus est angulus BZT , angulo ADT , præterea angulus DAT ; angulo TBZ , æqualis: angulus igitur BZT , angulo TBZ , maior erit, & propterea latus BT , trianguli BTZ , latere TZ , maius erit: tota igitur recta linea AB , tota DZ , maior erit: & idcirco cum remus positionem habuerit rectam lineam DZ , palmula erit vltra Z . Esto igitur in K , & connectantur rectæ lineæ BD , & BK : spatium igitur decursum ab ipsa palmula non erit BZ , sed BK : quod

X 2

quidem

quidem minus etiam ostendemus esse ipso DA . Nam quoniam duo latera BD , & DK , trianguli BDK , duobus lateribus BD , & DE , trianguli BED , æqualia sunt, sed minor est angulus BDK , angulo BDE : minor igitur erit basis BK , base BE , per 24. primi, quod demonstrandum erat


Præterea, quod Arist. ratiocinando sumit tantum spatium conficere nauigium, quantum remi manubrium, ambiguum est. Nam remi manubrium duabus fertur motionibus: una propria, circulari; super scalmo: altera verò, qua una fertur cum ipso nauigio. spatium igitur, quod omnino decursum est à remi manubrio, eo quod à nauigio confectum est, maius erit. At si paria spatia decursa esse intelligat à remi manubrio motu proprio, & à nauigio, neque hoc difficultate caret. Nam nauigium interdum maius spatium percurrat, interdum minus, iuxta remigum vires, & prout mari remi palmula immersa fuerit: remi verò manubrium tametsi ab exiguis viribus moueatur haud minorem tamen ambitum describet, quam si à multo maiore virtute moueretur. Quapropter, ut huiusmodi Arist. sententiam examinarem, Theoremata, quæ sequuntur, demonstrauimus.

PROPOSITIO PRIMA.

Si Remiges nauigium mouere possunt, maius semper spatium remi manubrium percurrit, quàm nauigium.

Sit enim remus AC , manubrium A , scalmus B , qui propter nauigij motum spatium percurrat à B , in D , in quo loco ipse remus AC , situm reëitudinis habeat EF . Spatium itaque, quod A , conficit, curua linea sit AE , cui recta linea respondeat AZ , in rectam EF , perpendicularis. Nauigium verò idem spatium conficiet, quod scalmus B : aio igitur ipsam AZ , rectam lineam, recta BD , maiorem esse. secet enim recta AC , rectam EF , in G : æquiangula sunt igitur bina triangula AGZ , & BGD , quapropter sicut AG , ad BG , sic AZ , ad BD , per 4. 6. libri Euclidis: maior est autem AG , ipsa BG , & maior igitur erit AZ , quam BD . & proinde maius spatium remi manubrium percurrit, quàm nauigium, quod demonstrandum erat.

Quod si à puncto B , rectam lineam vtrinque ducamus HK , ad remi mensuram, rectos facientem angulos cum BD , rectamque AZ , secantem in I , manifestè intelligemus ipsam rectam AZ , consistere ex AI , & IZ , quarum prior respondet curuæ AH , quæ motu proprio manubrij descripta est; posterior verò æqualis est rectæ BD , quæ motu nauigij decursa est.




PRO-

PROPOSITIO SECUNDA.

Si remi manubrium motu proprio, & nauigium, æqualia spatia pertranſierint, fieri non poterit, vt palmula moueatur: ſed veluti centrum immota manebit.

Eſto iterum remus A C, manubrium A, ſcalmus B: tantum autem ſpatium conficiat nauigium, quantum motu proprio A. Dico, quod C, remi palmula immota manebit. Nam ſi a loco ſuo dimota fuerit: ſpatium igitur permeet C D, ad poſteriora: quo quidem decurſo, remus A C, poſitionem rectitudinis habeat F D, ſcalmus itaq; B, tranſlatus erit in G. Excitetur autem à puncto B, in vtramq; partem linea E B R, ad



rectos angulos ſuper B G, & à puncto A, recta A H, ſuper D F: itemque à puncto E, recta C E, ſuper E R; ipſarum verò rectarum linearum E R, & A H, ſectio fit in K, ſed C E, & D F, fit in Z, & quoniam A K, id ſpatium eſt, quod motu proprio remi manubrium permeauit, curuilineo enim reſpondeat A R, recta autem B G, id ſpatium eſt, quod nauigium confecit: ipſæ igitur rectæ lineæ H K, & B G, æquales erunt. Atqui in duobus æqui-angulis triangulis E B C, & B A K, vel per 26. propoſitionem primi Euclidis, vel 4. 6. æquales eſſe concludes A K, & E C, rectas lineas: quapropter æqualis erit E C, rectæ B G, per communem ſententiam: eidem autem B G, æqualis eſt E Z, in parallelogrammo, per 34. propoſitionem ipſius primi libri: æqualis igitur erit recta E Z, rectæ E C, pars totæ, quod eſt impoſſibile. Et propterea immota manebit palmula C, quod erat à nobis oſtendendum.

PROPOSITIO TERTIA.

Si remi manubrium motu proprio duplum confecerit ſpatium, quàm nauigium, tantum prouehetur ea remigatione nauigium, quantum palmula retroceſſerit.

Remus enim incipiente motu poſitionem habeat A C, deſinente, verò rectitudinis ſitum F G. ſcalmus igitur B, propter nauigij motum, ſpatium conficiet B D. Excitetur à puncto B, in vtramq; partem perpendicularis E Z, in quam veniant à punctis A, & C, ad rectos angulos rectæ lineæ A E, & C Z: ſpatium autem A E, à manubrio decur-

C. ipsa nauigij celeritate versus K; celerius igitur ferretur C, ad K, quam ad I, quapropter nihil vnquam retrocedet ipsum C, imò verò in vltiora progredietur, spatiumq; decurret C K, quod quidem relinquitur detracto I C, ex I K. si enim remi palmula tota ipsa nauigij celeritate moueretur, vltra K, progredieretur, cum B, perueniret ad D: sed retrahitur interim, propter eum motum, qui fit circa B. Sic igitur palmulæ celeritate, quæ à motu nauigij prouenit retarda, decursum spatium erit C K. Videtur autem solo remorum impulsu hoc fieri non posse, sed alia insuper virtute impellente opus esse, vt venti, vel aquæ.

Ex his Theorematis liquet, inquit Nonius, quàm incerta interroget Aristoteles, & quàm inscitè respondeat. Nam non continuò si nauigium in anteriora mouetur, remi palmula retrocedet; neque etiam si retrocedat, minus spatium transmittit in contrarium, quàm nauigium progrediat. Demonstrant hoc secunda, & tertia propositio. Remi verò manubrium motu proprio, qui circa scalmum fit, & vnà cum nauigij motu maius spatium conficit quàm nauigium. solo autem proprio motu, si contingat tantum spatium conficere, quantum nauigium, fieri non poterit, vt palmula moueatur. frustra igitur conatur in vniuersum demonstrare remi manubrium maius spatium decurrere, quàm palmulam in contrarium. Præterea quando nauigium lōgius progreditur, quàm remi palmula regrediat, minus spatium decurrit, quàm manubrium: igitur non æquale. Et proinde constat neque veritatem in proposito, neque demonstrationem in ijs, quæ congerit, reperiri.

Hucusque Petrus Nonius:


Reliqua huius textus vtinam quemadmodum sunt clara, ita etiam vera essent: sed quia quæ modo dixit de remo, eadem temoni applicat propterea ijsdem etiam obnoxia sunt difficultatibus.

Q V Æ S T I O S E X T A

De Antenna.

248

Q Værit cur quanto Antenna sublimior fuerit, ijsdem velis, & vento eodem celerius ferantur nauigia. Respondet inde id prouenire, quia malus, siue arbor naus in huiusmodi ventorum impulsu vectis euadit, cuius auxilio idem ventus, qui mouens est, maiorem vim acquirit, quanto longior fuerit pars vectis, quæ inter hypomoclion, & vim mouentem intercipitur: quando autem altior fuerit antenna, tunc ea vectis pars longior euadit, & propterea accedit, vt vires ventorum augeantur. sed ista melius in figura inspiciamus. sit naus A B, cuius arbor C D E, antenna F C G, velum F G H, vectis est arbor, cuius fultura est in E, extremo mali in fundo naus, onus autem in D, vbi malus exit è carina. mouens potentia est ventus, qui mouet in antenna F C G. quanto igitur sublimior est antenna, tanto longior euadit vectis E C, tantoq; maiores fiunt venti vires. dixi autem onus esse in D, quia si naus vento obfisteret, ipsa inuertetur hac ratione, vt puppis A, eleuata, prora B, demergeretur, manente veluti



veluti centro parte E. quia verò ob maris liquiditatem nauis minimè obfistit, sed facile cedens à ventis vrgetur, hinc fit, vt meritò dixerim pondus nauis esse ad D, fulcimentum verò ad E.

Quæstio septima, & satis per se clara est; neq; Mathematici est eam exponere.



QVÆSTIO OCTAVA
De Rota.

Cur ex figurarum genere quæcunque rotundæ sunt, & circulares facilius mouentur?


T Ribus autem modis circulum rotari contingit; aut enim secundum apsidem, siue curuaturam centro simul moto, quemadmodum plaustrorum rotæ vertuntur: aut circa manentem axem, tanquam centrum veluti rotulæ illæ, ex quibus trochlea componitur; vel quibus ad puteos vtimur, quæ quidem rectæ ad horizontem solent constitui. aut quemadmodum rota figuli, quæ pariter circa manens centrum gyatur, sed quasi prostrata horizonti æquidistans collocata est. Quæ igitur primo modo mouentur, fortè facilius quam figuræ rectilineæ, vt sunt triangulares, quadratæ, pentagonæ, &c. mouentur, quia circulares figuræ parua sui parte, & quasi in puncto planum, seu pauimentum contingunt, vnde fit, vt neq; offensent, neq; impingant; cuius causa est, quia à terra semotus est angulus, id est tali angulo planum contingunt, vt ab eo statim rotæ curuatura à terra eleuari incipiat, & propterea parum terræ hareat: in figuris verò rectilineis, in quadrata. v.g. secus accidit, quia ab angulo ad angulum linea recta tenditur, vnde in ipsius volutatione post contactum vnus anguli tota recta linea sequens, plano adaptabitur, & non semouebitur statim in altum, & ideò multum offensabit, & impinget, tardeq; idcirco mouebitur. Præterea circulares etiam, si cui obuiam fiunt corpori, illud similiter secundum pusillum tangunt: rectilineæ verò figuræ, rectitudine sua, plani multum contingerent. Ad hæc motor mouens huiusmodi rotas, eas mouet, quò nutant: nam quando rota erecta est super pauimentum, diameter ipsius, quæ à contactu pauimenti ad angulos rectos, ad supremum,

Y

rotæ

rotæ perducitur totum rotæ pondus in duas æquas partes diuidit, ita vt tale pondus in æquilibrio constitatur, cum ex vna parte tantum sit, quantum ex altera; ex quo fit, vt vel exigua vis ipsam impellere valeat: quando enim duo æqualia pondera sunt in æquilibrio, quælibet vis potest ea ab æquilibrio dimouere. quando postea rota est in motu, vel cum primum ei motus fuerit à motore inditus, semper nutat ad partes illas, ad quas primum fuit incitata per impressam motionem, quapropter nullo negotio ad easdem partes, seu antrorsum mouetur; quò enim vnumquodq; vergit, illuc facillimè fertur: quemadmodum è contrario difficillimum est in contrariam nutus sui partem vnumquodque pellere. Huc etiam pertinet, quod nonnulli dicunt, circuli nimirum periphæriam perenni versari motu, atq; hinc facilius moueri. sicuti etiam dicunt, quod manentia propterea manent, quia contrariuntur, & obsistunt mouenti: quod fortè dicebant propter maximam circuli ad motum aptitudinem. & quia sicut diameter ad diametrum, ita maioris circuli periphæria ad minoris periphæriam (vt postea ostendam) & quia quo lógior diameter est, eò facilius, vt initio probaui, mouetur, fit vt etiam periphæria maioris facilius, quàm minoris moueatur, siue dixeris, quod angulus maioris circuli ad angulum minoris nutum quendam habet; & quia facilius mouetur angulus maioris, quàm minoris, fit, vt maior rota adhibeatur ad minorem mouendam: & quia intra maiorem infinitæ circa idem centrum concipi possunt, hinc fit, vt rotæ maiores facilius moueantur, & motæ moueant ceteras intra se contentas. quod dictum est de nutu anguli maioris circuli ad angulum minoris ex apposita figura facillè patebit, vbi pro minore angulo intelligendus est arcus C B, pro maiore autem arcus D E, quorum vterq; vocatur angulus, quoniam angulo A, qui est in centro opponuntur. Atque hæc sufficiant de ijs, quæ primo modo mouentur.


Nunc adea, quæ reliquis duobus modis cieri solent, quæ scilicet non mouentur secundum apsidem, sed aut iuxta planitiem, idest, quæ æquidistanter pavimento collocantur, vt rotæ figulorum, aut quæ in loco à terra eleuato, vt troclearum orbiculi. rotæ hæc facilius ipsæ, & ea etiam, quæ ipsis annectuntur commouentur, quam si rectilinea figura constarent; non quia parua sui portione vel tangant planum, vel offendent, sed ob aliam inclinationem, de qua initio huius operis ante quæstiones dictum est, vbi diximus circulum duas inclinationes ad motum obtinere, secundum quas à motore mouetur; vna est, quam diximus naturalem, qua solet cieri secundum periphæriam, motor enim semper mouet circulum in periphæria, & secundum hanc inclinationem extremum diametri recta, non circulariter moueretur: hanc inclinationem fortè habet à materia grauitante, & in ipso circulo constituta in æquilibrio: quæ autem in æquilibrio, facillimè cedunt; & qui talia mouent, quasi prius mota mouent, & ideo facillimè. Secundum igitur inclinationem hanc, quæ in obliquum est, idest, quæ secundum circumferentiam fit, ipsam rotam mouens facillimè mouet. altera latio est, secundum quam circulus



culus à seipso secundum diametrum mouetur, idest circa suum centrum retrahit continuo extrema diametri, ne recta secundum naturalem lationem ferantur, sed in orbem circulariter circa centrum gyrentur. hæc Arist. Restat vt satisfaciam promissis.

Dictum est ab Arist. in textu (*Sicut diameter ad diametrum, ita maior circulus ad maiorem*) quæ verba intelligenda esse non de circulis, sed de periphærijs, vti exposui, manifestum est ex 11. proposit. 5. Pappi Alexandrini, quæ talis est: Circulorum circumferentiæ inter se sunt vt diametri. quam etiam Pater Clavius demonstrat proposit. 2. lib. 3. & proposit. 1. lib. 4. Geom. pract. si autem de ipsis circulis intelligerentur falsa essent, non enim est circulus ad circulum, vt diameter ad diametrum; sed circuli sunt inter se, quemadmodum à diametris ipsorum quadrata per secundam 12. Elem. quadrata autem sunt inter se in duplicata ratione laterum per 20. 6. eiusq; corollarium; hoc est si fiat, vt latus maioris quadrati ad latus minoris, ita latus minoris ad aliam tertiam lineam, erit quadratum maius ad minus, vt latus ipsius ad tertiam illam lineam; non autem vt ad latus minoris. cum ergo circulus sit ad circulum, vt quadratum diametri ad quadratum diametri, & quadrata non habeant rationem laterum, seu diametrorum prædictorum, sed illorum duplicatam, neq; circuli inuicem illam habere poterunt.

Illud demum non ignorandum, quod Guidus Vbaldus proposit. 1. de Trochlea, demonstrat, quod nimirum potentia sustinens pondus per rotulam, cui funis supernæ fuerit circumductus, qualis ea est, qua ad hauriendam ex puteis aquam vtimur, talis inquam potentia est æqualis ponderi; cuius ratio est, quia tunc trochlea sit vectis, cuius fulcimentum est in medio vectis, pondus verò, & potentia in extremitatibus sunt, & æquidistant ab hypomoclio, & propterea cum sit eadem proportio ponderis ad potentiam, quæ distantia ad distantiam, vt supra quæst. 3. probatum est ex Archimede, & Guido Vbaldo, distantia autem sint æquales, erant etiam pondus, & potentia æqualia, idest, si pondus esset vnus libræ, sustineretur à tanta vi, quanta opus est ad libram vnā sustinendam, & non amplius. vt autem clarè appareat vectis in trochlea, & hypomoclion, & æquales distantia, sit figura, in qua



pondus D, ductario funi D C B E, alligatum. potentia sustinēs E. axis autem erit diameter rotulæ B A C, nam potentia premit rotulam in B, & pondus in C, & cum rotula sustineatur in A, à suspensorio F A. erit punctum A, hypomoclion, quia in motu vectis euadit centrum, estq; punctum manens. æquales autem distantia vtrinq; ab hypomoclio sunt B A, A C, sunt enim ex centro eodem. ex quibus manifestum est huiusmodi rotulam nullam vim mouenti addere, sed solum illud præstat, vt omne tollat impedimentum, quemadmodum ait Arist. manifestum etiam est maiorem vim quamlibet, quam sit ea, quæ sustinet, posse idem pondus sursum mouere. hæc & præsentī loco, & sequentibus lucem afferre possunt.

Y 2

QVÆ-

QVÆSTIO NONA

De Trochleis, & Scytalis.

250

C Præea, quæ per maiores circulos tolluntur, & trahuntur facilius, & citius moventur? veluti per maiores trochleas, quàm per minores, & scytalas similiter? An quanto maior fuerit illa, quæ à centro est, in equali temporis spatio maius spatium conficit? quamobrem equali inexistente onere, idem faciet, sicuti diximus maiores libras minoribus exactiores esse; spatium enim in illis centrum est: partes verò libræ vtrinque à spatio sunt veluti lineæ ex centro. Cum textus huius quæstionis satis clarus sit, præsertim si prius legantur, quæ dicta sunt de libra in prima quæst. & quæ de rota, & trochlea in proxima præcedenti, à paraphrasi ipsius supersedebam. Illud tamen, quod magis necessarium est, non omittam, ut scilicet difficultatibus quibusdam occurram. Et primo, quod Arist. ait, ea quæ per maiores circulos veluti trochleas, seu rotulas trahuntur, facilius trahi, quàm ea, quæ per minores, non videtur ex omni parte verum. nam sicuti in præcedenti quæstione ostensum est ex Guido Vbaldo, trochlea simplex, siue rotula illa striata, cui funis supernè inditur, ut in superiori figura; nullas addit vires potentia, quia reducitur ad vectem, cuius fultura sit in medio ipsius. siue igitur rotula illa magna fuerit, siue parua, semper in talem vectem resolvetur, & propterea, ut etiam experientia constat eodem labore aquam hauriunt, siue rotula illa magna fuerit, siue parua. nec minus vera videtur responsio, cum ait (*An quia quanto maior fuerit illa, quæ à centro est, in equali tēpore maius mouetur spatium*) quæ quidem vera sunt, si intelligantur hoc modo, nimirum, quod quando plures circuli concētrici, atq; inuicem connexi fuerint, ita ut vnus sine alijs moueri nequeat, tunc quanto maior fuerit diameter, & consequenter circumferentia, tanto velocius mouebitur. si autem intelligantur de duobus circulis ab inuicem separatis, quorum vnus absq; altero moueri potest, ut fit quando vtimur modo rotula magna, modo parua ad aquam hauriendam, non videntur vera, in quo sensu manifestè loquitur Arist. Quapropter ut sincerè loquar, nunc nescio, qua ratione Arist. ab errore excusare valeam, alijs fortè occurret.

Secundo loco videndum quid sint scytalæ. Ut autem constat ex sequenti quæstione 11. scytala erat instrumentum quoddam vectorium, quod rotas, sicut currus, aliter tamen factas, habebat. porrò *σκυτάλη*, idest scytala inter alia significat baculū, siue lignum oblongum, ac teres, qualia ea sunt, quibus vtimur in succulis, vulgò Naspe; & in axe in peritrochio, ut videre est apud Guidū Vbaldum. hinc factum est, ut apud Lacædemonios scytala significaret quoddam genus epistolæ, quam scytalem laconicam dicebant, quia in charta instar zonæ oblonga, & circa scytalam, hoc est circa bacillum quendam spiratim circumuoluta exarabatur; ita ut versus scripturæ secundum furculi longitudinem ducerentur, ex quo fiebat, ut per iuncturas membranæ, literæ, ac verba procederent. membranam hanc ex scytala reuolutam, & aliter complicatam Imperatori mittebant. resolutio autem mem-
brana

branz literas truncas, atque mutilas reddebat; cum partim continerentur citra iuncturas, partim ultra: eaque partes, quæ simul fuerant scriptæ, & continuatæ, post resolutionem erant ab inuicem valde dissitæ. quapropter Imperator commenti totius conscius, eandem membranam scytali alteri priori omninò simili, æqualiq; eodem modo, quo prius circumponebat, sicq; iuncturæ priores redibant, quæ literas, ac verba mutila, & imperfecta in integrum restituebant, ut facillè legi possent. hoc illi utebantur secreto, cum literas ad Imperatores suos missas, hostibus occultas esse volebant.

Ex quibus conijcere licet scytalam fuisse lignum oblongum, & teres, siue ut Geometræ dicunt, Cylindrum; in cuius tamen extremitatibus essent margines duo aliquantulum prominentes, ceu binæ rotæ, cum ipso tamen continuæ, & connexæ, ut cum ipso simul conuoluerentur; non tamen tanquam circa axem. cuius hanc accipe figuram. Quærit igitur Arist. cur huiusmodi scytalæ facilius moueantur, quo maiores ipsarum sunt rotæ. Cui quæstioni simul, iisdemque verbis, quibus quæstioni de maioribus rotulis respondet, sed non satisfacit ob eandem rationem, quam ibi attuli. Crediderim tamen maiores scytalas, & maiores curruum rotas, & alia id generis, quæ volutantur, ita ut motu progressiuo mutant locum, facilius moueri, sed ob aliam causam, quia nimirum maiores rotæ minus si quid obuiam fiat, offendant, quia sua magnitudine quemlibet obicem facillè superare possunt; cuius causa est angulus acutissimus, quem cum terra facit; at verò exigua rotæ, si cui maiori obstaculo obuierint, ipsum nequeunt superare, aut superascendere, quia angulum cum terra faciunt iusto maiorem, unde facillè ipsorum cursus inhibetur, ipsæq; propterea præ maioribus tardiores euadunt. Atque hæc in hanc quæstionem dicta sufficiant.

QVÆSTIO DECIMA

De libra vacua, & alijs similibus.

Cur libræ quæ omni incumbente pondere sunt vacuæ ab imposito pondere facilius mouentur, quàm si quopiam inexistente pondere aliud rursus onus superaddatur. similiter etiam rota, & huiusmodi quippiam, quod grauius quidem est, difficilius commouetur quàm læue, v. g. rota ferrea difficilius, quàm lignea, similiter quæ maiora sunt, etiam si ex eadem materia consent difficilius mouentur quàm minora, ut rota maior ferrea, quàm minor etiam ferrea. Habet hæc quæstio tres partes, quibus Arist. respondet dicens, quod graue est ægrè moueri non solum contra nutum suum, id est sursum, sed etiam in obliquum, seu ad latera, quia grauius deorsum nutat, non sursum; nec in transversum: ideo libræ cum onere, quia sunt grauioræ, & rota ferrea quàm lignea, & ferrea etiam maior, quàm minor grauior est, idèò difficilius agitatur.

Contra quam responsionem sic fortè obijcies; in præcedenti enim quæstione

stione dictum est ab Arist. maiores trochleas, & scytalas, minoribus facilius commoueri, hic autem dicit maiorem rotam difficilius quam minorem moueri. Hanc obiectionem Piccolomineus dissimulasse videtur, cui ego, ingenuè fateor, me satisfacere nescire, vt enim in præcedenti annotaui, nulla mihi ratio Arist. excusandi occurrit, alijs fortè occurret. In præsentia autem benè quidem respondet, sed tamen intimam rei causam non attingit.

Sciendum igitur est id, quod Guidus Vbaldus in tractatu de libra pluribus demonstrauit: quod si quoduis graue suspendatur prorsus in cetro grauitatis, ita vt in perfecto sit æquilibrio, tunc siue magnum, siue paruum, siue graue, grauiusue fuerit, à quauis exigua vi poterit ab æquilibrio dimoueri. cur ergo in libris, & rotis grauioribus, aut maioribus experiètia contrarium ostendit? ratio est, quia hæc omnia communiter non collocantur, ita vt circa centrum suum, quod etiam centrum grauitatis est, conuerti possint: verum aptantur circa axem, & quidem iusto maiorem, laxiusque circa ipsum conuertuntur, vnde fit, vt ipsa ob insitam grauitatem premant axem in superiori parte, vnde quando ab aliquo gyrentur, non propriè gyrent, sed in superiori axis parte hærentes ipsum atterunt; ex qua attritione fit, vt retardentur, idq; eò magis, quo grauiora magis premunt; hærent, difficiliusq; propterea raptantur potius, quam gyrentur.

Ex his, & textus, & ratio Aristotelis satis clara redduntur.

QVÆSTIO VNDECIMA

De Scytala, & Curru.

252

C Vr super scytalas facilius portantur onera quam super currus, cum tamen currus magnas habeant rotas, scytalæ verò pusillas?

Quidnam scytala esset explicatum est in 9. quæst. Quo autem modo per scytalas onera portètur, sic, accipe: existimo binas scytalas inuicem æquidistantes, & aliquantulum semotas inuicem sic disponi, vt efficiant instrumentum vectorium currus instar, & fortè veteres utebantur his scytalis eo modo, quo nunc architectores vtuntur duobus illis lignis longis, ac rotundis, quæ vulgò dicuntur Ruccioli.

Respondet igitur id accidere, quia rotæ scytalarum simul sunt cum suo axe compactæ, ita vt simul cum ipso rotentur: rotæ autem curruum, quia seiunctæ sunt ab earum axe, ita vt sine illius rotatione ipsæ voluantur, fit vt illæ firmitus incedant, nec huc, illucq; nutent, veluti rotæ plaustrî: neq; illæ ad ipsum axem offensusent, quemadmodum istæ. addit aliam rationem, quia currus nimia oneris grauitate premens rotas ipsas ferè sistit, quod scytalis non accidit, cum rotæ ipsarum vnum, & idem cum suo sint axe. quæ ratio quantum valeat, nescio, nam quamuis rotæ scytalarum non premantur ab axe, premitur tamen axis ipsarum ab onere, à quo similiter sisti deberent scytalæ.

Crediderim ego facilius portari magna onera per scytalas, propter ipsarum firmitatem, currus enim ipsorumq; rotæ sunt multò debiliores, neque maioribus oneribus sufficiunt. Concludit postea quæstionem dicens, quia igitur

igitur scytaalæ ab ipso onere non ita premuntur quin moueri melius possint
quàm currus, imò ab ipso onere iam commoto, ipsæ quoque incitentur, &
præterea à potentia per planum infernè, benè substratum, & complanatum
trahantur, sit, vt quasi in duobus locis ipsarum rotæ impellantur ab onere
supra, & à potentia infra; sicque facilius quàm currus ingentia præsertim
onera vehunt.

De Funda.

QVÆSTIO DVODECIMA.

Non videtur declaratione indigere.

QVÆSTIO DECIMATERTIA


De Iugo, & Succula.

Declarandum prius quid sit hoc loco iugum: est igitur iugum li- 253
gnum illud cylindricum, quod vulgò dicitur Subbio. quorum bi-
na ponuntur in ea machina textoria, quam vulgò dicunt Telaio,
quasi telarium, eo quod in ipsa telæ texantur. alteri autem iugo
conuoluitur stamen: alteri verò contexta iam tela subinde cum opus est cir-
cumponitur: quæ duo textores faciunt ipsa iuga conuertendo. quæ vt faci-
lius conuertant, iugis vtrinq; inserunt per bina foramina binos collopes.
qui collopes sunt duo ligna oblonga satis gracilia vnius vlnæ ferè in longi-
tudinem; quibus appræhensis, motisq; iugum facillè versatur, quanto autem
collopes sunt longiores, facilius iugum circumagitur, cuius causa est, quia
collops ad vestem reducit, cuius fultura est circa medium iugi, pondus
verò est extima iugi superficies è qua telæ, aut staminis pondus pendet: in
altera verò extremitate collopis, quæ extra iugum multum prominet, est
potentia: ibi enim textoris manus premit, vel trahit. quando ergò longior
est collops, ea pars, quæ est inter fulturam, & vim, augetur; altera non mu-
tata; quia semper inter fulturam, seu centrum iugi, & vltimam iugi super-
ficiem continetur; quanto autem illa hanc superat, tantum virium po-
tentia addi.

Secundò, videndum quid sit succula: hanc vulgò Naspæ appellant, ni fal-
lor à verbo græco ἀναστάνω, oriunda, quod sursum extrahere significat. cum
quo, & voce, & significatione conuenit; est enim instrumentum, quo sapius
architectores in extrahendis sursum ruderibus effossis vtuntur. est autem,
compago quædam cylindrica non admodum longa, cui ex vna parte potis-
simum prominent plures collopes non mobiles, vt in iugo, verum stabiles,
ac cum ipsa succula compacti, quibus manu appræhensis succula supra bi-
nos polos versatur, eiq; interim ductarius funis circumuoluitur, secumque
sursum pondus educit. cuius imaginem qualemcunq; inspicere. quærit igitur,
cur quanto gracilius fuerit corpus succulæ A B, tanto facilius vertitur.
Ratio est, quia collops, quemadmodum etiam iugum, reducit ad vestem,

cuius

cuius hypomoclion est in medio succulæ, siue in axe ipsius succulæ; potentia verò est in summitatibus collopum, vt in C, E, F, D, pondus verò est vbi funis ductarius cum onere pendet è succulæ in superficie nimirum, vt vbi L, quare pars vectis inter axim, & superficiem succulæ eadem est, quæ inter hypomoclium, & pondus. quanto igitur succulæ corpus gracilius fuerit, tanto hæc pars minuetur; & consequenter altera inter hypomoclium, & potentiam productior euadet: eaque propter facilius à motore versabitur.



De ligno ad genu fracto.

QVÆSTIO DECIMA QVARTA.

Satis per se clara videtur.

QVÆSTIO DECIMA QVINTA


De Umbilicis.

254 **N**Otandum primò, quæ Græcis *Kροναι*, idest Crocæ dicuntur, Latinis Umbilicos appellari; de his enim loquitur Cic. 2. de Oratore, vbi sic, non audeo dicere de talibus viris, sed tamen ita narrare solebat Scevola, conchas, eos, & umbilicos ad Caietam, & ad Lucrinum legere consueuisse. hos autem umbilicos exponunt Grammatici esse lapillos paruos, ac rotundos, politosque, de quibus etiam Arist. loquitur. Quare decipitur Piccolomineus dum negat, nos harum crocarum latinum nomen habere. Caterùm, & quæstio, & responsio, ex superioribus satis perspicua esse videntur.

QVÆSTIO DECIMASEXTA

De ligno oblongo.

255 **E**X apposita figura totus huius problematis textus, alioquin satis clarus patebit. sint duo ligna oblonga, vnum altero longius, & crassius. in elevatione maioris, fulcimentum est in B, vbi manus altera ferè manens apprehendit; in C, verò, vbi altera manus mouens premit est potentia, siue maius onus. in A, verò onus ipsius ligni, deorsum tendens premit, quod nunc est instar potentia motricis, quare A, & C, sunt sibi inuicem, & potentia, & pondera. In minori autem ligno, onus ligni in D, futura



futura manus in E, potentia alterius manus in F. iam inquit Arist. maius lignum ABC, magis flectitur, quamuis crassius sit, quam lignum DEF, quod est tenuius, sed multò breuius; quia in maiori onus ipsius ligni, quod circa A, deorsum premit lōgius distat ab hypomoclio B, quam in minori ligno. Ex quo sequitur iuxta ipsius principia, ut onus A, facilius lignum mouere, aut inflectere possit.


Ceterum existimo, quod si maioris ligni longitudo ad eiusdem crassitiem haberet eādem proportionem, quam minoris longitudo ad eiusdem crassitiem; sicq; vtrumq; esset ab hypomoclio in eadem ratione diuisum, fore, ut vtrumq; eodem modo inflecteretur, quia haberent pondera eandem rationem ad distantias ab hypomoclio, oportet igitur ut sint non analoga, sed aloga, ut eis præsens problema Aristotelis vnā cum eiusdem solutione competat.

QVÆSTIO XVII.

De Cuneo.

CUr paruo cuneo magna finduntur onera, & corporum moles, adeoq; valida sit impressio? fortè, quia cuneus duobus vectibus sibi inuicem oppositis constat; quorum vterque, & potentiam mouentem, & hypomoclion, & pōdus habet. hypomoclion autem illud ipsum esse ait, quod cuneo diuellitur; hoc autem dicit Aristot. quia non agnouit alium, præter primi generis vectem, ut supra etiam dixi.

Verum fatius est cum Guido Vbaldo reducere cuneum ad duos secundi generis vectes, quorum futura sit in cunei apice extremo, pondus verò intra vectem, ea nimirum pars ligni, quæ à cuneo vrgetur, ac diuellitur. cuneo præterea vires adduntur ex valida mallei percussione; malleus autem ipse magna vi percutit, quia motus mouet, seu quia mouens malleum, mouet ipsum etiam dum est in ipsa latione, vnde ipsa lationis celeritate malleus sit valentior: hocq; modo paruos cunei vectes maiores consequuntur vires,



quàm ipsa vectium magnitudo postulet. sit cuneus ABC, lignum autem scindendum DEFG, vectesq; duo sint AC, & BC, quorum commune hypomoclion est in C, onus autem vectis BC, est pars ligni G, hæc enim ipsi contrahitur, atq; ab eo expellitur. potentia verò mouens vectem est in malleo, dum superius latus cunei AB, percutit. alter huic auersus vectis est latus AC, cuius futura est C, eadem cum priori, onus propulsatum D,

Z

poten-


potentia cum altero communis est in latere A B, à malleo validè percussio: cunei igitur virtus partim ex vectibus; partim ex percussione constat.

Q V A E S T I O X V I I I . De Trochlea.

257

H Vius quaestionis sensus, ac verba optimè intelligentur ex sequentibus. Trochlea, ut patet ex superioribus Arist. est orbiculus in periphæria striatus, vna cum toto loculamento, cui inseritur: cuius imaginem ad 8. quaest. exhibui. Apud Architectores verò trochlea constat saltem ex duobus prædictis loculamentis, in quibus sunt orbiculi; & vnus orbiculus est supernè collocatus, alter verò infernè, ut patebit in sequenti figuratione: quod instrumentū nunc vulgò dicitur Taglia, à nonnullis dicitur etiam Rechamo. Auxilio huius instrumenti machinatorum parua vi attollunt ingentia pondera. communiter autem constat ex pluribus orbiculis, qui partim superiori loculamento, partim inferiori inditi sunt, per quos orbiculos certa lege circumductus est ductarius funis, qui deinde in sui postrema parte à potentia tractus omnes illos orbiculos, per quos transit circumuoluens inferius loculamentum, cui appensum est pondus, vna cum pondere attollit. figuram simplicis trochleæ, constantis scilicet ex duobus tantum orbiculis, facilitatis causa exhibebo, in hac enim melius apparebit, qua ratione trochlea ad vectem reducatur. vnde, & Arist. sensum, quamuis obscurissimum, ac proinde problematis solutionem optimè percipere licebit. Sit igitur orbiculus superior A, qui in pegmate I K L D, voluatur circa axem G, sitq; pegma istud superius fixum, & immobile à clauo H, pendens. Inferior orbiculus B, in loculamento O P Q R, circa axem S, conuoluatur: sitque funis ductarius circa hos orbiculos hoc modo circumductus. primo caput funis religetur clauo D, in superiori pegmate, infixo, hinc demissus subtus inferiorem rotulam per ipsius striam descendat per puncta L S, ascendatque postea per M E N, ad superiorem rotulam, supra quam ascendat per punctum T, descendatq; ad V, & inde demittatur ad potētiam F. Tam si quepiam potentia in F, traxerit funem F V, deorsum, interim, partes T, N, E, M, sursum attrahentur, & loculamentum inferius simul cum appenso pondere eleuabitur, manente tamen interim fune prope D, vbi clauo D, est religatus, & immobilis. sed vbinam hic vectis? considera diametrum M L, inferioris orbiculi, hæc enim ea est, quæ

vectem



vectem gerit. huius enim extrema L M, à fune tanguntur, & ab eius medio B, onus pendet, & grauitat; & quia funis in M, sursum trahitur, secumq; ex parte illa sursum eleuat diametrum L M, erit potentia mouens, & eleuans in M. pondus verò intra vectem ad B, medium vectis; quare fulcimentum erit in reliquo extremo L, vbi funis sustinet loculamentum, & vbi diameter, seu vectis innititur. quare diameter hæc est vectis secundi generis expositi. aduerte præterea vectem hunc esse mobilem, simul cum fulcimeto, quia dum ex parte M, sursum tollitur simul cum toto orbiculo, ac loculamento, subsequitur etiam alterum extremum L, quod fune fulcitur, & in ipso fune sursum versus D, ascendit; & hoc modo inferius tignum cum onere tandem ad superius tignum sublatum erit. hinc verum dixisse Arist. constat, trochleam scilicet idem esse, ac vectem. quod tamen de solo inferiori orbiculo intelligi debet, superior enim rotula quamuis vectis fiat, non tamen vires vllas potentia tribuit, cum eius hypomoclion sit in medio, quemadmodum supra ad 8. quæst. exposui. Inferior igitur ille est, qui mouenti maximo est adiumento. quod si scire aueas quantum iuuat, respondeo ipsum vires potentia duplicare; adeo vt si quatuor. v. g. homines erant necessarij ad pondus tollendum, auxilio huius simplicis trochleæ duo tantum sufficiant. quod si addantur duo alij orbiculi, vnus superior, alter inferior, rursus vires duplicabuntur, eritq; vnus tantum homo necessarius. quod si plures alia rotula tam supernè, quam infernè addantur, vt solet in maioribus trochleis, quas veteres Polyspastos, idest multum trahentes dixerunt, augebuntur vires in infinitum. quod dixi de virium duplicatione constat ex 6. & 7. propositione Archimedis de Aequip. quia enim in vecte nostro L M, dupla est proportio inter L M, & L B, eadem etiam proportio erit inter pondus, & potentiam, quare pondus C, duplum erit potentia in M, hoc est à minore potentia sibi subdupla sustinebitur: & à quauis adhuc quantumcunq; maiore eleuabitur.

Qui plura de trochlea desiderat, adeat Guidi Vbaldi, *Mechanica*, cuius auxilio fateor me verum sensum harum *Mechanicarum* Arist. & præsertim huius loci enucleasse. quæ si cum Piccolominei expositione contuleris, videbis eum nequaquam cognouisse, vbi nam vectis in trochlea lateret, eumque tam superiorem, quam inferiorem rotulâ æquè vectem facere; in quo etiam Io. Baptista Benedictus pariter errasse videtur in suis speculationibus, cum inferiores tantummodo vice vectium fungantur, vt probatum est.

Atq; ex his satis mihi videtur textus, ac sensus Arist. illustrari.

QVÆSTIO XVIII.

De Securi.


Partim ex se, partim ex dictis in 17. quæst. satis clara est. placet autem his, quæ de cuneo, & securi dicta sunt, nonnulla ex Guido Vbaldo loco corollarij adijcere, videlicet. Ad huiusmodi facultatis instrumentum ea quoq; omnia commodè referri possunt, quæ percussione, siue impulsu incidunt, diuidunt, perforant, huiusmodiq; alia obeunt munera; vt enses, gladij, mucrones, secures, terebræ, & similia: ferra quoq; ad hoc reducitur, dentes enim percutiunt, cunei; instar existunt.

Z 2

Additio


Additio de veteri Securi, & Bipenne.

Libet etiam huic tractationi de securi nonnulla addere, quæ olim occasione ex Proclo accepta in tenebris diu delitescencia in lucem restituiamus, sunt autem hæc. Primò, antiquæ securis, necnon bipennis figuram restituam. Secundò, ostendam angulum securis, qui curvilineus est, æqualem esse angulo trianguli æquilateri, qui rectilineus est. Proclus igitur in comm. 23. primi Euclidis, sic ait: ostensum fuit ab antiquis, scilicet Geometris, quod angulus figuræ illius, quæ securi similis est, æqualis est angulo rectilineo, quippe qui duabus tertijs anguli recti æqualis est. hanc anguli securis affectionem, cum nec ille, nec alij, quod sciam demonstrent, ego paulò post demonstrabo. deinde subdit; fit autem huiusmodi securalis figura, quæ pelecoides vocatur duobus circulis per centra se mutuò secantibus. hæc Proclus. Ex his autem postremis verbis descriptionem antiquæ securis, sic puto eruendam. Ducatur primo recta AC, quæ erit instar manubrij securis. deinde ex centro C, intervallo. v. g. CB, describatur circulus BF; similiter eodem intervallo BD, ex centro D, describatur circulus BE; tandem ex B, centro, atque eodem intervallo ducatur alius




circulus DEEC, qui priores duos secabit in punctis EF. cōsideremus iam, reliquis circulorum partibus omissis, curvilineam figuram BEF, quam esse veteris securis formam ex sententia Procli non est dubitandum, cum circulis se mutuò per centra secantibus constituatur, ut vult ipse, & præterea habeat angulos EF, tantos, quantos ipse tradit, ut mox patebit, linea autem ABC, securis manubrium refert.

Quod autem tam angulus E, quàm angulus F, sint æquales duabus tertijs unius anguli recti, siue quod idem est angulo trianguli æquilateri, manifestum erit hoc modo. Describatur iterum securalis figura prædicto modo, sitq; ea ABC. ducantur præterea ad singulos angulos tres rectæ AB, BC, CA, quæ constituunt triangulum æquilaterum ABC, tria enim ipsius latera subtendunt tres arcus æquales AB, BC, CA, sunt enim tres sextantes æqualium circularum, ut facillè colligi potest ex 15. 4. ex quo etiam sequitur tres illas circularum portiones, quas rectè cum suis arcubus constituunt esse inuicem æquales, & similes portiones nimirum ABE, BCD, CAF. hinc præterea sequitur angulos ipsarum esse inuicem æquales, angulos, v. g. ABE, CBD, mixtos esse æquales, quod facillè est per imaginariam superpositionem demonstrare. cum igitur prædicti duo anguli sint æquales, sitque inter eos medius alius angulus EBC, qui pariter mixtus est, si ipse addatur tam angulo CBD, quàm angulo ABE, inuicem æqualibus, erunt duo anguli ABC,



ABC, rectilineus, & EBD, curvilineus æquales. ille autem est angulus æquilateri, qui æqualis est duabus tertijs unius recti ex corollario 32. primi. hic verò est angulus securis. est igitur angulus securis æqualis duabus tertijs unius recti, vt ait Proclus, quod demonstrandum erat. quod etiam manifestum signum est securis figuram à me restitutam esse illam veterem, de qua idem Proclus loquitur.

Restat, vt de antiquæ bipennis etiam figura differamus; quæ nihil aliud erat, quàm duplex securis, siue securis anceps, qualis est præsens figura, vt




propterea etiam sapius bipennis ipsa securis appelletur. dicitur enim bipennis, quasi binis pinnis, quæ secures erant, constet, vt & Græcis *διπτερος* dicebatur. teste etiam Nonio, illud bipenne est, quod vtrinque acutum est. collegi autem vtrunque hanc bipennis figuram ex Simmiam

peruētusti poetæ græci epigrammate, quod Simmiam securis appellatur. quod epigramma carminibus loco linearum constat, quæ in securis formam constituta sunt.

Sciendum namque est Simmiam, poeticam hanc securim concinnasse in gratiam Epei illius, qui equum Troianum ligneum fuerat architectatus, vt est apud Virg. Et ipse doli fabricator Epeus. qui cum soluendi voti causa, vellet securim, siue bipennem, qua in equi Durij molitione vsus fuerat, Mineræ Deæ, quod sibi in eo opere faciendo auxilio fuisset, dedicare, eamque vt Arist. in libello de admirandis audit. num. 104. narrat, in templo græcæ Mineræ, quod erat in Gargaria Italiæ Regione propè Metapontum, suspendere, à præfato Simmia quæsiuit, vt epigrammate aliquo dedicationem hanc suam complecteretur. qui vt illi morem gereret ingeniosæ illius bipennis dedicationem, vt melius imitaretur, securi hac carminum complexus est. quæ dedicatio, siue epigramma, quod adhuc extat, deinceps securis Simmiam vocitata est; ex qua figura bipennis illius, equi Durij fabricatricis nobis adhuc magna cum voluptate innotuit. Porro gratum, atque ad ea, quæ diximus intelligenda vtile Lectori fore arbitrati sumus, ipsam Simmiam bipennem ex operibus Theocriti, quibus addi solet, huc referre; quam P. Ricardus Esius de nostra Societate linguæ græcæ peritissimus, in hunc modum transtulit. hoc autem ordine legenda est: lectio à manubrio

incipiat, deinde legatur carmen; fortissimæ Deæ, quod subsequatur; dedit Epeus, & sic in orbem lectio, vsque ad medium circumducatur. hæc sunt, quæ præsertim in gratiam eorum, qui suauissimo antiquitatis studio tenentur, latere nolui.



Simmia

*Simmiæ Rhodij
Bipennis.*

Quā Bion inclitis cecinit Dis, qui reperit Rhodi cū esset, multiplicia solus metra carminis.


Dedit Epheus securim, qua quodā
Dis extructarū turri disturbavit verticem,
Dardani dardum evertit funditus Reges,
Seda fontib. purū reportabat inglorius,
Quæ tuæ græ, cæ, multo cō illi Pallas
Propria circumdaxeris
Semper redolebit.

Fortissima Deæ dono Phocæus robustissimi innēti gratiam referens Minervæ
Tunc cum fato ignifero urbem concremavit
Nōdū numerat. iter Prīcipes Pugnatōres populorū
Nunc verō Homeri ingressus est viam
Ter beatus, quem tu animo
Hic felicitatem.

QVÆSTIO XX.

De Statera.

ANtequam ad textus explicationem accedamus, consultius esse iudico veteris stateræ figuram, atque descriptionem præmittere, quam ex hoc Arist. loco, magna mihi licuit cum delectatione colligere: quod etiam antiquitatis studiosis pergratum fore non dubito: atq; hinc etiam ineptas, atq; adscititias textus huius figuras tanquam adulterinas rejicere; inq; earum locum veras restituere licebit. erat igitur statera, quantum ex Arist. conjicio primum hasta oblonga, qualis est in præsentī figura A B, ex cuius altero extremo B, pendeat appendiculum, quod propriè æquipondium dicitur: ex altera verò extremitate



A, lanx vna pendeat; in qua carnes, aliaue merces ponderabantur: in media deniq; hasta paribus intervallis plures trutinæ, ex quibus singulis modo hac, modo illa, prout pondus emptoris postulabat suspendebatur, atq; interim tantum mercis lanci imponebatur, donec æquipondio præponderaret in æquilibrio. singulæ autem trutinæ ad aliquod determinatum pondus trutinandum, erant constitutæ, v. g. vna ad sex libras, altera ad octo, &c. quam diuisionem, ac fabricam stateræ non est difficilè exhibere, cum ex Archimede propos. 6. & 7. de æquip. eadem sit proportio inter pondus mercis, & pondus æquipondij, quæ est permutatim inter distantias vtrinque ab assumpta trutina, quæ in trutinando hypomoelij vicem gerit: nam statera reducitur ad vectem; pondus erit æquipondium; & merces in lance erit potentia mouens: sunt autem in tota stateræ hasta trutinæ plures, hoc enim modo tota fit vniformis quoad pondus. æquipondium præterea debet habere tantum pondus, quantum est in nuda lance, vt sic tota statera sit per se sola æquilibrabilis; & præterea debet habere pondus statum, ac legitimum, v. g. vnus libræ, aut duarum, aut trium, prout magis trutinandæ merci idoneum erit, & hoc erit proprium æquipondij pondus. vt autem ex singulis trutinis singula pondera ponderentur. singulis nota aliqua sculpenda est, vt faciliè mercatores merces ponderent, quod hac ratione fieri potest. ponamus æquipondium esse 12. librarum. dico, quod trutina C, dabit in lance, pondus mercis 12. librarum, si ex ea fiat æquilibrio, est enim vt A C, ad C B, ita permutatim æquipondium 12. ad mercem; sed A C, ipsi C B, est æqualis, ergo etiam æquipondium 12. erit merci æquale, hoc est vtrunque erit, 12. librarum.

Similiter si fieret æquilibrio ex trutina D, esset vt A D, 3. ad B D, 9. ita 12. ad 36. tandem trutina E, æquilibrante, esset vt A E, 9. ad E B, 3. ita 12. ad 4. Si igitur trutina C, notetur 12. numero, trutina D, num. 36. trutina E, num. 4. & idem de cæteris: statim faciliè erit quodlibet pondus per huiusmodi stateram exhibere. Vnde videas contrario ab illis modo in nostris

stis stateris æquipondium totam hastam percurrere; in illis verò manentibus æquipondio trutinam quodammodo per hastam moueri.

His præmissis ad textus paraphrasim veniamus.

Cur statera, qua carnes ponderantur, paruo appendiculo magna trutinatur onera, cum aliquin tota statera nihil aliud sit, quàm dimidiata libra, vbi enim onus mercis imponitur vna lanx pendet, quam vnicam statera habet; in altera autem parte, vbi libra habet alteram lancem, statera nullam habet, sed sola sine lance est. Causa igitur est, quia statera simul, & libra est, & vectis. libra est, quia spartorum, siue trutinatum quælibet sit veluti centrum libræ, inq; altera parte est lanx; in altera verò loco lancis ipsum æquipondium, quod libræ incumbit, fungiturq; vice alterius lancis, cui sit onus impositum; manifestum enim est, quod æquipondium stateræ tantundem trahit oneris, quantum est illud, quod in altera lance est. eapropter statera quodammodo tot libras in se continet, quot trutinas: quarum vnaquaque cum sit intra appendiculum, & lancem, apta est esse medium, seu centrum stateræ, atq; adeo etiam libræ; quæ vnâ quidem lancem habeat ex vna parte, ex altera verò pro lance æquipondium. statera verò dicitur, quatenus ex vna parte habet non lancem, sed perpendiculum. sed hoc nihil est aliud quàm esse plures in vna libras; Cur autem sparta, quæ lanci, siue appenso oneri proximiora sunt, maiora subleuent onera, causa est vectis natura, quæ stateræ inest. est enim statera vectis, quamuis quodammodo inuersus, est enim ipsius fulcimentum trutina ipsa supernè collocata, pondus verò leuandum est ipsa merx, potentia verò appendiculum. quanto autem productior fuerit pars vectis à fulcimento ad potentiam, tanto facilius potentia mouet, vt in præsentia accidit. mouet autem vsq; ad æquilibrium; hocq; modo pars illa productior stateræ, quæ vergit ad æquipondium, facit, vt onus stateræ impositum facillè trutinetur.

QVÆSTIO XXI.

De Dentiforcipe.

260 **C**Ur Medici facilius dentes extrahunt dentiforcipis onere adiecto, quàm si sola manu vtantur? fortè, quia ex manu facilius dens elabitur propter sui ipsius lubricitatem, quàm ex forcipe. Vel etiam, quia digiti propter carnis mollitiem cedentem nequeunt dentem firmiter circumplecti; ferrum verò, cum vndique durum æque sit, nec cedens, melius dentem comprehendit. Aut tandem, quia forceps hæc duos in se contrinet contrarios vectes; quorum, vnum tantum est hypomoclion, eorum scilicet connexio; Virtute igitur vectis arctius dentem perstringunt, atq; adeò obtinent, atq; hinc etiam facilius commouent. sit dentiforcipis figura, exposita, cuius alterum extremum, vbi sunt A, B, est illud, quod binis semicirculis concurrentibus dentem arctè cōstringit,



& commouet. Vectis vnus est A G D, alter B G C, communis futura est G, vbi est ipforum decussata connexio; dens loco ponderis est; vtroque igitur C, & D, tanquam manubrijs vectium dentem Medici comprahendentes ipsum facile commouent: quando autem commotus fuerit, facilius manu, quàm instrumento extrahitur.

QVÆSTIO XXII.

De Instrumento Nucifrago.

TEmpore Arist. vt colligitur ex hac quæstione, ad frangendas nuces peculiare instrumentum ligneum adhibeant, quod erat instar forcipis, ita tamen concinnatum, vt non ad scindendum, nec ad extrahendum, sed ad frangendum per cōpressionem esset aptum. cuius hanc qualemcumque figuram inspice. cuius latus inferius A D, fortè alicui fulcimento in plano horizontis, fixum hærebat: alterum verò A C, manu tractabatur, vt sic expeditæ nucium plurima quantitas breui posset confringi. Credibile est nucifragam hanc ad capita F E, habuisse aliquod impedimentum, ne omninò constringeretur, vt nuces frangerentur quidem, non autem comminuerentur. Cur igitur nuces absq; ictu facile constringuntur hisce instrumentis, quæ ad eum fiunt vsus? contrarium namq; accidere deberet, vtentes enim prædictis instrumentis, omnibus illis viribus destituuntur, quas motio, ac violentia percussione afferre solent. præterea cur ligneo vtuntur, ac proinde leui? non ne aptius esset durum, atq; ponderosum veluti ferreum?

His respondendum est, nucifragum istud instrumentum reduci ad binos vectes, quemadmodum etiam dentiforcipem. nux igitur hoc modo duplici vecte comprimitur. vecte autem facile onera qualibet obuiaria diuelluntur. qui duo vectes vnicum habent hypomoclion ipsam scilicet connexionem.

A. vectes sunt binæ instrumenti hastæ, F A D, E A C. dilatando igitur extrema C D, deducuntur etiam alia extrema F, E, & imposita nuce in hiatus K, quæuis potentia constringendo C, D, constringet simul F, E, ipsamq; nucem confringet. quod igitur cum percussione fecisset pondus mallei, id valentiori vectium virtute efficiunt F A D, E A C. quanto autem locus nucis K, propinquior fuerit hypomoclio A, tanto celerius

confringitur, quia partes vectium A C, A D, tunc à centro

A, productiores fiunt, id est multò maiores fiunt,

quàm sint distantia inter nucem, & cen-

trum A, quod maximè poten-

tiam iuuat.

Ex quibus præsentî quæstioni satisfactum videtur.



AA

QVÆ-

QVÆSTIO XXIII.


De Rhombo.

362

Rhombus ex definitione 23. primi Elem. est figura æquilatera quident, sed non æquiangula, habet enim, binos oppositos angulos acutos, & alios binos oppositos obtusos, talis est præsens figura A B D C. In præsentī porro quæstione, supponitur punctum A, quod est vnum extremum in rhombo moueri super latus A B, versus B, & similiter interim æqua velocitate moueri alterum extremum B, super idem latus A B, versus A, & interim dum hæc duo puncta hoc modo sibi obuiam procedunt, moueri latus totum A B, eadem velocitate, versus latus C D, ita vt semper ipsi C D, æquidistet, descendantq; per latera A C, B D, quouque ipsi C D, congruat.

Horum igitur trium motuum quemadmodum, æquæ sint celeritates, ita etiam spatia, quibus peraguntur, nam puncta duo mouentur in latere A B, ipsum verò A B, mouetur in lateribus A C, & B D, quæ cum priori A B, sunt æqualia.

Aduertendum præterea, quod hac ratione duo puncta A, & B, duabus lationibus mouebuntur, si quidem proprio motu mouetur in ipso latere A B, & quia latus A B, per quod ipsa incedunt eodem tempore mouetur versus C D, sequitur, quod etiam ipsa hoc eodem motu ferantur. erit igitur ipsorum motus ex his duobus mixtus; & quidem ipsius A, latio erit per longiorem diametrum A D; ipsius verò B, per breuiorem B C. Quare cum punctum A, peruenerit ad D, etiam punctum B, eadem celeritate accesserit ad C. maius autem est spatium A D, quod confecit A, quam spatium B C, confectum à C. Quærit igitur primò, cur cum A, & B, mota sint æquali celeritate in vtraque latione, vnum tamen maiorem lineam, quam alterum pertransiuit? Quærit secundò, cur punctum B, confecit lineam B C, quæ minor est quam ipsum latus A C, quod in suo motu confecit latus A B, quando ad D C, accessit. & tamen B, duplici fertur latione; A B, verò vnica; vtrunque autem in æquali velocitate? Quod autem punctus A, motu illo describat lineam A D, punctus verò B, lineam B C, manifestum erit hoc modo. sit v. g. punctum A, motu proprio delatum, vsq; ad punctum E, medium lateris A B, erit interim totum latus A B, translatum vbi est F G, hoc est, ad sui itineris dimidium, quia horum motus ponuntur æquales: hoc autem motu ipsum punctum A, erit necessariò in K, hoc est in linea A D, vt dicebamus. Similiter in fine vtriusq; motus, A, erit in B, proprio motu, sed alieno in D, extremo scilicet lineæ A D. simili ratione ostendi potest de ipso B, qui cum æqua velocitate moueatur, ac punctum A, quando A, erit in E; B, pariter illi occurret in E, proprio motu: sed alieno à latere B A, proueniente erit in K,



in K, ubi etiam ob alterum motum erit A: erit igitur B, in linea B C, ut volebamus. à quo postea discedens versus C, motu pariter composito sistitur tandem in C, extremo lineæ pariter B C. eodem ergo tempore duo rhombi extrema puncta æquæ velocità, secundum vtramq; lationem mota, interualla nequaquam æqualia confecerunt, sed A, maius, nimirum A D; B, verò minus nimirum B C.

Ex quibus etiam secundæ quæstionis explicatio, & dubitandi ratio patebit: nam cum in rhombo duo sint obtusi anguli B, & C, & duo acuti A, & D, punctus ille, qui ab obtuso angulo B, recedit, fertur duabus lationibus inuicem ferè contrarijs, propria enim tendit sursum ad A, aliena verò deorsum trahitur versus D; causa huius contrarietatis sunt lineæ D B, B A, obtusum angulum continentes, quæ à prædicto angulo in contrarias partes separantur: per has autem lineas fiunt prædicti motus, vnde ipsi quoque contrarij sint necesse est: & propterea se mutuò impediunt: atq; hinc necesse est punctum B, motu composito hinc inhibito minus interuallum B C, pertransire. At verò punctum A, quia ab acuto angulo descendit, vtraq; latione fertur deorsum, quæ lationes se mutuò iuvant, faciuntq; ut A, maius, quamuis eodem tempore, & eadem celeritate peragret spatium A D. nam punctum A, sua spontè descendit per latus A B, & ab ipso latere A B, quod fertur ad C D, pariter deorsum vehitur. nihil igitur mirum sit, si A, maius interuallū A D, quam B C, percurrat. causa verò huius motuum concordia est angulus acutus A, ob quem latera rhombi magis inuicem approximantur, redduntque longiorem A D, quàm B C: è contrariò autem, quo obtusiores sunt anguli B, C, minorem faciunt ipsam B C, latera enim semper magis ad rectam lineam accedunt; donec tandem omni angulo euanescente in directum constituentur; quo casu congruerent cum lineā A D, rhombusq; ipse amplius nullus esset.

Ex his igitur sequitur, quod punctum A, ab angulo A, acuto discedens, duobus feratur motibus similibus ad eandem partem tendentibus, & quo acutiores sunt anguli, eò magis tendent ad eandem partem; & melius se mutuò iuvabunt. B, autem vice versa, quoniam quanto obtusior est angulus B, tanto magis latera illius diuaricantur; duæ etiam motiones, quibus B, progreditur in diuersas partes tendent; sunt enim per illa latera; & tanto etiam magis sibi contraria erunt; magisq; sibi mutuò impedimento erunt, & propterea punctum B, minus interuallum, quale est B C, percurrat, quando A, maius A D, percurrit.

Ad secundam verò quæstionis partem, respondeo considerandum esse

latus B A, moueri vnico motu ad D C, quare à nullo impedi-

tur, vnde nihil mirum videri debet, quòd ipsum vnica

latione maius conficiat spatium quàm B, quod

quamuis duplici pellatur motu, vnus

tamen ab altero inhibetur.




QVÆSTIO XXIIII.

De duobus circulis.

263

Vnde est, quod si duo circuli, vnus altero maior, circa idem centrum positi, volutentur, ita vt etiam centrum feratur, eo scilicet modo, quo plaustrorum rotæ solent, secundum æqualem lineam conuoluuntur, siue æquale spatium conficiunt: si verò seorsum, separati quilibet eodem modo volutetur, non æquale spatium pertransibunt, sed maior maiorem lineam, quam minor; idq; ea proportionē, quam inuicem eorum circumferentiæ obtinent, cum in hac veluti rotæ conuolutione, circumferentia tota successiue decurso spatio adaptetur, ita vt tanta sit decursa linea, quanta est rotæ circumferentia? Quin etiam eodem existente, vtriusq; centro, aliquando confectum spatium ab vtrōq; tantum est, quantum minor circulus solus, secundum suam peripheriam reuolutus perfecisset; quandoq; verò quantum maior solus absoluisset. Quod autem maior solus in sua reuolutione maiorem lineam describat, manifestum est hinc, quia sensu patet maiorem circumferentiam in maiori circulo subtendere angulum, qui sit à diametris in centro; minorem verò circumferentiam subtendere eundem angulum in minori orbe, vt etiam in 8. quæst. dictum est: eandem igitur, vt proximè dixi habebunt etiam proportionem illæ lineæ, quæ à singulis seorsum orbibus reuolutis designabuntur. Quod præterea secundum æqualem conuoluuntur, quando circa idem positi fuerint centrum, manifestum est, ita tamen, vt aliquando ambæ æquales sint ei, secundum quam solus maior conuolueretur; aliquando verò secundum quam minor. sit enim circulus maior quidem vbi D F C, minor verò vbi E G B, vtriq; autem centrum A, linea, secundum quam quadrans F C, maioris per se rotaretur, sit F L. linea verò, secundum quam quadrans G B, minoris se iuncti à maiori, volutaretur sit G K, quæ æqualis est dicto quadranti G B, sicut etiam F I, æqualis est quadranti F C. si quis igitur impellat minorem orbem mouens simul commune centrum A, cui maior est circumpositus, donec diameter A B, perpendicularis sit lineæ G K, in puncto K. tunc pariter diameter maioris A C, erit perpendicularis lineæ F L, in puncto L. G K, autem, & F L, necessariò erunt æquales per 34. primi, æquales igitur lineas hoc modo peragrarunt inæquales circumferentiæ, siue quadrantes G B, F C. si autem quadrantes hoc præstant, manifestum est, quod & toti ambitus idem efficiunt, quare quando tota peripheria G B E G, fuerit reuoluta etiam tota F C D F, suum orbem completum habebit. similiter si maiorem quis mouerit, cui minor sit annexus eodem existente centro, simul ac diame-



diameter A C, erit perpendicularis ad F I, in puncto I, erit etiam A B, perpendicularis ipsi G M, in M; sunt autem G M, & F I, æquales, quare quando F C, quadrans maioris pertransuerit rectam F C, etiam C B, quadrans minoris transactam habebit illi parem G M. hoc autem accidit nulla intercedente mora in vilo ipsorum: quando enim mouetur maior, nihil cessat minor: & quando minor agitur, maior nunquam quiescit. quod si hoc accidit quartæ parti circulorum, idem, & totis accidit periphærijs. vbi insuper illud etiam mirum, centrum nimirum ipsorum eadem celeritate motum, ac vnica semper existenti latione, modo maius, modo minus spatium perficere; idem verò eadem velocitate latum, æquale semper deberet interval-lum transilire. & tamen in præsentia verouis modo moueas eadem pernici-tate, modò maius, modò minus spatium pertransibit.

Huius quæstionis enodandæ causa, supponendum primò est, quod eadem, seu æqualis potentia, hanc quidem magnitudinem tardius, illam verò citius mouere potest. si enim fuerit quippiam, quod à seipso moueri minimè ap-tum sit; & aliud, quod à se ipso moueri aptum sit; qui hoc simul cum illo coniunctum mouerit, tardius mouebit, quàm si ipsum solum moueret. & si quid moueatur, quod aptum sit ex se moueri, verumtamen in eo motu nihil ex se moueatur, perinde est, ac si minimè aptum sit ad motum, & proinde tardius mouebitur; nec fieri poterit, vt plusquam mouens moueatur, cum nihil innata motione vtatur. Si quis igitur minorem circulum, quem mo-do B, appello, mouerit supra suam circumferentiam, cui annexus sit maior, quem modò appello A, sic quidem maior mouebitur, non autem ex se, sed solum quatenus à minori feretur, vnde tantum pertransibit de recta F I, quantum à minori fuerit impulsus; tantum autem est impulsus, quantum minor est motus; quare æqualem cum illo viam confecit. si igitur minor fe-cit pedalem G K, maior confecit etiam pedalem F I, quia maior nihil de proprio motu addidit, sed solum motione minoris est translatus. similiter si quis rotet maiorem supra suam circumferentiam annexo minori, tantum minor mouebitur, quantum à maiori deportabitur, quia nihil ex se impel-litur. Verum si seorsum ambo ex se secundum suos ambitus moueantur, siue citò, siue tardè, eadem etiam velocitate perficiant integram suæ periphæ-riæ volutationem, maior maius, minor verò minus conficiet spatium.

Sed fortè augebitur difficultas consideranti, quod prædicti circuli sunt circa idem centrum, & circa illud mouentur. moueri autem circulum cir-ca suum centrum, est moueri secundum suum naturalem motum, ad quem circuli ex se sunt apti; si verò vnus moueretur circa suum centrum, alter ve-rò non, vt quando alter alteri non est circa idem centrum compactus, & ab altero mouetur, vbi manifestè apparet, quod fertur omnino ab illo, & in il-la latione non circumuertitur circa proprium centrum, quare tunc minimè mirum est, si neq; plus, neq; minus spatium conficiat, quàm ab altero de-portetur, cui quoquo modo adiacet, aut appensus est extra illius centrum.

Huic obiectioni respondendum est, quod quamuis prædicti orbes sint con-centrici, nihilominus non mouentur ambo suamet motione, sed ille, qui ab alio fertur mouetur secundum motionem illam, tanquam si nullam ad eam haberet aptitudinem; quamuis enim possit moueri circa centrum illud A,

propria

propria natura; in præfenti tamen casu minimè vtitur illa aptitudine; & propterea motus debet moueri, quantum mouens, nec plus, nec minus.

Quòd autem spectat ad id, quod initio dicebatur de eodem centro, & de mouente eadem velocitate, & de æquali ab inæqualibus orbibus pertransita linea, subest huic dubitationi parallogismus: quamuis enim sit idem amborum centrum, est tamen vnus centrum per se in motione, alteri verò per accidens, veluti per accidens est eundem virum esse musicum, & album. ille enim circulus, qui mouet alterum, obtinet illud centrum per se, & ex natura sua; alter verò, qui mouetur, habet illud idem per accidens, quia non vtitur illo tanquam centro. non igitur circa idem simpliciter centrum fit horum motus, sed alio modo vnus, alio modo alter, vnde & reliquis dubitationibus facillè satisfiet.

QVÆSTIO XXV.

De Lecto.


264

Cur lectulorum spondas faciunt secundum duplam proportionem, hoc est longiorem spondam duplo longiorem, quàm sit altera: illam enim sex pedum, vel paulò plus, hanc verò trium? præterea cur restes, quibus culcitrae sustententur non extendunt per diametrum, sed per transuersum?

Ad primum respondetur ideò facere spondas in dupla ratione, vt sint humano corpori proportionatæ, sic enim lecti longitudinem habebunt quatuor cubitorum, latitudinem verò duorum, in tali enim spatio commodè cubamus.

Ad secundum verò dicendum extendi illos funes non per diametrum, sed ex opposito, quia hoc modo ligna ipsius lecti minus distrahuntur: facillè enim ex natura sua ligna hæc ab inuicem secundum longum separantur; artius autem ductis funibus per transuersum, quàm per diametrum inuicem constringuntur: præterea, quia sic etiam funes minus laborant, cum sint eorum ductus breuiiores; & quia debent sustinere onus stragulorum, atq; culcitrarum, sic certè ex hoc onere minus laborabunt, si transuersim, quàm si diametraliter subtendantur.


Tertia demum ratio est, quia hac ratione minus restium absumentur, quæ vt benè intelligatur, describatur lectuli figura AFGK, & bifariam diuidatur latus FG, in B. & quia tota FG, dupla est ipsius AF, erit dimidium FB, æquale ipsi AF, & propterea tot erunt foramina, quibus funes immittuntur in FB, quot in AF. extendunt autem funem hoc modo incipiunt ab A, & ducunt ad B, postea per C, re-



uertun-

uertuntur ad D; hinc ſeſcunt per H, vſque ad E, & per G, angulum iterum
deſcendunt ad M, à quo recta tendunt in F, hinc per 2. deducunt ad 3. à quo
foramine, per foramen 4. reflexum faciunt ad 5. à quo iterum per B, deſcen-
dunt ad angulum K, ibiq; alterum funis extremum deſinit: hocq; modo duo
anguli A, & K, reſtis habent capita, & reſtes extenſæ ſunt non diametrali-
ter, ſed tranſuerſim.

Notandum autem, quod reſtes æquales ſunt cum ſuis curuaturis. v.g. re-
ſtis A B, cum ſua curuatura B C, æqualis eſt reſti C D, vnà cum eius curua-
tura D H, & aliæ eodem modo ſe habent, quia eadem demonſtratio omni-
bus accommodari poteſt: quia enim figura A B G M, parallelogrammum
eſt, æqualia enim ſunt latera B G, A M, & quot foramina ſunt in vno, tot
etiam ſunt in altero, eaq; inuicem æquidistant, ſequitur omnes reſtes eſſe
parallelas, & æquales, per 33. primi, ex qua etiam ſequitur prædictas cu-
ruaturas, B C, D H, E G, eſſe æquales. quare manifeſtum eſt in dimidio le-
ſculo tot eſſe reſtes æquales reſti A B, quot ſunt foramina in dimidio latere
B G, vel in dimidio F B, hoc eſt eſſe quatuor. porro oportet quantitatem
harum omnium reſtium perſcrutari, vt eam cum quantitate reſtium diame-
traliter extenſarum conferamus, quod geometricè hoc modo aſſequemur:
triangulum enim B G K, rectangulum eſt, ergo per 47. primi, quadrata la-
terum B G, G K, æqualia ſunt quadrato lineæ B K: latus B G, eſt trium pe-
dum, quemadmodum etiam latus G K quadratus autem numerus ternarij
eſt 9. ergo duo quadrati numeri 9. ſiue 18. æquales ſunt quadrato lineæ B K,
ergo linea B K, eſt radix quadrata numeri 18. quæ radix non poteſt exactè
in numeris repræſentari, eſt enim, vt aiunt, radix ſurda. verumtamen per
radicum extractionem, atq; approximationem ea poni poteſt eſſe $4\frac{1}{4}$. ideſt
quatuor pedum cum vna quarta. cum igitur in toto leſculo ſint huiusmodi
oſto reſtes, erit omnium ſumma pedum 34. ferè. ſi autem ſecundum diame-
trum extendantur reſtes, vt factum eſt in leſculo A B C D, neſtquam re-
ſtes omnes ſimul ſuperiori quantitati adæquabuntur, ſed illam longè ſupe-
rabunt. Sit igitur leſtus A B-
C D, in quo diametraliter du-
ctæ ſint reſtes B D, E H, & re-
liquæ, vt in figura. harū quan-
titas ſi per 47. primi, & per ra-
dicis quadratæ extractionem,
inueniatur, erit ſumma earum
pedum quadraginta cum dimi-
dio; quæ quantitas præcedenti
maior eſt ſex pedibus cum di-
midio.



Atq; hic eſt ſenſus Ariſt. quamuis tex. ipſius propter nimiam tam in græ-
cis, quàm in latinis codicibus corruptionem, totus reſtitui nequiuert.




QVÆ-

QVÆSTIO XXVI.

De ligno humeris gestato.

265

C Vr difficilius est lōga ligna ab extremo super humeros ferre, quā secundum medium, cum tamen vtroq; modo sit semper idem pondus? An quia dum fertur lignum super humeros ab altero extremo, alterum extremum vibratur, & agitur, quæ agitatio ipsius lationem impedit? An quia licet nihil inflectatur ob agitationem, neq; magnam habeat longitudinem, difficilius tamen ab extremo fertur, quoniam facilius ex medio eleuatur, quā ab extremo, & quia latio est quasi quædam continua eleuatio, propterea etiam difficilius sic portatur? causa autem cur facilius ex medio eleuetur est, quia hoc modo totum lignum fit vectis, cuius hypomoclion est in medio, vbi is, qui eleuat, tenet aut fert: extrema autem sibi mutuò æqueponderāt, ita vt absq; vllō alio auxilio, à tanta vi, quantum est totum ligni pondus sustineatur; quod si ab extremo eleuetur non sufficit amplius prædicta vis, sed opus erit maiori, quia non solum oportebit illud eleuare, sed præterea etiam illud in æquilibrio constituere, & conseruare. pondus enim totius ligni vergit ferè ad alteram ligni medietatem, quæ ab hypomoclio productior euadit, quapropter ad onus istud æquilibrandum, opus est alia potentia in altero extremo. sit lignum A B, suspensum ex medio C. hoc modo lignum ponderibus libratum suis manet in æquilibrio, potestque à sola potentia illud eleuante etiam deferri: quia A, & B, extrema se mutuò suffinent, quod si non ex medio eleuaretur, sed ab extremo, vt in secunda figura, eleuans potentia ex C, æqualis oportet, vt sit præcedenti; sed præterea opus est alia vi, quæ in B, æquiponderet alteri extremo A, quod magis grauitat, quo ab C, longius fuerit; & hoc modo in æquilibrio constitutum, & conseruatum poterit non solum eleuari, sed etiam circumferri.



QVÆSTIO XXVII.

De Gestatis super humerum.

266

C Vr si valdè procerum fuerit idem pondus difficilius super humeros gestatur, etiam si ex medio illud feratur, quā si breuius sit? quod enim dudum dictum est causa non est, sed vibratio, & succussio ligni nunc est: quando enim ab humero productius fuerit, magis vibrantur extrema, quam ob rem contingit portantem difficilius gestare. vibrationis autem causa est, quoniam ab eadem vi mouente magis extrema


huc

huc illuc transferuntur, quanto procerius fuerit lignum, quia tunc maior sit distantia à centro, seu hypomoelio, quod modo est humerus ipse. sit vt in prima præcedentis questionis figura, humerus ybi A, distantia autem ab ipso centro sunt A B, A C, quod autem maior distantia faciliorem reddat motum ostensum est initio huius operis.

QVÆSTIO XXVIII.

De Tollenone.

Instrumentum istud, quod græca voce Leonicus interpretis Celonia vocat, latinis dicitur Tolleno, à tollendo; quod etiam manifestum est ex Festo, qui ait, Tolleno est genus machinæ, quo hauritur aqua in alteram partem prægrauante pondere; quæ tollenonis descriptio omnino machinæ presentis questionis competit. Hispani Telonam fortè à tollenone nuncupant. Est autem tolleno instrumentum hauriendæ è puteo aquæ idoneum, quo rustici passim vtuntur: idq; iuxta puteos stabile, ac firmum construunt, quale à figura sequenti refertur: vbi puteus F, tolleno constat



erecto tigno D C, & transuersa hasta A C B, vna cum fune B E, & hydria E. apponitur præterea onus satis graue ad partem A, quale est G. hasta porrò A B, veluti vectis circa punctum C, tanquam hypomoelion, susq; deq; agitur, à potentia funem B E, trahente. sed iam textus exponatur.

Cur iuxta puteos tollenones faciunt eo, quo videntur modo, ligno enim transuerso A B, adiungunt

onus plumbi G, cum alioquin vas ipsum E, & vacuum, & plenum pondus habeat: cur inquam, vt facilius moueant tollenonem, tollenonis oneri onus addunt G? An quoniam cum opus hauriendi diuidatur in duo, in intingendi nimirum, & sursum trahendi tempora: accidit quidem absq; plumbi onere facilius intingere, quia tunc vas est vacuum: at verò sursum vas deinde plenum trahere, laboriosius erit. si verò addatur onus G, tunc quidem paulò difficilior intingemus, sed tamen vas plenum postea multò facilius, quod opus, & labor est, sursum educemus: operæpretium igitur est, onus illud plumbi, aut lapidis adiungere in extremo A, quia sic pondus illud tanquam quædam potentia vecte A B, vtens sursum hydriam plenam rapiet, hacq; ratione nos labore leuabit, totumq; hauriendi opus demissione, atq; eleuatione constas, alleuabit.

B B

QVÆ-

QVÆSTIO XXVIII.

De onere phalanga gestato.

268

C Vr quando super ligno, aut huiusmodi quopiam duo portauerint homines æquale pondus, non similiter grauantur, nisi quando pondus in medio eorum fuerit; sed magis ille premitur, cui onus vicinius fuerit? An quia lignum illud vectis efficitur, cuius hypomoclion est vbi pondus gestatum suspenditur; gestantium autem oneri proximior gerit vicem illius, quod vecte mouetur, remotior verò est potentia, vecte mouens, quanto igitur plus distat ab hypomoclio, seu gestato pondere, tanto facilius mouet, hoc est, alterum magis deorsum premit, contrahente nimirum gestato onere tãquam hypomoclio, si autem in medio fuerit pondus, nihilo magis alter gestantium sit id, quod vecte mouetur, quàm alter; neq; magis mouet: sed eodem modo alter alteri sit pondus.

Cæterum sciendum huiusmodi lignum, quo transuerso onera deportantur dici à latinis phalangam, vnde etiam verbum phalangare deducitur, quod huiusmodi gestationem significat; estq; Vitruuio vsitatum, & Afranio, qui ait, capream vnã semilaceram quaterni simul phalangabant.

QVÆSTIO XXX.

De surgente à sessione.

269

C Vm sedemus, præcipuè si commodè sedeamus, solemus duos angulos rectos facere, vnum quidem, quem facit thorax cum femore; alterum quem facit femur cum crure, vt in figura thorax sit A B, femur B C, crus C D, anguli duo recti sunt B, & C. Querit igitur, cur quando surgere volumus angulos hosce rectos in acutos commutamus, nam crus retrahimus sub femur ad acutum angulum, v.g. ad positionem C E. fitq; acutus angulus B C E. similiter thoracem femori aptamus ad acutum angulum E B C, alioquin surgere non valemus? An quia id, quod æquale est, quietis vbiq; est causa, rectus autem angulus est angulus æqualitatis, atq; stationis, quæcunq; enim angulis rectis constant, vt quadratum, vt cubus, quieti, ac stationi sunt idonea, vt propterea Pythagorei dicerent terram esse cubicam, propter ipsius immobilitatem. est autem angulus rectus, angulus æqualitatis, quia omnes anguli recti sunt inuicem æquales, vel quia linea illa, quæ angulum rectum facit est perpendicularis alteri lineæ, cui incumbit, æqualiterq; in vtramq; partem inclinata est: quapropter fit, vt quæcunque constituta sint super superficiem terræ ad angulos rectos non cadant, sed recta maneant, pariter quæcunq; ad angulos rectos pavimento incumbunt, non solum, quia in illo faciant angulos rectos, sed etiam, quia simul faciunt cum superficie



terre perpendiculum. An quia qui surgit fit rectus; rectus autem manens, oportet, ut sit superficiei terre perpendicularis. debet igitur esse secundum eandem rectitudinem, id est caput supra thoracem, thorax verò supra femora, femora verò supra crura in eadem rectitudine, quæ horizonti perpendiculariter insitat: quando autem sedemus thorax, & crura, non sunt in eadem linea horizonti perpendiculariter erecta, quapropter necesse est pedes retrahere, caput autem reclinare, ut sic in eadem recta linea horizonti perpendiculariter constituentur, hocq; modo assurgere erit possibile.

Reliquæ quæstiones ad Physicum spectant. In 33. aperit propriam sententiam de motu proiectorum. 270

In 35. & vltima de vortice quamvis videatur mathematicam sapere, est tamen physica. Eius autem resolutiones tres ab Arist. allatas, falsas esse suspicor; experientia enim docet, quod si quippiam ponatur supra rotam figuli, id non ad centrum, sed extra rotam projicitur. sed causa est, quia in vortice aqua ipsa spiratim circumcurrens tandem in centrum, ubi demergitur descendit; necesse igitur est, ut etiam ea, quæ in ipsa sunt, simul cum illa ad centrum per plures conuolutiones deducantur. Cæterum si quis velit Mechanicam facultatem seriò aggredi, nequaquam paucis his ab Arist. traditis, eisq; leui brachio pertractatis, contentus sit: verum Archimede de Aquæponderantibus, Commandinum, ac Lucam Valerium de centro gravitatis solidorum, ac tandem Guidi Vbaldi Mechanica adeat, ubi huius scientiæ admiranda plurima, eaq; firmissimè demonstrata reperiet.


IN LIBELLVM DE MVNDO AD ALEXANDRV M.

Cum plures libellum hunc Arist. attribuant, cogor loca ipsius mathematica ex instituto exponere.

In 2. cap. recenset Planetarum ordinem, iuxta antiquissimorum Astronomorum traditiones, qui ob paucas, easq; imperfectas observationes multa ignorarunt, atq; in multis, & præcipue in ordine Planetarum statuendo, falsi sunt: Astronomi enim posteriores, & maxime Ptolemæus, vna cum recentioribus nostri seculi alium ordinem exactioribus observationibus, atq; demonstrationibus astruentes vetustissimorum illorum errores patefecerunt. Est autem verus ordo, ut Luna sit omnium terris proxima, deinde Mercurius, tum Venus, postea Sol, Mars, Jupiter, Saturnusq; à terris altissimus, quos omnes stellarum affixarum sphaera, quæ etiam firmamentum dicitur, complectitur. non me latet huius nostri seculi diligentissimos astronomos novam mundani systematis hypothesein inducere; sed ea prædicto Planetarum ordini parum, aut nihil repugnat. 271

De aestu Maris.

272 **I**N 3. cap. (Aiunt etiam multos aestus; undarumq; sublaciones statis quibusdam temporibus cum Luna circumagi.) Per paucis maris fluxum, & refluxum attingit, qui quia ex motu præcipue Lunæ pender, non videtur alienum hoc loco eum fusius explicare, atq; nonnullis difficultatibus occurrere, quibus recentiores nonnulli nimis implicantur. Aestus maris est quædam maris ebullitio, ob quam ut solet in ebullientibus aquis, mare intumescit: sunt autem in toto mundo duobus tantum in locis ex hoc aestu tumores duo, quorum vnus semper directe Lunæ subiacer, alter verò in auersa terræ parte, siue huic antipoda, & diametraliter opposita. Ex his Marium tumoribus, fit vt aquæ, quæ naturæ suæ decliuora petunt, quasi exundantes ad littora fluant: atque hic aquarum cursus fluxus maris appellatur. decresciente deinde maris aestu, & tumore ex recessu Lunæ, aquæ iterum ad medium mare refluunt: atq; hic maris refluxus dicitur. Cum autem in toto die sint 24. horæ, & semper sint simul in mundo duo aestus, & tumores, fit vt sint pariter semper in mundo duo fluxus, qui tumores illos comitantur; necnon duo refluxus, qui eosdem subsequantur; hinc fit vt vni- cuiq; illorum sex horæ conueniāt, sex fluxui, sex refluxui, qui sub Luna fiunt, sex verò fluxui, & sex tandem refluxui Lunæ auersis, quæ totam Lunæ circa mundum periodum 25. horarum expleant. Causam autem cur mare hoc modo statis horis, paulò tamen serius ob Lunæ tardiozem ortum semper crescat, & decrescat antiqui omnes in Lunam retulerunt, vt primus omnium Arist. hoc loco, deinde Strabo, Pomponius Mela, Plinius, Solinus, & alij plures idem senserunt. Lunam scilicet eam habere vim in mare, vt pars illa, quæ Lunæ subiacer, siue quam Luna radijs ferit, aestuet, & turgat; non aliter pars maris huic antipoda, & auersa, quamuis tota terræ moles inter ipsam, & Lunam interponatur, aestuat, fluxumque, ac refluxum quamuis priori minorem, efficit. quæ omnia melius in figura cernentur; vbi infra Lunam vides tumorem A, ex quo fluxus deriuatur. & in parte huic auersa tumorem B, ex quo alter fluxus deriuatur: & quia in alijs duobus mundi lateribus non sūt huiusmodi tumores, imò mare ob refrigerationem subsidet, ibi sunt duo refluxus C, & D, ita vt semper sint in mari præsertim Oceano quatuor prædicti effectus, qui simul, vt ait hic Arist. & ex-



perien-

perientia testatur, simul cum Luna circa mundum circumaguntur. hoc est si Luna, quæ modo est in superiori parte meridionali, venerit ad locum E, occidentalem, eam fluxus A, subsequitur, vergitq; tumorem suum ad occidentem E, vnde; & fluxus B, promouebitur ad orientem, ita vt punctum F, orientalem aspiciat.

Alij præterea duo refluxus eadem proportionem promoti erunt, vbi prius erant fluxus: quæ consequentia ad Lunam perpetua, manifestum est, signum, hosce fluxus, ac refluxus non aliunde quam à Luna manare. quod adhuc manifestius erit, si consideremus, quod quanto tardius quotidie Luna oritur, tanto etiam maris æstus tardius incipit. Porro vt appareat hanc esse veterum sententiam libet hic attexere quædam ex lib. 3. Strabonis, quæ ipse ex Possidonio acceperat. sic. Oceani verò motum ait, scilicet Possidonius, syderis subire circuitum, quendam quidem diurnum, quendam menstruum, quendam annuum, vt Lunæ etiam contingit. quo etiam tempore ista super horizontem ascenderit, mare terram ascendere incipit, sensu teste, quousq; ad cæli medium Luna conscenderit. Vbi verò declinare sydus ipsum ceperit, sensim rursus à terra pelagus ad medium mare reuertitur, donec ad occidentis punctum Luna descenderit. deinde tanto eadem inconstantia, tempore manet, quanto Luna ad ipsum occasum coniungitur, & adhuc tanto magis, quanto sub terram mota, signum ab horizonte distet. postea rursus mare ascendere, quousque sub tellurem in medio cæli sit Luna, deinde, mare à littore regredi quoad iterum Luna in orientem procedat, ac supra horizontem eleuetur, consistere verò vsquequo signum supra terram eleuetur, & rursus terras mare ascendere. Hanc diurnam esse circuitiorem asserit Possidonius, menstruum verò, &c. vbi pergit explicare, qua ratione, maria etiam alijs motibus menstruo scilicet, & annuo cieantur, iuxta Lunæ periodos menstruum, & annum. Eadem omnino habet Plinius, & alij veteres omnes, quos tu consulere poteris. vnde mirum videri debeat, cur recentiores plurimi, neq; veterum auctoritate, neq; ratione, aut experientia nixi, hanc maris affectionem, à Luna effici negarint.

Verum ipsi duabus potissimum rationibus id negant.

Prima est, quod vario admodum tempore, & modo in diuersis fiant maribus, & in nonnullis nihil horum æstuum appareat.

Huic respondendum est, id ex varia marium dispositione, tum etiam vario situ, quo Lunam aspiciunt prouenire. hoc modo videmus vario tempore, & modo, in toto orbe effici dies, ac noctes, æstatem, & hyemem; & tamen certum est Solem ista omnia efficere. Sed melius etiam huic dubitationi occurremus certa quadam, atq; omnino explorata experientia ex arte Nautica desumpta. libri enim nautici absque vlla dubitatione Lunæ hæc omnia verè ascribunt, dum quasdam regulas tradunt, eas tamen pro varijs maribus varias, quibus per ætatem Lunæ, & situm ipsius supra horizontem illius maris certò certius horam fluxus, & refluxus, imò eorum etiam magnitudinem prænoscent, ac prædicunt. huiusmodi librum vidi ego Parmæ, manu scriptum, auctore Augustino Casareo, quem ille olim Sereniss. Duci Octauio dono dederat. quod si hi æstus à Luna minime pendere, nulla ratione regulæ illæ effici potuissent, quibus per ætatem ipsius, ac situm supra horizontem eos prædicere tuto valerent.

Secun-

Secunda verò ratio, quæ maximè eos torquet est quanam ratione à Luna effici possit secundus refluxus B, primò oppositus, cum tota terræ moles interiecta obstare videatur.

Verum huic difficultati optimè ex opticis satisfacere possumus, si dixerimus, æstum illum effici quidem à Luna, & Sole, sed tamen per lumen ex syderibus ad partem illam auersam reflexum; quod vt melius explicetur, & confirmetur. Illud primò sciendum non solam Lunam, verumetiam Solem ad æstum maris ciendum concurrere, quamuis primas in hoc Lunæ concedat; experientia enim constat maiorem fieri fluxum, quando Sol, & Luna, simul sunt coniuncta, vt in nouilunio accidit, quia lumina, & eorum virtutes vnitz fortius eandem maris partem directis radijs percellunt. similiter maior fit, quando luminaria sunt opposita, vt in plenilunio contingit, quia tunc radij vnus directi, associantur cum reflexis alterius radijs, hocq; modo duplicati easdem terræ partes, & directè, & reflexè feriunt, vt melius in sequenti figura patebit.

Secundò præmittendum est, lumen Solis, & Lunæ reflecti ex densis, ac perpolititis corporibus, vti sunt omnia sydera.


Tertiò, ex opticis assumendum, si corpora plurima sphærica lumen reflectentia fuerint in circulari ambitu constituta, quemadmodum sunt stellæ affixæ in ambitu firmamenti collocatæ, reflectere plurimū lumen ad vnum, & idem punctum, quod sit inter lumen, & ambitum illum; quod assumptum manifestum est ex Iride, vbi ex plurimis sphæricis guttulis lumen Solis reflectitur ad oculum; quamuis geometricè, & quidem facilè à Perspectiuo demonstrari possit.

Quartò, ex opticis, dato corpore luminoso, & sphærico reflectente, & puncto quouis, ad quod possit reflecti lumen, potest inueniri in sphæra reflectente punctum reflexionis.

Quintò, quanto radij perpendiculariores incidunt, tanto maiorem vim habere.

Sit ergò Sol, & Luna simul, vt in figura sitq; octauæ sphæra portio A B C, cum innumeris in ea affixis syderibus. esse autem totum cælum stellis penè infinitis, ac constipatis refertum sensui palam fit, adhibito nouo illo, ac mirabili Telescopij inuento.

Iam, vt patet ex 39. 5. Alhazeni, ex singulis stellis Solis, ac Lunæ lumen reflecti potest (nisi quid obstat) ad partem terræ D, luminaribus auersam, vt quarto loco supposui. & præterea ex stellis circa B, positis radij Solis reperiuntur possunt ad eandem terræ partem D, perpendicularares, qui præ cæteris maximam vim obtinent. quemadmodum lineæ in figura reflexæ vtcunq; ostendunt, ideò asserendum est eos, æstum D, excitare præcipuè posse, neq; terræ quantitas Solis luci obest, cum constet vmbra terræ parum supra Lunæ cælum produci. potest tamen Lunæ esse impedimento quoad hos radios perpendicularares; sed tamen alios minus perpendicularares, seu parum obliquos nullo modo impedire potest, quo minus ad D, resiliant. qui quamuis sint minus quàm perpendicularares efficaces, obtinent tamen non modicam vim. Ex stellis igitur circa A, & C, reflecti potest ex quarto fundamento lumen vtriusq; luminaris ad D, quod satis est efficax, cum ferè perpendiculara-



ulariter terræ D, incidat. quamvis autem ex stellis F, E, lumen aliquod ad D, transmittatur; tamen cum obliquè admodum illi accidat, nihil penè efficere valet. Verumenimverò quispiam in hunc modum obijciat: hac ratione deberet fieri etiam æstus in terræ lateribus H, I, quandoquidem etiam illuc lumen ex quarto fundamento reflecti potest.

Cui sic respondendum, posse quidem aliquod lumen illuc resilire, sed tamen exiguum admodum, & proinde nullius penè roboris, quod experientia desumpta ex illuminatione Lunæ comprobari potest; videmus enim, quod quanto Luna magis Soli opponitur, & proinde suam illuminationem magis versus terram obuertit, ut in plenilunio, tanto maiorem eam vim habere, æstus excitandi. multo verò minorem, quando est in aspectu Solis quadrato, quia dimidiam tantum sui illuminationem nobis reflectit. Idem proportionaliter de stellis dicendum, quæ enim luminari maximè opponuntur, ut quæ sunt circa B, illæ totam illuminationem terræ ostendunt, vnde, & efficaciores sunt. ceteræ, quo magis ab illis distant minus de sua illuminatione terræ, seu mari obuertit, & proinde minus efficiunt. vnde fit, ut quamvis nonnulli radij etiam perpendiculares ad terræ latera H, I, referri possint, tamen quia pauciores sunt, quàm alibi, propterea nullam ibi æstus prouocandi vim obtinent. fydera porro illa, quæ supra Solem existant, etiam si ipsorum illu-

mina-

minatio tota ad terras vergat, tamen in lateribus terræ prædictis nihil efficiunt, quia in illa vel obliquè admodum radij incidunt, vel ea tantummodo tangunt. Verum illuminatione sua easdem maris partes, quæ sunt ad G, vna cum Sole, ac Luna percellunt.

Ex quibus apparet duas tantum orbis terræ partes totis, ac plenis astrorum luminibus impeti, in quibus scilicet duo oppositi æstus ebulliunt.

Idem possumus hoc modo confirmare, quia cum totum firmamentum sit innumeris penè syderibus stipatum, loco concaui, ac sphaerici speculi haberi potest, & proinde illius instar amborum luminarium lumen reflectere; qua ratione patet omnem ferè ad partes prædictas D, emitti reflexionem.

His rationibus manifestum esse patet prædictum æstus tumorem luminaribus auersum, atq; antipodum ex prædicta reflexione exurgere.

Possit etiam quispiam sic opponere, si illuc prædicta luminum reflexio pertineret, non solum illam aquarum ebullitionem efficeret, verum etiam lucem aliquam eodem afferret, quod tamen sensu minimè apparet. cui sic respondendum videtur, necessarium non esse, vt reflexio illa, quæ hoc modo mare afficit tanta sit, vt etiam illud luce solito maiori afficiat; quod experientia constat in alijs cæli influxibus: quàm sæpè enim Luna nubilofo etiam tempore, fluxum, ac refluxum priorem parit, cum tamen nullam tunc lucem nobis afferat? quamuis enim lumen stellarum superficiem maris non attingat, attingit tamen superficiem vaporum, exhalationum, ac nubium, quæ terram in sphaeræ modum ambiunt, ac parum à terra circumquaq; attolluntur: quem exhalationum ambitum deinde luminarium virtus facile penetrare potest. Nullum præterea lumen apparet, quia lumen reflexum, præsertim ex conuexis corporibus, vt sunt stellæ, valde debile est, quia conuexu illud reflectendo non vnit, sed disgregat, contra quam facit concauum.

Tandem quærere quis posset, cur æstus hic secundus minor sit priori. Cui respondendum, quia ille à directis radijs, hic verò à reflexis, progignitur: radios autem reflexos debiliores esse directis optici docent, atq; experientia confirmat.

Porrò quando luminaria sunt opposita, vt si Luna esset in B, Sol verò in K, tunc maximus fit vterq; fluxus, quia radij directi vtriusq; vniuntur cum radijs reflexis alterius; ita vt vterq; æstus fiat, & per radium reflexum, & per directum simul, v. g. æstus, qui Lunæ subiacet fit per radium Lunæ directum, & quia Sol est in oppositione cum Luna, fit vt ipsius radij reflectantur, & vniantur cum directis Lunæ ad eundem tumorem excitandum. similiter infra Solem directè alius fit à directis ipsius radijs; & quia Luna ei opponitur lumen eius ad vsq; sydera pertinens reuertitur, vnaq; cum directæ Solis luce ad eundem efficiendum concurrat.

Existentibus demum luminaribus circa quadratum aspectum, vt si Luna esset in F, Sole existente in K. exiguus, ac penè nullus fit fluxus, quia eorum vires non sunt vnitæ, cum radij nec incidentes, nec reflexi vniantur. imò vires eorum separatæ maria in contrarias partes distrahunt, vnde fit, vt neutro alteri concedente, apud neutrum victoria constet.

Atq; hæc est mea de æstu maris per reflexionem sententia. quam iamdiu inuentam, atq; auditoribus meis sapius explicatam, reperi tandem non sine gaudio

gaudio fuisse etiam subtilissimi Scoti opinionem, quam ipse breuiter in primum sent. de creatione mundi tantummodo sine vlla expositione, atq; confirmatione proponit. in eadem prorsus sententia est Rogerius Bachon inter Opticos probatissimus, cap. 5. de Speculis Mathematicis.

Aliorum demum opinationes, siue Angelo cuidam, siue virtuti totam terram persuadenti hunc altum ascribentium, non est meum refellere, cum non physicum, sed mathematicum agere instituerim.

Cap. 7. (*Quod Imagunculas animatas esse, &c.*) huiusmodi imagines, & 272
statuas, quæ spontè mouebantur Græci appellarunt Automata, idest spontanea, cuiusmodi sunt automata Heronis, Alexandrini, quæ adhuc extant.

IN LIBELLVM

De admirandis auditionibus.

Numero 82. Quæ de illa insula extra Herculis columnas sita narrat, 274
eam putant recentiores Geographi, & quidem meritò nouo orbi conuenire.

Numero 100. Quæ de Istro, siue Dannubio tradit, eum scilicet 275
esse bifidum, alteroq; ramo in Pontum, altero verò in Mediterraneum exonerari: sunt contra omnes recentiores Geographos; apparet tamen eam fuisse veterum nonnullorum opinionem, quos sequutus Arist. deceptus est, à quibus etiam multò post falsi sunt Diodorus, Pomponius, & Solinus, qui Istrum Istriæ Prouinciæ fluuium faciunt, quem ex Istro Germaniæ veluti ramum contra omnem veritatem deriuant. Verùm hoc illis condonandum præsertim antiquioribus, cum tunc temporis Geographia parum esset exculta.

Primus Strabo hanc falsitatem libro 1. redarguit, & post ipsum Plinius Istrum istum fabulosum appellat.

IN LIBELLVM

De lineis insecabilibus, siue indiuiduis.

Disputat libellus hic sanè acutissimus, Vtrum quantitas constet ex 276
indiuisibilibus, quam quæstionem recentiores agitant in Physicis tractatione de Quantitate; atq; hinc nonnulla sumunt argumenta: plura sumpturi nisi operis obscuritas, & mathematicarum, ignoratio hætenus obstitisset.

Sciendum igitur primo loco, nos posse duo indiuisibilium genera in quantitate concipere. primum eorum, quæ verè indiuidua sunt, nullasq; habent partes, siue nullo modo sunt quanta; cuiusmodi est punctum mathematicum.

Alterum quorundam indiuisibilium quidem, sed tamen quantorum cuiusmodi essent, quædam adeò minimæ lineæ, quæ omnem effugiant diuisionem: ex quibus antiqui opinabantur lineas totales, ac diuiduas componi. atque de hoc secundo indiuiduorum, quantorum genere videtur opusculum

CC

istud

istud differere. & quia partim rationibus physicis, partim geometricis utitur, ideò nec omninò physicus, nec omninò mathematicus est. Ego igitur, quæ mathematica sunt, ex instituto exponere aggrediar.

Ad intelligentiam igitur huius operis necessarium est nouisse, quæ nam sint quantitates commensurabiles, & quæ incommensurabiles. quæ prima, & secunda definitione 10. Elem. explicantur; egoq; eas primo Priorum occasione asymetriae diametri cum costa satis exposui: vtrumuis locum videris præsentī necessitati consultum erit.

277 Primus locus Mathematicus est hic (*Postremò ex ijs, quæ tradunt Mathematicis imbuti disciplinis, quivis lineam aliquam insecabilem esse concedet. nam si, ut aiunt, illæ commensurabiles sunt lineæ, quæ eadem mensura dimetiri queunt, & nihil impedit, quin omnes commensurabiles re ipsa dimetiantur, extabit profectò longitudo aliqua, quæ omnes commensurabuntur; quæ necessariò erit indiuidua, nam si dicatur esse diuidua, huius quoq; mensuræ partes, mensuram aliquam communem habebunt, partes enim toti commensurabiles sunt ita, ut portio partis illius, quæ dimidium totius fuerat, efficiatur dupla alterius; quoniam autem hoc fieri nequit, atoma debet esse mensura hæc communis.*)

Eodem modo, & quæ simul ab ipsa mensura commensurate, tanquam omnes ex ea mensura compositæ sunt lineæ, veluti ex atomis conflantur.

Afferit rationem quandam ex Mathematicis, quæ nonnulli probabant extare lineas atomas, ex quibus cæteræ lineæ tanquam partibus constarent: ac proinde negabant lineas esse in infinitum diuiduas, seu quamlibet lineam secari posse, sed asserebant diuidèdo, tandem ad indiuiduas deveniendū esse.


Præmissa igitur, ut monui commensurabilium, & incommensurabilium linearum cognitione in hunc modum, & textum Aristot. & rationem ipsorum exponam.

Mathematici ostendunt extare lineas commensurabiles, quæ scilicet eadem communi mensura mensurantur: at nihil impedit quin omnes cōmensurabiles re ipsa mensurentur, debet ergò extare vna aliqua longitudo, quæ omnes commensurabiles dimetiamur. hanc autem necesse est esse atomam, nam si diuidua statuatur, poterit semper secari, & subsecari bifariam, quare cum partes huiusmodi sint toti commensurabiles, sequetur aliam existere mensuram, quæ omnes hæc partes, & proinde tota lineæ commensurentur. Verum hoc fieri nequit, nam hoc pacto non esset vna tantum longitudo omnium commensurabilium linearum communis mensura, verum plures, & plures in infinitum, quod est contra Mathematicorum placita. dicendum itaque, communem illam omnium mensuram esse omnis diuisionis expertem, & propterea etiam lineas omnes commensurabiles ex atomis lineis componi, quæ nimirum prædictæ communi mensuræ æquales sint. atq; hæc est illarum prima argumentatio.

278 Secundus locus (*Idem etiam contingit in figuris planis, quæ à lineis rationalibus procreantur: nam omnes huiusmodi figuræ erunt etiam inuicem commensurabiles, quare eadem ratione, quæ in lineis proximè vsi sumus, sequetur earum communem mensuram esse pariter indiuiduam.*)

Sciendum est omnes lineas cōmensurabiles longitudine, esse etiam commensurabiles (ut aiunt Geometræ) potentia, idest secundum quadrata earum,

rum, siue dicas quadrata quoque earum esse commensurabilia, v.g. linea duarum vnciarum, & linea trium vnciarum sunt commensurabiles longitudine, & potentia, quia potentia lineæ duarum vnciarum, siue quadratū, est quatuor vnciarum superficialium: & quadratum lineæ trium vnciarum, est nouem vnciarum quadratarum, vt patet in figuris, quorum quadratorum communis mensura est vncia vna quadrata. atque hanc





illi nullo modo diuidi posse contendebant.

Tertius locus (*Præterea si quis communem statam, ac determinatam mensuram faciat diuiduam, non erit amplius in rerum natura linea vlla rationalis, aut irrationalis, respectu expositæ, ac determinatæ lineæ; neque aliarum vlla erit, de quibus modo dictum est, veluti quam Apotomen vocant ex duobus nominibus. Verum neque secundum se aliquam definitam naturam habebunt, sed collatæ sibi ipsæ tam rationales, quàm irrationales erunt omnes.*) 279

Hæc est alia eorundem ratio ad idem comprobandum: quam, vt benè percipiamus, nonnulla prius ex definitionibus 10. Elem. sunt explicanda: vt quæ nam sint lineæ rationales, quæ irrationales, quæ ex binis nominibus, quæ Apotomæ.

Proposita igitur linea quapiam, v.g. trium palmorum qualis est linea A, possunt inueniri quamplurimæ lineæ, quarum aliæ sint illi longitudine commensurabiles, siue quæ cum exposita A, habeant communem mensuram. v.g. linea B, quinq; palmorum est commensurabilis lineæ A, quia vtramque communis mensura vnus palmi metitur: aliæ verò sint eidem A, longitudine incommensurabiles, qualis esset diameter C D, quadrati lineæ A, quæ est cum latere A, incommensurabilis ex vltima 10.



Cæterum lineam primò expositam, vt est in præsentia A, quod esset notæ quantitatis, Græci appellauerunt *Ρήτην*, idest rationalem, quemadmodum Latini eam appellant.

Linearum autem longitudine incommensurabilium cum exposita rationali A, aliæ sunt, quæ tamen sunt commensurabiles eidem potentia, idest constituunt quadrata, quæ sunt commensurabilia quadrato rationali A, vt linea C D, cum sit diameter quadrati li-

neæ A, quadratum exhibet, quod est duplum quadrati lineæ A, ex 47. primi, quadratum autem lineæ A, est nouem, igitur quadratum eius duplum erit octodecim, quadratum scilicet lineæ C D. octodecim autem, & nouem sunt cōmensurabilia communi vnitatis mensura, huiusmodi lineæ dicuntur commensurabiles potentia tantum, potentia .n. lineæ dicuntur quadratū illius.

Quæ igitur rationali propositæ sunt commensurabiles aliquo modo, siue longitudine, & potentia (quæcunq; enim commensurabilis est longitudine, est etiam potentia) siue potentia solum, rationales ipsæ quoque dicuntur.


CC 2

Alia

Alia verò (quarum permultæ in decimo reperiuntur) quæ nec longitudine, nec potentia illi sunt commensurabiles, irrationales appellantur, qualis esset media proportionalis EF, inter duas A, & CD, in præsentī figura ex 11. 10.



Sciendum præterea ex 37. 10. & sequentibus, quod ex duabus lineis rationalibus respectu rationalis expositæ. v.g. A, commensurabilibus inuicem tantum potentia, componitur linea, quæ cum eadem exposita est irrationalis, vocaturq; ex duobus nominibus, siue Binomium, vt si ex latere A, & diametro CD, componatur linea ACD, erit irrationalis cum rationali A, diceturq; binomium. Amplius ex 74. 10. & sequentibus, si prædictum minus nomen, siue minor linea A, detrahatur ex maiori nomine CD, vt relinquatur BD linea, erit ipsa reliqua BD, irrationalis, quam postea appellant Apotomen, siue latine Residuum.



Postremo, & hoc non ignorandum ex 43. 10. lineam, siue binomiū ACD, non posse diuidi in alio puncto, præter C, in duas lineas, quæ sint rationales expositæ, & potentia tantum inuicem commensurabiles.

His præmissis textum, ac rationem illorum explicabo in hunc modum.


Si quis faciat diuiduam lineam illam, quæ est communis mēsurā omnium commensurabilium, sequetur hoc absurdum contra demonstrationes 10. quod nulla erit amplius linea rationalis, nec irrationalis, quia si communis mensura diuidatur, tolletur ea de rerum natura; vnde non erit amplius inter lineas symetria vlla, quare neque vllæ erunt rationales, esse enim rationale oritur ex commensurabilitate. quare neq; extabit illa rationalis exposita, ad quam ceteræ relatæ dicuntur rationales, vel irrationales: quapropter etiam irrationales nullæ erunt, neq; vlla alia erit ex prædictis, veluti nec irrationalis illa, quam vocant Apotomen ex Binomio, siue ex duobus nominibus, de qua Euclides propos. 74. 10. & sequentibus pertractat.

Notandum in versu illo (*Apotomen ex duobus nominibus compositam*) vnica voce illa (*Compositam*) addita ab Interprete latino, quæ non extat in text. græco, magnum Aristoteli imponi erratum, cum hac ratione dicat apotomen ex duobus nominibus esse compositam, quod falsissimum est. Apotome enim, vt supra dictum est, ne dum ex duobus nominibus constat, verum ipsa est residuum lineæ maioris, si minor ab ipsa detrahatur. Verumenimvero vox illa (*Compositam*) in nullo codice reperitur, quare pro arbitrio, atque ex Geometriæ inscitia addita, tolli debet, ne tantæ inscitie Arist. ipse redarguatur. hæc in hunc locum sufficiant.

280 Quartus locus (*Quod verò de commensurabilibus lineis postremo dicunt, omnes vna quadam, & eadem mensura oportere mensurari, falsum est admodum, & nequaquam Mathematicorum suppositionibus concordat. non enim ita supponunt Geometra, neq; vtile ipsis istud foret, imò potius aduersaretur, lineas omnes commensurabiles esse, & omnium commensurabilium linearum communem mensuram existimare. quomobrem ridiculum est eos, qui dicunt se demonstrare ex Geometrarum decretis, & ex quibus Mathematici docent in contentiosam pariter, ac fallacens*

sem diuertere argumentationem, præsertim tam inualidam, nam multis modis inbecillis est eiusmodi ratio, & quouis modo licet euitare, ne aut inusitata dicere, aut argui videamur.


Refellit hoc loco superiores rationes in tribus locis præmissis allatas, quibus nonnulli probabant quantitatem ex indiuiduis constare, & proinde concedenda esse quædam Quanta, omnino atoma; sic igitur inquit. Quod verò de commensurabilibus lineis dicunt, omnes videlicet vnica quadam, eademq; determinata mensura mensurari oportere, falsum omnino est, & contra mathematicorum dogmata, non enim Geometra hoc asserunt, cum ipsorum demonstrationibus aduersetur; sed tantum dicunt omnes lineas, quæ ad inuicem sunt commensurabiles, commensurari, vna eademq; mensura,



sed non tamen vnica, idest non vnica, ac determinata. possunt enim esse plures eademq; mensuræ communes plurium quantitatum commensurabilium, vt præsentium trium linearum 4. 6. 8. communis mensura est linea 2. binarius enim tres numeros 4. 6. & 8. mensurat. & si linea 2. bifariam secetur, erit dimidium eius linea 1. quæ pariter erit communis mensura trium prædictarum li-

nearum, cum vnitas sit omnium numerorum communis mensura. bene verum est, quod Geometra, quando simpliciter loquuntur de huiusmodi communi mensura, intelligunt de ea, quæ inter omnes est maxima: vt in prædictis tribus lineis maxima earum communis mensura est linea 2. Atq; hoc sibi volunt Geometra, ex quibus totus hic textus intelligi potest.

Quintus locus (*Ob rectæ verò lineæ motum in semicirculum, quam necesse est in rectum ita diuidere, vt infinitæ circumferentiæ, & interualla totidem inueniantur*) Interpres latinus sic vertit (*Ob rectæ verò lineæ motum in semicirculum, diuiduas non credere, &c.*) vbi verba illa (*Diuiduas non credere*) pro arbitrio, ac sine ratione, imò contra rationem addidit: tum quia in Græco textu non extant, tum quia sensus totius sententiæ is est, vt potius debuisset affirmatiuè dicere (*Diuiduas credere*) nam Aristoteles videtur sic argumētari, quando recta linea A B, vt in apposita figura mo-




uetur intrando in semicirculum C A D B, ita vt primò sit in situ A B, secundò in E F, tertio in G H, & similiter in alijs omnibus semicirculi locis, necessariò accidit, vt infinitæ periphæriæ, quales sūt A B, E A B F, G E A B F H, cadant inter infinitas partes lineæ ingredientis, vt sunt A B, E F, G H, atq; tam tota recta

ingrediens, quàm totus semicirculus, diuidatur in partes infinitas, ita vt nulla pars lineæ rectæ, neq; vlla semicirculi supersit, quæ se se mutuò non diuidantur, ergò nihil tam in linea, quàm in semicirculo remanet, quod non secetur: tota igitur linea recta, & periphæria illa diuidua est, quam ob rem nullo modo constare potest ex indiuiduis, ex quibus manifestum est perperam additamentum illud factum esse, & simul ratio, & textus Arist. eadem opera patefacta sunt.

Sextus

282 Sextus locus (*Rursus quoque, facile persuaderi potest ex motu duorum circulo-
rum æqualium, nam quisquis horum moveatur, oportet per maiorem semicirculum
moveri, & quæcunque alia huiusmodi constituta sunt de lineis, fieri non posse, ut
talis ullus motus peragatur, quin prius omnibus, & singulis interiectis occurrat.
Atque hæc Mathematicorum scita, multò magis ab omnibus concessa sunt, quàm
illorum dicta.*)

Hæc est alia ratio, qua probat totam circuli peripheriam esse diuiduam,
sint enim duo circuli æquales primum in eo-
dem loco, vocenturq; A, & B, deinde circu-
lus B, moveatur, & discedat à circulo A, ma-
nente; statim namq; pars egressa EFG, erit
maior semicirculo, & semper fiet maior, ac
maior. atq; in tali motu omnes partes egre-
dientis circuli secantur ab omnibus partibus
circuli manentis. vnde patet nihil esse in eo-
rum peripherijs, quod non diuidatur. nul-
lum igitur in eis est indiuiduum. falluntur igitur aduersarij.



283 Septimus locus (*Quamuis autem ex confutatis nuper rationibus appareat, ne-
que probabile, neque necessarium esse lineas ullas indiuiduas extare, tamen ex ijs
etiam, quæ deinceps subiungam, multò magis perspicuum euadet. & primò quidem
per ea, quæ Mathematici demonstrant, atque addiscenda proponunt, quæ mutare
non decet, nisi probabiliores rationes habeamus. Nam neque lineæ, neque recta li-
neæ definitio cum infecabili lineæ consentit, ut quæ nec inter duo puncta extensa
sit, nec medium ullum habeat.*)

Idem, sed paulò mutatis verbis postea repetit, quæ fortè ab aliquo per
errorem addita sunt. Verumenimverò maximè considerandum est, quan-
tum hoc loco Arist. Mathematicis demonstrationibus tribuat: quod dixe-
rim propter recentiores quosdam, qui eò audaciæ deuenerunt, ut Euclidis
firmissimas, atq; Aristot. testimonio, veterumq; Philosophorum omnium
comprobatas, negare non verentur Demonstrationes.


Cæterum Arist. iterum opinionem asserētium lineas infecabiles hoc mo-
do confutat: nam si inquit, lineam illam, quam vocant infecabilem, est non
solum lineæ, sed etiam lineæ rectæ, illi conueniret rectæ lineæ definitio, sed
nullo modo potest ei conuenire, ergò tollendæ sunt de rerum natura huius-
modi lineæ. Porro definitio lineæ est, ut sit longitudo latitudinis expers, &
si recta sit ex æquo sua interioret puncta extrema, ergò ipsa lineæ media erit
inter duo indiuidua extrema puncta; at verò lineæ, quam ipsi volunt esse,
indiuiduum quoddam, quæ ratione medium erit inter alia duo indiuidua?
ipsi enim videtur velle istam lineam non habere medium vllum, si enim con-
cederent habere medium, iam posset in medio secari, quod ipsi nequaquam
concederent: patet igitur definitionem lineæ minimè illi conuenire, & pro-
pterea neq; esse inter lineas enumerandam.

284 Octauus locus (*Deinde omnes lineæ commensurabiles erunt: nam omnes ab in-
diuiduis lineis dimetientur, quæq; longitudine, quæq; potentia sunt commensurabi-
les. indiuiduæ autem lineæ sibi ipsis commensurabiles sunt longitudine, cum inter se
sint æquales; quare potentia quoque, quod si hoc est, diuiduum erit quadratum.*)

Pergit


Pergit adhuc nouis rationibus aduersarios refellere, dicens, si extarent huiusmodi indiuiduæ lineæ, sequeretur omnes omnino lineas esse commensurabiles, quod est contra demonstrata in 10. Elem. quia cum omnes lineæ constet per ipsos ex lineis atomis, istæ atomæ essent omnium linearum communes mensuræ, vnde & illæ, quæ dicuntur potentia tantum commensurabiles, vt supra explicauimus, erunt etiam commensurabiles longitudine. indiuiduæ verò ipsæ, cum sint inuicem æquales, erunt ipsæ quoque commensurabiles longitudine, quare & potentia, omnes enim longitudine commensurabiles, sunt etiam potentia commensurabiles, ex 9. 10. vnde sequitur quadrata earum omnia esse quoque commensurabilia: atque hinc consequitur, inquit, ea esse quoque diuidua (quam consecutionem probat infra num. 290.) vnde sequeretur ipsam quoque lineam latus quadrati posse diuidi, non igitur ponenda erat indiuidua.

Nonus locus, cuius latinam interpretationem, cum admodum esset deprauata ex græco textu, in hunc modum correxi (*Præterea cum circa maiorem latitudinem facit applicata, æquale ei, quod ab indiuidua, & pedali copulatis circa bipedalem, minorem faciet latitudinem, quam sit indiuidua: erit minus, quod circa indiuiduam*) id est cum minor linea applicata cum maiore, latitudinem



faciat. v. g. linea minor AB, applicata cum maiori BC, vt in figura, ita vt contineant figuram ABCD. Minor AB, facit latitudinem figuræ, maior verò BC, facit longitudinem. Iam cum aduersarij velint extare huiusmodi lineas ato-

mas, constituatur figura sub vna ex illis, quæ sit v. g. AB, & altera maiori, quæ sit pedalis, v. g. BC, vt in præcedenti figura, sumatur deinde linea bi-




pedalis EF, cui per 45. primi applicetur spatium EFGH, æquale spatio superiori ABCD, necessario latitudo EH, huius secundæ figuræ minor erit quam latitudo il-

lius, hoc est minor, quam sit indiuidua AB, quod est absurdum. vel dicere, oportet spatiū circa indiuiduam AB, esse minus quam istud posterius, quod est contra constructionem, & propterea pariter inconueniens, non igitur huiusmodi lineæ sunt ponendæ.

Decimus locus (*Cum ex tribus datis lineis triangulus componatur, ex tribus quoque indiuiduis lineis componi poterit. in omni autem æquilatere perpendicularis in medium basim incidit. quare, & in medium indiuiduæ.*)

Ex 22. primi Elem. ex tribus datis lineis, quarum quælibet duæ sint, reliqua maiores potest constitui triangulum: poterit igitur ex tribus indiuiduis constitui triagulum, illudque æquilaterum, cum omnes indiuiduæ lineæ sint æquales. sit igitur ex eis triangulum ABC, si igitur ab angulo A, ducatur perpendicularis AD, ad basim BC, eam bifariam secabit ex scholio 26. primi, erit igitur linea BC, secabilis, contra quam aduersarij opinantur.




Vndecimus locus (*Si quadratum ex quatuor indiuiduis constituatur diametro protracta, & perpendiculari ducta, quadrati costa potentia perpendicularem, diame-*

trumque,

trumq; mediam aequat: quare non erit minima. neque duplum erit spatium à diametro consurgens illius, quod ab indiuidua procreatur: nam aequali ablato, reliquum erit minus indiuidua, nam si aequalis, diameter quadruplum describeret, &c.)

ideft si per 46. primi quadratum. v.g. A B C D, ex quatuor infecabilibus componatur, cuius diametro B C, perpendicularis A E, infistat, erit per 47. primi quadratum linearum A B, æquale quadratis linearum A E, E B, quare tam E B, quam A E, minores erunt ipsa A B; quare ipsa non erit minima cum sit indiuidua, quod est absurdum. Præterea ex scholio 47. primi, quadratum C B F G, diametri C B, duplum est quadrati A B C D,



ergo diameter C B, maior quam A B. Auferatur igitur ab ipsa, C B, æqualis ipsi A B, quæ igitur reliqua erit, vel erit æqualis ipsi A B, vel minor. non æqualis, quia tunc diameter dupla esset lateris A B, & quadratum diametri quadruplum foret quadrati lateris A B. ex scholio 4. secundi, quod absurdum est, repugnat enim 47. primi. nec minor, quia hoc modo existeret linea quædam minor minima, scilicet atoma, quod pariter est inconueniens.

288 Duodecimus locus (*Amplius si quævis linea præter infecibilem in partes diuidi potest, tum æquales, tum inæquales, scindatur linea in tria frusta, quæ non constet ex tribus atomis, sed vniuersaliter ex imparibus numero atomis, sic diuisa erit linea indiuidua. similiter autem si in duo diuidatur linea, quæ ex imparibus constat*) hoc est detur linea quæpiam ab aduersario ex lineis indiuiduis numero imparibus, constans. v. g. ex quinque; hæc diuidi potest in tres æquas partes per 10. 6. Si igitur diuidatur in tria æqualia, necessariò tres ex atomis illam integrantibus erunt dissectæ, nam tertia quælibet pars continebit indiuiduam ynam cum duabus tertijs alterius partibus. idem accidet si bifariam per 10. primi, secetur quævis ex imparibus numero atomis conflata.

289 Decimustertius locus (*Quod si bifariam quidem non omnis linea finditur, sed quæ solum ex paribus conflata sit. si iam in duas partes diuisa, in quæcunq; diuidi potest diuideretur, sic quoq; infecibilis linea diuideretur, quando ex paribus composita, per inæqualia scinderetur*) ideft, quod si dixerit aduersarius, non omnem lineam bifariam diuidi posse, sed eam solum, quæ ex numero paribus atomis constiterit: ea igitur diuidatur primo bifariam. deinde iterum diuidatur quomocunque, ideft & bifariam, & non bifariam, nam hoc etiam pacto indiuidua diuidetur, quod est inconueniens.

290 Decimusquartus locus (*Amplius non esset cuiusuis lineæ quadratum: haberet enim longitudinem, & latitudinem; atq; idcirco diuisibile erit, cum illa quidem aliquid, hæc autem aliquid aliud; quod si quadratum diuiduum est, & linea, unde procreatur, diuidua erit*) posse super quamuis datam lineam quadratum describi patet ex 46. primi, quadratum igitur descriptum ab indiuidua, cum sit superficies, latitudinem, ac longitudinem habebit, quæ diuersæ sunt dimensiones. poterit ergo secundum vtramq; diuidi; ex qua diuisione necessariò latera ipsius, hoc est lineæ, quas indiuiduas illi ponunt diuidentur, quod est inconueniens, non igitur indiuiduæ erunt.

291 Decimusquintus locus (*Adbuc etiam, vt linea sic, & superficies, & corpus erit impartibile: vno quippe indiuiduo existente, cætera quoq; consequentur, quia*


vnum

unum per aliud diuiditur. at corpus indiuiduum non est, cum in se latitudinem, & profunditatem contineat: quare nec linea potest esse atoma. corpus siquidem in superficies, superficies verò in lineas soluitur) hoc est: præterea, quemadmodum linea per aduersarium extat indiuidua, sic & superficies ab eadem linea descripta erit atoma, & corpus ab hac superficie descriptum erit impartibile. Sciendum enim, quod ex motu puncti describitur linea: ex motu lineæ describitur superficies: ex motu tandem superficiæ corpus ortum habet, ut solet in horum definitionibus explicari.

Si igitur horum vnum nempe linea sit atoma, & reliqua, quæ ab ipsa manant erunt indiuisa, quia corpus diuiditur per superficiem, & superficies per lineam, id est ad diuisionem corporis necesse est diuidi superficiem, & ad superficiæ diuisionem diuidi lineam, quæ ipsam terminat. At cum omne corpus latitudinem, & profunditatem habeat, nullum poterit extare corpus, quod diuidi nequeat; quare neque illud, quod ab atoma linea oriretur. Quare nec linea illa corporis procreatrix erit indiuidua; corpus siquidem in superficies, & superficies in lineas quodammodo resoluitur: & ex diuisione solidi superficies secari debet, & demum superficiæ, sectionem lineæ sectio subsequitur. Tollendæ igitur sunt de rerum natura lineæ atomæ.

Decimus sextus locus (*Quin etiam orbis circunferentia rectam lineam pluri- 292*
bus tanget punctis, punctus enim contactus, quiq; est in circulo, quiq; est in recta, se se mutuo tangunt. quod si hoc fieri nequit, neq; punctus punctum tangere valet: quod si se tangere nequeunt, neq; linea punctis constare potest, nam neque punctum tangere necessarium est.

In 2. 3. & corollario eius demonstratur circuli peripheriam tangere rectam lineam in vnico puncto. iam si linea constaret ex punctis indiuiduis tanquam partibus, posset circulus tangere rectam lineam in duobus punctis.



Sit circulus, cuius centrum A, tangens lineam rectam B C, constantem ex punctis, quorum vnus sit in extremo D, lineæ B D. alterum verò in E, principio lineæ E C, circulus A, tangere poterit in F, termino communi vtriusque lineæ, hocque modo tanget vtrunq; punctum D, & E, quod est

impossibile per 2. 3. sequitur igitur neq; illa duo puncta D, E, se mutuo tangere. & eadem ratione nulla alia puncta eiusdem lineæ. ex quibus manifestum est, impossibile esse, lineam ex huiusmodi punctis constare posse.

Reliqua huius opusculi, quamuis Mathematica alicui videri possint,

non tamen sunt, non enim linearibus indigent demonstrationi-

bus, neq; ex Geometriæ principiis procedunt. ad Physi-


cum igitur pertinebunt, cuius est disputare, num

indiuidua existant, & quomodo in quanti-

tate, idq; rationibus aliunde, quam

ex Geometria deductis.

∴



DD

In

In Librum de Propriet. Elementorum.

Libellum de causis proprietatum Elementorum, quamvis nonnulla mathematica loca contineat, tamen, quia certò constat ex ijs, quæ in eo de Secta Arabum, de Sclauis, de Dalmatis, qui multis post Aristotelem sæculis floruerunt, auctorem alium esse ab Aristotele consultò, & meritò omisi.

In Librum de Causis.

Alterum de causis libellum pariter prætermisi, cum is vocibus Arabicam barbariem redolentibus scateat: phrasis præterea, & quedam de Deo dicta, planè indicant auctorem non esse Aristotelem; sed potius Arabem quempiam.



211
EX LIBRO NONO
DE HIST. ANIMALIVM.

Araneorum industriae.


C Ap. 39. (*Aranei statim cum editi sunt, fila mittunt, non ab intrinseco 293*
tanquam excrementum, ut Democritus ait, sed ab extrinseco de suo cor-
pore, veluti cortice; aut more eorum animalium, quæ suos villos iacu-
lantur, ut hystricis) Cum olim in hunc locum incidissem, incescit
animum meum illa cupido, ut scilicet certò scirem, num iure, an iniuria,
Arist. Democritum hoc loco rejiceret, Araneum fila ab intrinseco emitte-
re asserentem: quapropter ad magistræ rerum experientiam confugi, ac-
cepto manu bacillo Araneum quendam ex ijs, qui circulares telas, quas
nonnulli, & quidem aptè labyrinthos appellant, ingenio utiq; mathematico
contexunt, sic adij, ut Araneus pro arbitrio super bacillum liberè inambu-
laret, dum ipse interim curiosius illum obseruarem, quam videlicet ex
parte filum foras ederet; cum ecce tibi Araneus experienti mihi ultro fa-
uens se se ex baculo demisit, ita tamen, ut ex filo suo in aere suspensus re-
maneret. cum primum obseruo ipsum inuersum, hoc est capite deorsum, &
ventre sursum pendere. ut autem acutius cernerem, eum opacæ cuidam rei
opposui, ne præ nimia luce tenuissimum aranei filum aciem oculorum effu-
geret; quo facto in temperata luce illa, clarissimè videbam filum ex secessu
aranei prodire. Araneumq; vno pede filum illud retinere, ne amplius exi-
ret, longiusq; fieret, quàm suo consilio par esset. coegi deinde ipsum ascen-
dere, & descendere sapius, donec certò certius, mihi constitisset filum illud
non ab extrinseco, ut hoc loco Arist. affirmat, sed ab intrinseco quippe ex
secessu prodire, ac proinde verissimam esse quamuis ab Arist. reiectam De-
mocriti sententiam. cum Arist. pariter errauit Vlysses Aldobrandus in suo
de insectis pulcherrimo, atq; doctissimo Opere.

Verumenimverò opportunè accidit, ut huius dubitationis solutio, aliam
mihi alterius quæstionis, iam olim summis votis expetitam asserret expli-
cationem. ea est huiusmodi. sapius fueram expertus, Araneos quosdam ef-
se, qui ex vno loco ad alium omninò sibi inaccessibilem, transeant, siue quod
idem est, ex eo loco, ad illum fila deducant, ut ex vna arbore ad aliam;
quamuis inter vtramq; aut aquæ, aut densissima spineta, ac sepes interpo-
nantur. quod maximè mane æquitantes experimur, dum nobis fila per vias
transuersa, oculis, atque vultui obuiantia adherent. Qua ratione id Ara-
neus perficeret, neminem, qui literis mandasset, reperi, ne ipsum quidem
Vlysses Aldobrandum, qui in hac eruditorum palæstra, maiores nostros
omnes videtur superasse. Physiologi à me hac de re interrogati, varij va-
ria, nec consentientia respondebant. Alij aiebant Araneum se demittere,
ac suspendere ex vna arbore, & deinde ad aliam à vento perferri. at ego his
minimè assentiebar, quia in Araneo nullum esset naturale instrumentum,

DD 2

veluti

veluti velum, in quod ventus possit impingere. Alij Araneum ex vna arbore descendere, & postea alteram conscendere, interim emissum retro filum raptando, ac deinde sursum attrahendo attollere, ac prætendere: sed horum responsionum ob plurima impedimenta, quæ tenuissimum filum sæpius scidissent, subridens refellebam. Alij verò aiebant Araneum qualitate quadam præditum esse, qua ipse per aera, non secus, ac per aquam pisces, & per aerem volucres, ambulare posset. Verum opinatio ista, ne risu quidem digna videbatur. Huius igitur quæsitæ solutionem, quam omnes ad hanc usque diem latuisse putò, quamque omnibus gratissimam fore cognoui tibi loco auctarij initio promissi, nunc persequar. accidit ergò, vt dicebam, vt dum Araneus fugæ cupidus ex bacillo in temperatæ lucis loco, nimirum è regione alicuius opaci penderet, vt cernerem ex filo illo, ex quo suspendebatur plura alia fila hinc inde alternatim prodire, quemadmodum ex alternis arundinum nodis folia enasci solent. quæ fila, innata læuitate, per aerem quoquo versus ceu natantia diffundebantur. factum est autem, vt eorum vnum quendam arboris cuiusdam ramum attingeret, eiq; statim adhereret; quod illico Araneus optimè persensit, quippe quod filum illud visceribus eius ex altero capite affigeretur, atque per filum illud, alijs omissis, subito, vti egregius funambulus accurrit, sed tamen pedibus sursum, dorso autem deorsum, non supra filum, sed infra ad ramum illum se contulit, sicq; me hostem suum fuga sæpius elusit. Ex qua repetita sæpius obseruatione luce clarius comperi Araneum non simplex filum, sed ramosum, ac multiplex emittere. atq; aliquando ex secessu etiam ipso duo simul eijcere, alterum quo suspendatur, alterum verò, quod forte hac, atq; illac volitans, alicui rei occurrat, atq; hæreat, per quod postea ipse incedens, ad locum sibi prius inaccessible, aditum parat. qua in re fures eos perbellè imitatur, qui schakas ex funibus contextas, ac hamis ferreis munitas, ad fenestras proijciunt, vt per eas ibi affixas conscendere queant. quæ omnia ex apposita figura melius percipies, vbi ex sinistra arbore pender Araneus A, ex filo B A, ex quo tanquam rami alia fila C G, D H, E I, M O, F L, alter-



natum prodeunt, ac per aerem hinc inde volitant. Si ergo filum EI, dextra arbori occurrerit, eiq; hæserit, vt in figura, illico Araneus huius rei conscius, per filum AEI, ascendit, seq; ad prius inaccessam sibi dextram arboris transfert; atq; deinde inter vtramq; ducto iam filo vno, potest vltro, citroq; means, suam etiam circulearem, ac labyrinthiacam telam in muscarum capturam contexere; quales aliquando inter duas arbores admirari solemus.


Quæres fortè, num Araneus filum intus tanquam in glomo, vel spira conuolutum contineat? dicam, quod non sine experientia conijcio, existimo Araneum non continere intra se filum vllum, verum humorem quendam, viscosum, qui in tenuissima fila sit ductilis; quemadmodum videmus accidere gummi, quæ disrupta exhibet lentorem quendam, qui solo attritu ita digitis hæret, vt amoto sensim digito, filum tenue, & oblongum valde deducatur, hoc inde conijcio, quia aliquando cum ventrem Araneorum secuissem nullum intus filum, sed solus humor quidam lentus apparuit.

Cùm ex paruulis hisce meis obseruationibus circa animalculum istud vnum tam præclara cognouissem, quæ nullus ad hanc vsq; diem, quod sciam obseruasset; animaduerti latissimum patere campum ad animalium historiam ampliandam, si ij, qui huic pulcherrimæ cognitioni dant operam, non ijs solum, quæ ab alijs perscripta sunt contenti essent, verum etiam certissimis, atq; exploratissimis experientijs ea coniungerent.


Atque hæc de Araneo satis.

De incessu animalium.

CAp. 7. (Etenim habentia pedes, quoniam super vtrumq; oppositorum crurum vicissim stant, pondusq; sustinent, necesse habent altero progrediente, inflectere alterum; æqualia namque longitudine nata sunt habere opposita membra. & quod ponderi substat rectum esse oportet, vt perpendicularum ad terram, quando autem progreditur, fit hypotenusæ, valens manentem magnitudinem, & eam, quæ interiaceret. quoniam autem æqualia sunt membra, necesse est inflecti id, quod manet, aut in poplite, aut in conplexione) Vult probare in gressu necessariam esse aliquam flexionem membrorum. verum prius sciendum, quod lineam hypotenusam, quemadmodum etiam Athenæus lib. 10. testatur, eam appellant geometræ, quæ in triangulo rectangulo recto angulo subtenditur, vnde & denominata est hypotenusæ, idest subtenso, vt in triangulo ABC, cuius angulus B, rectus sit, recta AC, angulo recto B, subtenso, hypotenusæ dicitur. Arist. igitur ait, quod antequam animal ambulare incipiat, dum scilicet manet, habet crura, quæ manent recta, siue perpendicularia horizonti, cum autem incipit progredi necesse est vtrûq; crus inclinari ad horizontem. nam primum crus in ingressu prolatum sit hypotenusæ, quia scilicet subtendit angulum rectum, quem facit alterum crus adhuc quiescens, cum horizonte;




zonte; vt in superiori triangulo, si concipiamus crura fuisse duo latera A B, A D, quæ manente animali, fuissent ambo simul in situ A B, perpendicularia horizonti; incipiens autem animal ambulare, proferat primo crus A D, A D, fiet hypotenusa trianguli A B C, & quia crus hoc A D, factum hypotenusa æquale est alteri manenti A B, nequit totius veræ hypotenuse A C, officio fungi, quæ æquualet toti A D, & præterea interiacenti D C. vrea autem hypotenusa debet esse maior, quia opponitur maiori angulo nimirum recto B, quam latus A B, quod angulo acuto C, opponitur per 19. primi, & propterea nisi alterum subsequens crus A B, inclinatur, vt in secunda figura, non potest hypotenusa A D, terram attingere, atq; hac de causa necesse est, vt initio gressus vtrumq; crus, quod prius perpendicularare erat, inclinatur; inclinato igitur crure A B, antrorsum tunc prolatum crus A C, terram contingit, sicq; factus est primus gressus B C.



295 Eodem loco (*Signum autem, quod hoc ita se habet illud est, si quis enim iuxta parietem per terram ambulet, quæ designatur linea non est recta, sed obtorta, quoniam minorem quidem flectentis fieri descriptam necesse est; stantis autem, & erecti maiorem*) Vt probet, quod animal in gradiendo modo attollitur, modo deprimitur, signum hoc affert, quia si quis secus parietem per terram ambulet, linea quam vertex capitis in pariete designat non est recta, sed obtorta: quæ linea optimè designatur, si ambulantis umbra in pariete apparens simul, cum ipso in pariete ambulet; videmus enim umbram illam modo altiore fieri, modo breuiorem; quod signum est ambulantis modo inclinari, quando scilicet crus alterum profert, seu crura dilatat; modo erigi, cum crus subsequens præcedenti coniungit, tunc enim incedens fit horizonti perpendicularis.

296 Eodem cap. (*Quoniam autem stat ad rectum, vel concidet recto minore effecto, vel non progredietur: si enim altero crure recto progreditur alterum, maius erit cum sit æquale: hoc nanq; poterit, & id, quod quiescit, & ipsam hypotenusam, necesse igitur est, & inflectere id, quod procurrit, & inflexum simul alterum extendere, membra enim triangulorum æquilaterorum efficiuntur, caputq; sit inferius, ubi perpendicularum fuerit, in quo firmatum est*) Hæc sunt ferè eadem cum ijs, quæ in primo huius capitis loco dicta sunt. proinde ea cum duabus illis triangulorum figuris repetenda sunt, vt breuius quæ nunc restant explicentur. quoniam igitur animal antequam gradiatur, maximè homo, stat horizonti perpendicularis, necesse est ad progrediendum, vt fiat aliqua membrorum inflexio, si enim homo sine vlla sui corporis flexura inclinet se ad horizontem, ita vt cum horizonte faciat ex anteriori parte. v.g. angulum recto minorem, siue acutum, vel concidet, vel non poterit progredi; si enim alterum crus præmitteretur, altero manente perpendiculari, sicq; progredieretur quispiam, sequeretur crus prolatum, quale est A D, in priori triangulo, debere fieri maius altero crure A B, manente, quia fieret tota hypotenusa A C, sic enim terram attingeret; at non potest fieri illo maius, quia est illi æquale, ergò hac ratione incessus fieri nequit. necesse igitur reflectere

Atque utrumque crus non solum ad horizontem, sed etiam circa aliquam corporis flexuram, vel nodum, ut circa genu, aut alia. crura enim in gressu fiunt latera superiora trianguli isoscelis, ut in secunda figura patuit, cuius basis est passus. & tunc caput ambulantis fit inferius, quam antequam gradetur; quia tunc ambo crura erant horizonti perpendicularia. quando autem caput fuerit in linea perpendiculari trianguli isoscelis, tunc erit inferius quam alibi, ut in presenti figura, linea perpendicularis trianguli huius isoscelis est linea A E, quia basi B C, perpendicularis incidit; quando igitur caput ambulantis. v.g. D, fuerit in hac linea, tunc erit inferius quam in quavis alia gressus parte: quia tunc crura A B, A C, sunt maximè diuarcata, & proinde angulus A, & simul punctum D, maximè demissa.



De motu animalium.

C Ap. 1. (Primum quidem in animalibus: oportet enim si moueatur aliqua particularum quiescere aliquam, & propter hoc, & flexus animalibus insunt: tanquam enim centro vtuntur flexibus, & sit tota pars, in qua est flexus & vna, & duæ; & recta, & flexa, quæ permutatur potentia, & actû, propter flexum. cum autem flectitur, & mouetur, hoc quidem signum mouetur, illud autem manet in flexibus, quemadmodum utiq; si diametri, quæ quidem A D, maneat, quæ autem B, moueatur, & fiat A C, sed hic quidem videtur, secundum omnem modum indiuisibile esse centrum. etenim moueri, ut aiunt, fingunt in ipsis, non enim mouetur mathematicorum aliquid.



Intendit probare necesse esse ad motum animalium, ut vna pars quiescat, dum altera mouetur. propter hoc enim inquit flexus animalibus insunt, ubi in græco pro voce flexus legitur *καμπτη*, quod significat nodum, articulum, & deniq; locum ipsum, ubi fit membri flexura, tanquam enim centro quodam vtuntur flexibus, idest nodis, seu iuncturæ sunt in motu membrorum instar centri. v.g. nodus cubiti fit centrum, cum brachij parte, quæ est inter humerum, & cubitum manente, reliquum brachij circumducimus; sic manente genu tanquam centro, crus huc illuc agitamus, & fit tota pars. v. g. totum brachium, in quo est cubiti iunctura, & vna tota pars, quando manet rectum; & duæ quædo in flexura cubiti brachium inflectitur; & fit tota hæc longitudo recta prius, postea flexa: quæ propter flexuram modo vna est actû, sed duæ potentia. modo duæ in actû, sed vna in potentia. cum autem flectitur, & mouetur brachium, vnum quidem signum, siue punctum, quod est extremum partis manentis, manet; alterum verò signum, siue punctum, quod est extremum partis motæ, estq; alteri signo contiguum mouetur simul cum tota parte mota. quemadmodum, si diametri superioris figuræ, pars D A, maneat, pars autem A B, moueatur ad A C, erit huius flexuræ centrum A, quod ut extremum lineæ D A, manentis, manet:

net: vt verò extremum motæ A B, mouetur. quamuis in mathematicis hæc quidem duorum centrorum distinctio nulla sit, quia centrum mathematicum omnino indiuiduum est: neque in mathematicis est propriè motus, quamuis enim aliquando Mathematici dicant, si linea, vel si punctum moueretur, vel moueatur, & similia, huiusmodi tamen motus sunt rebus mathematicis extrinseci, nec quatenus hoc modo mouentur considerantur: patet igitur, qua ratione Aristot. partem manentem in motu necessariam esse velit.


298. a Cap. 5. (*Quemadmodum autem spontanea mouentur paruo motu facto*) Spontanea ista erant machinæ, quæ à seipsis mouebantur, quas Græci automata dixerunt, cuiusmodi sunt Automata Heronis Alexandrini, quæ adhuc extant. Cap. 8. Est ibi quoddam triangulum cum elementis more geometrarum depictum, vnde locus ille videri possit mathematicus, verumtamen nullo modo geometriæ auxilio indiget.

De generatione animalium.

298. b **L** Ib. 2. cap. 1. (*Sitq; perinde ac admirabilia illa spontanea*) Intelligit machinas illas miro artificio confectas, quæ à se ipsis intrinseco principio mouebantur, quas Græci veteres Automata, idest spontanea, vel spontina, vt vertit Interpres vocabant, cuiusmodi sunt Automata Heronis Alexandrini, quæ adhuc extant græca, quæq; ab Abbate Guastallensi in Italicum sunt conuersa. Automata hodie sunt Horologia, quæ ex multis dentatis rotis Germani construunt.
- 299 Lib. 2. cap. 4. (*Nam & triangula figura duobus rectis æquale semper habet*) vide quæ de hac re scripsi lib. 1. Priorum, secto 3. cap. 1.
- 300 Ibidem (*Et diametrum incommensurabilem esse cum costa sempiternum est: at tamen causa eorum aliqua & demonstratio est.*) Quæ libro 1. Priorum, secto 1. cap. 23. de hac re annotata sunt, abundè huic etiam loco satisfaciunt.

In Ethica, seu Moralia ad Nicomachum.


- 301 **L** Ib. 1. cap. 7. (*Faber enim, & Geometra diuerso modo rectum angulum utriq; considerant: ille quatenus solū ad opus vtile est, hic verò cum veritatis speculator sit, quid, & qualis sit, indiget*) Id quod dicit Arist. confirmatur ex eo, quod Fabri omnes vtuntur amulli, seu norma, quæ nihil aliud est quàm angulus rectus, quæ vulgò squadra dicitur, vt eius auxilio angulum ipsum rectum in opus conferant, sicq; normæ, aut amullis ductu sua ipsi opera ad angulos rectos, idest quadrata, faciunt. Geometra verò considerat eundem angulum, quatenus fit à linea super lineam aliam perpendiculariter insistente, vt est in definit. 10. primi,



vt in

vt in figura, vbi linea A B, insitens alteri D C, perpendiculariter, idest ita vt faciat angulos hinc inde æqualis A B D, A B C, prædictos inquam duos angulos considerat esse rectos. contemplatur præterea Geometra omnes angulos rectos esse inter se æquales, vt in 12. axiomate primi Elem. ponitur, & similia plura alia, quorum considerationem Faber omninò negligit.

Libro 2. capite 6. (*Id quod secundum Arithmetica rationem medium est*) 302
Arithmetica ratio, siue proportio ea est, cuius termini crescunt per æquales excessus, vt 2. 6. 10. 14. horum enim terminorum excessus æquales sunt, cum sint omnes quaternarij. similiter inter hos terminos 3. 6. 9. 12. est arithmetica analogia, cum omnes ternario numero superent præcedentes, & à sequentibus superentur. Porro apud Mathematicos tria sunt genera proportionum, siue medietatum, Arithmetica quam modo supposui; Geometrica, & Harmonica, quas inferius oblata occasione opportunius explicabo.



Lib. 2. cap. 9. (*Vt circuli medium deprehendere non cuiuslibet, sed scietis solummodo est*) 303
Reperire medium, siue centrum dati circuli docet Euclides propositione prima 3. hoc modo. in dato circulo ducatur vtunque recta B C, quæ per 10. primi diuidatur bifariam in F, & per F, ducatur perpendicularis A E F D, quæ secetur bifariam in E, eritq; punctum E, non solum ipsius lineæ medium; sed etiam totius circuli centrum, quemadmodum ibi demonstrat Euclides.

Lib. 3. cap. 3. (*De æternis autem nemo consultat, vt de mundo, aut diametro, & latere, quod nulla inter se æquabilitate conueniant*) 304
Qua ratione diameter, & latus eiusdem quadrati nulla æquabilitate, idest nulla communi mensura inter se conueniant, fusè explicatum est libro Priorum, secto 1. cap. 23.

Eodem cap. (*Qui enim consultat querere videtur, & resolvere prædicto modo, quemadmodum designationes*) 305
Per designationes Arist. intelligere geometricas demonstrationes sapius dictum est in logicis textibus, quod pariter ex hoc loco confirmatur. quando autem ait (*Resolvere prædicto modo, quemadmodum designationes*) innuit resolutionem geometricam, de qua abundè dictum est in explicatione tituli librorum Resolutoriorum; quam exposui, nihil aliud esse, quam medij inquisitionem ad id, quod propositum fuerit demonstrandum. veram autem, atq; germanam fuisse huiusmodi explicationem, hoc loco Arist. ipse confirmat, cum hanc resolutionem dicat esse similem consultationi, siue inquisitioni mediorum ad finem in rebus practicis consequendum; ipsa verò est inquisitio mediorum ad id, quod in rebus speculatiuis propositum est, demonstrandum. consultatio igitur est in rebus practicis, quod in speculatiuis est resolutio.

Lib. 5. cap. 3. (*Quod enim proportionem constat, id non tam vnitario numero, quam numero in vniuersum proprium est*) 307
Per vnitarium numerum intelligitur numerus ex vnitatibus abstractis conflatus, idest, cuius vnitates non sint res physicae, sed à naturalibus abstractæ, quales considerat Arithmeticus: omnitemen numero siue abstracto, siue non, conuenit proportionem suscipere, idest & numero, & rebus numeratis.

E E

Ibidem

308 Ibidem (*Nam proportio æqualitas est rationum*) Per proportionem hoc loco intelligenda est illa, quam nunc appellant proportionalitatem, quæ est duarum rationum, seu proportionum similitudo, siue æqualitas, vt manifestum est ex 4. definit. 5. Elem. v. g. cum sit eadem ratio 9. ad 6. quæ est 6. ad 4. propterea hæc rationum similitudo, vel æqualitas dicitur ipsa proportio, seu distinctionis gratia Proportionalitas.

309 Ibidem (*In quatuorq; minimis reperitur, disiunctum sanè in quatuor consistere perspicuum est: sed & continentem nihilominus, vno enim hæc perinde, ac duobus videtur, bisque id accipit in hunc modum, qualis primi respectus est ad secundum, talis secundi ad tertium; bis enim hic, secundum dictum est, quare si secundum bis positum sit, quatuor erunt ea, quæ constant proportionem*) Quæ hic ab Aristot. dicuntur desumpta sunt, partim ex definit. 6. 5. partim ex 9. definit. eiusdem. breuiter autem sic se habent. Ad constituendam proportionalitatem necessarij sunt omninò quatuor termini, quod quidem primum perspicuum est in ea proportionalitate, quam Disiunctam vocant, quæ est huiusmodi, vt 9. ad 6. ita 3. ad 2. deinde verum est etiam in ea, quam continuam dicunt, quæ talis est, vt 9. ad 6. ita 6. ad 4. quæ in tribus quidem terminis 9. 6. 4. consistit, sed tamen, quia medius 6. vtrumq; respicit extremum, ideò vices duorum gerit, ac proinde est, ac si hoc modo termini disponantur 9. 6. 6. 4. vbi 6. bis ponitur, suntq; quatuor huius etiam proportionalitatis termini. hinc Arist. textum satis intelligere poteris.

310 Eodem cap. (*Sicut igitur primus terminus se habebit ad secundum, ita tertius ad quartum; igitur etiam alterna vice, sicut primus ad tertium, ita secundus ad quartum. quare etiam totum ad totum, quod distributio binatim copulat. quæ si etiam ita composita fuerint, iustè copulat*) Accipit Arist. illum argumentandi modum, quem Geometræ alternam rationem vocant, quamq; definit. 12. 5. exponunt, vt eam rebus ipsis accommodet, atq; in praxim deducat; est autem huiusmodi, sint primum quatuor termini proportionales; idest, vt primus ad secundum, ita tertius ad quartum. v. g. vt 9. ad 6. ita 3. ad 2. valet consequentia hæc, ergò etiam alternatim erit, vt primus ad tertium, ita secundus ad quartum, v. g. in allatò exemplo, ita erit 9. ad 3. vt 6. ad 2. quam sequelam esse validam probat deinde Euclides proposit. 16. 5. hinc aliam deducit consequentiam, quam Euclides proposit. 12. 5. demonstrat, dum ait, quare etiam totum ad totum erit. v. g. quia conclusum est ita esse 9. ad 3. quemadmodum 6. ad 2. ita etiam erit totum ad totum, idest ita, etiam erunt antecedentes termini simul ad consequentes simul, v. g. ita erit etiam totum 15. quod est totum ex antecedentibus terminis 9. & 6. ad totum 5. conflatum ex consequentibus terminis 3. & 2. In summa igitur si fuerit vt 9. ad 3. ita 6. ad 2. ita etiam erit 15. ad 5. quod verum esse apparet in his numeris, cum tam 9. ad 3. quam 6. ad 2. & 15. ad 5. habeant triplam proportionem.

Horum exemplum in rebus practicis sit hoc: sit vt Plato ad Proclum, ita mille aurei ad quingentos aureos, ergò alternatim ita erit Plato ad 1000. aureos, sicuti Proclus ad 500. quare ita etiam totum erit ad totum, scilicet Plato, & Proclus simul ad 1000. & 500. simul, quæ duo tota, distributio moralis, ac practica diuidit, & binatim copulat, hoc modo dicens, vt Plato ad Proclum,

Proclum, ita 1000. ad 500. & postea, vt Plato ad 1000. ita Proclus ad 500. iuxta vtriusq; merita, & quidem ista est huiusmodi moralis distributio, cum modis argumentandi ab Euclide comprobatis, nitatur.

Ibidem (*Hanc verò proportionalitatem Mathematici Geometricam vocant*: 311 *propterea quod in Geometrica euenit, vt eandem totum ad totum rationem habeat, quam habet alterutrum, ad alterutrum*) idest, hanc duarum Geometricarum rationum similitudinem Mathematici proportionalitatem Geometricam, appellant, propterea quod in hac duarum rationum geometricarum similitudine accidit, vt sit totum ad totum, quemadmodum etiam partes totorum, vt supra explicatum est; quod non accidit in duarum proportionum arithmeticarum similitudine; si enim ponamus has duas rationes arithmeticas similes, vt 10. ad 8. ita 6. ad 4. quæ sunt similes, propter similes excessus primorum, & secundorum terminorum, cum vbiq; excessus sit binarij. non erit tamen totum 16. ad totum 12. in eadem ratione cum diuisis terminis, cum ibi sit excessus binarij, hic verò quaternarij. hæc videtur esse Arist. ratio; quam adhuc melius declarasse libet. Geometrica igitur proportionalitas ita dicta est, quia quælibet proportio potest in materia Geometrica, lineis, superficiebus, & corporibus continuari in quatuor terminis, ita vt proportionalitas, seu similitudo rationum exurgat, quod in numeris fieri semper nequit, cum plures sint proportionales, quæ numeris exprimi nequeunt, vt sunt eæ, quas irrationales appellant, cuiusmodi est inter diametrum, & costam eiusdem quadrati, cuius nec proportio, nec proportionalitas in numeris reperiri potest, quæ tamen in lineis, superficiebus, ac corporibus esse possunt: est enim vt diameter vnus quadrati ad latus eiusdem, ita idem latus ad aliam lineam inuentam per 11. 6. vel vt diameter ad costam, ita quælibet alia linea ad aliam inuentam, per 12. 6. omnis igitur proportionalitas rebus Geometricis inesse potest; non autem numeris, in quibus solum possunt esse rationes rationales, seu rerum commensurabilium; latius igitur patet Geometrica hæc similitudo, quam Arithmetica, cum Geometrica complectatur tam rationales, quam irrationales. meritò igitur talis proportionalitas appellari debuit à rebus Geometricis, in quibus semper reperitur, non autem ab Arithmetis, cum quibus sæpius reperiri nequit. Vide Campanum in explicatione definitionis 3. 5. Elemen.

Ibidem (*Non est autem continens hæc proportio: non enim vnus, & idem terminus efficitur, & cui, & quod*) idest, hæc proportionalitas contracta ad res practicas, non est continens, idest, quæ consistat in tribus tantum terminis, quorum medius est, ad quem refertur primus, & is qui refertur ad tertium; sed est disiuncta, quia constat semper quatuor terminis, quorum duo sunt personæ aliquæ, reliqui verò duo sunt res, quæ personis debentur, vt si sint Plato, & Proclus, quibus iuxta meritum quantitatem debeant diuidi 1500. aurei, debent diuidi aurei in duas partes, quæ habeant eam proportionem, quam habet Plato ad Proclum. quod si Plato duplum meruit quam Proclus, erit vt Plato ad Proclum, ita 1000. ad 500.

Ex quibus patet hanc analogiam in rebus agendis non nisi in quatuor terminis consistere posse, & ideo non esse continuam, sed disiunctam, vt volebat Aristot.

- 313 Lib. 5. cap. 6. (*Atque id vel proportionem, vel numero*) idest, vel proportionalitate Geometrica, vel Arithmetica; quæ autem sit proportionalitas Geometrica, dictum est paulò ante in prioribus locis Mathematicis huius quinti libri; quæ verò sit proportionalitas Arithmetica dictum est superius lib. 2. cap. 6. Verum hæc Arithmetica proportionalitas, meritò ab Aristot. hic contradistincta est à proportionalitate Geometrica: quia Arithmetica hæc analogia attenditur solum, iuxta eundem excessum numerorum, non, autem iuxta proportionem, seu habitudinem terminorum ad inuicem, quod maximè in Geometrica spectatur. propterea Mathematici censeant eam vocandam esse potius medietatem Arithmeticam, quam proportionalitatem, cum quibus nunc Arist. consentit.
- 314 Lib. 6. cap. 5. (*Verbi causa triangulum tres angulos duobus rectis æquales habere, vel non habere*) lib. 1. Priorum, secto 3. cap. 1. fusè hanc trianguli affectionem exposui.
- 315 Lib. 6. cap. 8. (*Nam illud etiam consideratione dignum videtur, quid sit, quod puer fieri Mathematicus potest, sapiens autem naturalis non potest. An quia illa per abstractionem sunt, horum autem principia ab experientia sumuntur*) Ex hoc loco manifestè apparet Arist. existimare principia Mathematica nullo modo nobis per experientiam innotescere, quod nonnulli negant.
- 316 Lib. 7. cap. 8. (*In actionibus autem principium illud est, cuius causa res sit, sicut in Mathematicis suppositiones; nam neque illic ratio est, quæ doctrinam tradat principiorum, neque hic*) Suppositionum, siue principiorum Mathematicorum tria sunt genera, definitiones, postulata, axiomata, quæ in ipso primi Elementorum vestibulo proponuntur: solaque terminorum explicatione absq; ullo discursu, addiscuntur.

Ex primo Libro Magnorum Moralium.

- 317 **C** Ap. 1. (*Nec enim Iustitia est numerus pariter par*) vt scilicet dicebat Pythagoras. Porro definit. 8. 7. sic habetur: Pariter par numerus est, quem par numerus per numerum parem, idest paribus vicibus, metitur, cuiusmodi est numerus 24. quem numerus 6. metitur per numerum parem, nimirum per 4. quia scilicet numerus 6. paribus vicibus, quippe per 4. siue quater ipsum numerum 24. mensurat, quia toties in ipso adæquatè continetur.
- 318 Cap. 2. (*Absurdum enim sit, volenti ostendere triangulum duobus rectis æquales habere angulos, sumere principium huiusmodi, anima immortalis est*) Repete, quæ de hac trianguli proprietate fusè scripsi lib. 1. Priorum, sect. 3. cap. 1. quam affectionem debet Geometra demonstrare ex Geometriæ principiis, quemadmodum facit Euclides in 32. primi, non autem ex principiis extrinsecis, vt quod anima sit immortalis.
- 319 Cap. 10. (*Vt enim habuerint principia, ita, quæ de principiis ortum ducunt. Perspicue autem licet hoc in Geometria magis intueri, ubi cum aliqua sumpseris principia, vt ea habuerint, ita etiam, quæ ipsa consequuntur: velut si triangulum duobus rectis æquales habet angulos, quadratum quoq; quatuor angulis rectis habeat*

beat necesse est. & si triangulum secus, ita etiam, & quadratum commutabitur, ex altera parte enim ei respondet. & si quadratum quatuor angulis rectis æquales, non habuerit angulos, ne quidem triangulum duobus rectis habebit æquales.) Hanc trianguli affectionem, habere scilicet, suos tres angulos æquales duobus rectis angulis abundè explicavi libro 1. Priorum, secto 3. cap. 1. quam Euclides proposuit. 32. primi demonstravit, ex qua demonstratione, tanquam ex Geometrico principio sequitur omne quoque quadrangulum habere quatuor angulos æquales quatuor rectis angulis; omne namque quadrangulum est potentia duo triangula, cum diuidatur ducta ipsius diametro in duo triângula. quod si triangulus proprietatem illam non haberet, neque hæc quadrangulo conueniret. & si quadrangulum non haberet quatuor angulos æquales quatuor rectis angulis, neque triangulum habere posset tres angulos æquales duobus rectis, cum nihil sit aliud triangulum, quam dimidiatum quadrangulum.

Cap. 16. (In Geometria si quidem cum quis dixerit quadrangulum quatuor rectis æquales habere, & percunctatur propter quid, occurrit, quia etiam triangulum duobus rectis æquales habet. in his igitur ex determinato sibi principio propter quid assumpserunt) Lege, quæ proximè in præcedenti loco exposui, ea enim omnia huc etiam pertinent. hoc solum addendum ad illorum verborum (Ex determinato sibi principio propter quid assumpserunt) intelligentiam, idest ex vna conclusione demonstrata, tanquam principio alia demonstrant; quod rectè fieri Arist. in primo Poster. docet.

Cap. 31. (Atqui proportionale in quatuor nihilominus perficitur: nam quemadmodum A, ad B, ita C, ad D.) idest proportionalitas in quatuor terminis consistit, quemadmodum pluribus supra lib. 5. cap. 3. Ethycorum explicatum est: quò nunc Lectorem ablego.

Ex primo Libro Moraliu Eudemiorum.

Cap. 5. (Vt si duplum multiplicium primum est, non licet multiplex communiter prædicatum separari, quippe, quod duplo prius est) Inter proportionum genera vnum est, quod dicitur multiplex, quod sub se infinitas species continet, vt Duplum, Triplum, Quadruplum, &c. in infinitum. vbi vides, cur Arist. dixerit duplum esse primum inter multiplicia, cum verè naturali ordine numerorum ipsi primus debeatur locus. Vides etiam cur non liceat, Multiplex ipsum genus commune prædicatum omnibus speciebus veluti Idæam separari; tunc enim ait, ipsum multiplex abstractum esset prius ordine ipso primo multiplici, scilicet duplo; & Duplum non esset primum inter multiplicia, quæ vtraque sunt absurda; non igitur illud tanquam Idæam licet separatum ponere.

Ex Secundo Moraliū Eudem.

- 323 **C** Ap. 7. (*Nam si habenti trigono duos rectos, necesse est tetragonum quatuor rectis constare, manifestum est, quod trigonus duos rectos habens causa eius existat. Verum si quid in trigono mutaris, necessarium est, & in tetragono mutes, ut si tres habuerunt, sex; & si quatuor, octo; sin-
verò non mutes, ut illud, ita hoc quoq; habeat necesse est*) Lege prius, quæ supra lib. 1. Magnor. moral. cap. 10. scripsi, ex quibus postea sic locum hunc interpretaberis, si triangulum habet tres angulos æquales duobus rectis angulis, necesse est quodcunque quadrilaterum habere suos quatuor angulos æquales quatuor rectis, quia omne quadrangulum continet duo triangu-
& si natura trianguli fuerit immutata ita, ut habeat tres angulos æquales non duobus, sed tribus rectis, tunc necesse erit tetragonum quoq; mutatum esse, quia necessariò habebit suos angulos æquales non quatuor tantum rectis, sed sex: pariter si triangulum habeat tres angulos quatuor rectis pares, quadrangulum suos habebit angulos, octo rectis æquivalentes. His igitur ex Geometria satisfactum sit.
- 324 Cap. 10. (*Multa verò opinione concipiunt, quæ penes nos non sunt, ut diametrum commensurabilem esse*) Quæ lib. 1. Priorum, secto 3. cap. 23. de asymetria diametri, & costæ eiusdem quadrati allata sunt, satis huic etiam loco facere possunt.
- 325 Eodem cap. (*Quapropter non de remotis apud Indos, nec de circuli quadratura deliberamus: nam illa ad nos non spectant, hoc verò fieri nequit*) Quid sit circuli quadratio, & qua ratione eam antiqui inuestigauerint in Prædicamento Relationis, & alibi in Logicis, pluribus explicatum est. An verò possibilis sit circuli quadratura, respondendum est cum distinctione, nam theorematice quidem facta est ab Archimede, cum ipse probauerit circulum, quemuis æqualem esse triangulo, cuius vnum latus circa angulum rectum sit circuli semidiameter, alterum verò circumferentia. Problematicè verò, id est, ut opere ipso efficiamus triagulum illud, nondum à quoquam ritè peractum est: & propterea problema hoc difficile admodum censendum est, præsertim cum tota Geometrarum antiquitas, atq; posteritas in ipsum frustra hucusq; infudauerit, atq; adeò etiam moraliter impossibile existimandum est. quo sensu locutum esse Arist. hoc loco crediderim, dum ait, illud fieri non posse. absolutè tamen asserere non debemus esse impossibilem, cum nulla id demonstratione certum sit, imò ego simpliciter, ut aiunt, credo esse possibilem, cum alia theoremata, atq; problemata (quale est pythagoreum illud celebre, quod 47. locum in primo Element. occupat, & pro cuius adinventionem Pythagoras Musis Hecatombas sacrificauit) olim fuerint diù à multis incassum quæsitæ, atq; impossibilia habita, quæ postea tandem re-
perta sunt.
- 326 Cap. 12. (*Si triangulo duo recti, necessum est hoc consequi*) id est, si triangulum habet tres angulos æquales duobus rectis, necesse est consequi, ut superius sæpius dixit, quod quadrilaterum habeat quatuor angulos æquales quatuor rectis, lib. 1. Magn. moral. cap. 10. satis de hac re dictum est.

Ex

Ex Septimo Moraliū Eudem.

C Ap. 12. (*Iuxtaq; diametrum iungit*) idest diametraliter opponit, quæ 327
est omnium maxima oppositio, ita vt quæ diametraliter opposita
sunt, amplius distare nequeant, quia diameter est maxima om-
nium distantia, siue sit diameter quadrilateræ figuræ, siue circuli.

Ex Libro 3. Politicorum.

C Ap. 2. (*Ceu harmoniam earumdem vocam aliam esse dicimus, & modò* 328
Doricam, modò Phrygiam vocitamus) Harmonias Doricam, & Phry-
giam veteres Musici, vt Aristoxenes, Euclides, Ptolæmeus vocant
Tonos, & Modos, Dorium scilicet, & Phrygium. per musicum au-
tem modum intelligebant quandam vocum constitutionem, seu rithmum,
quem nos hodie vulgò ariam vocamus, vt doctè explicat Iosephus Zarlinus
in 4. parte Institut. Musicalium, necnon in lib. 6. supplem. Denominati au-
tem fuerunt prædicti, alijq; plures modi à nationibus illis, apud quas ma-
ximè in vsu erant, vt Dorius à Dorienfibus; Phrygius à Phrygijs; Lydius à
Lydijs. Porro præter prædictos modos alij plures à veteribus Musicis com-
memorantur; variè tamen, alij enim tres, alij septem, alij quindecim, vel
septemdecim etiam connumerarunt; Tres tamen præcipui, & ad quos reli-
qui reuocabantur, fuerunt Dorius, Phrygius, & Lydius. quorum hæ fuerunt
proprietas. Dorius erat grauis, seuerus, & bellicosus. vnde prisca existi-
marunt ipsum in hominum animos prudentiam, castitatem, atq; virtutem
inducere. Phrygius verò erat hilaris, lætus, placidus, ac propterea festis,
& choreis idoneus. vnde prouerbium illud vetus ortum habuit, à Dorio ad
Phrygium, idest à rebus altissimis, & serijs ad humiles, & iucundas. Hos
ambos solos Plato, & Arist. in Rempublicam admiserunt. Lydius demum
modus erat horribilis, mæstus, ac tristis, ideoq; lamentationibus, ac la-
crymis aptus. Hoc in funeribus mortuos lamentantes utebantur, ita vt præ-
sentibus lacrymas cierent, vitaq; functos lacrymis prosequerentur.

Recentiores Musici suos modos vocant Tonos, in quibus vtinam anti-
quos imitarentur, illi enim suis rithmis, modisue auditorum animos varijs
pro illorum varietate motibus mirè afficiebant: sed nostri, rithmos in suis
cantilenis negligunt, nec illis curæ est, vt per rithmos hominum affectiones
percellant, cum tamen Plato asserat Musici officium esse rithmos adinueni-
re; præterea quod animis ciendis valdè obstat, cantilenæ verba, ac sensum
prorsus per suos, quos vocant, contrapuntos, omnino offuscant, vt nihil
præter magnum quendam vocum strepitum concordem exaudiat: quiq;
rithmis imitari hominum mores deberent, mimicis quibusdam adinuentis
id præstare conantur.

Verùm hac de re legantur eruditissimi Dialogi de Musica Vincentij Ga-
lilæi, cuius præcipuas rationes in fine huius operis, & chronologiæ videre
poteris. Cæterum, qui plura de modis tam antiquis, quàm nouis desiderat,
consultat

consultat Iosephum Zarlinum in 4. parte Institutionum Musicalium, necnon lib. 6. supplemen. virum varia eruditione refertum, deq; Musica in primis optimè meritum.

Ex Quarto Politicorum.

- 329 **C** Ap. 3. (Eodemq; modo in harmonijs, vt quidam tradunt: nam & in illis posuerunt duas species, vnam Doricam, alteram Phrygiam: ceteras verò omnes vel ad Doricam, vel ad Phrygiam referri.
Vide proximè in præcedenti loco dicta, quæ omnia ita etiam huic loco quadrant, vt præterea nihil desideretur.

Ex Quinto Politicorum.

- 330.a **C** Ap. 1. (Quare opus est partim arithmetica & quitate vti, partim ea, quæ est secundum dignitatem.
Arithmetica medietatem supra explicaui lib. 2. cap. 6. Ethicorum. per eam deinde, quæ est secundum dignitatem, intelligit Geometricam, quam supra lib. 5. cap. 3. Ethicorum exposui. vtimur enim ea, quando opus est distribuere præmia non omnibus æqualiter, sed habita ratione meritorum vniuscuiusque. quando autem non secundum personarum dignitatem, sed omnibus æqualiter fit distributio, illa dicitur Arithmetica proportionalitas, quia seruat eandem ubiq; differentiam terminorum.
- 330.b Cap. 12. & vlt. (In Republica verò Platonis Socrates de mutationibus loquitur, nec tamen rectè. illius enim Reip. quæ est optima, atq; prima, mutatio nulla propria assignatur. inquit enim causam esse mutationis, quia sic natura comparatum sit, vt nihil permoneat, sed in ambitu quodam temporis, mutationem recipiat. esse verò principium horum, inquit, quorū sesquitertia radix quinario iuncta, duas exhibet harmonias. inquiens quando numerus huius diagrammatis efficiatur solidus) Quoad textus interpretationem, nonnulli pro (sesquitertia radix) vertunt (sesquitertius cubus) sed qua id ratione ignoro. græcum verbum est $\pi\upsilon\theta\mu\eta\nu$, quod fundamentum, latus, & radicem significat, non autem cubum. præterea sensui radix, non autem cubus quadrare potest. Porro sciendum Arist. locum hunc ex Platonis lib. 8. de Rep. accepisse, loco Mathematico obscurissimo, vbi ille de Reip. seu Gubernationis mutatione, ac duratione pertractat. quì locus adeò semper obscurus habitus est, vt Cicero ipse cum rem pœnitens obscuram significare vellet, dicere solitus esset, numero Platonis obscurius. quam ob causam Theon Smyrnaeus, qui Mathematica Platonis loca commentarijs illustrauit, hisce tenebris lucem nullam afferre ausus est, verum eas dissimulans cautè declinauit. cum igitur præsens Arist. locus sit illius Platonici particula quædam, quid mirum, si non minori obscuritate, ac difficultate impeditus sit? vnde etiam sequitur huius explicationem, ab illius explicatione petendam esse. Locum illum Platonis fusissimè explicat Marsilius Ficinus to. 2. operum suorum pag. 1413. vbi pag. 1421. cap. 12. illius

illius commentarij propè finem præfens Arist. locus ex præmissis ab eo breviter, ac dilucidè declaratur. quæ explanatio, quoniam mihi præ cæteris aridet, eam hoc loco, explicatiorem tamen, referam. Illud autem præsciendum est, hæc quæ a Socrate lib. 8. de Repub. recensentur, confingi à Musis, tanquam oraculum quoddam obscurissimum effata; quo arcana quædam mysteria de Rerump. durationibus, ac mutationibus continerentur.

Aiebat igitur Socrates, Musarum spiritu afflatus, optimam Politiam, optimis scilicet legibus, ac moribus constitutam, sua natura omnino immutabilem, atq; adeò diuturnam per se fore. Verumtamen mutationi obnoxiam esse, quoniam sic natura comparatum est, vt cuncta, quæ naturæ sinu continentur, certa quadam annorum, vel sæculorum periodo exacta, mutationem subire fatali lege, cogantur. tunc autem harum vicesitudinum principium contingere, fatidicæ Musæ significare voluerunt, cum is annorum, vel sæculorum numerus ab illius Reip. exordio elapsus fuerit, qui sit numerus solidus, & cubus, eius numeri, in quo optima Reipub. constitutio consistit. hic porro numerus, in quo Reip. perfectio statuitur, est Duodenarius, quem multis in locis, varias ob rationes extulit Plato, præcipuè verò, quoniam in se ipso duas continet harmonias, siue duas proportionēs harmonicas, quæ simul iunctæ, perfectissimam omnium constant harmoniam, quæ Diapason dicitur. duæ autem illæ rationes harmonicæ sunt Sesquitercia, & Sesquialtera. Sesquitercia reperitur primò inter hos numeros 4. 3. cum enim ea inter duas voces, aut sonos reperitur, ij edunt harmoniam, seu consonantiam illam, quæ Diatessaron appellatur. simul autem ijdem additi efficiunt 7. qui numerus propterea in textu dicitur radix Epitrite, siue Sesquitercia, quoniam vt vidimus cõponitur ex numeris 4. 3. Sesquiterciam rationem habentibus. Sesquialtera verò ratio reperitur primò inter hos numeros 3. 2. cum enim duo soni in earum fuerint ratione suauem edent consonantiam, quæ Diapente nominatur; simul autem ijdem compositi Quinarium efficiunt; cui quinario sesquitercia radix adiuncta, quæ est 7. Duodenarium componunt: qui propterea duas exhibet harmonias. Præterea hæ duæ harmoniæ simul prædictæ duæ rationes sesquialtera, & sesquitercia, eo modo quo tradunt Musici, hoc scilicet modo 4. 3. 2. oritur inter extremos numeros dupla ratio, quæ ipsius Diapason est forma. nam ratio 4. ad 3. est sesquitercia; ratio 3. ad 2. est sesquialtera; ratio verò 4. ad 2. quæ ex illis componitur, est dupla. quòd si duo soni duplam hanc rationem nacti fuerint, consonantiam Diapason suauissimam resonabunt. Cum igitur numerus 12. harmonias hæc complectatur, per eum Musæ optimum Reip. initium, ac statum significare voluerunt. Verumenimverò cum numerus huius diagrammatis, idest huiuscemodi conditionis, qui est 12. factus fuerit solidus, hoc est, quando Resp. benè constituta ad eam annorum, vel sæculorum periodum peruenerit, qui sit numerus solidus numeri 12. tunc fatali ordine, mutationem pati incipiet, atque in peius, cum optimi mutatio sit pessima, prolabi. porro numerus solidus ipsius 12. est 1728. vti mox explicabo. vult igitur Socrates ibi mysticè significare post tot annorum, aut sæculorum numerum Remp. omnem quamuis optimam, in deterius prolapsuram,

FF

ram,

ram, cum enim ad summam perfectionem peruenierit, quæ in numero solido, & cubico significatur, si ulterius progressura sit, necessario summam perfectionem præteribit, ac derelinquet. Quod autem numerus 1728. sit numerus solidus, & cubus ipsius Duodenarij sic palam fiet, si tamen prius, ea repetueris, quæ supra in primo Poster. num. 33. marginali, de numero Quadrato, & Cubo dicta sunt: est autem cubus numerus is, qui ex geminato ductu alicuius numeri in se ipsum, producit. multiplica igitur primò 12. in 12. & producet numerus 144. qui quadratus, & planus est. rursus duc 12. in hunc 144. produceturq; numerus 1728. qui cubus, ac proinde solidus est, ut loco citato explicauimus. Atq; hæc Socratici huius mysterij explicatio sufficiat.

Ex Octauo Politicorum.

- 331 **C** Ap. 5. (*Musica verò omnes fatemur esse ex iucundissimis, siue nuda sit, siue cum melodia*) Quamuis latina interpretatio pro melodia, dicat, modulatione, Græcus tamen textus habet *μετα μελῳδίας*, idest cū melodia. per Musici nudam, forte Aristoteles intelligit eam, quæ solis sonis absq; oratione constat; per melodiam verò intelligit eam, quam Iosephus Zarlinus in 2. parte suarum Institutionum Musicalium definit, quæ est concentus plurium vocum harmonicus cum rithmo, & oratione, idest, qua canitur oratio aliqua sub aliquo rithmo, aut modo, siue ut nunc loquimur, con qualche aria.

Ex quibus liquet nostros contrapuntistas toto cælo aberrare, dum suas cantilenas, absque vlla verborum intelligentia, atque absque vilo rithmo disperdunt.

- 332 Eodem capite propè finem meminit harmoniæ Lydiæ, Mixtæ, Doricæ, Phrygiæ. de quibus supra 3. lib. Polit. cap. 2. tractaui, earumq; proprietates, quas hic Arist. recenset ibi connumeravi.

- 333 Ibidem meminit etiam Rithmorum, & Harmoniæ. Quid Rithmus dictum est superius lib. 3. Politic. esse quem nunc vulgò ariam cantores, ac tibicines appellant.

Harmonia est plurium vocum ex acuto, & graui concors modulatio.

Verum de his fusius in Problematibus Musicis, sect. 19.

- 334 Cap. 7. (*Considerandum, utrum omnibus utendum sit harmonijs, & rithmis*) Vide quæ supra lib. 3. Politic. cap. 2. annotaui.

In Oeconomicis nihil Mathematicum reperi.



EX PROBLEMATIBVS ARIST.

Ex Sectione Prima.

S Ectione 1. num. 3. (*Quemadmodum tempora, ita syderum ortus, Orionis* 335
Arcturi, Virgiliarum, Caniculæ, qui status, imbresq; excitant, qui sereni-
tates, frigora, teporesuè solent afferre) Intelligit de ortu cosmico, qui
 fit, quando astrum simul cum Sole oritur: quem ortum abundè in 2.

Meteor. summa 2. cap. 2. explicatum inuenies. Vt autem intelligas, quænam
 sint Orionis, Arcturi, Virgiliarum, & Caniculæ constellationes, & in qua
 cœli parte sint collocatæ, satius est globum aliquem astronomicum, in quo
 asterismi omnes clarè depicti sint, intueri, quàm hoc loco pluribus verbis
 rem per se claram, obscurare. De Orione plura dicta sunt 2. Meteor. præ-
 fertim quo tempore oriatur. Arcturus verò, siue Bootes, primæ magnitu-
 dinis stella, mane vnâ cum Sole in nostro climate ex Magini Tabulis, circa
 28. diem Septembris oritur. De Virgilijs tamen illud existimo aduertendum,
 quod in Tauri asterismo, duæ aliæ partiales constellationes continentur; in
 capite enim ipsius, sunt illæ, quæ & Hiades, & Atlantides, & Succulæ nuncu-
 pantur. in dorso autem sunt illæ, quæ Pleiades, & Virgilix sunt appellatæ.

Quæ septem dici, sex tamen esse solent.

Vt cecinit Ouidius, quandoquidem septima ferè nunquam apparet. has vul-
 gus Gallinellam vocat. quod si eas per Telescopium inspiciamus, mirum di-
 ctu, easdem plures esse, quàm quadraginta stellas minimas clarè videbimus,
 vt optimè primus omnium Galilæus obseruauit. Porro constellatio Tauri in
 nostris regionibus oriri cum Sole, incipit vno circiter sesquimense post ver-
 num æquinoctium. De Canicula satis dixi in 2. Meteor. summa 2. cap. 2.


Eadem sect. num. 17. (*Cur à Virgiliarum occasu ad Fanonij vsque status, hi* 336
potissimum pereant, qui morbo longo laborant, & senes, quam iuuenes potius?)
 Lege, quæ scripsi de occasu syderum lib. 2. Meteor. summa 2. cap. 2. dein-
 de, quæ in superiore proximè loco de Virgilijs: quibus hæc pauca addantur.
 cum intelligat de cosmico Virgiliarum occasu, qui noctu apparet, incipitq;
 tunc primum, quando oriente Sole, ipse occumbunt, necesse est occasum
 hunc incipere post autumnale æquinoctiū ferè sesquimense in nostris regio-
 nibus; cum enim Virgilix sint in Tauro, necesse est occidente Tauro initio
 dixi, vt Sol sit in opposito signo, videlicet in Scorpione; in quo asterismo
 Sol reperitur post prædictum æquinoctium vno ferè mense cum dimidio. de
 hac re plura Plinius lib. 18. cap. 31.

Ex Sectione 15.

N Vm. 1. (*Cur linea ab angulo ad angulum ducta, sola ex omnibus, quæ fi-* 337
guras rectilineas bifariam secant, diameter vocata est? An quod dia-
meter, vt nomen ipsum designat, duas in partes figuram æquè dimetien-
do diuidit, nihil dimensa figura destruens? igitur hæc, quæ per commis-
suras, hoc est, per angulos figuram diuidit, appellanda est diameter, quoniam hæc
figuram

FF 2

figuram non destruit, quamvis diuidat. quemadmodum faciunt, qui vasa militaria partiuntur. At cetera linea, quæ per lineas compositam figuram secant, eam corrumpunt: committitur enim rectilinea figura in angulis, vel secundum angulos. Vt rectè problema hoc percipiamus, proponenda est figura rectilinea, & vna ex ijs, quæ parallelogramma dicuntur, vt sunt Quadratum, Quadrilaterum, Rhombus, Rhomboides, cuiusmodi est præsens, aliter verba Arist. illi non semper quadrarent, quia illarum diameter illas semper bifariam non secaret. quemadmodum videre est in trapezio. & pentagono etiam æquilatere. Querit igitur, cur ex omnibus lineis, quæ quadrilaterum ABCD, bifariam diuidunt, quales sunt EF, GH, & DB. sola DB, quæ ab angulo ad angulum ducta est, meruit appellari diameter. Respondet autem, eam fortè appellationem hanc præ cæteris inde promeruisse, quòd, quamvis aliæ omnes æquè parallelogrammum dimetiantur, sola tamen ipsa DB, ipsum non destruit, nec scindit, cum ei nouam aliquam diuisionem non inferat, sed id per angulos secet, vbi prius laterum commissuræ erant: reliquæ verò omnes nouas figuræ sectiones inferunt, cum eius latera in punctis E, F, G, H, diuidant, vbi nulla prius erat diuisio; quapropter ipsam quodammodo destruunt, atq; corrumpunt. Aduertè vulgatam versionem latinam hanc (*Angulis enim constant, quæ rectis lineis continentur*) malè græco textui συνηνται γὰρ τὸ ἐνθυγραμμον κατὰ τὰς γωνίας, respondere, qui sic latinè reddendus est: componitur enim rectilineum iuxta angulos; quæ interpretatio vera est, quia anguli sunt laterum commissuræ, vt dictum est.



338 Eadem sect. num. 2. (*Cur diameter ita est appellata? Vtrum quoniam sola bipartitò figuram diuidat? An quod sola figuram secat per partes, siue membra, quibus inflexa coarctatur, cum cetera per latera dimidant?*) præsentis problematis expositio petatur ex præcedentis expositione.

339 In problemate 3. (*Cur homines omnes tam Græci, quàm Barbari ad decem usq; numerare consueuerunt, &c. Vtrum quod denarius numerus perfectus sit: continet enim omnia numerorum genera, vt par, impar, quadratum, quadrantale, longum, planum, primum, compositum*) Cur omnes nationes miro quodam consensu suos numeros in denas, veluti in gradus quosdam diuidant, Aristoteles causam indagaturus, respondet primò id fortè accidisse ob denarij numeri perfectionem: cuius perfectionis hoc est indicium, quod denarius contineat omnes numerorum species. quæ quidem omnes numerorum species in definitionibus 7. Elem. exponuntur, quas consulere debes. in denario numero contineri numeros pares, ac impares, per se patet. continetur etiam in eo quadratus numerus, imò duo quadrati numeri, nam, & quaternarius est numerus quadratus, quippe qui ex ductu binarij in binarium producatur: item nouenarius, est quadratus, quippe qui ex multiplicatione ternarij in ternarium gignitur. Porro pro quadrantali numero intelligendus est numerus cubus, erat. n. quadratal apud Romanos vas cubicæ figuræ: imò in græco textu voci huic quadrantali, respondet κύβος, id est, cubus. vnde apud latinos

tinios quadrantal pro cubo solet vsurpari. in denario autem cōtinetur etiam hic numerus, est enim octonarius numerus cubus, fit enim ex binario ter in se ipsum multiplicato, hoc modo; duo bis faciunt quatuor: rursus duo quater faciunt octo; quem ex definitione numeri cubi, constat esse cubum. quā ratione deinde reliqui numeri, longus, planus, primus, compositus, in denario existant, facile est cognoscere, dummodo eorum definitiones teneantur, quæ initio 7. Elem. traduntur.

Ibidem (*An quod denarius fons, atq; principium est, quippe qui ex vno, duobus, tribus, & quatuor constat*) Aliam denarij dignitatem assignat, quam ex Plutarco lib. 1. cap. 3. de Placitis Philosophorum, optimè possumus intelligere: vbi sic ait: Pythagorei aiebant denarium esse Naturam, quoniam omnes gentes vsq; ad decem natura duce numerabant. tum etiam, quia ex quaternario constabat, idest, ex his quatuor numeris 1. 2. 3. 4. qui simul additi faciunt decem: quaternarium enim Pythagorei multis de causis, quas apud Petrum Bungum de mysterijs numerorum videre poteris, adeò extollebant, vt dicerent ex quaternario naturalia, omnia constare, vt quaternitati omnia accepta referrent. vnde etiam per ipsum conceptis his versibus iurare solebant,

*Iuro per omnipotentem animæ, qui Tetrada nostra
Perpetuos fontes naturæ infudit habentem.*

Præcipua verò causa, cur tantopere Pythagorei quaternitatem celebrarint, refertur à Marsilio Ficino cap. 24. compendij in Tymeum, his verbis: ex quatuor elementis, geometrica, & harmonica ratione coniunctis inuicem, vniuersum Mundum compositum Pythagorei omnes existimant: consonantiam horum in cœlo semper esse perfectam, sub cœlo autem aliquando dissonantem. volebant ergò totum mundum, tam æthereum, quam elementarem, constare ex quatuor elementis; & ideò ex quaternario omnia constare dicebant. hac de causa Pythagorei in musicis consonantijs, vltra quaternarium progredi vetabant; hoc est nullam admittebant consonantiam, quæ numeris quaternario contētis non exprimeretur, idcirco supra quadruplam non ascendebant. Verùm inter alias quaternitatis dignitates hanc maximi faciebant, quod denarius ex ipsa, vti modo dictum est, componeretur; cuius excellentiam in ipsum proinde denarium transfundebant, dicebantque denarium esse numerum perfectum, & aliorum numerorum fontem, atque principium. quemadmodum natura ipsa quaternario cōstans, erat omnium rerum origo. Ex quibus manifestum est Arist. Problema hoc, atq; eius solutionem ex Pythagoreorum philosophia accepisse.

Ibidem (*An quia corpora, quæ feruntur numero nouenario continentur*) Puto hæc nouem corpora, quæ mouentur, esse cœlos, primum scilicet Mobile, Firmamentum, & septem Planetarum orbes: quibus si addas sphaeram elementarem, habebis denarium corporum perfectissimum, ex quo tota Mundi machina componitur.


Ibidem (*An quod decem proportionibus, quatuor cubales numeri consumuntur, & quibus numeris vniuersum constare Pythagoreis placet?*) Aliam denarij perfectionem affert, quam ex 8. 9. Elem. comprobare, atq; intelligere possumus. est autem 8. 9. Elem. propositio hæc: si decem numeri in eadem proportionem

portione progrediantur ab unitate incipientes, erunt ex illis quatuor cubi, v.g. in serie duplæ proportionis progrediantur hi decem termini: 1. 2. 4. 8. 16. 32. 64. 128. 256. 512. ex his decem numeris sunt quatuor cubi, nimirum hi 1. 8. 64. 512. numerus cubus est, qui fit ex tribus æqualibus numeris in se multiplicatis. sic unitas est cubus, quia fit ex unitatibus tribus in se ductis, nam 1. in 1. facit 1. & rursus istud 1. in 1. facit 1. sic etiam 8. est cubus, quia fit ex tribus his numeris æqualibus 2. 2. 2. inuicem ductis hoc modo, 2. in 2. facit 4. rursus 4. in 2. facit 8. qui est cubus. sic 64. fit ex tribus hisce 4. 4. 4. pariter. 512. fit ex tribus his 8. 8. 8. estq; propterea cubus. similiter si alia progressio instituatur vsque ad decem terminos, erunt in ea quatuor cubi, eodem ordine, quo in superiori progressionem, idest primo loco, 4. 7. & 10. v.g. fit tripla progressio hæc 1. 3. 9. 27. 81. 243. 729. 2187. 6561. 19683. quatuor cubi erunt hi 1. 27. 729. 19683. quorum latera cubica, sunt hi numeri 1. 3. 9. 27.

Postquam huius loci explicationem ex allegata Euclidiana demonstratione attulissem, incidi in Petri Apponensis horum problematum commentaria, qui aliam à se confictam expositionem affert, aitq; se per quatuor integros annos laborasse, antequam eam inuenire, locumq; hunc intelligere posset. est autem hæc; Denarius componitur ex quaternario, idest ex quatuor primis numeris cubis, scilicet 1. 9. 27. 64. qui sunt cubi, & simul additi constituunt decem denas, idest cētum. quæ cum nulli Mathematicæ demonstrationi innitatur, nec vniuersalis sit, ex se apparet, quàm sit commētitia, & ab Arist. mente aliena. Enimvero me antea ipsius commentarijs caruisse gauisus sum, quibus nisi caruissem, veritate ipsa caruissem, acquieuissem enim illius fictioni, quæ vtcunq; videtur quadrare, hocq; pacto veritatis inquirendæ occasio sublata fuisset.

343 Ibidem (*An quod omnes homines digitis decem lege naturali creantur? itaque sui numeri quasi calculos adipiscentes hac eadem multitudine, cætera quoq; numerant*) hæc Arist. ratio confirmatur ex recentiorum relationibus de populis Brasiliæ, qui cum per summam barbariem, in omni rerum ignoratione versarentur, ex digitis tamen, vtcunq; numerabant. cumq; vellent significare, quinque dicebant, manum vnā: cum verò decem dicebant, manus duas: cum viginti dicebant, manus, & pedes. & similiter in alijs. non tamen hac ratione longè progrediebantur.

344 In 4. problema. quoniam textus huius problematis, tam apud græcos, quàm latinos mendosus apparet, eum propterea per sequentem paraphrasin exponam, qua & intelligi, & restitui etiam poterit. Quæstio autem est de inæquali incremento, ac decremento vmbrarum Solis, quæ propriè de vmbris in plano horizontali proiectis, quas rectas vmbras appellant intelligenda est: hæ enim inæqualiter crescunt, & decrescunt, si quidem mane plurimum, postea parum, tandem nihil ferè circa meridiem minuuntur, positis tamen æqualibus temporibus. Quarit igitur Arist. cur cum Sol eodem vigore feratur, non idem tamen incrementum, decrementumue vmbrarum exultet? pro cuius intelligentia, ac solutione inspicienda est figura sequens: in qua semicirculus, siue arcus A B C, sit is, per quem Sol incedit, dum eleuatur supra horizontem H I; & quia Sol vniiformiter scandit hunc arcum, sint



sint duo arcus æquales AB, BC . in plano autem horizontis erectum sit corpus GD , quod à Sole conspiciatur, siue illuminetur. sitq; primum Sol in A . radius ipsius per verticem D , transiliens erit ADI ; umbra verò erit GI . Sole deinde in B , existente, erit radius BDE , & umbra GE . Sole tandem in C . radioq; CDF .

umbra erit GF . Dicit ergò Arist. quod cum anguli ADB, BDC , sint ex æqualibus arcubus AB, BC . ad centrum D , constituti, erunt æquales, quare erunt etiam æquales alij duo anguli illis ad verticem oppositi, per 15. primi, qui sunt contenti in triangulo GDI . quod triagulum fit à radio primo DI , re conspecta à Sole GD , & umbra GI . anguli inquam FDE, EDI , qui sunt ad verticem prædictis angulis, erunt, & ipsi æquales inuicem.

Supponit præterea pro certo radium DI , qui cæteris longius prolabitur, esse maiorem propinquiore DE . ipsumq; DE , maiorem esse reliquo radio DF . oportet autem radiū BE , terminari in puncto E , quod sit citra radium DI . & radium DF , desinere in F , citra radium DE , aliter sequitur lineam rectam BE , vel CF , secare lineam rectam AI , in pluribus punctis, quam vno D . quod est impossibile. cum ergò totus angulus FDI , diuidatur à linea DE , in duos angulos æquales FDE, EDI . sitq; latus DI , maius latere DF . erit ex scholio 19. primi Elemen. linea EI , maior, quam FE , quæ sunt duæ inæquales umbræ, quæ tamen respondent æqualibus arcubus AB, BC . similiter umbra FE , maior esse probaretur sequenti qualibet umbra, quæ tamen ex arcu æquali procederet. & sic deinceps vsquequò Sol esset in meridie, vbi umbra esset omnium minima.

Atque ex his patet, cur quamuis Sol vniformiter in cælo moueatur, umbrarum tamen incrementa, sint disparia, nec vniformia. eadem intelligenda sunt de umbrarum decrementis promeridianis Sole ad occasum labente: tunc enim, vt ille cecinit.

Maioresq; cadunt altis de montibus umbrae.

Aduerte verba illa (*Angulus DE , maior, quam EF , angulo DG , est*) esse mendosa, etiam in græco textu; vnde, & malè in latinum translata: neq; in græco est vox, angulus: aliter Arist. quæstioni non satisfaceret. quare dicendum, & interpretandum videtur, quemadmodum à me factum est.

In 5. problema. Difficile admodum est problema istud, & cuius solutionem nullus veterum, quod sciam, perfectè attigit: quamuis Vitellio nu. 39. lib. 2. hoc idem proponat, ac soluere contendat: Verùm nec Arist. nec Vitellio intellectui satisfaciunt mathematico: probabilia tamen afferunt. optimè hæc de re Maurolicus; in suis Posthumis, nuper editis Photisimis, & Keplerus, in paralip. ad Vitell. Sensem Arist. ac textum pariter per paraphrasim exponam, ita tamen, vt eius textus ex hac paraphrasi omninò clarus euadat. Quærit igitur; cur lumen Solis ingrediens per quadrangularia, seu triangularia foramina, vel etiam per rimulas, cum postea recipiatur in plano satis

345

no satis ab illo foramine remoto, ut in pariete, vel pavimento, non recipitur in eadem figura, per quam ingressum est; quamvis. n. foramen sit angulosum, illuminatio tamen in opposito plano facta est semper circularis, si planum sit satis remotum, & radio Solis directè, seu perpendiculariter obiectum: si enim non sit perpendiculariter, sed obliquè, tunc illuminationes apparent non omninò circulares, sed ouales; quemadmodum quotidie accidere videmus in pavimento, ubi omnes ferè huiusmodi illuminationes ellipses sunt, quamvis Sol per angulosa foramina ingrediatur. quæ ellipses si in plano Solis radio perpendiculariter obiecto recipiantur, perfecti evadunt orbes. hoc etiam, inquit Arist. in cratibus patet; crates enim illæ habebant foramina angulosa, atque oblonga, sunt enim crates ex virgis decussatis, quorum foramina sunt quadrilatera, per quæ Sol ingrediens, non tamen recipit angulosam figuram, sed in debita remotione rotundatur. Respondet propositæ quæstioni dicens; radijs Solis fortè illud accidere, quod & radijs visualibus, qui ab oculo ad rem conspectam producuntur: ij enim in turbinis, seu conij figuram aguntur, cuius apex est in oculo, basis autem est in re visa: & quamvis res visa sit angulosa, ut triangula, vel quadrangula, tamen si à longè conspiciatur, circularis apparet; unde & figura visualium radiorum, quæ in proximum obiectum incidens basim angulosam, remoto, quantum satis est, obiecto, basim habebit orbicularem. eodem igitur modo de Solis radijs existimare debemus: qui quamvis per angulosa foramina intrent, tamen, si in remoto obiecto recipiantur, figuram circularem fortientur: quod si non satis remoto plano occurrant, angulosam etiam figuram, pro foraminis qualitate efficient: & quidem eo foramini similiorem, quo ei propior erit conij luminosi basis. vel aliter etiam respondendum est, hoc modo; figura Solis, quæ orbicularis est, vndique lineis rectis, seu radijs, quos emittit, circumdata est, qui radij cum intrent per foramina lineis quoque rectis contenta, accidunt lateribus figuræ foraminis, & propterea cum rectæ lineæ lineis rectis applicentur, deberent hi radij in figuram rectilineam conformari; quod & faciunt, ut patet in cratium fenestellis, ubi si radij post ingressum statim in plano quopiam recipiantur, figuram efficiunt fenestellæ similem. quod si in plano, satis remoto, desinant, non amplius angulosam, sed circularem illuminationem efficient. Cuius causa est, quia, ut initio dixi, eodem modo lumen, seu radij Solis producuntur, quo etiam radij visuales, quod inde patere potest, quia perspectivi eadem de vtrisque; & supponunt, & ostendunt. quemadmodum igitur quando oculi nostri aspectus ad figuram rectilineam, & angulosam, quæ propinqua sit directus, eam angulosam iudicat, ut re vera est, quam deinde longè semotam ovalem, aut circularem existimat; propterea quod radij visuales ad extremitates laterum figuræ, siue angulos ipsius protensi evanescent, quia imbecilli admodum sunt; sunt autem imbecilli, quia, cū tendant ad angulos, quæ minimæ partes sunt obiecti, & quidem longè semoti, fit, ut ij anguli sub angulo adeo parvo ad oculum veniant, ut sub eo visio fieri nequeat; idcirco cū anguli cerni nequeant, obiectum sub circulari figura apparebit. sed quantum lateris recti visi in turbine visuali continetur, ac sub angulo visioni idoneo ad oculum deferretur, id tantum in visum agere potest. Reliquum, quod est in angulis


gulis ob dictam rationem non potest, quia radij visuales, vt dictum est, indiscreti sunt, & confusi. neq; hoc mirum, cum multa videre nullo pacto possumus, quamuis nostro attingantur aspectu, vt ea, quæ sunt in tenebris, cui simile accidit, cum quadratum à longè visum videtur habere plurimos angulos; atq; adeò ad rotunditatem, si remoueat adhuc, accedere, vt etiam circulus videatur. Cum enim, vt supra dixi, aspectus in turbinis modum procedat quoties figura conspecta vterius seposita est, radij visuales, qui ad angulos tendunt, quoniam & imbecilli, & pauci sunt, ob dictam causam rem assequi nequeunt: qui autem in mediam partem concurrunt, hi persistere possunt, vtpotè, conferti, & validi: ergò cum figura propè est, anguli quoq; aspici possunt, aucta distantia non possunt. hac etiam de causa linea circularis valdè distans, & in situ, quo conuexum ad oculum rectà vergat: & in Luna die octauo, quando dimidia est linea illa, quæ illuminatam partem à non illuminata diuidit, recta videtur, quamuis circularis sit, est enim in sphærico corpore designata. quando enim circumferentia propè est, visus discernere valet quanto pars altera, parte altera, sit propior; vnde rotunditas apparet: at cum procul abest rectè sentire nequit, sed æqualem partium situm cernere sibi videtur, eamq; propterea rectam iudicat. hæc igitur, quæ accidere visui certum est, eadem similiter radijs Solis conuenire par est credere. ex quibus iam patere potest, cur lumen Solis per quadrilateras figuras profluens illuminationem rotundam reddat.

De Lucis Figuratione.

ATq; hæc est solutio admirandi huius effectus ab Arist. allata, quæ quoniam non paucas habet difficultates, aliam ex Maurolyco desumptam, quæ satis demonstratiua est, afferam.

Primo igitur illud Perspectiuus principium statuendum est, ex quolibet corporis lucidi puncto, ad quodlibet mediij punctum, lumen rectis lineis quoquoersus emicare, ita vt lumen à quouis puncto lucidi, tanquam à centro circumquaq; effusum in modum sphæræ diffundatur.

Secundò, quò magis duorum vicinorum circularum peripheriæ augentur, eò magis ad vnius circuli similitudinem accedere; vt in hac figura cernere licet, vbi sunt primò duo parui circuli circa centra A, & B, descripti, quorum circumferentiæ crescant vsq; ad circumferentias C D, & E F, quo incremento posito, statim vel ad sensum manifestum est, has duas maiores peripherias, magis referre vnius circuli similitudinem, quàm referant duo parui circelli. quod si essent tres circelli, qui augerentur, magis adhuc vnicum circulum imitarentur; sicq; deinceps, quò plures eò perfectius: & quò magis



etiam


etiam augentur eò perfectius. proptereaq; poterunt aliquando exactè circulum quò ad sensum imitari, quod de circulis dictum est, intelligi etiam debet de omnibus alijs figuris eiusdem speciei, vt de duabus ellipsis, aut de duobus triangulis, &c.

Tertiò, lumen Solis per foramen tam exiguum, quod sit instar puncti transmissum, figurà Solis rotundam videlicet, quamuis conuersam referre; quod hac descriptione patefiet. sit Sol vbi A B, foramen instar puncti vbi E. illuminatio, in planum radio Solis perpendiculariter obiectum, sit C I D. aio eam esse instar Solis rotundam, inuersam tamen. nam si ab omnibus punctis solaris peripheriæ radij per vnicum punctum E, recta transferantur ad planum recta obiectum, vbi C D, constabunt duas conicas superficies A E B, C E D, bases habentes circulos A B, C D, verticem verò eundem E. Cum igitur illuminatio C D, sit veluti sectio luminosi coni C E D, quæ perpendiculariter eum secat, ex Apollonij conicis circulus erit, ac proinde Solis figuram imitabitur. erit tamen inuersa, quia cum, vt dictum est in prima prænotatione, radij rectis lineis ferantur, punctum A, sinistrum, representabitur in D, parte dextra. B, verò dexterum apparebit in C, parte sinistra, & H, in anteriore parte Solis, feretur in I, punctum illuminationis posterius: atq; eodem modo reliqua puncta in contrarias partes transferentur. Quod si planum terminans conum radiosum non illi sit perpendicularare, sed obliquum, vti est G F, sectionem faciet ellipticam ex eodem Apollonio, ideoq; Solis illuminatio, quod plurimum accidit, ovalis apparet. Quod dictum est de Solis illuminatione, intelligi etiam debet de alijs quibusvis lucidis, vel coloratis luce perfusis, quæ suas species emittunt, cuiusvis sint figuræ, eodem enim modo ostendemus eorum illuminationes, seu species debere figuram ipsorum primitiuam referre, quamuis inuersam.



Quartò, dico, Causam huius apparentiæ primariam esse ipsam Solis rotunditatem, quæ per singula foraminis cuiusvis puncta in oppositum planum se se transfundit. quod enim nuper de vnico puncto ostensum est, idem intelligendum est de singulis foraminis punctis, per singula enim puncta singulæ illuminationes rotundæ in aduersum planum transmittuntur, quæ quò longius à foramine processerint, eò perfectiorem rotunditatem assequentur, ob eam causam, quam in secunda prænotatione inuimus. quæ vt explicatius tractentur, neuè in hac Solis luce cæcutiamus, linearem demonstrationem afferemus. sit solare corpus A B, foramen verò qualiscunq; figuræ, veluti rimula C D, per quam Solis splendor illapsus oppositum planum, in quo F E, collustret. iam ex infinitis punctis rimulæ C D, satis erit extrema duo C, D, confi-

considerare. per punctum igitur D, ducantur radij A D E, B D K. per punctum verò C, ducantur alij A C H, B C F, qui cum ab extremitatibus Solis profluant, reliquos omnes radios intra se continebunt. ex tertia igitur prenotatione per punctum C, procedit rotunda illuminatio, cuius diameter



F H, similiter per punctum D, illuminatio rotunda emanat, cuius diameter K E, & pariter ex omnibus alijs rimulæ punctis rotundi splendor in superficiem, ubi F E, transmittuntur. Iam dicimus has duas illuminationes ex prenotatis secundo loco, quàm longius planum F E, à foramine defuerit, ut si esset in L M, ad unius circuli rotunditatem magis accedere, ut apparet in plano L M, ubi maiores factæ sunt illuminationes, & ideò magis ad unam circula-rem accedunt. manifestum est enim, quò longius radij C F, C H, producti fuerint, eò maiorem fore diametrum illuminationis F H. euadet enim L O, & similiter ex productione radiorum D K, D E, diameter alterius illuminationis K E, augebitur, & fiet N M. & consequenter duæ ipsarum peripheriæ simul maiores fient, ac proinde ad unius circuli similitudinem ex secunda notatione peruenient. & quamvis ex radiorum productione augeantur non solum prædictæ diametri illuminationum, sed etiam earum differentia F K, & H E; hæ tamen differentia respectu illorum nihil, quod sensibile sit augentur; quod inde oritur, quia angulus F C H, maior est angulo F B K, per 16. primi Elem. & ideò crura F C, H C, magis dilatata sunt quàm crura F B, K B, & ideò si producantur, multò magis crescit F H, dum euadit M N, quàm F K, dum euadit M O. eodem modo magis crescit K E, dum fit O L, quàm H E, dum fit K L. quare ex secunda notatione earum peripheriæ ad unius orbis figuram tandem concurrere videbuntur. multò autem euidentius ad rotunditatem accederent, si tertia illuminatio per tertium aliquod punctum transiens, sic perueniret; & quo plures, eò etiam perfectius, omnes enim rotundæ essent, & ex radiorum processu auferentur, atque ad unius orbis formam se se reciperent.

Hæ porro, quæ Geometricè comprobata sunt, libet etiam iucunda quadam experientia confirmare; fiant igitur in fenestra quapiam duo, vel tria parua admodum foramina, inuicem proxima, per quæ totidem illuminationes ad obiectam chartam transferantur, hæ admotæ foramini charta parua, ac sibi mutuò parum incumbentes apparebunt, & proinde unicum, circulum non præferent; quò autem longius charta remouebitur, eò maiores fient, ac sibi mutuò magis incumbentes, ac idcirco in unum ferè circulum

culum coalescent. nunquam tamen ad geometricam rotunditatem peruenient, quamvis illam sensui obijciant.

Aliter Ioannes Keplerus totam hanc demonstrationem instituit, quem tu in suis ad Vitellionem Paralipom. consule. eius tantum experientiam non iniucundam, qua istud probat, non grauabor referre. cap. igitur secundo de Figuratione lucis hæc habet: librum in sublimi locavi, qui esset loco lucentis corporis, hunc inter & pauimentum figebatur tabella foramine multangulo. filum deinde ex vno libri angulo per foramen in pauimentum demissum, ita incidebat in pauimento, vt terminos foraminis raderet, cuius vestigia creta imitabar; qua ratione creabatur figura in pauimento similis foramini. Idem accidebat, annexo filo ex altero, tertio, quarto libri angulo, adeoq; ex infinitis marginum punctis. Itaq; infinitarum in pauimento figurarum foraminis exilium series adumbrabat magnam, & quadrangulam libri figuram. hic primus est in hoc labore successus. hæc ille; ex quibus postea suam demonstrationem adornauit. His igitur perspicue demonstratis facile erit nonnulla corollaria inde contexere.


Primum, si ad planum FE, radius perpendiculariter incidat, illuminatio erit circulus, si verò obliquè ellipsis, vt in tertio loco vidimus. cum igitur pauimentis, ac parietibus hæ illuminationes, vt plurimum obliquè accedant, ideo ferè semper ouales apparent.

Secundum, quod quidem magni momenti est, est enim, vt scientiam deet, vniuersale, quod enim ostensum est de Sole, eodem modo ostendi potest de quouis lucido, & de quouis corpore illuminato suam speciem diffundente. simili enim modo demonstrare possumus cur Sol eclypsim patiens, illuminationem pariter eclypsatam efficiat, & inuersam. eadem est ratio de Lunæ illuminationibus.

Tertium, & quidem scitu dignissimum quodq; hætenus doctorum virorum ingenia latuit, rationem reddere hinc possumus, cur si fenestris omnibus obseratis, conclauē obscurum reddatur, tenui tantum relicto foramine, per quod externo luminī aditus patent, formæ externarum rerum propriæ, quamvis inuersæ, in opposito plano, appareant. eadem scilicet de causa, qua & Solis imago propria, quoniā videlicet per singula foraminis puncta, vt tertio loco patuit, vnaquæq; res, seu lucida, seu illuminata tantum sit; per singula foraminis puncta, singulas proprias emittit imagines, quæ omnes postea in vnā ex iusta distantia coalescunt. atq; eadem ratione inuertuntur. ob quam etiam rationem solares maculæ in Solis splendoribus, non eodem situ quem in Solis disco obtinent, sed inuerso spectantur. atque hæc pro instituto dicta sufficiant.

346 In 6. Problema. quoniam vulgata interpretatio videtur mendosa, cum in multis textui græco non consentiat, eam sic emendatam accipe (*Cur Luna spherica existente, rectam cum semiplena est, cernimus? An quoniam eodem in plano aspectus noster versatur, vt circuli ambitus, quem Luna Sol ingruens facit, quod cum accidit, Sol recta linea videtur; cum enim quid suum aspectum sphaera admonerit, orbem videre necesse sit; Luna autem spherica sit, eamq; Sol aspiciat; orbis profectò id esse debet, quod à Sole efficitur. Hic ergo cum è regione se nobis præbet, totus videtur, & sic plenilunium apparet. cum autem mutatur propter Solis*

Solis discessum peripheria eius aspici potest, ita ut recta appareat, altera verò pars circularis, quoniam ex aduersò nostri aspectus hemisphaerium est; talis verò apparet semicirculus. semper enim Luna aspectui nostro opposita est, sed quando Sol incubuerit, non videtur, & repletur post diem octauum secundum dimidium; quoniam paulatim Sol euadens, orbem nobis facit inclinatioem; ita verò circulus ad oculum nostrum dispositus, similis videtur sectioni conica. lunaris verò apparet iam Sole amoto; cum enim ad extrema puncta peruenierit, iuxta quæ dimidiata apparet, circulus fit Solis, & Solis circumferentia videtur; non enim amplius in directum visui iacet, sed præterit. quo facto, & per eadem puncta ducto circulo, necesse est lunarem apparere: pars enim aliqua circuli statim aspectui patet, priori è contra existente, ita ut de splendido refecetur, tum etiam extrema manet in eodem, ut oporteat lunarem apparere magis, & minus, secundum Solis motum. per motu enim Sole, & circulus, secundum quem conspicitur, reuertitur ad eadem puncta. secundum enim infinitas inclinationes accidit inclinari: si quidem maximi circuli per eadem puncta duci possunt infiniti. Ut rectè textum hunc intelligas, lege prius, quæ de Lunæ illuminatione lib. 1. Post. tex. 30. dicta sunt. & ante omnia experire in pila aliqua lumini lucernæ, aut candelæ obiecta, & circumlata, omnes illius sphaeræ illuminationes, ut ibi docui. videbis enim qua ratione linea illa, quæ confinium est partis illuminatæ, & partis obscuræ, aliquando videatur lunaris, aliquando ovalis, aliquando recta linea, quorum rationem Arist. in præsentī problemate inquit: lege præterea, si plenam huius rei cognitionem desideras, proposit. 74. 75. 76. 77. libri 4. Vitellionis, ubi hæc omnia exactè, & non leui brachio, ut hic fit ab Aristot. demonstrantur. Interim tamen huius loci explicationem hanc accipe. Cur cum Luna semiplena est, linea illa, quæ terminus est partis illuminatæ, & partis obscuræ, quæq; Lunam bifariam diuidit, videtur linea recta, cum tamen non sit; cum enim sit in globosa superficie Lunæ, necessariò circularis



est? ut autem rem hanc melius intelligamus, præsens figura illuminationis Lunæ inspicienda est: ubi oculus noster est in centro mundi A; vnde varias Lunæ illuminationes aspicit: è quibus octo tantum, in figura sunt depictæ: in quibus videre est Lunæ semper dimidium illud, siue hemisphaerium, quod Solem aspicit, esse illuminatum, cuius terminus, siue basis est linea KL, estq; confinium illustratæ partis, & opacæ. quæ linea semper in Luna est circularis, cum sit in sphaerico corpore: quando tamen Luna videtur semiplena, ut quādo est in D, vel in K. hæc linea KL, videtur recta: ratio huius est, quia existente Luna semiplena, circulus KDL, qui est basis illuminationis solaris, est in eodem plano cum oculo A, siue in eadem rectitudine, ut apparet in figura, ubi, & linea KDL, sumatur loco diametri

diametri prædicti circuli, & produci intelligatur versus oculum A, per ipsum transilit; quo in situ, si circulus oculo subiiciatur, non planam ipsius superficiem, sed circumferentiam tantum aspiciat, sitque ut non lineam curuam, sed rectam videre videatur, ut in præcedenti problemate diximus, & Perspectiui demonstrant, & Vitellio lib. 4. proposit. 5. & proposit. 50.

Quidquid porro sphaeram aspexerit, necessario ita illam aspiciat, ut quod de ipsa videt, sit orbiculare, cum ergo Sol Lunam aspiciat, siue illuminet, debet illuminatio illa esse orbicularis, hoc est habere orbicularem basim, ut in figura patet, in qua Sol aspiciens Lunam, quamuis in diuersis locis positam, eius tamen semper dimidium illustrat, cuius dimidij basis est circularis, representaturque in lineis K B L, K C L, K D L, & ceteris similibus. quando igitur Luna est in tali positione, ut totus ille orbis illuminationis oculis nostris in A, positus obijciatur, totus una cum tota illuminatione conspicitur, ut accidit, quando Luna est in F. tuncque est opposita diametraliter Soli, estque Plenilunium. Cum autem Luna vetus mutatur in nouam, recedendo à Sole, ut quando transit à B, in C, tunc circumferentia K B L, prædicti orbis, quæ Luna in B, existente, videri non poterat, incipit videri quando fuerit in C. cerniturque pars illius illuminationis circa punctum L, quæ videtur falcata; quæ pars recedente adhuc magis Luna à Sole, semper augetur, id est semper maior illuminationis pars cernitur: ita ut cum fuerit in D, semiplema appareat, & linea K D L, quæ ibi orbicularis est, oculo in A, videtur recta, ob causam superius dictam; tunc igitur lumen Lunæ ex una parte videtur terminari linea recta, ex altera circulari, ita ut figura luminis sit semicirculus. Porro Luna semper ex se oculis nostris opponitur, quamuis non semper cernatur, ut accidit in Nouilunio, quando scilicet Luna est infra Solem in B, quia cum Sol sit supra ipsam, illuminat hemisphaerium eius superius, quod oculo in A, est auersum; & ideo videri nequit; postea paulatim recedendo à Sole, incipit hemisphaerium illustratum ad oculum A, vergere, & ideo conspici, sitque primo apparet lunularis, seu falcata, deinde minus, ac minus falcata, quia linea interior falcis minus curuatur, & sectionem conicam, quam oualem dicunt, refert: deinde magis ad rectitudinem accedit, ita ut circa octauum diem, seu circa primum Lunæ quadrantem, linea illa videatur recta; Luna autem dixotomos, seu dimidiata; ubi enim circumferentia illuminationis Solis, ad puncta deuenit vltima, per quæ Luna bifariam diuiditur, apparet tantum oculo circumferentia illius, & nullo modo ipsum circuli planum, qui basis est: sed, ut supra etiam dictum est, planum eius productum secaret oculum in A, existentem, & statim ab hoc situ mutatur, & præterit. quod cum sit, necesse est, ut prædictus circulus per summa puncta K L, designatus, non amplius recta linea, sed curua, & lunularis appareat, quia aliquo modo planum prædicti circuli ad oculos inclinatur, priori tamen circumferentia ex aduerso oculorum, ut dictum est, existente, atque hoc modo ex inclinatione basis ad oculum aliquid lucis amplius refecatur, id est ab oculo cernitur. tum etiam extrema huius circumferentiæ in eodem persistunt, id est in eisdem punctis, & propterea linea illa magis, & minus incuruatur pro Solis remotione; ita ut tandem reuertatur ad eadem puncta. fieri enim potest, ut infinitas inclinationes suscipiat, si quidem per

per eadem duo extrema puncta K, L, duci possunt infiniti circuli maximi. Atq; hæc est Aristotelis sententia, non sine ingrata tautologia, tandem ut-
cunq; expressa.

In 7. problema (*Cur Sol, & Luna plana esse videntur, cum tamen spherica sint? An, ut ea omnia, quorum quodnam plus, minusve distet, incertum sit, æque posita esse videntur? sic etiam res, quamvis una, cum plures tamen habeat partes, nisi varius color adsit, partes illæ omnes, ex æquo collocatas videri necesse est: quod autem ex æquo videtur, necessarium etiam est æquabile, ac planum apparere*) Quæstionem hanc demonstratiue pertractat Vitellio lib. 4. proposit. 65. Euclides etiam theor. 25. optices. cæterum textus satis clarus videtur: ubi autem ait (*nisi varius color adsit*) hoc ait, quia nonnulli colores sunt, qui faciunt, ut obiecta appareant prominentiora, & proinde propinquiora; tales sunt colores, qui præ cæteris lucidiores sunt: alij verò sunt, qui obiecta deprimunt, & proinde remouent; cuiusmodi sunt colores omnes tenebri-
cosi. posito igitur in re visa eodem colore, partes illius ob magnam distan-
tiam videtur æqualiter à visu distare, & ideo res plana apparet. quia, quam-
uis distantia illæ partium ab oculo ab inuicem differant, tamen parum dif-
ferunt, idcirco eas sensus iudicat æquales, sicq; æqualiter iudicamus distare
partes remotissimæ spheræ, quamvis pars illa, cui linea visualis perpendi-
culariter accidit, sit propinquior; siue illa, quæ est in medio hemisphærij visi:
partes autem, quæ sunt circa basim dicti hemisphærij sunt remotiores. reli-
qua ex se manifesta sunt.

In 8. problema (*Cur Sol oriens, atq; occidens umbras efficit longas; efferens se, minores: obtinens cæli medium minimas? An quod oriens primo umbram ter-
ræ æquidistantem reddit, ac infinitam penè protrahit, deinde longam, & postea mi-
norem subinde? quia linea recta, quæ de superiori puncto elicitur, interius cadit.*




fit Gnomon *AB*. Sol, ubi *C*, & ubi *D*.
radius igitur ex *C*, proficiscens, est *CF*,
& exterius procedit, quam radius *DE*.
est autem umbra *BE*, Sole sublimiori
existente: umbra verò *BF*, Sole humi-
liori. ergò quòd Sol altior fuerit, eò mi-
nor umbra erit, minimaq; tunc erit, cum
Sol super caput nostrum versabitur)
Problema præsens est idem cū quar-
to huius sectionis: eadem igitur ex-

positio utriq; inferuiat. hoc solum addendum est, Gnomonem apud græcos
inter cætera significare stylum solaris horologii: in quo sensu hoc loco po-
nitur. significat præterea amussim, seu normam, quæ nihil aliud est, quam
quidam angulus rectus materialis: & quoniam stylus horologii figitur ad
angulos rectos in plano horizontali, propterea ipse quoq; Gnomon appel-
latus est: imò pleriq; amussim quandam horologii præsertim viatorijs, lo-
co styli accommodant.

In 9. (*Cur umbra Luncæ maiores, quam Solis sunt cum eodem proueniant per-
pendiculo? An quod Sol superior, quam Luna est? itaq; necesse est radium à supe-
riore procedentem intus cadere. sit Gnomon *AD*, Luna *B*, Sol *C*, Luna radius *BF*.*
ergò

dimensione, his verbis, extat, inquit, alius modus dimetiēda solaris eclyps-
sis, omnium facillimus, ac certissimus, cuius nos admonuit Erasmas Rei-
noldus in comm. in Theoricis Peurbarihj. tempore igitur solaris defectus,
intra parietes vsquam, clausis omnibus fenestris, admittatur Solis radius
per angustum foramen rotundum; excipianturq; radius hic in plana tabella;
vbi certo quantum Sol defecerit ad vnguem, licet videre, absq; vlla intui-
tus molestia, ac tam perfectè, atque si in cœlo coram adesses) hæc ille, licet
autem videre, quia illuminatio in tabella excepta, quæ alias solet esse cir-
cularis, erit tempore eclypsis ipsa pariter cum Sole defectiua, atq; instar fal-
catae lunulæ. deinde subdit; verum hoc omninò scire necessarium est, con-
trario modo apparere defectum illum in tabula per radios Solis, quam in
cœlo contingit: hoc est, si in cœlo superior pars deliquium patiatur, in ra-
dijs apparebit inferior deficere, vt ratio exigit optica) hucusq; Gemma Fri-
gius; ex quo etiam placuit accipere totius huius experiētiae figuram, quam



ipse cuiusdā eclypsis an-
ni 1544. apponit. est au-
tem hæc. in qua Sol de-
ficiēs est A B C. pars in-
ferior B D P C, ipsa est
lumine priuata; superior
B A P D, splendens, quæ
similis est falcatae lunu-
læ. radij Solis ingrediū-
tur in cubiculum per fo-
ramen E. excipiunturq;
in tabella K M N O, fo-
ramini, seu radio Solis
perpēdiculariter oppo-
sita: in qua propterea

apparet Solis illuminatio, non vt alias circularis, sed manca, ac defectiua,
lunulæ instar: estq; G H I L, quæ inuerso modo se habet, ac in cœlo, quem-
admodum figura ostendit: cuius causa est, quia radij Solis A E, D E, C E,
post foraminis ingressum commutantur, quia se mutuò secant, vnde qui su-
periores erant, fiunt inferiores intra foramen, & in tabella; sic radius A E,
omnibus superior, post ingressum fit omnibus inferior; est enim E H, defi-
nitq; in puncto H, omnium illuminationis infimo. reliqua autem pars cir-
culi illuminationis G L I F, deficit, quia pars Solis B D P C, quæ ipsam illu-
strare solet, propter eclypsim nullos per foramen E, immittit radios. Ve-
rum eclypsis tempore, etiam si huiusmodi illuminationes intra cubiculum
non obseruentur, sed foris, manifestè omnes apparent, non secus, ac ipse sol
defectiua: tales sunt omnes, quæ per quolibet foramina, in quolibet pau-
mento, aut opposito pariete apparent: de quibus etiam Aristot. in præsentī
problemate loquitur. ex his facillè est verborum Arist. sensum assequi. Quæ-
rit igitur, cur tempore solaris deliquij, si Solis illuminationes per cribri fo-
ramina, aut inter alicuius arboris folia, ex ijs, quæ lata habent folia, aut
inter manuum decussatos digitos, ingredientēs, atque in terra apparentes,


H H

specte-

spectemus, eas falcatas, ac lunulatas, videamus; non autem, ut solemus, rotundas. Respondet, id fortè accidere, quia lux per foramen intrans, fit conus natura sua, ut in 5. problemate præcedenti, explicatum est. & in præfenti figura conus lucis intrantis per foramen E, figuratur à lineis EF, EH, quibus similes alias plurimas debemus concipere ab E, ad circularem basim FGHI, quæ turbinem perfectum efficiunt. alius præterea conus est à foramine ad Solem, cuius basis est ABCP, circulus Solis: & continetur sub infinitis radijs, quorum duo sunt AE, CE; uterq; autem habet verticem ad E, quia igitur plures radij superioris coni deficiunt, idè etiam in inferiori deficient: eritq; situs eorum inuersus ob radiorum intersectionem ad punctum E, eritq; splendor in tabella apparens lunulatus, quia ex parte Solis pariter lunulata producit. cætera satis sunt per se clara.

Ex Sectione 16.

351 **I**N 1. problema (Cur bases bullarum in aquis sunt albæ; & si in Sole ponantur, non faciunt umbram; sed bullæ reliquum umbram facit, basis verò non facit, sed circulariter à Sole illuminatur. quod verò mirabilius est, quod neq; si quodpiam lignum in aquam inferatur in Sole, hæc sub aqua diuiduntur. An non fit umbra, sed à Sole dissipatur umbra? si igitur umbra est non inspectum, & à Sole circulariter inspicitur moles: hoc verò impossibile esse ostenditur in Opticis. neq; enim minimum, à maximo totum conspici potest) Cùm ex ipsius textus verbis satis perspicuè appareat, quid proponatur, reliqua sic breuiter exponam. quod igitur de ligno ait, existimo hoc modo accipiendū, ut lignum illud in aqua ponatur sub bulla, ita ut umbra bullæ cadat super ipsum, tuncq; umbra illius similiter apparebit defectiua, quia basis illuminatio ipsam ex parte destruet. Respondet, An non fit umbra, sed à Sole umbra fugatur? quæ verba subobscura sunt; neq; responsio videtur allata ad soluendum problema, sed ad eum magis confirmandum. deinde ait: si igitur nihil aliud est umbra, quam id, quod non aspicitur à Sole, & à Sole tamen videamus illuminari totam bullæ basim circulariter, necesse est totam etiam bullam vndiq; à Sole illuminari, & conspici, quod tamen impossibile esse demonstratur ab opticis: ipsi enim demonstrant, nullum corpus, quantumuis minimum, totum posse circumspici à quamuis maximo illuminante. quod quidem antiquitus demonstrauit Aristarchus Samius in libello de distantijs Solis, & Lunæ: & postea Vitellio lib. 2. propo. 27. & ex figura præfenti facillè est id intelligere: i qua fit Sol sphaera A, illuminans sphaerulam B, extremi radij DF, EF.




umbra erit igitur GFH, ad partes C, Soli auersas. quas nunquam Sol, etiam si sphaera B, arenula vnius grano minor fuerit poterit illustrare. quæ quidem non soluunt quæstionem, sed eam difficiliorem reddunt. Quapropter non videtur Arist. voluisse hoc discutere, sed solum tanquam mirum quodam proponere. quod si quid mutire liceat, vbi tantus philosophus admirandus obmutescit, dixerim propterea basim bullæ non adumbrari ab umbra ipsius bullæ, quia cum bulla sit sphaerica, & transparent, Solis lumen eam peruadit, atq; ex superficie concava ad illius basim partim reflectitur, sicq; eam illuminat. quamuis enim sit diaphana, non tamen omnino transparent est, cum aqua sit aere crassior: bulla autem est ex aqua. superficiem autem bullæ concavam id efficere debere, patet ex concava figura, quæ maximè reflexioni est apta.

In 3. problem. (*Cur in magnitudinibus, quæ pondere sunt inæquali, accidit, vt si partem moueas leuiorem, circumferatur, quod iacitur; vt in talis fieri opplumbatis videmus*) Aristotelis tempore tales tali opplumbati erant in vsu, qui exemplo præsentis quæstioni esse possent: Aptius nunc exemplum desumi potest ex bacillo aliquo, cuius altera extremitas sit cæteris partibus multo grauior, qui si per aerem manibus ei aculatur, solet, dum per aerem fertur, circumuerti.

Ibidem (*Sin autem alterum altero fertur cælerius, circulo ferri necesse est, cum in hoc solo figuræ genere efficiatur, vt puncta eadem subalterna, lineas inæquales possint eodem tempore permeare*) Quando, inquit, duo puncta in eadem magnitudine posita mouentur ad motum illius, & tamen non æqualiter progrediuntur, signum est, illam magnitudinem moueri circulariter, & proinde, vel esse circulum, vel saltem circuli in modum conuerti; cum in solo orbiculari motu contingat, vt duo puncta inæqualiter à cætro remota, possint inæquales lineas eodem tempore permeare, punctum enim, quod cætro propinquius est, breuiorem describit lineam, quod autem remotius, maiorem.

In 4. problem. satis esse existimo per paraphrasim præsens problema exponere, ex qua tamen, vbi opus fuerit, textus corrigatur. Cur ea, quæ in terram cadunt, atq; resiliunt angulos ad planitiem, faciunt similes vtraque




ex parte, qua planum tetigerint? v. g. si corpus quoddam cadat ex puncto D, per lineam DC, super planum AB, ex puncto C, vbi ceciderat, resilit per lineam CE, ita vt faciat duos angulos æquales vtrinq; ad punctum. C, angulum scilicet incidentiæ DCB, & angulum reflexionis ECA? An quod omnia ista, natura quidem sua feruntur per rectam lineam, videmus enim grauiam omnia deorsum recta tendere; si autem aliquod impedimentum occurrat, vt fit, quando plano terræ occurrunt, tunc lineam illam, quam infra terram facerent eundemq; angulum, quem infra planum facerent, supra faciunt, v. g. mobile per lineam DC, cadens, nisi obstitisset planum AB, tetendisset per lineam rectam.

HH 2

DCC,

D C G, fecissetq; propterea angulum A C G, infra planum, æqualem angulo
 D C B, quo ceciderat. cum igitur nequeat prædictum angulum infra pla-
 num conficere, par est, vt eum resiliendo supra planum efficiat; propterea
 resilit per lineam C E, quæ angulū A C E, supra cum plano constituit æqua-
 lem angulo A C G, infra, & proinde æqualem etiā angulo incidentiæ D C B.
 Duobus porrò modis graua super terræ planitiem cadunt; aut enim per-
 pendiculariter, & secundum mundi diametrum decidunt; aut obliquè, seu
 in latera. quæ igitur primo modo descendunt, idest perpendiculariter, seu
 quæ angulos rectos cum plano faciunt, ea etiam resiliunt perpendiculariter,
 seu ad angulos rectos, & ideo necessariò per eandem lineam, qua decide-
 rant, reperiuntur; cuius causa esse potest, quia diameter scilicet mundi,
 per quam delapsa sunt, ea bifariam diuidit, vt in figura, grane E, per D C,
 plano A B, perpendicularem descendat;
 quæ perpédicularis coincidit cum mun-
 di diametro, perpendicularia enim omnia
 ad mundi centrum tendunt; grane igitur
 E, dum puncto C, alliditur, diuidi-
 tur bifariam, à diametro mundi D C:
 vnde & in æquilibrio constituitur, ita vt
 nulla sit maior ratio, cur ad partem
 vnā, quàm ad alteram resultet, & ideo
 conueniēs est, ipsum per eandem lineam
 D C, reuerti; sic enim faciet etiam an-
 gulos incidentiæ, & reflexionis æquales.
 quæ verò secundo modo decidunt, idest
 obliquè, & secundum latera: quoniam non secundum perpendicularum, sed
 ex puncto extra perpendicularum posito, planum feriunt, accidit, vt à puncto
 incidentiæ C, vt in priori figura, in contrariam partem repulsa resultent;
 descenderant enim ex D, & in contrariam partem, scilicet ad E, prioris fi-
 gura reflectuntur. quòd si huiusmodi graua sint rotunda, facilius in contra-
 rias partes exurgunt, propter ipsorum figuram motui, ac resultationi ap-
 tissimam; siue moueantur, ita vt centrum eorum etiam locum permutet,
 siue ita vt quiescat. quæ verò non sunt rotunda, sed rectilinea, idem faciunt,
 quoniam perpendicularum ipsorum, idest linea, per quam deberent perpen-
 diculariter resultare ob impulsū eliditur, & flectitur ad altiore partem,
 vbi nimirum est linea C E, in priori figura, ita vt à perpendicularo quodam-
 modo deflectantur. quemadmodum ij, quorum pars altera inferior, v.g. al-
 terum crus abscinditur, qui coguntur à rectitudine priori in alteram par-
 tem, vel etiam retrorsum cadere: quando, vt dixi, eorum perpendicularum,
 quod perpendiculariter eleuatum est, & secundum quod corpus ipsum de-
 beret æuari, seu in æquilibrio constitui, antorsum pellitur. Porrò in his,
 quæ ob grauitatem descendunt; deorsum, & retrorsum, opponuntur; deor-
 sum enim est pars, quæ ad terram, anterior verò ea pars est, quæ sursum, seu
 retrorsum, vergit, quod igitur in his grauib; siue rotundis, siue rectilineis
 est casus ex vna parte, idem præstat ex opposita parte latio, qua resurgunt,
 idest ad angulos pares fit casus, & latio: propterea neutra eorum ad rectum
 angu-



angulum reperiuntur, neque secundum perpendicularem, quia perpendicularum eductum ex puncto casus diuidit ea bifariam. fieri autem nequit, ut ad idem punctum C, plani A B. plura perpendiculara erigantur ex 13. 11. Elem. (ut in secunda figura, sola linea C D, perpendicularis esse potest ad idem punctum C,) quibus perpendicularis grauius diuidatur bifariam, atque in equilibrio constituantur: quod tamen sequeretur, si linea reflexionis eorum, quae oblique cadunt, esset perpendicularis, ab hac enim diuiderentur bifariam, & praeterea etiam ab alia, quae perpendicularis verè est: & praeterea etiam à priori linea incidentiae, quae pariter esset perpendicularis, cum similiter cadat, atque reflexa, diuideretur bipartito. Quod absurdum est. sed cum aduersam quidem in partem feratur, & non ad angulum rectum, reliquum est, ut ad acutum angulum resiliant, ex altera puncti incidentiae parte, quia angulus rectus est terminus, intra quem omnes anguli aduersi continentur, quales sunt in prima figura ij, quorum vnum angulum incidentiae, alterum reflexionis appellant.

Notandum quoad versionem latinam Theodori Gazæ, quod ubi sunt verba illa (*Aut colei violantur*) in græco est, *κολυτροὺς ὑδαρταζοῦσι*. quorum verborum paraphrasim omisi, quia thesauri, aut lexica græca nullam huius verbi notionem afferunt, quae huic loco quadret, dicunt enim ex Athenæo *τοὺς κολυθροὺς*, significare ficus maturas: Suidas verò ait esse quoddam plantæ genus: quorum neutrum ad rem facit. propterea vel textus corruptus est, vel metaphoricè usus est Arist. hoc verbo, cuius metaphoraè modò intelligentiam non habemus.

In 5. problem. (*Cur Cylinder propulsus fertur in directum, suisque terminantibus orbibus lineas rectas describit, turba verò suo manente murone circumfertur, atque in suo terminante orbe orbem describit? &c.*) Ad huius textus intelligentiam satis est nosse, quid Cylindrus, & quid Conus, siue turbo sit. conum igitur ex definitione 8. 11. sic possumus describere, esse corpus ex vna parte, acuminatum, ex altera verò planum, quod planum dicitur basis coni, estque circulus: vulgò appellatur Pyramis rotunda. Cylindrum verò ex definit. 2. 1. eiusdem 11. sic possumus explicare: esse corpus rotundum oblongum, æqualis utrinque crassitie, cuius duæ bases sunt circuli: estque veluti frustum columnæ. his cognitis poteris nullo negotio totius problematis solutionem ex textu Arist. percipere.

In 6. probl. (*Cur voluminum sectio plana, & recta, si quidem fuerit basi voluminis æquidistans, explicata lineam rectam ostendit: si verò fuerit basi inelinated, tortuosam? An quia accidit, ut circulis illius sectionis in eodem plano existentibus, hanc quidem sectionem non adiacentem esse, sed hic quidem plus, illic verò minus ab eadem distare. Ita ut explicato volumine circuli quidem ij, qui in eodem sunt plano, & principium habent in eodem plano, ex se ipsis euolutis faciant rectam lineam: est enim facta recta ex circulis, qui sunt in eodem plano: ita ut etiam recta existat in plano. At verò oblique illius sectionis linea explicata, non existens primæ æquidistans, sed hic quidem plus, illic verò minus ab ea recedens, propterea quod etiam ipsa sectio ita se habeat ad eandem, non erit in eodem plano: itaque neque recta, neque enim eiusdem rectæ pars in vno plano, pars verò alia in alio plano esse potest*) si Theodorus Gaza loco horum verborum (*Cur sectio chartarum, siue papyri*)

papyri) versiffet; cur voluminum sectio, quemadmodum ego feci, quod, & facere debebat, iuxta græcorū verborū notionem, *Δια τί τῶν βιβλίων ἡ τομὴ*, locum hunc non solum non obscurasset, verum etiam clarum omnino reddidisset, est enim Problema de sectione voluminis papyracei, quibus veteres illi scribebant. quapropter optime intelliges textum hunc, si huiusmodi volumen bis secueris, primo quidem sectione basi voluminis parallela; secundo verò sectione transversali, seu obliqua ad basim: nam explicata prima sectione apparebit eam esse lineam rectam: euoluta verò secunda sectione apparebit eam esse tortuosam, & flexuosam; Arist. reddens rationem, cur hæc sit tortuosa, ait id esse, quia sectione obliqua existente, idest ex vna parte depressiori, & ex altera altiori, sequitur, quod circuli, qui ex tali sectione oriuntur non remanent in eodem plano, dum euoluuntur; quare neq; linea, ex qua illi circuli constant, poterit esse in eodem plano, & ideo neq; recta esse poterit, quia fieri nequit, vt eiusdem lineæ pars sit in plano vno, pars verò in altero; quod ostenditur in prima 11. Elem. quæ est hæc; rectæ lineæ pars quædam non est in subiecto plano, pars verò in sublimi.


357 In 12. problem. quod est idem cum tertio superiori, videnda sunt, quæ ibi annotati. hic tamen aliter soluitur, sed tanta facilitate, vt nihil præterea opus sit.

358 In 13. probl. quod est idem cum quarto præcedenti, repetenda est illius explicatio, vt huic inseruiat. Arist. autem pulchrè, & aptè assimilat reflectionem corporum reflectioni radiorum visualium ex speculis; vbi, vt docent Perspectiui, radius visualis speculo incidens, facit semper angulum æqualem ei, quem facit radius reflexus; est enim apud eos axioma, angulus incidentiæ æqualis est angulo reflexionis.

SECTIO XIX.

De Musica.

359 **P**roblema primum ex se clarum est. In 2. problema. In verba illa (*Sed quemadmodum linea bipedalis non duplum, sed quadruplum quoddam describit, sic, &c.*) idest, quemadmodum linea bipedalis, quæ quamuis sit dupla lineæ pedalis non tamen describit quadratum duplum quadrati illius, sed quadruplum: vt probatur in scholio 4. 2. Elem. & videre est in hac figura, vbi linea AB, est dupla lineæ AC. quadratum verò lineæ AB, scilicet quadratum ABDE, est quadruplū quadrati lineæ AC, quadrati nimirum ACFG. reliqua huius textus manifesta sunt.




Scias Lector, me nullum, horum de Musica Problematum (quemadmodum & in pluribus alijs mathematicis locis accidit) vidisse expositorem, præter vnum Petrum Apōntem, quem tamen tanquam omnino his rebus elucidandis ineptum, reieci.

Vt au-

Ut autem catecha problemata rectè, ac facillè soluantur, operæpretium est, ortum, ac generationem totius Musicæ breuiter præmittere; naturam enim ipsius ritè perspecta, ea deinde, quæ ipsam consequuntur nullo negotio percipi possunt.

Primo igitur sciendum est, duplicem nos posse considerare in voce, sonorum varietatem. prima est, qua eadem vox, aut sonus modo maior, modo minor efficitur, vt quando eadem chorda sentè pulsata sonum edit exiguum; vehementer verò percussa; maiorem emittit sonum. huiusmodi vocem appellant Musici continuam. Philosophi fortè eam vocarent vocis extensionem. secunda vocis differentia, aut varietas est, cum ab vna voce ad aliam transimus, vt cum à graui ad acutiorem ascendimus, vel contra, ab acuta ad grauem descendimus, ita vt hæc sit mutatio ab vna voce ad aliam; hanc harmonici discretam vocem dicunt. quam fortè Philosophi ex varia vocis intensione pronenire iure dixerint. Hanc porrò discretam vocem, altera omissa, considerant Musici. qua ratione autem, & in quot, quasue voces eam diuiserint antiqui, paucis accipe.


Cape duas chordas areas, ex ijs scilicet, quas in cytharis adhibere solent; nam quæ ex intestinis unium sunt, vt plurimum aut falsæ sunt, aut aeris mutationi obnoxia. sint hæc duæ chordæ æquales omnino, atque æquè intensæ, ita vt sint vnisonæ, hoc est, vna tantum vox sit. quamvis duæ fides. oportet autem, vt sint super regula aliqua lignea oblonga, & perpolita, collocatæ, quemadmodum super manubrio aliquius musici instrumenti.




hanc regulam veteres appellant regulam harmonicam, vel etiam monochordium; quo instrumento omnes consonantias, ac dissonantias, atque etiam intervalla musica experiebantur. altera iam ex illis diuidatur bifariam in E. deinde sub puncto E, pone quem vulgò Tactum dicunt, veteres autem, hemispharium à figura denominabant; erat autem instar vnus Tacti mobilis: supposito igitur in E, Tactò, preme ibi chordam, ita vt altera tantum ipsius mediætas, v. g. E D, tota pulsari, atque resonare possit; pulsa igitur chordam vtranque simul, scilicet totam A B, & dimidiam E D, ita vt simul resonent. & audies suauissimam omnium consonantiam, ex sono totius A B, & sono dimidiæ E D, conflatam. hunc veteres Diapason, idest per omnes subaudi, chordas appellabant, quia in antiquorum musici instrumentis chordæ duæ omnium extremæ, idest grauissima, & acutissima omnium fidium, consonantiam hanc continebant: ita vt à grauissima omnium factò transitu per omnes chordas ad omnium supremam, & acutissimam, consonantiam hanc suauissimam exaudirent. appellatur etiam Dupla ratione proportionis vnus vocis ad alteram, vox enim chordæ A B, est duplo maior, aut grauior voce dimidiæ E D. quemadmodum enim corpora sonantia se habent ad inuicem, ita se soni eorum: chorda autem A B, dupla est chordæ E D. nunc eam vulgus Octauam appellat, eo quod à prima voce, eaq; grauissima, quæ Vt dicitur, vsq; ad eam vocem, quæ ei in consonantia diapason respondent, sunt hæc octo voces, Vt, Re, Mi, Fa, Sol, Re, Mi, Fa. ex quibus
prima,

prima, Vt, & vltima, Fa, quæ octaua est, consonantiam diapason, aut duplicem, aut octauam reddunt.

Rursus eadem chorda CD, diuidatur in tres partes æquales in punctis F, G. F D igitur erit duæ tertiæ tam totius CD, quàm totius AB. ponatur iam tactus in F, percutiaturq; simul AB, & FD; audietur consonantia suavis admodum, & perfecta quidem, sed nō tamen, vt Diapason. hanc prisci Diapente dixerunt, idest per quinque subaudi chordas, eò quod prima, & quinta chorda, hanc consonarent. secundum proportionem verò dicitur sesquialtera, quoniam chorda AB, ad chordam FD, est sesquialtera, & consequenter etiam earum soni erunt in eadem ratione. sesquialtera autem proportio est, quando maior quantitas AB, continet minorem FD, semel, & adhuc dimidium ipsius. vulgò quinta, quia ex prima voce, Vt, & quinta, Sol, constat.



Eadem iterum chorda in quatuor æquas partes secetur in punctis H, E, I. ita vt chorda HD, sit tres quartæ totius AD. facto deinde tactu in H, pulsantur simul AB, HD, & audietur consonantia quidem, sed duabus præcedentibus imperfectior. hæc antiquitus Diatessaron, idest per quatuor, subaudi chordas, aut voces, simili ratione, qua superiores dicta fuit. respectu autem proportionis chordarum, ac sonorum dicitur sesquitertia, quia maior AB, minorem HD, semel, & adhuc tertiam ipsius partem continet. vulgò nunc dicitur, quarta, quid inter primam vocem, Vt, & quartam, Fa, reperiatur. Iam verò si in eadem chorda CD, ponantur puncta H, & F, vt in præcedenti figura, & simul duæ chordæ HD, & FD, hoc est tres quartæ, & duæ tertiæ, arithmetice rationibus comparentur, reperiemus maiorem HD, ad minorem FD, proportionem habere sesquioctauam, & sonum maioris HD, ad minorem FD, eandem habeat rationem, hoc est, vt nouis vocabulis utamur inter Fa, & Sol, esse sesquioctauam proportionem; si autem simul hi duo soni exaudiantur dissonantiam auribus facient. distantiam porrò hanc inter voces Fa, Sol, siue inter chordas HD, FD, siue inter duo intervalla HD, FD, harmonici, quorum ratio esset sesquioctaua Tonum appellarunt. Diuiserunt postea totam CD, in nouem partes æquales, quarum prima sit in puncto K, diuisa, ita vt tota CD, ad reliquam KD, quæ continet octo partes ex illis, habeat rationem sesquioctauam, hoc pariter intervallum Toni erit, cuius primum sonum, idest totius CD, nunc dicunt, Vt, secundam verò sonum reliquæ chordæ KD, dicunt, Re. Reliquam postea, KD, similiter in nouem partes diuiserunt, cuius prima pars sit in puncto L, notata. & eadem ratione inter chordam KD, & chordam LD, earumq; sonos erit sesquioctaua proportio. sonum chordæ LD, nunc appellant, Mi.



Inter-

Interuallum verò, quod inter chordam L D, & chordam H D, remanet, non habet proportionem sesquioctauam, sed dimidio ferè minorem, & propterea huiusmodi interuallum semitonium, & etiam diesis, siue diuisio, appellatur. Interuallum verò illud, quod inter puncta F, & E, remanet, diuisum eodem modo, quo diuisum fuit spatium inter C, & H, & repercerunt easdem iterum voces; sint diuisiones illæ punctis M, & N, notatæ; & pariter hic etiam inter N, & E, siue inter Mi, & Fa, est alterum semitonium. sunt igitur hæ octo voces, Vt, Re, Mi, Fa, Sol, Re, Mi, Fa, quæ totam Diapason componunt, vt enim supra dictum est inter Vt, & Fa, vltimū, est consonantia diapason, siue dicamus inter chordam C D, vel A B, & chordam E D, ex interuallis autem, quæ sunt inter voces, duo sunt semitonia, scilicet vnum inter Mi, & Fa, notatum literis L, H. & alterum inter vltima Mi, & Fa, signatum notis N, E. reliqua quinque interualla sunt integri toni. Aduertendum præterea est, ab Vt, vsq; ad primum Sol, esse consonantiam Diapente, quæ continet tria interualla toniaca, & vnum semitonium; in vniuersum tamen sunt quinque voces, Vt, Re, Mi, Fa, Sol.

Notandum etiam, quod à Sol, vsq; ad vltimum Fa, sunt quatuor voces, Sol, Re, Mi, Fa, quæ omnino similes sunt primis quatuor, Vt, Re, Mi, Fa. hæ tamen sunt grauiores, illæ verò acutiores, & quemadmodum ab Vt, ad primum Fa, est Diatessaron, ita etiam à Sol, vsq; ad vltimum Fa, est altera Diatessaron. Ex quibus vltimò notandum sequitur, duas consonantias Diatessaron, & Diapente totam constituere Diapason: siue Diapason diuidi in vnam Diatessaron, & vnam Diapente; nam ab Vt, ad Sol, est Diapente; à Sol, verò in Fa, postremum, est Diatessaron. quod etiam aliter constabit, si dicamus ab Vt, ad primum Fa, esse Diatessaron, vt patet ex chordæ diuisione: ex Fa, autem primò ad vltimum Fa, esse Diapente: vt manifestum est ex quatuor ipsius interuallis, quorum tria sunt Toni, reliquum verò semitonium, quæ etiam erant in altera Diapente inter Vt, & Sol, contenta.

Nunc rursus fiat tactus in I, est autem I D, quarta pars totius C D. percutiantur simul A B, & I D; edeturq; suauissima consonantia Disdiapason appellata, propterea quod ex duabus Diapason constet; quarum prima est inter A B, siue C D, & E D: secunda verò inter ipsam E D, & I D. harum, eam proportio dupla est, sicuti illarum. proportio huius est quadrupla, vt ex diuisione constat; vulgò dicitur decimaquinta, quia à primo Vt, vsq; ad hanc vocem, quæ etiam Fa, nominatur, essent quindecim voces, si interuallum E I, eo modo diuideretur, quo diuisum est primum C E.

Postremò sit G D, tertia pars totius C D, fiatq; in G, tactus, pulsantur simul A B, G D. audietur suauis consonantia, quæ Diapason diapente nominatur, quod constet ex vna Diapason contenta interuallo C E, siue duabus chordis C D, E D, & vna Diapente contenta interuallo E G, siue chordis E D, G D; nam chorda E D, ad chordam G D, sesquialtera est; quæ proportio naturam ipsius diapente constituit. huius consonantiæ proportio est tripla, est enim chorda A B, vel C D, tripla ipsius G D. vulgò dicitur duodecima, eò quod inter Vt, & Sol, notatum litera G, sint duodecim voces, si interuallum E O, suas recipiat diuisiones. ex quibus omnibus manifestum est auris experimento, esse omnino quinque consonantias, tres simplices Diapason,

pafon, Diapente, Diatessaron; duas verò compositas, Disdiapafon, & Diapafondiapente.

Illud postremò loco non ignorandum, aliter has voces Vt, Re, &c. veteres illos Græcos denominasse, nam primam, idest grauiissimam vocem, siue chordam, quam modò Vt, dicunt, eam ipsi Hypaten vocarunt, & reliquas ordine sequenti.

Vt, Hypate — idest Principalis.

Re, Parhypate — Postprincipalis.

Mi, Lychanos — Index.

Fa, Mese — Media.

Sol, Paramese — Postmedia.

Re, Trita — Tertia.

Mi, Paranete — Antepenultima.

Fa, Nete — Ultima, vel suprema.

His paucis ex magno Musica Campo decerptis problematum declarationem satis instructi aggrediamur.

360 Problema 3. (*Cur maximè in cantando Parhypatem, vox rumpi non minus soleat, quam in Nete, supremisq; quamquam cum intervallo ampliori? An quod eius cantus & perdifficilis est, & cantandi primordium obtinet? Difficilis autem propter intensionem, & compressionem vocis est, quibus in rebus est labor, & difficultas: corrumpi autem quæq; maximè solent, quoties labore acrius opprimuntur*)
Quærit Arist. cur qui eam vocem cantant, quæ Parhypate dicitur, non minus defatigetur, vocemq; perdat, quam qui Netem, aut aliam ex acutioribus vocibus, ipsi Nete proximam, vt Paranetem. ratio dubitandi est, quia Parhypate est vox grauis, & quæ paruo intervallo distat à grauiissima omnium Hypate: at verò Nete, aliæq; illi viciniore sunt acutissimæ, magnisq; ab Hypate distant intervallis. Respondet, id accidere ob difficultatem, quæ in eius cantu reperitur; quæ difficultas laborem infert, labor autem vocem corrumpit. sed vnde hæc difficultas? respondet inde prouenire, quia hæc vox cantandi principium est. vbi per cantandi principium puto ipsum intelligere semitonium, siue diesim, nam, vt ipse ait primo Poster. cap. 38. diesis hæc, siue semitonium dicitur principium cantus, quia minimum est omnium intervallorum, quæ voce possint exprimi: atq; ex eo alia intervalla constant, estq; veluti illorum elementum. vide illius loci explanationem. Iam verò difficile admodum esse cantare per semitoniam, perspicuum est cantoribus, quod oporteat, vt ait Arist. vocem, quantum opus est, intendere, simul ac comprimere, ne scilicet in maius iusto intervallum erumpat.

Verum dubitabis, cur Arist. ponat semitonium ab Hypate ad Parhypatem; cum superius dictum sit, semitonium esse tantummodo inter Mi, & Fa, idest inter Lychanon, & Mese. Scias igitur alios aliter intervallorum ordinem fecisse: inter quos Lychanon

Hypate —	} Semiton.
Parhypate —	
Lychanos —	} Tonus.
Mese —	
Paramese —	} Tonus.
Trita —	
Paranete —	} Semiton.
Nete —	
	} Tonus.
	anti-

antiquissimus Musicus sic ea disposuit; ut in præsentī ordine, ubi, ut vides inter hypatem, & perhypatem, est semitonij interuallum. ad hunc Lichaonis igitur ordinem videtur Arist. respexisse. ego verò superius communio-
viam, nec adeò antiquam sequutus sum. ex Boethio, & Zarlino.

Probl. 4. (*Sed cur hæc difficile, hypate faciliè cantatur, cum non nisi diesi dis-* 361
crepent? An quod hypate remissior est, atq; etiam lenius à constitutione ascendit-
ur? hæc eadem causa est, cur ad vnā cantari videantur, quæ ad hanc parane-
temq; cantantur. agendum enim est, cum intentione, conditioneq; moribus idonea
pro voluntate. quæ verò causa est, ut cum consonantia sit?) Id est, cur parhypate, de qua in præcedenti problemate dictum est, difficilius canitur, quam hypate, cum tamen ab inuicem distent non nisi semitonij interuallo? forsitan id accidit, quia hypate est remissior, cum sit omnium grauiissima, hoc est, non est opus in ea decantanda, ita vocem intendere, quemadmodum in parhypate, quæ acutior est. reliqua huius loci verba existimo esse admodum mendosa tam græcè, quam latinè, cum nonnulla in eis sint, quæ nullo pacto ad rem faciunt, præsertim extrema sententia. & consultius esse existimo fateri me ea non intelligere, quam ea violenter huc, atq; illuc diducere.

Probl. 5. (*Cur suauius cantilenam, quam nouimus, audire solemus, quam eam,* 362
quam ignoramus? Vtrum, quia cum quod cantatur, agnoscimus, tunc magis ma-
nifestus est, qui veluti scopum assequitur. id autem contemplatu suaue est. An quia
discere, seu intelligere suaue est, cuius ratio est, quia hoc quidem versatur in acci-
pienda scientia, illud verò in vtenda. præterea solitum insolito suauius est?) Vbi Theodorus Gaza posuerat, calcem restitui ex græco textu, scopum, ut res ipsa etiam postulabat. Porro tres affert rationes, cur suauius sit notam iam cantilenam auscultare, quam ignotam. prima est, quia, cum cognoscimus, quod cantatur, tunc scopus, ac finis, in quem cantor, ac tota tendit cantilena manifestus est, sicq; eam melius percipimus; quia dum ipsam audimus, scopum etiam ipsius, cuius contemplatio iucunda est, contemplamur. quemadmodum iucundius est spectare currentem canem, & iam captantem feram, si simul feram etiam ipsam, quæ scopus ipsius est, quam si feram minimè videamus. secunda est, quia ipsum discere, ac intelligere delectabile est, & huius quidem ratio manifesta est tam in accipienda, quam in vtenda scientia: dum igitur cantilenam primū audimus, quam prius ignorabamus, scientiam illius tantum accipimus; dum autem notam auscultamus, non solum ipsam, sed ipsius etiam scopum contemplantes, ea perfectè vtimur. tertia ratio est, quia res solitæ plerumque, quam insolitæ iucundiores existunt.

Probl. 6. & per se satis clarum est; & ad harmonicam non spectat.

Probl. 7. (*Cur veteres cum septem fidibus concentus disponent, hypatē, non* 363
neten relinquebant? An falsò id dicitur (earum enim vtramq; seruauerunt; sed tri-
ten adimere solebant) An non? sed quia grauior sonum potest acutioris. ergò hypate
magis antiphonum, quam nete reddebat; nam ut acutum vim desiderat plenio-
rem, sic graue exprimi facilius potest) Propter quid, inquit, antiquissimi Musicorum cum ex septem tantum chordis musica instrumenta componerēt, neten non hypaten omittebant? supra octo voces, seu chordas recensui, rationemq; ipsarum, vnā cum antiquis appellationibus explicauī, quarum,

prima est hypate, vltima verò nete, quibus repetitis facillè est intelligere, quod respondet Arist. Respondet enim id non omninò verum censi debere, nam vtramque quidem hypatem, scilicet & neten assumebant; triten verò omittébāt. quibus verbis ordinem, quem Terpander inuexit, insinuare videtur, nam vt ait Pausanias in Lachonicis, Timotheus quatuor chordas, antiquis septem chordis à Terpan-dro ordinatis addidit, quarum septem chordarum hic erat ordo, & nomenclatura, & interualla; è quibus triten ademptam videre est, vt Arist. innuit.

Hypate	—	} Semitonium.
Parhypate	—	
Lychanos	—	} Tonus.
Mese	—	
Paramese	—	} Semitonium.
Paranete	—	
Nete	—	} Tonus.

Subdit postea aliam rationem dicens; fortè satius esse dicere neten quidam antiquitus fuisse prætermisam, relicta hypate, eo quod hypate, cum distet per octauam, seu per Diapason à Nete, erat illius Antiphonum, idest, erat vox eiusdem naturæ, & ferè eadem cum ea. sciendum. n. Musicos docere voces omnes vsq; ad septem esse ab inuicem differentes, & diuersæ naturæ; cum autem ad octauam ventum est, tunc redire voces iterum eiusdem naturæ, & ferè eadem cum præcedentibus: ita vt octaua sit eadem cum prima, & nona cum secunda, & decima cum tertia, & sic de reliquis, quæ omnes distant per octonarium, siue sunt octauæ. dicebanturq; huiusmodi voces Antiphonæ, quasi contrafonantes, vel vicissim sonantes (vide infra annotata in 14. Probl.) quarum vox grauior, cum dupla sit, acutioris edit sonum, qui duplus est soni acutioris, siue qui bis in se continet sonū acutioris. Quare relicta hypate, & dempta nete, quarum illa est huius dupla, nihil ferè ademptum fuisse videbatur, cum sonus nete contineretur in sono hypates. hac igitur de causa veteres illi netem potius, quam hypatem omiserunt. præterea dici potest, eos hypatem potius retinuisse, quia cum remissior sit, facilius cantatur; Nete autem cum acutissima sit maiore vi, vt cantetur, opus habet.

364 *Probl. 8. (Cur grauis sonum potest acutus? An quia maius est; etenim quemadmodum graue obtuso, sic acutum acuto angulo simile est.)* Ex intelligentia præcedentis problematis, præsens satis ferè clarum est: imò ex illo ortum istud esse videtur. querit, cur vox grauior possit vocem acutiorem, siue illi æquiualeat, vt dictum est, in præcedenti de Antiphonis. causa est, inquit, quia grauis maior est, quam acuta; grauis enim oritur à maiori corpore, vt à chorda maiori, vt superius apparuit; vel à maiori canna, vt patet in Organis. voces autem, & soni eandem habent cum corporibus sonantibus proportionem. quare grauis sonus maior est acuto; cū igitur maior sit, eum in se continebit, eumq; poterit. est enim grauis sonus similis angulo obtuso, & acutus sonus similis acuto angulo: obtusus autem angulus maior est acuto, eumq; in se continet, eumq; propterea potest.

365 *Probl. 9. (Cur solitarias cantilenas suauius audire solemus, si ad tybiam, aut ad lyram vnā cantatur, cū tamen ad fides, canticumq; idem, modo vtroq; peragatur? nam si idem ita amplius sit, plus ad plures tibias, atq; etiam suauius esse oportet?)*

oportet? An quoniam manifestior est scopus eius, cum ad unam lyram, vel tibiam cantatur? ad plures verò suauitas seruari non potest, cum cantilena offussetur, et itaq; penè deleatur) Cur solitaria cantilenæ (quas Græci Monodias appellabant, & ab una tantum persona cantabantur) suauiores sunt, si ad lyram, unam, vel ad tibiam unam, quam si ad plures lyras, aut tibia accinantur; cum tamen utroque modo, idest tam ad lyram, quam ad tibiam, & tam ad unam, quam ad plures idem canticum personetur. & cum idem canticum ad plures lyras, aut tibia decantatum in maius exerefcet, deberet etiam suauius auribus accidere. Respondet fortè monodiam iucundiores esse ad unum instrumentum, quia ipsius scopus tunc manifestior est: pluribus autem adhibitis instrumentis suauitas seruari nequit, cum cantilena tot sonis offussetur, ac tota penè obruatur. Verumenimverò utinam recentiores Musicæ contrapuntistæ, ista, quæ hoc loco ab Arist. tradita sunt ritè animaduertent. non utiq; tanta verborum, atq; rithmorum confusione, atq; plurimorum instrumentorum strepitu gauderent: ex quibus eorum cantilena ita offussetur, ut nulla omninò reddatur; solusq; strepitus quidam ingens aures obtundat; quem modum non sine huius ætatis dedecore, futura secula non sine irrisione mirabuntur: non aliter, ac nos semipriscæ ætatis architecturam, & sculpturam irridere solemus.

Probl. 10. satis clarum ex se, illud solum notatione dignum est, Teretizare, quod est canere, ut modo aiunt, non verba, sed notas, fuisse idem, quod nunc solmificationem, aut lalagen decantare. 366

Probl. 11. (*Cur vox, aut sonus desinens acuto sit? An quia minor, ut quæ facta sit imbecillior?*) lege quæ in probl. 8. annotata sunt, & huic quoque satisfactum erit. 367

Probl. 12. (*Quamobrem quæ grauior è fidibus est semper modulationem, aut cantilenam suscipit: nam si oporteat canere paramesen cum sola mese, nihilominus medium gignetur: si verò mesen, necessarium ambo, sola non gignitur? An quia graue magnum est, itaque validius: & in magno paruum inest. & per interceptionem dux netæ ex hypate fiunt*) Ut faciliè præsens problema intelligatur, habendus est ob oculos ordo antiquarum chordarum, quem supra ante problema tertium exposui. Quærit cur fidicines solerent modulationem tam cum cantu, quam sine cantu à grauiissima omnium chordarum exordiri: idest primam omnium grauiissimam chordam pulsare; ut ipsa reliquis acutioribus, quasi dux præiret, quam reliquæ sequerentur: & si oporteat canere paramesen unâ cum mese, quæ grauior est, gignitur, non sonus parameses, sed ipsius meses redditur. si verò oporteat canere mesen, id non potest fieri per solam paramesen, sed utraq; necessaria est, vel saltem ipsa mese. Ratio huius, inquit, est, quia quod graue est, magnum est, & proinde acuto etiam validius. præterea in magno etiam paruum inest: grauior igitur vox maior est, ac validior, quam acuta, ut superius explicatum est; meritò igitur sonus grauior præire debet, atq; ad modulationem alios pronocare, cum reliquas secum tanquam partes proprias naturaliter trahat. quando autem paramese, ac mese simul canuntur, tunc mese sola videtur exaudiri; quia cum ipsa grauior sit, quam paramese, erit etiam ipsa maior, ac validior, & propterea sonus parameses in sono meses euanesceit, siue superuacaneus est.

At verò

At verò sola paramese nequit præter proprium sonum, etiam sonum menses efficere; quia cum paramese sit acutior, quàm mese, ut patet ex præcedentibus, erit etiam ipsa minor, ac imbecillior: idcirco ad sonum menses efficiendum, aut mese cum paramese, aut saltem sola mese necessaria est. quòd autem grauior sonus sit acuto maior, hinc patet, quia duæ netæ in hypate continentur; si enim sonus hypates bifariam diuidatur, v. g. si flatus ex aliqua grauißima canna exiens ita intercipiatur, ut medius tantum per cannam effletur, sit sonus ex hypate nete, ex dimidio nimirum statu hypates sit nete; idem patet in chordis, quia dimidium alicuius chordæ, ut supra patuit, ad totam, est nete ad hypatem. duæ igitur nete in hypate continentur (*Cantilenam suscipit*) idest soliti erant ad grauiorem vocem canere. hic est fortè sensus Aristotelis.

369 Problema 13. (*Cur in consonantia Diapason graue quidem acuti antiphonum accipi potest; grauis verò acutum non potest? An maximè, quia in utroque modus utriusq; contentus est? Sed si minus, certè in graui acutum est, maius enim graue est*) Cur inquit, ex duobus sonis, qui Diapason efficiant, grauis quidem habet in se Antiphonum acuti, idest, in se continet etiam acutum: ac verò acutus non habet antiphonum grauis, idest non continet in se grauem. Ratio est, inquit, quia in utraq; continetur sonus, seu modus utriusq; quatenus voces huius consonantiæ sunt eiusdem naturæ, ut in 7. Probl. dictum est. Sed melius est Dicere, quia in graui tanquam in magno acutum veluti paruum includitur, ut paulò ante fusius explicatum est.

370 Problema 14. (*Cur Antiphonũ consonantiæ Diapason ita latitat, ut vnisonum esse videatur, veluti in Punico, aut homines? Quæ namq; posita in acutis sunt, non vnisona, sed ex proportionem sibi Diapason concinentia respondent? An modus proportionis facit, ut sonus quasi idẽ esse appareat? Proportio. n. in sonis æqualitas est; æquale autem omne ad unitatem referendum est. hoc idem in fistolis etiam euenit, ut falli aures possint*) Quænam sint voces Antiphonæ in 7. Probl. dictum est. quòd ad textum attinet pro verbo, atropo, quod in Gazæ translatione legitur, reposui, Homine, Græcè enim est, *αὐθροπῶ*, ex quo fortè mendosè factum est illud, atropo. quòd quid sibi velit, nusquam reperitur: Verbum præterea Punicum, puto significare instrumentum aliquod musicum Phœnicibus vsitatum, vel ab eis repertum, Græcè enim legitur in *φόνικῳ*. His præmissis, quæritur, cur Antiphonum, idest vocum correspondentia in Diapason ita latitat, ut non duæ voces differentes, sed duæ vnisonæ, siue vnisonum, videatur? ut manifestè audire est in instrumento Punico, & in humana voce? Dubitationis causa est, quia voces acutæ nullo modo cum grauioribus sibi Antiphonis vnisonæ sunt, sed per octo voces ab illis in acutum distant.

Respondet modum proportionis, idest duplam proportionem, quæ inter huiusmodi voces reperitur in causa esse, ut voces illæ videantur vnisonæ. est enim proportio dupla (quæ forma ipsius Diapason est) simplicissima, & prima inter omnes musicales proportionem. dupla enim proportio est omnium prima, ac simplicissima, reliquæ enim, ut sunt tripla, sesquialtera, sesquitercia, & huiusmodi aliæ, sunt ipsa compositiores. In dupla enim proportionem altera quantitas diuiditur tantum bifariam, ut superius patuit: diuisio porro bifariam, siue in partes æquales est prima omniũ, quia magis ad unitatem,

ratē, siue ad indiuisum, & ad æquale accedit, cum in partes æquas diuidat: & cum ad eam opus sit vnica tantum diuisione. In alijs proportionibus, vt in tripla, opus est duabus diuisionibus, vt supra patuit: similiter in alijs, sesquialtera, sesquitercia, opus est pluribus diuisionibus: cum igitur ipsa præceteris magis ad æqualitatem, & vnitatem accedat, facit, vt voces ipsius videantur ferè æquales, hoc est ferè eadem, & vnisonæ, & eiusdem naturæ: id, quod etiam in fistolis adeò verum est, vt aliquando aures decipiant, cum nimirum aures iudicent duas fistulas esse aut vnā tantum, aut duas vnisonas, quæ tamen re vera sunt in consonantia Diapason.

Probl. 15. (Cur genus cantilenæ, quod lex appellatum est, non per antistrophos olim agebatur, cum tamen cæteris choricis canticis antistrophi vsus non deesset? An quod olim leges à certatoribus, & pugilibus agebantur, qui cum iam egregie imitari, valenterq; pertendere possent, cantum prolixum, ac varium efficiebant; itaq; vt verba, ita etiam moduli, numeriq; variè subinde imitationem insequerentur; imitari namq; modulamine potius, quam vocabulis necesse est. Quamobrem dithyrambi etiam posteaquam imitari cæperunt, antistrophis amplius non vtuntur quamquam plurimum ante vterentur. Cuius rei causa est, quod olim homines liberi, atque ingenui solebant ipsi tripudiare, atque choreas ducere: itaque multos esse, qui certatorio cantu fungi possent, erat difficile: quapropter illis in more fuerat, vt modulos enharmonios cantarent. Vnus enim crebrò cantilenam mutare, variamq; contexere facilius potest, quàm multi; & certator, quàm qui mores conseruat: quocirca simplicius illi modulari debuerant. Antistrophus autem simplex est, est enim numerus, & ab vno mensuratur: hæc eadem causa est, cur in scena nulli sint antistrophi: in choro verò maximè. Histrionamque simul & certator, & imitator est: chorus verò minus imitatur.) Cur cantilenæ quædam antiquitus leges appellarentur, infra Probl. 28. explicabitur. Antistrophon hoc loco sumitur pro strophæ, strophæ autem nihil aliud sunt, quàm Odarum partes illæ sibi numero, & genere carminum confimiles, ex quibus tota ode cõstat. Dithyrambi erant hymni in honorem Bacchi decantari soliti. Tandem, vt intelligamus quidnam essent modi enharmonij, sciendum est veteres illos Musicos tria totius musicæ genera fecisse, Diatonicū, Chromaticū, Enharmonicū. quæ genera ab inuicem distinguebantur, secundum variam Tetrachordorum cõstitutionem; ex tetrachordis enim totam seriem, seu Monochordium, seu regulam harmoniacam componebant. Erat autem tetrachordum interuallum Diatessaron, constans ex quatuor chordis, seu vocibus, vt, re, mi, fa, quarū vocum interualla vnus tetrachordi generis vnus, differebant ab interuallis alterius tetrachordi alterius generis, v. g. in genere Diatonico erat huiusmodi tetrachordium, cuius primum interuallum erat somitonium, reliqua verò duo erant toni. & à prima voce Hypate, ad vltimam Mese, erat consonantia Diatesseron. huic tetrachordo addebant aliud simile, mediante tono vno inter vtrunque: ita vt ex duobus conflaretur rota Diapason à graui hypate, ad supremam Nete. his interuallis, ac tetrachordis in genere Diatonico cantabatur. Genus verò

Hypate }
Parhypate } Semitonium.
Lychanos }
Mese } Tonus.
Tonus.

chro-

chromaticū inter chordas sui tetrachordi sequētia interualla seruabat. trihemitoniu autem interuallum ex tribus semitonijis constabat, seu ex vno toto, & vno semitonio ex duobus huiusmodi tetrachordis suum monochordium, seu suas octo voces, seu suam Diapason genus chromaticum componebat. Enharmonicum tandem genus tetrachordo utebatur, cuius interualla erant ea, quæ sequuntur.

Hypate —	} Semitonium.
Parhypate —	
Lychanos —	} Semitonium.
Mese —	
	} Trihemitonium.
Hypate —	} Diesis, siue semitonij dimidium.
Parhypate —	
Lychanos —	} Diesis, siue semitonij dimidium.
Mese —	
	} Ditonum, siue interuallum duorum Tenorum.

Erat hic etiam inter hypate, & Mese Diatessaron; huic aliud tetrachordum pariter addebatur, vt in alijs generibus, ex quibus tota Diapason cōflabatur. Huiusmodi igitur tetrachordis vnumquodq; genus suum systēma, siue constitutionē Diapason componebat, addēdo priori tetrachordo aliud tetrachordū, ita vt Mese vltima chorda primi tetrachordi, cū Nete vltima secundi tetrachordi Diapente resonaret; prima verò hypate, cū vltima Nete Diapason efficerent, vt superius in serie Lychaonis videre est.

Ex quibus patet quinam essent enharmonij moduli, siue interualla, quibus enharmonium genus decantaretur. Sciendum præterea ex lib. 3. Musicorum Ptol. modulos enharmonios fuisse graues, & seueros, vt idcirco Dorianes, quorum modi grauitate, ac seueritate præditi erant, ipsis maximè delectarentur. Vnde etiam patere potest enharmonios modos minimè certatorijis canticis idoneos fuisse. His præmissis, sic textum faciliè exponere est: cur cantilenæ genus illud, quod lex appellatur, non per antistrophos, seu strophas olim agebatur, cū tamen cæteris chorearum, ac chori canticis antistrophi, seu strophæ non deessent. Ratio huius forsitan hæc est; quia vsus antistrophorum, seu stropharum eundem semper modum per totam cantilenam seruat, cū cantilena constet ex pluribus strophis sibi similibus: quapropter stropharum vsus maximè ei conuenit, qui eundē semper morem in cantando retinet, è contra verò ei, qui varios mores, variūq; cantū studet efficere minimè quadrat: talis enim non indiget statutis strophis, nec rithmis, vt sunt odæ, sed potius carmine libero, vt sunt heroica poemata hexametris versibus contexta. quia igitur olim certatores, ac pugiles, qui viribus pollebant, quiq; egregiè varios mores imitabantur; cū cantum varium, ac prolixum, intentum, ac remissum efficere valerent, huiusmodi leges decantabant, propterea nullis strophis utebantur, vt scilicet facilius in omnes partes posset vox, & cantus excurrere. Itaq; vt verba, ita etiam modulos, ac numeros, prout imitatio requirebat, subinde varios reddebant; modulatione enim melius, quam verbis ipsis imitatio perficitur.

hac

hæ eadem de causa hymni Dithyrambici, postquam ad imitationem adhiberi cœperunt, vt liberius imitationi inferuissent, strophis, quibus antea plurimum abundabant, priuati sunt. cur autem olim strophas habuerint, quibus modo carent, causa est, quia olim nobiles viri solebant ipsi choros, choreasq; adire, atq; in ipsis tripudiare, ac canere; chori autem, & choreæ strophas semper habuerunt, in choris enim eundem semper morem, ac modum, rithmumq; conseruant; quapropter difficile erat inuenire multos, qui certatorio, ac vario semper cantu, variaq; imitatione decantarent: talis enim cantus strophas rejicit: eadem de causa modulos enharmonios utebantur in suis canticis, quippe qui graues, ac seueri erant, neq; idonei varijs rationibus, ac moribus. vnus enim, vt accidit in cantu certatorio cantilenam facilius pro libito in omnes partes immutare potest, quam multi, vt solent esse in choro. & certator etiam facilius id præstat, quam qui eundem semper morem, ac modum retinet, quocirca simplicius, quod sit per strophas illi, qui in choris canebat, modulari debuerant; strophæ enim simplex est, vnoq; tempore, ac mensura semper eadem mensuratur. hæc eadem causa est, cur in scena nullus, vbi variæ imitationes aguntur, in choro verò, vbi semper eodem tenore proceditur, plurimus stropharum vsus sit: Histrio namque, qui in scena agit, & certator, & imitator simul est; chorus autem minus imitatur, hoc est simplici, atq; vniformi semper imitatione procedit.

Probl. 16. (*Qua de causa Antiphonum suauius est symphono? An quia in antiphono manifestior est ipsa consonantia, quam cum ad symphoniam cantatur: necesse enim est in symphonia alteram vocem alteri vnisonam esse; ita vt duæ in eandem coalescentes altera alteram offuscare possit*) Per antiphonum intelligit nunc Arist. consonantiam ex vocibus differetibus conflatam, cuiusmodi est Diapason, Diapente, & Diatessaron: per symphonum intelligit consonantiam ex vocibus eiusdem intensionis, siue ex vnisonis. non me latet aliter Musicos antiphonas, symphonas, ac homophonas accipere. vide Ptolæm. lib. 1. cap. 7. harm. sed hoc loco ita accipiendas esse, vt dixi, manifestum est ex Arist. contextu. Ait igitur suauiore esse antiphonarum consonantiam, quam vnisonarum; quia ibi consonantia melius percipitur; nam in vocibus vnisonis, vox alteri voci consonans, eundem cum illa edit sonum, ita vt duæ in vnâ, eandemq; prorsus coalescant, sicq; altera alteram offuscet, vnde consonantia, quæ ex pluribus constare debet, non percipitur.

Probl. 17. (*Cur sola Diapason consonantia cantatur? secundum hanc enim, & nullam aliam magadare solent. An quod hæc sola ex fidibus inuicem antiphonis constat? in antiphonis autem etiamsi alteram tantum canis, idem efficies, voces enim vtriusque chordæ vnâ sola continet. ita vt in hac consonantia, quamuis vox vnâ tantum cantetur, tota tamen consonantia quodammodo canitur. ita vt in hac symphonia, & vnica voce canente, & duabus, exurgat quodammodo harmonia. vel vnâ decantante, altera verò per tibiam sonante, veluti vnâ ambæ, constituunt. propterea in sola Diapason canere solemus, quoniam, inquam, voces antiphonæ vnus, eiusdemq; chordæ vocem obtinent*) Sciendum primò apud veteres vsui fuisse instrumentum quoddam musicum, quod Magadis, & Magas appellabatur, ad quod suas cantilenas canere solebant, atq; hoc erat *magadizein* magadissare. Erat autem vnus chordæ tantum, vel vnus vocis, si fortè fue-

rit tibia, idest, quod vnica[m] vocem, & non plures simul ederet, quemadmodum refert Zarlinus; quamuis varias voces successiue posset edere. hoc enim pacto ad ipsum canentes, Diapason cum ipso facile effecissent. Notandum præterea Arist. sumere in textu Antiphonum pro sola Diapason. Quærit igitur, cur canentes soliti sint per solam Diapason consonantiam canere, quod probat ex vsu Magadis, quod vulgò ad cantum adhibere solebant, cum eo enim omnes in Diapason conueniebant. Causam huius in identitatem, vt aiunt, vocû, ex quibus Diapason constat, refert. quamuis enim non sint vnisonæ duæ voces octauam constituentes; sunt tamen eiusdem naturæ, & acutior, vt supra dictum est, respectu grauioris est eadem cum graui, in acutiori vocum ordine, quasi renata. ob quam adeo perfectam duorum vocum similitudinem fit, vt illarum altera cantata, aut sonata, altera naturaliter ad illius præsentiam excitetur, & decantetur: vnde huiusmodi voces mutuam obtinent altera alterius vim. Hinc fit, vt passim in agris, ac pratis ipsi messorum, atq; pastores naturalia quadam harum vocum similitudine prouocati, solam Diapason consonantiam suauiter simul canentes, suos labores feliciter fallant.

374 Probl. 18. (*Sed cur Solis Antiphonis vocibus hoc inest? An quod solè pari intervallo distant à Mese. Medietas igitur similitudinem quandam tonorum efficit, vt sensus aurium dicat, quod eadem, & quod ambæ extremæ*) Quærit causam tantæ similitudinis inter voces Diapason constituentes, de qua similitudine dictum est in præcedenti problemate: ait igitur fortè hanc similitudinem inde prouenire, quod vtraq; illarum duarum vocum, quæ Diapason efficiunt, æquidistant à Mese, seu Media: grauis deorsum, acuta verò sursum: quare tot gradus grauitatis grauis obtinebit, quot acuta acuminis, igitur simillimæ erunt, & propterea auditus iudicat vnā esse, quæ quidem ratio iuxta ordinem Terpædri, & antiquorum illius æui nullam habet difficultatē, cum septem tantum fidibus, quarum media Mese erat totum Monochordium constituerent. At verò in ordine Lychaonis, & posteriorum, qui octo chordas assumebant, aliter re se haberet.

375 Probl. 19. (*Cur non canunt Diapente, & Diatessaron in Antiphonis? An quod non eadem consonandi ratio ijs inest, quæ in Diapason: in qua vox grauis eundem habet in grauitate modum, quem acuta in acumine: ita vt, & eadem vox quidem, & simul diuersa oriatur. At verò in Diapente, & Diatessaron non ita est, quā obrem sonus vocis oppositæ non apparet; non enim est idem*) Cur in quotidianis cantilenis, in quibus voces non vnisonæ, sed diuersæ, seu antiphonæ adhibentur, non vtuntur vocibus Diapente, aut Diatessaron resonantibus, sed tantum, vt antea dictum est, Diapason. Ratio, inquit, est, quia inter voces illarum non est tanta similitudo, quanta in vocibus Diapason consonantiæ, in qua vox grauis tanta est in grauitate, quanta acuta in acumine; & proinde non ita naturaliter, ac facile se produnt, & canuntur, quemadmodum Diapason, vbi vox altera alterant ob naturalem similitudinem prouocat.

376 Probl. 20. (*Cur si quis, mota Mese, alijs quamuis omnibus chordis bene consonantibus, instrumento vtatur, non solū cum ad Meses sonū peruenierit, sed etiam in reliqua melodia, aures anget, modumque incōcinnum efficient: si verò Lychanos, aut alia quæpiam mota fuerit, tunc discrimen, aut incōcinnitas solum apparebit,*

bit, cum ipsam, quis pulsauerit? An non ratione id optima accidit? quandoquidem optima quæq; melodiæ gratia sæpè Mese vtuntur: omnesque probi Poetæ crebro ad mesen veniunt: & si ab ea discesserint, ad eam statim reuertuntur: nec ullam aliam toties repetunt. quemadmodum igitur demptis ex oratione quibusdam coniunctionibus (veluti τε, & η) non est amplius sermo græcus; alijs verò detractis nihil sermoni detrabitur; eò, quod illis vti sæpè necesse est, his verò perraro. sic etiam sonus meses est veluti aliorum sonorum coniunctio, maximeque pulchrior; propterea eius sonus sæpissimè assumi solet) Si quis ea, quæ initio dicta sunt, probè tenuerit, facile ad huius problematis intelligentiam perueniet; per mesen motam intellige de suo sibi conuente statu dimotā, & ideò ab alijs chordis dissonantem. Idem querit Probl. 38.

Probl. 21. (Cur qui grauius cātant si absontant deprehendi facilius possunt, quā, 377 qui cantant acutius: nec verò secus in rithmis accidit. euidentiores enim, qui peccant in grauiori. Vtrum, quòd plus temporis graue obtinet? plus autem plenius à sensu aurium percipi potest. Vel quia illud in ampliori tempore agitur, & ideò ampliozem etiam sui sensationem exhibet. Velox autem, & acutū facile ob suam velocitatem latitat) Quid esset rithmus explicabitur in problemate 27. sequenti ait: (Velox autem, & acutum) Cur vox acuta sit velox, dictū est in 1. Top. Cap. 13. reliqua sunt satis clara.

Probl. 22. ex se manifestum est: atque idem cum sequenti num. 46.

Probl. 23. (Cur Nete duplo acutior est hypate? An primum, quod cum ner- 378 uis parte sui dimidia, & totus simul pulsatur, Diapason concinentia exultat: quod pariter in fistulis apparet, sonus enim, qui per medium foramen emergit Diapason cum eo resonat, qui per totam fistulam exit. In cæteris etiam duplo intervallo Diapason continetur, nam, & qui tibias perforant, ita eas assumunt. & qui fistulas aptè elaborant, sumitatem extremam tātum hypates circumlinunt: netem verò ad vsq; dimidium obturant. & in Triquetris Psalterijs, nerui, quorum alter sit alterius longitudine duplex, æquè intenti Diapason reddunt. Diapente verò sesquialtera proportionem; Diatessaron autem sesquitercio intervallo continetur) Ex ijs, quæ initio huius tractationis de Monochordij diuisione, deq; Diapason, Diapente, Diatessaron consonantiarum ordine, ac proportionem dicta sunt, perspicua omnino redduntur omnia, quæ hic queruntur, & redduntur. Illud notandum Triquetrum Psalterium instrumentum musicum fuisse, à triangulari figura denominatum, nostræ forsitan Harpæ, persimile: in quo fides essent eo modo dispositæ, ac intentæ, vt in Harpa.

Probl. 24. (Cur si quis psallens netem pulsatam apprehenderit, solam Hypa- 379 tem resonare videbitur? An quod tinnitus huius maximè connaturalis est sono illius, illique consonus. quia igitur cum suo consimili augetur, hoc cessante, ille solus apparet soni verò alij propter paruitatem euanescent) Cur si quis dum psalterium pulsatur, netem pulsatam sonantem manu apprehenderit, ita vt sonum ipsius interpellat, sonus ille intermortuus, ac dimidiatus, videbitur sonus hypates, & non alterius chordæ. quia, vt dictum est, hypates, & nete, Diapason resonant; cuius consonantiæ voces sunt eiusdem naturæ, aut valde connaturales; imò sonus hypates duplus est soni netes. Interpellato igitur acutioris sono, reliquus qui ipsi adeò similis est meritò videbitur hypates: soni verò aliarum chordarum ob ipsorum paruitatem, quia nimirum

minores, quam sub dupli illius sunt, omnino euanescent. Hic est sensus horum verborum; vtrum autem allata ratio sit bona, aliorum esto iudicium. Idem quaerit num. 43.

380 Probl. 25. (*Cur in harmonijs chorda illa, quae dicitur Mese, seu media, sic appellata est? cum inter octo nullum medium sit? An quoniam olim harmoniae septem fidibus constabant, qui numerus medium habet*) Ex ordine chordarum Lichaeonis, & Terpædri, quorum alter septem, alter verò octo chordis monochordium conflat, vt supra recensui, huic loco abundè satisfieri potest.

Probl. 26. satis ex se clarum est, atq; idem cum num. 47.

381 Probl. 27. (*Cur inter omnia, quae sub sensus cadunt, sola audibilia mores obtinent? quamvis sine sermone aliquid modulemur, mores tamen praese ipsa modulatio fert, sed nec color, nec odor, nec sapor id habet. An quia motum non solū eum obtinet, quo ipse strepitus aures mouet (talis enim motio reliquis etiam sensibus inest, nam, & color mouet visum) sed illum etiam quem post praedictum, subsequētem percipimus: hic .n. similitudinem habet, & in rithmis, & in sonorum grauium, & acutorum ordine: non autem in eorum mixtione; quod in alijs sensibilibus non est. porro motus ipsi practici sunt, praxis autem morum index est*) Mores obtinere, aut praeferre nihil aliud est, quàm mores illius referre, & in mentem reuocare, à quo talis motus, aut sonus provenire solet, qui sonus mores illos refert. propterea videmus cantilenas nonnullas turpes mores reddere, vt lasciuia, procacitatem, leuitatem, quia à natura hominū turpium, vt lasciuorum proficisci solēt, eosq; decent. alij cātus ex opposito bonos mores referunt, vt grauitatem, temperantiam, castitatem; qui quidem ex proborum hominum natura prodire solent, eosq; decent. Illud in prophanis canticis, istud verò in Ecclesiasticis quotidie experimur; cur autem Audibilia praeter ceteris mores referant, causam Arist. refert in motum illum, qui in sonis, & vocibus percipitur. neq; hic motus est is, quo sonus aures immutat, hoc enim commune est omnibus sensorijs, vt à suis obiectis immutentur, & afficiantur: sed is est, qui praedictam aurium immutationem subsequitur, intellectuq; percipitur, v. g. quando audimus cantilenam, sonus ipse primò aures ferit, easq; afficit; deinde percipimus vocis ipsius motum, & quasi cursum, quo à graui in acutum, & è cōtra, aliquando celeriter, aliquando tardè vario modulamine mouetur. huiusmodi motus habet in se morum similitudinem; hac igitur de causa audibilia mores referunt. Vide infra probl. 39.

Iam explicandum est breuiter, quid sit rithmus, quem Latini numerum dicunt partim ex Platone, partim ex Arist. Plato lib. 2. de leg. sic. alia quidem animalia non habent sensationem ordinationis, & inordinationis motuum, quibus rithmus, & harmonia nomen est. Arist. infra probl. 38. sic. rithmo verò gaudemus, quia habet numerum manifestum, ordinatum, ratumque: vnde & nos ordinatè mouet. Ex quibus patet, rithmum esse certam, ac statam periodum aliquot intervalloꝝ sibi succedētium, in quouis motu in determinata mensura temporis. quæ periodus solet saepius recurrere, aut repeti. dictum est in quouis motu, quia in choreis pedum pulsatione, ac motu, rithmi complures efficiuntur, quos choreæ magistri docēt, qualis est is, quem vulgò dicūt Gagliarda. Digitorum etiam motu, & mal-

leorum

leorum ictibus potest rithmus fieri: atq; adeo cæteris omnibus, quæ in suo motu certis interuallis mouentur; ita ut etiam pistorum ipsi machina sua illa, quæ massam subigunt, rithmum quendam efficere soleant. His porro motus si in vocibus, ac sonis musicis, seu in cantilenis existat, præcipue rithmus dicitur, quod si concinnus sit, & elegans aures suauiter mulcet, animumq; in varias passiones inducit: rithmum hunc, qui in cantilenis est, vulgo cantores appellant Ariam. Vnde qui intelligit, quid sint Ariæ, quæ passim cantantur, ac sonantur, facile etiam quid sit rithmus, intelliget. Hic igitur rithmus miram habet in se morum similitudinem, quæ consistit in motu rithmi, seu in ordine interuallorum aptissimo, per quæ vox ascendit, & descendit: nullo autem modo consistit in mixtione sonorum grauium, & acutorum; ex hac enim mixtione non rithmus, sed consonantia exurgit. motus autem omnis fit per aliquam actionem, actio verò omnis est morum illius, cuius est actio manifestatrix. ex quibus patet, cur in cantilenis rithmicis mores appareant, non autem in cæteris sensuum obiectis.

Problema 28. (*Cur pleraque cantilenæ leges appellantur? An quod homines 382* priusq; literas scirent, leges cantabant, ne eas obliuione traderent, quod etiam nostra ætate Agathyrhis in more est. ergo primas posteriorum cantilenarum, eodem appellauerunt nomine, quo omnes superiores vocantur) Agathyrhi populi à Plinio, & Pomponio Mela supra paludem Meotidem inter Scythicas nationes numerantur. cur autem cantilenæ nonnullæ leges dicerentur, præter rationem hic ab Aristot. allatam, aliam Plutarchus de Musica affert, ubi sic ait: Non enim antiquitus pro libidine cuiusque, uti nunc, licebat fidibus canere, nec rithmos, concentusq; transferre; in ipsis namq; legibus accommodatam cuique tentionem tuebantur, cuius rei causa id nominis inditum erat; leges enim sunt vocatæ quoniam præscriptum, quasi lege, cautumq; erat, ne quis pro qualibet, vnam speciem, formamq; tentionis lege sancitam, transgrederetur. hæc ille. subdit postea alias fuisse similes illis harmonijs, quas nunc sonatas dicimus, fuisse tamen flatas, ac determinatas numero, quibus solis uti liceret.

Probl. 29. Idem est cum præcedenti 27. eadem igitur quoq; sit explicatio.

Probl. 30. (*Cur neq; hypodorum, neq; hypophrygium est in tragædiarum cho- 383* ro? An quia non habet antistrophon, ut potè quæ scenica sunt, imitationiq; accommodata) huc pertinent ea, quæ ad cap. 2. lib. 3. Polit. scripsi, de tonis, Dorio, Phrygio, Lydio. quibus nunc hæc addo, ex Boetio lib. 4. tonus, seu modus erat quædam cantus constitutio, ab hypate usq; ad netem, proprio rithmo modificata: ita ut modus Dorius alium rithmum, à Phrygio, & reliquis discrepantem haberet. quilibet præterea modus suam certam sedem in Monochordio obtinebat, vnde sequebatur vnum esse reliquis omnibus grauiorem, alium esse omnium acutissimum, reliquos verò intermedios, alijs grauiores fuisse, ut in sequenti figura, in qua, tanquam in tabella, omnia, quæ de hisce modis dici solent, perspicue licet intueri.

ORDO

ORDO ANTIQVORVM MODORVM.

[illegible]

In qua apparet Hypodorium fuisse omnium grauiſſimū, quo acutior erat tono vno Hypophrygius; ſic reliqui præcedentibus erant vel tono, vel ſemitonio acutiores. literæ T, & S, ſignificant Tonos, & Semitonia, quibus voces ſingulorum modorum diſtabant. ex quibus etiam apparet vario ordine interualla vnius Modi ſe habuiſſe, atq; in alio. præterea vnumquemq; modum vnius Diapaſon conſtitutionem habuiſſe. tres illi Hypodorius, Hypophrygius, Hypolydius, ita ſunt appellati, quod collocati eſſent infra Dorianum, Phrygium, Lydium per vnum Tetrachordum, vt patet in figura. ſed vt adhuc melius hanc rem intelligamus, dicendum eſt cum Zarlino lib. 4. Inſtit. Modos fuiſſe varias ſpecies cantilenarum proprios rithmos habentes, certo ordine, ac certo carmine, certoq; etiam inſtrumento decantari ſolitas: denominabantur autem Doria, Phrygia, &c. ab illis ſcilicet nationibus, apud quas magis eſſent in vſu. huiusmodi modos nos hodie Arias appellamus, eaſq; pariter à varijs nationibus denominamus, vt quas dicimus Spagnolettam, Franceſcam, Græcam, Neapolitanam, Siculam, &c.

De qualitatibus horum modorum plura veteres, ac Zarlinus ipſe citato loco: noſq; nonnulla ſupra in Politicis diximus. Quod ad hunc locum ſpectat, videndum quales eſſent Hypodorius, & Hypophrygius: quod Ariſt. ipſe infra Problem. 49. docet, ait enim, modum hypophrygium animos Lymphatis, ſimiles reddere, cogereq; debacchari: Hypodorium verò eſſe modum magnificum, conſtantem, grauemque. vtrumq; autem fuiſſe variæ imitationi aptum, ideoq; caruiſſe ſtrophis: quæ ad eandem ſemper imitationem, eundemq; morem tendunt: vt ſupra Probl. 15. explicauim. ex quibus intelligere poſſumus Problema præſens; modus ſcilicet Hypodorius, & Hypophrygius à choro Tragediarum arcebantur, quia carebant antiſtrophis, quibus chorus gaudebat; chorus enim non imitabatur varios mores, variosq; hominum affectus, ſed eodem ſeruato affectu per eaſdem ſtrophas ad finem uſq; perueniebat. erant autem prædicti duo modi ſcenis idonei, quia in ſcena varios mores, affectus, & animi paſſiones imitabantur, atq; ad eoſdem variè auditorum animos impellebant; ad quod peragendum ipſi erant idonei teſte Ariſt. citato loco. cum præſertim antiſtrophis carerent, quæ obſiſtere variæ, ac multiplici imitationi poterant. ſi plura de modis, aut tonis deſideras, conſule Ptolæm. lib. 2. harm. Boetium lib. 4. Joſephum Zarlinum lib. 4. Inſtit. & lib. 6. Supplem. muſicorum.

Illud nunc occurrit maximè notandam. Veteres non ſolum in choris, ſed in ipſa ſcena etiam cantare, aut ſonorare ſolitos fuiſſe, quod manifeſtè apparet ex problemate 75. ex 30. præſenti, necnon ex 31. & 49. ſequentibus.

Probl. 31. (*Cur Phryniciſ, cateriq; illius ætatis Muſici magis Melopai erant?* 384
An quoniam tunc temporis in tragædijs carmine contextis maior erat cãtilenarum uſus) Apud Suidam inter plures Phrynicos, vnus recensetur patria Athenienſis, & Poeta Tragicus, qui circa Olympiadem 67. floruit: quem puto hunc eſſe, de quo in hoc problemate agitur. hic enim Poeta Tragicus quoque erat, vt apparet ex illis verbis (in tragædijs carmine contextis) quod autem ſimul Muſicus eſſet, non videtur dubium; antiquitus enim, vt rectè etiam Zarlinus obſeruabit, ijdem erant Poetæ, & Muſici, quod optimè ex Plutarco de muſica confirmatur, vbi plures connumerat antiquos Muſicos, qui

qui simul Poetę extiterunt, sic ait; Stesichorus, & veteres alij Poetarū, qui carmina adhibitis modulis condidere. sed quid erat Melopæia? ex Aristoxeno, atq; Euclide; Melopæia est vsus harmonica tractationi subiectorum, ad decorum propositi argumenti. ex qua definitione patet Melopæum eum fuisse, quem modo vocant Compositorem. dicitur Melopæia, quasi cantus effectrix. is igitur erat Melopæus, qui res subiectas harmonica scientiæ, ut sunt sonus, interualla, genera, modi, consonantiæ, dissonantiæ ritè in vsu vocabat: vnde cantilenas humana oratione constructas ad decorum, idest pro rei argumento convenientibus rythmis modulabatur. Antiquitus igitur Melopæiæ magis studebant, quàm Arist. tempestate, quia tunc temporis magis erant in tragædijs cantilenæ in vsu, quàm postea.

385 Probl. 32. (*Cur Diapason consonantiam dicimus, non ratione numeri Diaocto, ut Diatessaron, & Diapente? An quod antiquitus non pluribus, quàm septem vterentur numeris? Deinde Terpander trite exempta, Neten adiunxit, eiusq; temporibus consonantia hæc dicta est Diapason, non Diaocto: quippe quæ septem non octo constaret*) Lege, quæ supra ad 7. problem. sunt annotata de ordine chordarum, quem Terpander induxit. Septem nimirum chordas cōstituit, inter quas Tritæ desiderabatur, ut ibi explicauī. quare Terpander non immutauit numerum chordarum antiquum, sed tantummodo Neten cum Tritæ commutauit. Tempore igitur Terpandri cum septem essent tantū chordæ in psalterijs, etiam si prima cum vltima consonantiam Diapason resonaret, non tamen potuit hæc consonantia appellari Diaocto. Boetius lib. 1. cap. 20. Musicæ, prædicta asserit de Terpandro. Suidas ait Terpandrum fuisse Lesbium, & Poetam Lyricum, qui primus lyram ex septem chordis fecit, cum prius à Mercurio ex quatuor tantum constructa fuisset. Caterum ipsa Diapason sic dicta est, quasi per omnes, quia à prima chorda per omnes ascendendo ad vltimam perueniebatur, cum qua prima Diapason resonabat. vel quia intra Diapason reliquæ omnes consonantiæ continentur, quæ dicuntur primæ: quæ enim supra Diapason sunt, eadem sunt cum prædictis, siue eiusdem naturæ; sed quæ repetuntur, ut supra sæpe dictum est.

386 Probl. 33. (*Cur aptius de acuto in graue canitur, quàm de graue in acutum? Virum, quod ita fit, ut à suo inchoetur principio? neruus enim, qui medius, & dux est secundi tetrachordi, acutissimus est. illo autem modo non à principio, sed à fine exordiretur. An quod graue generosius, & sonantius ab acuto oriri potest*) Naturale est omnibus, cum canere incipiunt, ab acuto incipere; cum autem desinunt, in graui desinere: quod si quis contrariū faciat, ineptè agere æstimabitur? Huius quæritur causa. Vbi explicandum quid sit tetrachordum. Tetrachordum igitur erat systema, vel cōstitutio quatuor chordarum, quibus Diatessaron constabat. in maximo autem systemate, quod erat duarum Diapason, siue Disdiapason, erant plura tetrachorda. horum primum illud erat, quod in parte grauissima collocatū erat, cuius hæ erant chordæ, Hypate, Parhypate, Lychanos, Mese. si igitur instrumentum habuerit tantum duo tetrachorda, neruus medius erit ipsa Mese, quæ est acutissima primi tetrachordi, est præterea hæc Mese veluti dux reliquarum chordarum, nam, ut dictum est in Probl. 20. est in medio earum uti dux; sæpius omnium pulsatur: ea sola ab alijs dissonante, reliquæ omnes videntur dissonare. cum igitur

igitur alijs præstet sitq; sui tetrachordi acutissima, cōuenienter natura ducere fit, vt ab acuta voce cantum exordiamur. idest sicut in tetrachoreo principalis est acuta, siue principium tetrachordi est acutum, ita etiam principium cantus debet esse acutum. Quod si à graui cantandi principium faceremus, à fine potius, quàm à principio contra naturæ ordinem principium faceremus. Theodorus Gaza vertit, primi tetrachordi, verum in vulgatis, atque correctis codicibus græcis legitur, *παρά τετραχόρδου*, quod non primum, sed potius subsequens tetrachordum, significare videtur. vtrumuis legamus, explicatio allata sufficere potest. Subdit postea aliam responsionem, quod nimirum hoc modo grauis vox cantilenam claudens, quando ex acuto quodammodo orta est, generosior, atq; sonantior euadit.

Probl. 34. (*Cur bis Diapente, aut bis Diatessaron cōsonantia cōponi non potest, 387*
bis aut Diapason potest? An, quod bis Diapente, non bis Diatessaron est: sed Diatessaron, & Diapente in vna Diapason concurrunt) Quamuis textus aliquantulum est græcus corruptus sit, verumtamen sensum Arist. ex sequentibus percipimus. Pro intelligentia igitur huius problematis placet hic describere demonstrationem 16. lib. 3. doctissimi Fabri stapulentis, qua ipse vestigijs antiquorum inherens optimè præsentī quæstioni satisfacit. est aut huiusmodi: Bis diatessaron, aut bis Diapente nullā consonantiam cōponere potest, omnis namq; consonantia, aut in proportionē multiplici, aut in superparticulari collocanda est, ex Pythagoreorum, aliorumq; Musicorum traditione; sed si duæ Diatessaron, aut duæ Diapente componantur, neq; multiplicem, neque superarticularem creant rationem, ergo additæ nullam efficere valent cōsonantiam. duas Diapentes nullam facere rationem multiplicem, aut superarticularem patet ex numeris earum rationem continentibus simul additis, eo modo, quo Musici solent addere. ratio Diapentes est sesquialtera, si ergo duæ sesquialteræ simul continuentur, vt in his numeris. 9. 6. 4. ratio primi 9 ad vltimum 4. erit composita ex duabus sesquialteris; ratio autem 9. & 4. neq; est multiplex, neq; superarticularis, vt oporteret, sed est multiplex superparticularis, quæ ad consonantiam inepta est. propterea igitur duæ Diapentæ additæ nullam faciunt consonantiam. quod præterea experientia ipsa manifestat. sed cur proprio multiplex, & superarticularis sunt harmonica; multiplex verò superarticularis, aut quælibet alia non? fortè quia in illis maior seruetur integritas, quæ perfectio est: in cæteris verò minor integritas, quæ imperfectio est. quod melius in sequenti problem. explicabitur. similiter duas Diatessaron nullam facere rationē consonantem, patet ex numeris illarum additis: eorum proportio est sesquitertia, addatur; ergo duæ sesquitertiæ, vt in his numeris 16. 12. 9. ratio primi 16. ad extremum 9. nec multiplex, nec superparticularis est, vt oporteret: ergo nullam consonantiam efficiunt. At verò, si vna Diatessaron, & vna Diapente, componantur, efficiunt Diapason; quia ipsarum rationes additæ duplam, quæ est ratio Diapason, efficiunt: dupla autem est multiplex. ponantur hi tres numeri 6. 4. 3. proportio primi 6. & secundi 4. est sesquialtera, pro Diapente. proportio secundi 4. & 3. est sesquitertia pro Diatessaron. Iam proportio inter primum 6. & vltimum 3. est dupla: quæ est ratio ipsius perfectissimæ consonantiæ Diapason. Ex quibus Arist. sententia manifesta est.

L L

est.

- est. idem quaerit etiam problemate 42. Hæc de ratione multiplici, & superparticulari dicta sunt ex veterum sententia: recentiores enim musicae deprauatores plures alias rationes perperam inter harmonicas intruserunt.
- 388 Probl. 35. (*Cur Diapason consonantia omnium pulcherrima est? An quod integris terminis huius proportionibus continentur: cæterarum autem non integris?* cum enim Nete dupla ad hypaten sit, quocunque in genere Nete duo tenuerit, hypate unum habebit; & ubi hypate duo, Nete quatuor resonabit, & ita deinceps. At verò eadem Nete meses sesquialtera est: proportio namque sesquialtera, qua consonantia diapente concluditur, non integris numeris posita est: maior enim minorem intra se continet totum, & partem eius dimidiam. quamobrem non integri cum integris comparantur, sed partes supersunt. Consonantia quoque Diatessaron proportionem sesquitercia continetur, quæ terminis constat, quorum maior minorem totum continet, & insuper tertiam eius partem. An quod ex ambabus consistit, perfectissima est? & quoniam modulandi mensuram hæc tenet, merito omnium elegantissima.) Proportio consonantia Diapason est sicuti 2. ad 1. ubi vides utrumque terminum esse integrum, quia maior minorem bis integre continet. proportio verò consonantia Diapente, est sicuti 3. ad 2. ubi maior terminus minorem non integre continet, sed semel, & adhuc dimidium illius. proportio denique Diatessaron est sicuti 4. ad 3. ubi maior minor non integre continet, sed semel, & adhuc tertiam ipsius partem: breuiter denominationes harum proportionum sunt hi, $\frac{2}{1}$, $\frac{3}{2}$, $\frac{4}{3}$. ubi vides, primum, qui est Diapason constare ex integris numeris. secundum verò, & tertium, qui sunt Diapente, & Diatessaron ex integro cum fractione. maior autem perfectio est integritas, quam fractio, aut diuisio: propterea perfectior reliquis est consonantia Diapason: & Diapente adhuc perfectior, quam Diatessaron, quia illius numeri minorem habent fractionem, quam huius. Aliter respondet postea dicens, Diapason perfectam esse adeo consonantiam; quoniam ex duabus Diapente, & Diatessaron constat, ut supra ex diuisione monochordij, & in precedenti etiam problemate patuit. quæ ratio, quantum valeat, alij viderint. Respondet tandem Diapason ideò perfectissimam esse, quia ipsa sit modulandi mensura, idest, quia intra terminos huius consonantia omnes alia simplices consonantia continentur, ut supra initio explicauimus. merito igitur omnium elegantissima est. In græco textu super sunt nonnulla, quæ merito Gaza omisit, cum nullo pacto cum precedentibus cohererent. Verba illa (*Cum enim nete ad hypatem dupla sit, quocunque in genere duo tenuerit, hypate unum habebit. &c.*) Videntur $\delta\sigma\epsilon\rho\nu\ \pi\rho\omega\tau\epsilon\rho\nu$: cum debuisset dicere, hypatem duplam esse ipsius netes, ut supra patuit ex diuisione regulæ harmonicae. Fortè vult dicere netem esse duplò acutiorem, quàm hypate: vel fuit memoriæ lapsus. quod ait (*At verò eadem nete Meses sesquialtera est*) vult dicere Mesem ad netem habere sesquialteram proportionem, quamuis inuersè loquatur: qua ratione verò Mese ad netem sesquialtera sit, ex diuisione monochordij initio tradita satis patere potest.
- 389 Probl. 36. (*Cur si nervus medius ex suo intentionis modo dimotus fuerit, cæteris quoque omnes nervi, sonos dissonos reddent: sed si, immoto illo manente, aliquis ex cæteris dimotus fuerit, solus hic, qui modo suo caruerit, aberrabit? An, quod ratio concinendi, apta nervorum omnium intentione continetur, quæ non nisi*

per

per habitudinem quandam ad Meseñ, seu ad Medium, accommodanda omnibus est, ordoq; ratione illius disponi singulis debet? ergo sublata concinendi causa, concinendus aequè custodiri præterea nequit. Veruntamen Mese sibi constante, si quis alius discreparit, meritiò illius sola pars deest: ceteri namq; omnes modum suæ concinētiæ servant integrum) (Nervus medius) idest, Mese, sic appellata, quod media esset. (Quæ non nisi per habitudinem quandam ad Meseñ) hypate cum Mese consonabat Diatessaron: nete cum eadem Mese consonabat Diapente, quæ sunt duæ præcipuæ consonantiæ, Diapason integrantes; ergo sublata Mese de suo statu, illas pariter tolli necesse est. eandem quæstionem supra Probl. 20. pertractavit, quàm nunc reuifere consultum erit.

Probl. 37. (Cur existente vocum acumine, secundum paruum: gravitate autem secundum multum (quod enim grave est, ob vastitatem grave est: quod verò acutum ob parvitatem) difficilius est acutas voces canere, quàm graves; & pauci sunt, qui superna cantare valeant; & leges orthiæ, & acutæ cantu difficiles sunt, quod sint valde intense. Quamquam facilis sit mouere exiguum, quàm magnū: idem itaq; in aere deberet accidere. An quia non idem est esse acutæ vocis à natura, atq; acutū canere: verum naturaliter imbecilla omnia acutæ sunt vocis; propterea efficiunt acutæ vocis, quia parum aeris non multum ciere possunt: paucus verò velociter fertur; in cantu verò acutum canere signum est roboris, quod enim valde fertur, velociter fertur: & difficile est alta canere, at graui sunt humilia) Ut intelligas præsens Problema, lege, quæ lib. 1. Top. c. 3. scripsi. Leges Orthiæ, erant cantilenæ (vt supra probl. 28. patuit) intensa admodum, altaq; voce decantari solitæ, vnde, & Orthiæ sunt dictæ; de quibus vide Herodotum lib. 1. & Agell. lib. 16. Plutarchus quoq; de musica sæpè meminit Orthiæ legis.

Difficilius deberet esse canere grave, quàm acutū, quia grave est in multo, & acutum in paruo, vt patet in cannis. canna enim grauis est maior, & ideo plus aeris mouet. chorda etiam grauior, est maior, ergò etiam plus aeris impellit; idem in cæteris. facilius tamen est grave, quàm acutum: præterea imbecilla, vt Edici, mulieres, pueri, vocem habent naturaliter acutam, ergò facilius deberet esse acutum canere, cum exigua vis id præstare videatur? Respondet aliud esse canere acutum, & aliud à natura habere vocem acutam. qui enim cantat acutum, oportet, vt validè vocem intendat extensiuè, atq; intensiuè, idest opus est acumine, & vociferatione, quàm debiles edere nequeunt; quia quamuis vocem habeant acutam, tamen paruum habent. Neq; difficile est canere grave, quia à natura est habere arteriam magnam, & ideo multum aeris ciere, & proinde canere. quæ enim naturaliter fiunt, faciliè fiunt.

Obijces, Arist. in Probl. 26. & 47. dixisse contrarium, scilicet facilius esse canere acutum, quàm grave, ibi enim respondet: vtrum, quod facilius acutum, quàm grave cantatur? Respondeo primū, Arist. ibi non asserere, sed dubitanter loqui. secundò, hæc ab eo dicta esse problematicè, idest non consequenter, sed quæ possint in vtramq; partem disputari.

Probl. 38. (Cur ritmo, modulo, cantico, & omnino symphonijs gaudent omnes? An quia moribus naturalibus naturaliter gaudemus. indicium, quod infantes nuper editi, ipsis delectantur. ob consuetudinem verò canticorum modis gaudemus.

rithmo autem gaudemus, quod habeat numerum ratum, & ordinatum, & quod nos ordinate moueat. magis enim proprium naturæ est ordinatus motus, quam inordinatus: & idè magis etiam secundum naturam est. argumentum, quod cum laboramus, & bibimus, & comedimus ordinate, naturam, viresq; nostras, & seruamus, & augemus: cum verò inordinate eam corrumpimus, & dimouemus. morbi enim dimotiones sunt naturalis constitutionis corporis. consonantia verò latamur, quod sit mixtio quedam contrariorum, proportionem habentium ad inuicem. si quidem proportio ordo est, qui naturæ quidem suauis est. mixtum verò omne suauius est immixto. præsertim si cum sensibile sit, æquè vtriusq; extremi vim retineat. in consonantia porro proportio est.) Quid rithmus sit, supra num. 27. explicauimus, sed optimè ex hoc loco elicitur rithmum esse certam quandam in aliquo motu periodum, scilicet determinatorum ictuum, & temporum. Symphoniā, Musici dicunt esse plurium sonorum conuenientium mixtionem, secundum aliquem canendi modum. quod ait, pueri nuper editi ipsis delectari solent. patet hoc modo; solo rithmo latantur, quando incunabulum ordinate agitur: modis musicis, cum illis cantilena quæpiam etiam solitaria, uti est Nenia accinitur: symphonia tandem, quando musico aliquo instrumento addita etiam humana voce concinnitur. reliqua per se patent.

392 Probl. 39. (Cur suauius est symphonum, quàm vnisonum? An quod antiphonum ipsum quoque consonū est per Diapason, quippe cum ex pueris, virisq; fiat antiphonum, qui ita inter se vocibus distant, ut Nete, & Hypate. omnis autem symphonia sono simplici suauior est, cur autem ita dictum est: quarum suauissima est Diapason: Vnisonum autem simplicem sonum habet) Cur suauior est consonantia, quæ oritur ex vocibus symphonis, idest, diuersis, quam quæ ipsidem siue vnisonis? An quia talis consonantia magis ad naturam Diapason accedit; imò Diapason ipsa vna est ex symphonis; ipsa autem fit ex puerorum, ac virorum vocibus, quæ inuicem distant, ut Nete, & Hypate, idest in dupla ratione; omnis autem consonantia suauior est sono simplici: at verò symphonum continet diuersos sonos: vnisonum autem quamuis plures contineat, tamen propter earum nimiam similitudinem, perinde ac vna simplex vox, respectu illius reputatur. non me latet aliter exponi voces symphonon, & omophon à Prolam. primò harm. cap. 7. & alijs: sed illa Aristot. sententiæ minimè quadrant. Probl. 16. superius est ferè idem cum hoc.

393 Probl. 40. (Cur in sola Diapason consonantia magadari solitum est? An quia, ut pedes carminum proportionem, aut æqualis ad æqualem, aut duo ad vnum, aut aliam aliquam obtinent; ita soni, quibus consonantia constat, motus rationem inter se aliquam seruant. cæterarum igitur consonantiarum alterius quidem fines sunt imperfecti, cum finiant ad dimidium. propterea nequeunt esse eiusdem facultatis, cumq; sint dispares, discrepantia illa sensui occurrit; quemadmodum in choris in ipso fine alium maiori voce abundare accidit. Præterea ipsi hypate accidit, ut eundem finem habeat periodorum in sonis cum nete: ultimus enim à nete ictus aeris factus hypate est. quod cum finiant in idem, quamuis non idem fecerint, euenit, ut opus absolui vnum, communeq; possit, ut eis accidit, qui sub extremam cantilenam pulsant; nam etiamsi prius non sonuerint, tamen quod in idem desierint hoc extremo magis delectant, quam contristauerint ante finem discrepantijs. quoniam igitur in Diapason, quod commune exultat cum differentijs suauissimum est; magadari autem


autem ex contrarijs vocibus consistat, propterea in Diapason magadari solēt.) Hic repetenda sunt, quæ probl. 17. annotauī, vbi quid Magadis, & Magadari explicatum est. repetenda sunt pariter, quæ in 35. probl. de præstantia consonantiæ Diapason sunt dicta. verba illa (*Cum finiat ad dimidiam*) intelligenda sunt de Diapente, cuius rationis termini sunt $1\frac{1}{2}$, qui ad dimidium finiunt; postea videtur aliquid addendum pro Diatessaron, cuius nimirū termini sunt $1\frac{1}{3}$, qui ad vnam tertiam finiunt; nequeunt igitur horum terminorum consonantiæ Diapente, & Diatessaron, esse eiusdem facultatis cum Diapason, cuius rationis termini sunt integri, vt 2. ad 1. verba illa (*Præterea ipsi bypati accidit, &c.*) vt intelligantur, vide problem. 24. cum sua explicatione.

Probl. 41. (*Cur suauis cantum audimus, quem scimus, quam quem ignoramus? Vtrum, quoniam cum cantilenā agnoscimus, manifestior est, qui veluti scopum, assequatur. cognoscentium autem speculatio suauis est. An quia accidit, vt auditor vnā cum cantore afficiatur, qui notam cantat cantilenam, nam tunc auditor illi quasi succinit. Solet autem quisque alacriter canere, nisi ob aliquam necessitatem id faciat*) Lege problem. 5. eiusque explicationem, eritq; huic etiam satisfactum.

Probl. 42. (*Cur nec bis Diapente, nec bis Diatessaron consonant, sed bis Diapason. An quod Diapente consonantia est in proportionē sesquialtera? quod si tres sesquialteri, aut sesquiterij numeri ordine disponantur, extremi nullā inuicem proportionem habebunt, neq; enim multiplices, neq; superparticulares erunt: At consonantia Diapason, quoniam in dupla ratione consistit, qua duplicata, quadruplam extremi rationem obtinebunt. Itaque cum consonantia ex sonis constet proportionem, habentibus, proportionemq; habeant ij, qui interuallo bis Diapason componentur; minimē autem, ij, qui bis Diatessaron, aut bis Diapente interuallis continentur; idcirco soni bis Diapason consoni sunt, ceteri verò nequaquā ob prædicta*) Quæ dicta sunt ad probl. 34. & 35. totum ferē hunc locum illustrant. Cæterum quādo Musici volunt duas sesquialteras ratione simul addere, disponunt ordine tres numeros habentes inuicem sesquialteram rationem, vt sequentes 9. 6. 4. quam deinde habent rationem extremi 9. & 4. eam dicunt compositā ex duabus sesquialteris: quæ quidem est dupla sesquiquarta, quæ consonantiæ faciendæ inepta est; siue quæ non est consonantia harmonica; vnde Musici dicunt eosdem numero nullam habere rationem, idest harmonicam, cum omnis harmonica sit, aut multiplex, aut superparticularis, vnde patet curbis Diapente nullam pariat consonantiam. Similiter, duæ rationes sesquiteriæ, 16. 12. 9. additæ efficiunt rationem, quæ est inter 16. & 9. quæ non est harmonica, quia neque multiplex, neque superperpendicularis est; ideo apud Musicos nulla est; quamuis re vera ab Arithmeticiis dicatur, & sit superpartiens, & in specie superquintupartiens nonas. Duæ verò duplæ, vt 4. 2. 1. eo modo consonant rationem inter 4. & 1. quæ multiplex est, & quadrupla dicitur, ideo harmonica est portio: vnde patet ratio, cur duæ Diapason consonant. talis autem consonantia appellatur Disdiapason, cuius forma est in ratione quadrupla.

Probl. 43. (*Cur si quis psallēs neten apprehēdat, sola hypate subsonare videtur? An quoniā rete desinens, & elanguescens euadit hypate; indicit, quod post hypaten,*

neten canore aptissime licet. quasi. n. cantus illius, sit etiam huius. similitudinem ex illa capiunt. cum aut Echo eius cantus quidam sit (est. n. tactus vocis netes desinens) sonus idem existens sono hypates, merito ob similitudinem nete videtur mouere hypaten. scimus enim neten apprehensam non moueri; videntes vero hypatem non apprehensam, & sonitum ipsius audientes, ipsam sonare credimus. quod quidem in multis nobis accidit, in quibus neq; ratione; neq; sensu possumus certi aliquid videre. Præterea si nete maxime intenta percutiatur, accidit iugum tremere; nihil igitur mirum, ipso commoto, omnes chordas simul commoueri, nec absurdum eas sonum facere. sonus quidem netes, & desinens, & incipiens alienus est à ceteris: desinens tamen idem cum hypate: quo addito propriæ ipsius mottoni, illius totum videri, nihil absurdi. est verò maior, quam communis reliquarum chordarum sonus, quod illa quidem, quasi à nete, propulsa, molliter sonant: nete verò totis viribus, omnium quippe vehementissima. itaque secundarius eius sonus superior reliquis erit; præsertim cum leuissimo motu moueantur) Idem quæsiuit num. 24. quæ ibi dicta sunt, huc etiam pertinent. quibus repetitis melius sequentem paraphrasim percipies. Verum ante omnia antiquæ lyre ex antiquis monumentis figuram oculis subijciam.



Porro, vt tradit Vincentius Galilæus in suis Dialogis, erat eius figura, quasi ex caprino capite constructa, cuius duo brachia erant capræ cornua; inferior pars cranium, quæ tota basi complanata ita superponebatur, vt in quouis posita plano recta confisteret, neq; vt gestaretur, opus erat. chordæ ipsius, quæ essent, & qua ratione essent collocatæ, in figura apparet; quot autem fuerint, pro temporum varietate determinandum est, nam primo 4. deinde 7. demum 8. fuerunt, & plures etiam. Iugum autem, cuius causa figuram apposui, erat supernum illud transversarium, cui fides annectebatur, vt idem Vincentius asserit. nunc ad textum.

Cur

Cur si quis neten cæteris intactis, percussam, ac sonantem manu comprehendat, ac sistat, videbitur audire hypaten? primo respondet, id accidere, quia sonus ille extremus, quo nete cessat, euadit sonus ipsius hypates. propterea igitur tunc existimamus audire hypatem. cuius rei indicium est, quod qui cantant hypaten, facili ad neten cantandam transeunt; cum enim cantus hypates, sit etiam cantus netes, & veluti illius echo, facili est ex hypate similitudinem netes accipere. præterea in hoc decipimur, quia cum audiamus sonum hypates, eamq; minimè tentam videamus, quemadmodum neten videmus, eam sonare meritò credimus; quod quidem in multis accidit, ubi nec ratio, nec sensus attingit, sic in scena aliquando putamus quempiam tuba sonare, quod eam ori ipsius admotam videamus, cum tamen alius post scenam lateat, qui tuba sonet. simile accidit in nete, & hypate. tertio respondet, quod quando quis neten percutit, quæ omnium intensissima est, accidit, ut iugum, cui illa nectitur, moueatur, tremetque, ex quo tremore fit, ut reliquæ omnes chordæ moueantur, ac tremant, & proinde sonum edant. cum autem sonus netis, & incipiens, & desinens sit ferè idem cum sono hypates, accidit in hoc casu, ut sonus desinentis netis, uniatum cum sono hypates, sicq; manifestè totus ille sonus hypates esse videatur. cæteræ verò chordæ non audiuntur ob eorum sonorum paruitatem, qui ideo exigui sunt, quia excitati sunt ab impulsu, & motu iugi, qui exiguus erat; sonus autem netes illis omnibus superior est, & quia ipsa primò percussa est, & quia intensissima est, & celerrimè mouetur.

Probl. 44. (Cur suauius solitariam cantilenam audimus, cum ad tibiā, quam cum ad lyram cantatur? An quod omne suaue, quod mixtū est cum suauiori, suauius redditur? Atqui tibia, quam lyra suauior est: ergo cantilena tibiæ admixta suauior erit, quam lyra. quoniam omne mixtum, immixto suauius, modo quis sensum amborum percipiat. Vinum enim oximele suauius est, quoniam quæ natura permiscet, longè melius temperantur, quam quæ à nobis miscentur. Vinum enim ex acuto, & dulci sapore mixtum est. Idem manifestant mala punica, quæ vinosa appellantur. Enimvero cantilena, & tibia inuicem miscentur, ob similitudinem, spiritu enim utraq; perficitur. sonus autem lyrae, quoniam non spiritu fit, estq; minus sensibilis, quam tibiæ, minus voci immiscetur: quare sensui discrimen inferens, minus suavis est; quemadmodum de saporibus dictum est. Adde, quod tibia sonitu suo, & humanæ vocis similitudine, plerosq; cantilenæ errores occultare potest. Sonus autem lyrae cum exiguus, atq; voci immixtus, ideoq; manifestus per se, manifestum cantilenæ errorem, quasi apposita regula facit. cum verò multa in cantando peccentur, quod ex utrisq; compositum est, necessariò peius est) satis ex se clarum est.

Probl. 45. (Cur neruum illum, quem Meseu, seu medium dicimus, sic appellamus; cum inter septem, non autem inter octo sit mediū? An quod olim harmoniæ septem neruis constabant, quorum medium est. Præterea eorum, quæ inter quatuor extrema continentur illud solum, quod medium est, principium etiam quoddam est: quod enim in medio eorum est, quæ in aliquo intervallo ad utrumvis extremorum vergunt; illud solum, & mediū, & principium est. cum igitur in harmoniæ intervallo extrema sint hypate, & nete, hisq; interiaceant reliqui soni, quorum is, qui Mese dicitur, est etiam principium, quippe principii alterius tetrachordi, ideoq; meritò

merito Mese, seu medius dictus est. principium enim, & medium vnum solum esse potuit eorum, quæ inter extrema aliqua continentur) Idem quæsiuit supra num. 25. vide igitur, quæ ibi annotaui. vide præterea, quæ nu. 33. de Tetrachordis dicta sunt, vbi cur Mese sit dux, & principium primi tetrachordi apparebit. Quæstioni autem respondet duplici modo. primò, quemadmodum etiam in 25. secundò, respondet idcirco Mese ita esse appellatam, quod inter eos sonos inter extrema contentos rationem principij haberet, solent enim ea, quæ inter extrema aliqua sunt cæterorū principia, esse etiā media.

Probl. 46. est idem cum superiori 22. vtrumq; autem ex se ita manifestum est, vt absq; harmonica facultate probè intelligatur.

Probl. 47. idem cum 26. in quibus ait, facilius esse canere acutum, quàm graue: in 37. verò contrarium: difficilius esse cantare acutum, quàm graue. sibi conciliabitur, si dixeris, hæc dicta esse problematicè.

399 Probl. 48. (*Cur veteres cum septem nervis concentus facerent, hypaten, non neten reliquerunt? An non hypate, sed nunc vocatā paraneten, toniq; intervallum abstulerunt, vltima verò Acutidensi pro Mese utebantur, propterea ipsam Mese appellarunt. An quod superioris Tetrachordi finis principij erat inferioris, & medium extremorum habebat secundum soni proportionem*) Idem quæsiuit supra num. 7. vide igitur, quæ ibi exposui; hoc loco quærendum restat, quid sit illud Acutidensum. pro qua re vide Aristoxenum lib. 3. & Euclidem in Isagoge ad Musicam: Zarlinum tandem lib. 2. supplem. & 5. quæ res, quamvis plura dicant, adhuc ob antiquitatem non satis intelliguntur. Quid esset Densum, exponit sic Euclides: Densum est certa trium sonorum, vel duorum intervallorum ex ijs, qui Diatessaron componunt dispositio talis, vt intervallum, quod constituunt hæ tres voces, vel hæc duo intervalla, sit maius reliquo intervallum ipsius Diatessaron. ponit præterea sonorum alios esse Grauidensos, alios Mediodensos, alios Acutidensos. quibus consonant, quæ Aristoxenus ait, dum ait densum fuisse illam partem Diatessaron, in qua erant duo toni; sic enim reliquum, quod erat semitoniū multò minus erat. erant autem variæ Diatessaron diuisiones pro Generum varietate. Antiqui igitur secundum aliquam eorum diuisionem, quæ densum in parte acuta ponebat vltimam chordam illius densi, quæ pariter vltima erat illius Tetrachordi, siue Diatessaron pro media utebantur, eamq; idcirco Mese appellarunt. quæ de Tetrachordis subdit clara sunt ex dictis num. 33.

Per superius Tetrachordum intelligere debemus Acutius, sic enim finis illius erit principium inferioris, idest grauioris Tetrachordi; vult enim Arist. vt supra non semel visum est, acutiorem sonum Tetrachordi esse illius principium. vide præsertim num. 45. Antiqui igitur Paraneten omittentes, aliam, quæ vltima erat in parte densa Tetrachordi, quæq; principium primi, & finis secundi erat, pro Mese utebantur, ex quibus quæstioni vtcunque inuolutè satis respondet.

400 Probl. 49. (*Cur Tragediarum choris, neq; subdorio, neq; subphrygio cantandi genere, vti mos est? An quod modulū præstare hæ harmoniæ nequeunt, quo choris valde opus est; mores habet hypophrygius practicos (quamobrè in Gerione excursus, & armatio ipso perficiuntur) Subdorius verò magnificus, constans, grauisq; est, quocirca omnium harmoniarum maxime cytharæ conuenit. sed hæc ambo, vt choris*

choris minimè congruunt, sic scenis sunt magis domestica; etenim scena Heroum facta, dictaq; simulat. Veterum autem duces soli Heroes fuerunt. populi verò erant Homines, ex quibus chorus constat. quapropter choro competunt mores flebiles, & æquales, & moduli; hæc enim humana sunt. quæq; harmonia cætera alia non habent. minimè verò hypophrygius, qui lymphaticus, atq; bacchicus est. At mixto-lydius illa præstare potest: propterea eo aliquo modo afficimur. magis autem debiles afficiuntur, quàm fortes, quapropter ille choris conuenit. Hypodorio verò, & hypophrygio agimus, qui choro non conueniunt; est enim chorus, veluti curator quidam otiosus, ijs solum benevolentiam præbens, quibus adest) lege Probl. 30. ubi idem quæsiuit. lege præterea, quæ ad num. 15. annotaui: ex quibus locum hunc intelliges. quod ait (In Gerione excursus, & armatio) existimo, Gerionem hunc Tragædiam fuisse illam, quam Suidas in Nicomacho inter Nicomachi Alexandrini Tragici Tragædias recenset. excursus verò, & armatio erant partes, quibus constabat Tragædia, quemadmodum nostræ in quinque actus diuiduntur. vide Zarlinum cap. 5. primæ partis Instit. ubi tradit fabulam quandam Delonam dictam, quæ in modum Tragædiæ habebatur, fuisse diuisam in 5. partes, Explorationem, Prouocationem, Iambicum, Spondeum, & Ouationem, aut Saltationem.

Probl. 50. (Cur in sonis grauioribus symphonia mollior euadit? An quod mo- 401
dulatus cantus sua quidem natura mollis est, & quietus: sed admixti numeri, seu rithmi ratione asperior redditur, & mouentior. cùm igitur sonus gravis, mollis, & quietus sit; sonus autem acutus mouens, & irritans; omnino sequitur admixtione eiusdem numeri grauiorem cantum debere esse quoq; molliorem; est enim modulatus cantus ex ijs, quæ mollia sunt) soni grauiores natura molliores sunt, idest, molles mores reddunt, seu molles, extrematosq; decent magis, quàm soni acuti: moduli præterea, siue cantilenæ modulata, aut rithmi, molles natura sunt, vt superius num. 38. explicatum est: si igitur vtrique & graui, & acuto addatur numerus, necessariò graue mollius euadet.

Probl. 51. (Cur æqualium, & similium doliorum, si vnum sit inane; alterum 402
verò dimidiatum tinnitus eorum Diapason resonabunt? An quoniam sonus dimidiati cum sono vacui duplam habent inuicem proportionem: quid enim in istis potius, quàm in fistulis res euariat? motum namq; eundem acutiorem putamus, quem velociorem. in maioribus verò aer tardius occurrit, vt in duplis duplò, & cæteris secundum proportionem. in vtris etiam, duplus cùm dimidio Diapason consonat) quæ initio dixi in diuisione monochordij, & alibi, sed præsertim in Probl. 23. locum hunc abundè declarant. Vbicunque enim corpus sonans duplum est alterius corporis sonantis, siue sint chordæ, siue fistulæ, siue dolia, siue vtres, resonant Diapason, cuius forma consistit in proportionem dupla, quæ in huiusmodi corporum sonis reperitur.

Ex Sectione 23.

Problema 2. (Cur nauigia onustiora in portu, quàm in alto esse videntur? cæ- 403
lerius enim de alto in terram veniunt, quàm de terra in altum prouehantur?
An quod plus aquæ, quàm minus reniti validius potest? parua enim oppressa onere
MM cedit,

cedit, ut demergi necesse sit: multa è contrariò repellit, ac sustinet. vis enim ea est aqua, ut sursum versus compellat inferius; ergò, ut in portu maris parùm, sic multùm in alto est: itaq; plus onëris conuehi in portu videbitur, etiam mouebitur agrius, quia magis immergitur, & aqua minus reniti potest: at verò in alto res contra usu venit) sensus verborum Arist. satis perspicuus est, res tamen sunt magis expendendæ. primò namq; maximè ambigo de experientia ipsa, quæ huic quæstioni subiicitur, si enim vera sunt ea, quæ ab Astronomis afferuntur, ut maris sphæricitatem asserant, falsa necessariò erit experientia hæc: aiunt autem ipsi pari velocitate nauigia è portu in altum euehi, atq; ex alto in portum appellant; quod signum manifestum est, superficiem maris extimã æquè vndiq; à centro mundi distare, ac proinde omninò sphæricã esse.

Illud postea, quod pro solutione Problematis affert, dum ait, nauim magis in portu, quàm in alto demergi (quoniam plus aqua, valeat magis, quàm minus, nauigij onus sustinere, parua enim aqua oppressa onere cædit facilius, quàm multa) non paruam habet difficultatem. refragantur enim maximorum Mathematicorũ demonstrationes. Archimedes enim demonstr. 5. lib. 1. de ijs, quæ vehuntur in aqua acutissimè demonstrat; solidarum magnitudinum humido læuiorum, in humidum eò usq; demergi, ut tanta moles humidi, quanta est partis demersæ, eandem quam tota magnitudo, gravitatem habeat. quod idem Galilæus Galilæus, in Italico Discursu de rebus, quæ aquæ innatant, subtiliter cõprobauit, ut videre est apud ipsum pag. 14. quæ cum certa sint, sequitur necessariò falsum esse, maiorem aquæ copiam altiùs nauim quàm minorem, extollere. dummodo tamen aqua utrobq; sit eiusdem gravitatis. quare Galilæus pag. 17. sic orationem claudit: valeant inquit, eorum falsè opiniones, qui existimant nauigium facilius à magna aquæ copia sustineri, quàm à parua: quod Arist. sect. 23. probl. 2. credidit: cùm contrà verum sit, nauim æquè faciliè in oceano, atq; in decem doliorum aqua innatare, ac sustineri hæc ille.

Ex Sectione 30.

- 404 **A**D 6 Probl. (*Cur nihil in eo delectamur, quod triangulum duobus rectis par- res angulos internos habere spectamus*) vide quæ lib. 1. Priorum, secto 3. cap. 3. de hac trianguli proprietate annotavi, cuius etiam sæpius Arist. meminit, nunquam tamen verbum illud, internos, præterquam hic, addidit; ut autem benè intelligas quinam sint hi anguli interni, & qui externi, & quod etiam rectis externi æquiualeat, lege quæ ad tex. 39. primi Poster. sunt annotata.

Ex Sectione 31.

Eorum, quæ ad oculos pertinent,

- 405 **P**Robl. 7. (*Quam ob causam vtrunq; aspectum simul diuertere destrorsum, & sinistrorsum, & ad nares demittere valemus. & alterum ad dextram, & ad sinistram, simul verò vnum dextrorsum, alterum sinistrorsum nequimus; similiter neq; deorsum, neq; sursum. simul verò ad idem possumus, separatim verò nequaquam?*)

quam? An quia quamuis sint duo aspectus, ex vnico tamen principio eodem modo dependent? quæcunq; autem ita se habent, quoties alterum extremū mouetur, necesse est alterum consequi ad idem; alterius enim extremum est alterius extremi principium. si igitur res vna nequit, simul in contraria moueri; nec aspectus poterunt: cum ita accadat, vt extrema in partes aduersas moueantur, si quidem alter sursum, alter deorsum moueatur, initiumq; sequi alterum aspectum; quod impossibile. Oculorum verò limitas inde oritur, quia oculorum globi principio continentur, quo & sursum, & deorsum, & ad latera conuerti possint. cum igitur ita sint collocati, vt situ inuicem simili respondeant, atq; sint in medio se se mouendi sursum, deorsum, & ad latera, eodemq; in puncto visum habeant, tali situ præcipue ab inuicem sunt inuariabiles. qui verò in eodem puncto pupillas habent, limi non sunt, sed tamen ab inuicem differunt: nam alijs nigri aliquid occultatur, & sursum projiciunt alba, veluti sternutaturi, alijs in angulū oculi exteriorem, nigrū vergit, sicuti furiosi: alijs in interiorem ad nares, vt personis tragicis, & seueris, qui sunt contuitu graui. Quibus verò situ dissimili globi sunt positi, sed eodem puncto stant pupillæ: aut quibus situs similis est, sed non idem punctum pupillarum hi necessariò limi sunt. propterea toruè aspiciunt, & oculos contrahunt; conantur enim in eundem habitum collocare globum, alterum firmum continentem, alterū verò agitan-tes. necessariò enim limus est, cui non eodem de puncto visus prodeunt, quippe qui dimotum contuendi principium, perinde ac ille, cui suppresso oculo res vna geminata videtur. ergo si oculus sursum dimotus est, terminus inspiciendi deorsum est: sed si oculus deorsum lapsus est, terminus sursum. Vno verò oculo à situ suo dimoto, moueri quidem res visa sursum, deorsumue ob id videtur, quia & pupilla: sed geminata nunquam apparebit, nisi duo sint visus, qui contorqueantur. talis apparet limo *ετεροθαλμω*, seu straboni, vt duplicata illi videatur. propter positionem verò id fit, quia scilicet oculus suo medio non sit constitutus. Quæcunque ab Arist. hoc loco læuiter attinguntur, exactè ab opticis Alhazeno, & Vitell. pertractantur: vide propof. 26. lib. 3. Vitell. quæ est hæc. Vno oculo moto necesse est aliū eidem conformiter moueri.

Quando ait (*Et alterum ad dextram, & ad sinistram*) significat nos posse mouere alterum oculum, altero manente, quoquoersus: quod non video quomodo verum sit, alij fortè videbunt.

Quando ait (*Atq; sint in medio mouendi se se*) per medium mouendi intelligit Arist. punctum, quod concipitur esse in medio inter sursum, & deorsum; necnon inter dextrum, & sinistrum oculorum in naturali positione manentium.

Quando ait (*Eodemque in puncto visum habent*) & (*Qui verò in eodem puncto pupillas habent*) per idem pūctum intelligo illud, quod in vno oculorum habet eandem positionem cum altero puncto alterius oculi, sic duo oculi habebunt pupillas in eodem puncto, quando eas habebunt consimiliter locatas, & habebunt eandem in vtroq; oculo positionem.


Quando ait (*Dimotum contuendi principium habet*) idest, locum pupillæ non habet in eodem situ, in quo oporteret, idest non habet consimilem situm respectu sursum, & deorsum, dextrorsum, & sinistrorsum, alteri pupillæ.

Quando ait (*Perinde vt ille, cui res vna geminari oculo suppresso videtur*) vt rectius ea, quæ hoc loco ab Arist. dicuntur, percipi possint, explicandum.

prius existimo, cur quamuis geminatos oculos habeamus, res tamen vnicæ non solent geminatæ videri, dummodo oculi à naturali suo situ non luxentur, quod etiam à Vitell. proposit. 28. & 46. lib. 3. pertractatur: quamuis commentum illud Vitell. & Alaz. non placeat de nervorum opticorum vnione, eò quod Anatomici refragentur.

Dicendum igitur, quod cum anima vna sit, & obiectum etiam sit vnum, & cum vterq; oculus habeat consimilem omnino situm, fit etiam, vt species obiecti representatiua eodem modo in vtroq; oculo situetur, ob quem consimilem situm, tum oculi, tum speciei fit, vt anima vtatur duobus oculis, tanquam vno oculo, & duabus speciebus tanquam vna specie: si enim alter oculus alteri oculo imponeretur, essent omnino partes vnus congruentes partibus alterius, & species vnus oculi congrueret, & vniretur pœnitus cum altera alterius, secundum singulas earum partes consimiles. vt autem species situentur consimiliter in vtroque oculo necesse est, vt vterq; oculus eodem modo aspiciat obiectum; quod tunc fit, quando axes visuales vtriusq; oculi vniuntur in obiecto. axis porro visualis est linea ab obiecto tendens ad centrum oculi, quæ tamen transeat per centra corneæ, vuez, & pupillæ. tunc partes specierum erunt omnino consimiliter collocatæ in vtroq; visu: ita vt pars speciei, quæ dextra est in vno, fit etiam dextra in altero. Intellego eandem partem respectu obiecti, quæ refert eandem obiecti partem. quemadmodum igitur nec duabus auribus audimus duas voces, nec duabus naribus geminos odores, nec duplici manu duplicatas res tactas: ita anima, seruatis, quæ nuper dixi, duobus visibus res vnā vnicè videre debet.

Hinc facilius cognoscemus, qua de causa res visa aliquando geminetur, quoties enim species eiusdem obiecti in altero oculorum habet alium situm, quàm in altero, geminatio accidit, quia non habet consimilem situm, & si vna alteri supponeretur, non responderent partes vnus dexteræ, v. g. partibus dextris alterius; vnde non identificarentur; nec quæ essent in eadem parti oculi representarent eandem obiecti partem; & propterea oculi non essent quodammodo vnus oculus, cum alter ab altero diuersimodè à specie informaretur. vt autem species vtrumq; oculum consimiliter informet, necesse est, vt axes visuales, quales sunt in apposita figura, C B, D B, ab oculis C, D, ad obiectum B, ducti, in ipso obiecto B. imò in eodem ipsius puncto vniantur: quoties .n. res visa nō est in concursu axium, vt est res A. tunc dissimiliter speciem ad oculos mittit, nam species puncti A, in oculo D, erit ad sinistram centri pupillæ; in oculo verò C, erit ad dextram.



Quando pariter alterum oculorum digito sursum, aut deorsum comprimimus, fit, vt ille aliquantulum à loco suo naturali, & consimili situi alterius dimoueat; quare necesse, vt axis ipsius similiter ad motum oculi dimoueat, nec amplius concurrat cum altero axe, in eodem obiecti puncto, in quod alter tēdet, vel ēt in alterū obiectū. vide Vitell. prop. 103. & 104. li. 4.

Quando

Quando ait (*Si oculus sursum dimotus est, terminus inspicendi deorsum est*) Per terminum inspicendi intelligo rem illam, quæ prius videbatur, & post oculi dimotionem infra axem visualem remanet.

Quando ait (*Sed geminata nunquam apparebit, nisi duo sint visus, qui contorqueantur*) nisi duplex sit conspectus, id est, nisi oculus vnus ab altero differenter situetur, sic enim speciem diuersè respiciunt, non videbitur res duplicata.

Quando ait (*Tali apparet limo, seu straboni*) græcè ait *ετέροφθαλμος*, quod propriè significat eum, quem Latini Luscum dicunt, qui vnus tantum est oculi. videtur tamen vlturpasse illud pro limo, seu strabone, vt Gaza etiam accipit, secus enim non posset illi res geminari, cum ad id necessarij sint duo oculi, vt modo dixerat.

Quando ait (*Propter positionem verò id fit*) ex paulò ante dictis possunt intelligi. verumtamen, & illud addam; Duplicis conspectus, vel geminationis causa esse potest, vel diuersus oculorum situs, vel etiam situs specierum diuersus, vt quando obiectum est intra concursiōem axium, vt in præcedenti figura, vbi etiam si oculi naturalem situm conferuent, res geminabitur.

Probl. 11. (*Cur distractis oculis res vna due apparent? An quod radij vtriusq; oculi ad idem punctum non concurrunt? quasi ergò duo videat, bis idem videre anima existimat. simile est in permutatis digitis, vnum enim duo apparet, tanquam bis tactum*) Præsens Problemata ex dictis in præcedenti problemate satis clarum euadit: imò illa ex his vicissim confirmantur.

Quando ait (*Radij vtriusq; oculi ad idem punctum non concurrunt*) intelligit de axibus visualibus, quos in superiori declaratos habes.

Quando ait (*Simile est in permutatis digitis*) vt pulcherrimum istud experimentum, quo res vna tacta, duæ videntur, experiaris oportet, vt globulum quempiam duobus proximis digitis eiusdem manus tangas, ita vt vnus alterum decussit, siue transcendat, vel ei conuoluatur, ita vt extremitates digitorum permutent loca, vel vt extremum vnus sit, vbi deberet esse extremum alterius, deinde globulum inter vtriusq; digiti extrema locatum, simul tangeant, tunc enim existimabis te duos globulos tangere.

Probl. 17. (*Cur res vna non videtur geminari, si oculum in latera contorqueat?*) An quia conspiciendi principij ab eadem linea sumendum est, duo autem videntur, quando illud sursum, aut deorsum mutatur; in latus verò nihil refert, nisi simul sursum, aut deorsum) quod præsentis problemate proponitur, non videtur vltiquequaq; verum, expertus enim sum, moto etiam in latus oculo, res visas, quamuis magna cum difficultate, geminari. per lineam illam, à qua principium sumitur conspiciendi, intelligit lineam rectam transeuntem per centra vtriusq; pupillæ. quod autem ait nihil referri, si oculus in latus, siue ad prædictam lineam luxetur, falsum omninò puto ex dictis supra ad Probl. 7. hoc enim modo alter oculus dissimiliter ab altero collocatur, vnde necesse est cōsequi geminationem secus ac si sursum, aut deorsum alterum luxaueris.

Probl. 21. (*Cur alia quidem ambobus oculis potius inspicimus; rectitudinem, verò, quæ est in versibus, vnum oculum literis adiuuantes potius conspiciamus? An quia versus quidem coincidentes, quemadmodum tradunt Optici, perturbationem quandam afferunt; quando verò vnico visu inspicimus, secundum vnicam re-*



Etam visualet lineam inspicimus, qua tanquam recta regula melius versus rectitudinem diguoscimus; rectum enim recto dijudicatur.)

Quando ait (Vnum oculum literis admoventes) quando volumus inspicere, num rectus sit scripturae alicuius versus, oculum alterum altero clauso, principio, aut extremo illius versus admoventes, ut hoc modo secundum longitudinem, non autem è regione illum intueamur, sic enim linea visualis recta, quasi linea quaedam materialis rectitudini versus coaptata, illam examinat.

Libet his opticis Problematibus, auctarii loco, tractationem quandam de Oculi pupilla, cum sit eiusdem argumenti, apponere, in qua nonnulla scitu digna, atq; iucunda, ac nuper observata traduntur.

De humani Oculi Pupilla.

VT ea, quae dicenda sunt, facilius percipi possint, necesse est breuiter oculi fabricam, in qua mirum totius naturae Opificis artificium elucet, auxilio sequentium figurarum praemittere.



A B C, cornea. spatium A B, est propriè corneae pars translucida.

E G F, vnea. H I, pupilla, seu foramen vneae.

L M N O P, aranea, quae medium orbiculum M N Q, ambit.

Referat ergo prima haec figura humanum oculum, seu potius oculi sectionem, qui nimirum dissectus sit ab anteriori, usq; ad posteriorem partem in duas aquas partes. qua sectione appareant omnes tunicæ, & humores, ex quibus ille conflat. constat autem secundum Anatomicos ex tribus tunicis, totidemq; humoribus. verum figuram explicemus. Pedunculus ille C, neruus est opticus è cerebro manans, ex quo tanquam ex radice totus enascitur oculus.

Exteriori illa circumferentia A B C, significatur membrana totum oculum complectens, quae cornea propter duritiem appellatur. cuius pars punctis A, B, terminata, instar Laternae cornu, pellucida est. hanc vulgò lucem oculi, Medici Iridem maiorem appellant.

Media illa, & imperfecta peripheria E H I F G, vnea ab acini vneae nigrae similitudine huncupatur; est enim plurimum nigra. haec ubi ad partem corneae translucidam A B, peruenit, eam quasi fugiens intra oculum subsidit,

& ten-

& tendens per loca E H I F, ipsi corneæ, veluti infundibulū quoddam supponitur. hinc aliorū anatomicorum figuras corrigere licebit, in quibus membrana E H I E, tanquā plana superficies ipsi corneæ supponitur. nō est tamen hac parte tota integra, nam, ut ait Plinius, medium eius fenestruit Pupilla. ea est paruum foramen rotundum inter puncta H, I. porro si liceat hāc vneq; partem E, H, I, F, ē directō integram aspicere, similis videbitur huic circulo secundæ figuræ A B C; in cuius medio circulus G H I, foramen est, cui tum Iridi minori, tum Pupillæ nomen est; quæ nostri est materia sermonis: res quidem exigua, sed planē admirabilis: tantillo enim foramine, maria, montes, innumera animalia, ac plantas graphicè, atq; adeo locis distincta animus noster inspicit; imò, ut cecinit Manilius.

Paruula sic magnum peruisit pupula Cælum.

Sic olim admirationi fuit Homeri Ilias, exiguis adeo litoris conscripta, ut vnus nucis corticē clauderetur.

Superficies huius membranae E H I F, exterior, quæ scilicet corneam respicit, in homine varia est, cæsa, glauca, subalbida, nigra. Excipiendi sunt à cæteris Sinarum gentes, quæ, ut postremo perlatum est à nostris PP. sunt omnes spectandi nigris oculis. Tartari etiam omnes virides habent oculos. vtriq; scilicet tales habent oculos, quod tales habeant vueas. ex hac enim varius oculorum color: quippe qui non in exteriori superficie corneæ, quæ omnino diaphana est, & propterea excolor, sed vueæ insidet. In nocturnis tamen animalibus lucida est; atq; hinc lux illa, cuius ope, circumfusus aer adeo illustratur, ut noctu videre queant. si qui etiam hominū noctu videant, ij flaua, ac lucida vuea, ut obseruaui, præditi sunt: & ideo interdū maiorem Iridem flauum ostendunt. superficies tandem illius, quæ oculi interiora conspiciunt, nigerrimo colore, qui vel Anatomicorū digitos inficiat, intincta est.

Tertia tandem, quæ per P L M N O, incedit Aranea dicitur, est enim instar araneæ tenuissima, præsertim, quā vueæ E H I F, supponitur. hæc præterea globuli M K I N Q, anteriorem partem M H I N, circumuehit, qui in ea affixus, non secus ac Araneus in suæ araneæ centro, immobilis hæret. hæc de tunicis.

Reliqui sunt humores tres, quibus oculus repleatur; posterius istud spatium P L Q O, humori vitreo ob vitri similitudinem dicto, natura attribuit: anteriorem oculi sedem inter corneam, & vueam, humor aqueus occupauit, sic dictus, quod sit natura limpidissimus; quippe qui primus ingredientia rerum simulacra excipiat. medium locum, prædictum scilicet globulum, quem aranea complectitur, humor cristallinus sibi vindicauit. hic quæ corneam spectat sphericæ est figuræ, atque ex hac parte foramen H I, vueæ, seu pupillam obsidet, ut aduentantibus rerum simulacris sit obuius, eaq; sistat; vnde factum est illi quoq; pupillæ nomen. Huic quoq; Aranea simul, & vuea tenuissimis fibris in orbem connectuntur; quæ connexio non in ora pupillæ extrema, sed circa ipsam, ut in circulo D E F, secundæ figuræ: qui fibrarum circulus apparet etiam in vuea, est enim veluti sutura quædam circularis circa pupillam, non longè tamen ab ipsa. porro iunctura hæc adeo fortis est, ut non sine aliqua vi vuea, & aranea inde à cristallino diuellantur. Hæc de oculi fabrica nunc sufficiant.

P R O.

PROBLEMAT A NONNULLA

De Oculi Pupilla.

1. **C**ur ei Pupillæ nomen inditum est? Admiratione sanè non caret apud præcipuas linguas, miro quodam consensu, idem etymon obtinere: scilicet denominatam esse ab imaguncula illa, quæ veluti parua puppa, seu pupula, seu pupilla, qualis in figura spectatur, perpetuò in paruo hoc vut circello spectatur. propter hanc igitur puppam Hebræi circellum G B I, Bath, idest filiolum, Græci *χορη*, idest puel- lam, Latini demum pupillam cognominarunt.
2. Atqui vnde imaguncula hac, quæ in oculis nostris perpetuò spectatur? scilicet ob terfitiem, & sphericitatem cornea est instar cõuexi speculi, quod spectanti imaginem reddat, quam ergò videmus in aliorum oculis puppam, nostra est imago, quæ propterea tamen parua est, quoniam oculus speculum paruum, ac conuexum simul est, cuius est imagines rebus ipsis multò minores reflectere. vt in tractatu de Speculis optici demonstrant.
3. Cum tota cornea, quæ Iris maior est, sit æquè tersa, ac perpolita, cur non æquè tota hanc pupulam ostendit? sed è regione minoris Iridis ferè tantum? causa est in promptu, quia nimirum speculum debet esse omnis coloris expers, ne colores speculi coloribus imaginum misceantur; talisque est Iris minor, quæ etiam si videatur nigra, non tamen verè colorata est, vt mox ostendam: at verò maiori Iridi colores vutæ subsunt, qui ne speculi officio fungatur, sunt impedimento. est præterea Iris minor admodum opacata, quæ altera conditio, maximè speculo necessaria est: illa enim nigredo Iridis minoris, seu pupillæ, non nigredo, sed opacitas est, vt dicetur postea.
4. Cum iam cõstet foramini vutæ G H I, à pupilla in ipso versante nomen inditum esse; nec non vnde sit ea pupilla, & cur tam parua; queritur iam, quid sit pupilla, seu Iris minor, an scilicet sit foramen illud vutæ, an potius christallinus humor, qui in illud intruditur, vacuumq; illius replet? Respondeo, Arist. humorem ipsum christallinu appellasse pupillam: Galenum tum christallinum, tum foramen ipsum: aprè tamen vtrumq; dici existimo. Christallinum quidem & quia replet vacuum illud, atq; è regione illius pupillæ imaguncula, spectatur. foramen verò, quia terminos illius rotunditatis circumscribat. vnde aptius fortè dixeris, vtrumque, christallinum scilicet, & foramen veluti partes ad totam pupillam constituendam esse necessaria: ita vt nihil aliud ipsa sit, quàm superficies illa christallini; quæ vutæ foramine continetur.
5. Cur in omnibus hominibus nigra videtur? cum tamen nigri nihil ibi esse ex anotomia constet: imò ibi christallinus est omninò pelluidus; & vltra, citraq; alij duo humores, vitreus, & aqueus, æquè transparentes, atq; omnis nigredinis expertes. vnde igitur nigredo illa? Dicendum est nigredinem hanc non esse veram, sed apparentem, eamq; ex interna oculi opacitate; opacitatem verò ex foraminis paruitate, quæ lumen non admittat, prouenire: quotidiana enim nos docet experientia fenestellas, & huiusmodi alia

alia foramina, quæ intus non sint illuminata, sed tenebrosa, nigra quamvis minimè sint, apparere. Idem præterea mihi ex anatome manifestè patuit, cum enim per sectionem casu quodam pupilla oculi, quem secabam, facta fuisset aliquanto maior, illicò nigredine omni exuta, alba visa est; quia scilicet patuit lumini aditus, quod internam oculi opacitatem fugauit. propterea in bobus, & capris, quia magna, & oblonga est, quæ multum lucis admittat, alba similiter, non vt in nobis nigra conspicitur.

6. Cur in clarissima luce Solis pupilla omninò euanesceat? ex dictis in præcedenti problemate, huic quoq; satisfieri potest. cum enim clarissimo lumini obijcitur, fit, vt oculi interiora illustrentur; vnde fugatis tenebris, & omni opacitate, etiam nigredo illa nulla fit.

7. Possumus nē dum in oculos alterius intuemur, quanta sit re vera, cognoscere? existimo certam ipsius quantitatem oculos nostros omninò latere: videtur enim per refractionem, cum sit infra humorem aqueum aere, densiorem, at quæ refractè videntur ex medio densiore, ea maiora, quàm sint, apparere, demonstrant Perspectiui. attamen cum in luce satis temperata versamur, si oculum directè, vt minor fiat refractione, spectemus, ipsam non multò verò maiorem spectabimus.

8. Sed vnde nam illud mirum illi accidit, vt modo maior, modo minor nullo fermè tempore interposito, euadat; & aliquando ad tantam magnitudinem exerescat, vt totam forè maiorem Iridem occupet; vt si in secunda figura foramen B G I, vsq; ad circulum L M N O, dilataretur? Antiquiores, vt Galenus, cum obseruassent eam, multò maiorem esse noctu, quàm interdiū, id solummodo ratione noctis, & diei contingere, atq; foramen illud verè augeri, & minui existimarunt. suspensum tamen Galenum reddit, nulla huius motus organa reperiri, quapropter ad spiritus animales confugit, eisq; huius augmenti, & decrementi causam attribuit: eiusdem sententia est Io. Baptista Porta, inter huius ætatis Perspectiuos celebris. Hieronymus ab Aquapendente ab antiquioribus in eo dissentit, quod causam huius referat non in spiritus, sed in proprietatem quandam ipsius vix naturalē. Porro cum ego sententias horum mente versarem opportunè accidit, vt vel ipso meridie cum quodam in loco satis opaco colloquerer, atq; eo illius capitis situ, vt oculi illius in multa essent opacitate, cum ecce tibi pupillas illius, magna cum admiratione, adeò magnas conspexi, vt totam ferè maiorem Iridem adæquarent; illicò hominem in claram lucem, atque Solem deduxi; atq; ecce tibi repentè eadem pupillæ minimæ factæ sunt. eandem subinde experientiam sexcenties obseruaui, vnde duo notatu digna innotuerunt.

Primum est: Maiores nostros hallucinatos esse cum nocte tantummodo magnas, per diem verò paruas fieri pupillas opinati sunt: Verum id ratione lucis, & tenebrarum quouis tempore accidere patuit. vnde etiam in obscurissima nocte admota oculis accensa candella, minuantur; amota statim augeantur. hinc accidit, pupillam hanc, Medicum quendam ætate nostra celebrem fefellisse, qui dum ægrotum quendam in cubiculo satis tenebroso, oculisq; laborantem curaret, animaduertit illius pupillas esse iusto maiores, quapropter plurima illi medicamenta pro pupillarum restrictione adhibuit;

hibuit; sed omnia tamen irrita; cui ad mota luce, statim sunt imminutæ: nec tamen æger conualuit. erat scilicet apparentia, non veritas.

Secundum hoc modo patuit. Ceperam namq; pariter de principali questione ambigere circa sententiam eorundem, num scilicet verè pupillæ modò dilatarentur, modò constringerentur; an potius aliqua sit, quæ eos fellerit apparentia. atq; tandem post diuturnam obseruationem, post plurimorū oculorum dissectionem, tutò ausus sum primò asserere, pupillas verè nec augeri, nec minui, sed meram illam esse apparentiam, quod sequentibus rationibus comprobabam.

Primò, si verè tunc cum fermè maiorem totam Iridem occupant, relicta tantummodo gracili in orbem armilla, dilatarentur, tunc necessariò connexio vueæ cum aranea scinderetur, cum tunc pupillæ gyrum D E F, illius connexionis vestigium transcendant; ac præterea tenuissimæ illæ fibræ, quibus consuitur, frangerentur, statimq; iterum nemine auctore refarcirentur. quod nec sine oculi detrimento, nec sine sensu doloris aliquo fieri posse, quis dicat? quæ omnia nullo modo consequuntur.

Secundò, nulla extant huius organa motus, quod plures Anatomicos, atq; Galenum ipsum dubios reddit.

Tertiò, Medici omnes volunt eos, qui angustiori sunt pupilla, acie oculorum plus valere, quàm qui sunt latiori; si ergò ista esset vera constrictio, & dilatatio, accideret nos eodem penè temporis momento, modò acutius, modò hebetius videre: imò in temperata luce, vbi maior apparet, minus, quam in clarissima luce, & Sole, vbi minima apparet, videremus. quibus quotidiana refragatur experientia.

Quartò, plura obiecta compræhenderet oculus in opacitate, quàm in claritate, & Sole: omnia enim illa videmus, quæ intra pyramidem visualem continentur, quæ eò capacior, & latior est, quò pupilla maior est: habet namq; hæc pyramis verticem in centro oculi, & postea dilatatur ad dilatationem foraminis vueæ, quod est pupilla. verum nos nunquam experimur plura obiecta compræhendere in vmbra, quam in Sole.

Quintò, si illa dilatatio vera esset, pupilla non semper in homine videretur nigra; magnitudo enim foraminis multum luminis intra oculum admitteret, quod opacitatem, & nigredinem illam omnem fugaret; hæc enim de causa in bobus, & capris alba cernitur. quapropter certò certius, & luce clarius, motum hunc non verum, sed apparentem esse mihi, atq; alijs persuadebam.

Verumenimverò Græcorum illud adagium, secundæ cogitationes sunt sapientiores, verissimum est, nam quinquennio postquam hæc de pupillæ dilatatione conscripseram, cum iterum opticam publicè aggrederer, oculi fabricam, atq; pupillæ motum istum attentius considerans, conatus sum obsequentes rationes prædictis euidentiores mutare sententiam, atq; asserere verè pupillam augeri, ac minui, eò quod vuea ipsa in luce verè constringatur, in opacitate verò, ac tenebris magno naturæ miraculo dilatetur.

Prima ratio, cum pupilla minuitur, eam perpetuò vueæ colores cōsequuntur, eamq; circumdant, siue cum ipsa constringuntur; quod minimè fieret, nisi vuea ipsa constringeretur, sicq; foramen illud imminueret.

Secun

Secunda, ex hac experientia; fac ut aliquis alterum sibi oculum manum illi applicans tegat: & illicò sine vlla lucis mutatione videbis alterius oculi pupillam modicum, sed tamen sensibilibiter satis dilatari.

Tertia, animalia quædam, ut Catus, quando pupillam suam hanc dilatant, eam in orbem dilatant: quando verò constringunt, eam in oualem, ac tandem rimulam quandam constringunt: idq; in eadem opacitate, quæ argumento sunt vueam ipsam moueri.

Quarta, est quidam oculorum morbus, quo æger absq; magno dolore lucem nequit aspicere: ergò signum lucem aliquid intra oculum mouere posse, ex quo motu æger doleat; huiusmodi ægrotum quendam ego aliquando magna admiratione inuisi. hæc adeò miranda in nobis summus naturæ opifex perpetuò operatur.

Reliquum est, ut superioribus rationibus, quibus me diu deceptum fuisse existimo, satisfaciam.

Ad primam igitur respondeo, etiam si vuea verè dilatetur, non indè necessario sequi connexionem illam scindi debere: possunt enim tenuissima illa fibræ intendi, ac remitti: sicq; motui vueæ obtemperare.

Ad secundam, causam efficientem huius dilatationis esse spiritus; non partem quampiam, aut organum materiale.

Ad tertiam negandum est illud Medicorum placitum.


Ad quartam concedenda est tota, sed tamen addendum est, nos non aduertere modò plura obiecta, modò pauciora videre, quia valde difficile est id obseruare, porro fateor difficile esse huic rationi satisfacere, quia non omninò constat, qua ratione, & quo loco oculi fiat visio.

Ad quintam dicendum est, nunquam foramen illud pupillæ ad tãtam magnitudinem euadere, ut satis lucis admittat ad oculi internam opacitatem fugandam. Præterea, quando dilatatur est in loco satis opaco, vnde fit, ut opacitas ambientis aeris minimè expellat oculi opacitatem; quin potius eam inuict necesse est.

9. Cur altero oculorum tecto, alterius pupilla aliquantulum dilatatur? R. sciendum miram esse oculorum societatem, quò vnus intuetur, alter eò etiam conspirat: quorsum alter conuertitur, eorsum & alter: anima enim vtitur duobus oculis tanquam vno. quia igitur dum alter tegitur, ei simul tenebræ offunduntur, quibus præsentibus pupilla illius ampliatur, ut supra vidimus, necesse est, ob oculorum fidam societatem, ut alterius etiam pupilla augeatur. huic respõsioni quis in hunc modum obijciat: cum alter oculus sit in lumine, ac eapropter pupillam constringere debeat; cur non ei potius alter morem gerit, sicq; pupillam, præsentibus etiam tenebris in suo statu continet. huic iterum respondeo, quoniam alter, qui obtenebratur pupillam ampliare, alter verò, qui illuminatur coarctare studet, fit ut vterq; pupillam, modicum tamen, ut experientia docet, in orbem diducat.

Atq; hæc sunt, quæ nuper circa oculi pupillam obseruata, huic loco addenda existimaui.

L A V S D E O.




DE
MATHEMATICARVM
NATVRA DISSERTATIO.

VNA CVM CLARORVM
MATHEMATICORVM
CHRONOLOGIA.

AD ILLVSTRISSIMVM AC NOBILISSIMVM
PETRVMPRANCISCVM MALASPINAM
ÆDIFICIORVM MARCHIONEM.

*Authore eodem Iosepho Blancano è Societate IESV,
Mathematicarum in Parmensi Academia professore.*



BONONIÆ M. DC. XV.
Apud Bartholomæum Cochium. Superiorum permissu.

Sumptibus Hieronymi Tamburini.



ILLVSTRISSIMO
AC NOBILISSIMO
PETROFRANCISCO
MALASPINAE
ÆDIFICIORVM MARCHIONI.



Ioseph Blancanus è Societate Iesu. S. P. D.



EAM hanc de Mathematicarum natura Dissertationem, unâ cum illustrium Mathematicorum Chronologia, tibi Illustriss. Marchio iure meritò dicare, ac sub clarissimi tui nominis patrocinio in lucem dare constitui. primum quidem, ut mei perpetui erga te amoris, & obseruantiae hoc unum saltem specimen extaret; tum ut idoneum, æquumq; propositæ Quæstionis iudicem nanciscerer. Cùm enim ad iustum arbitrum duo potissimum requirantur, rerum scilicet cognitio, atq; prudentia, quem te rei, de qua agitur peritiorem, quemq; prudentiorem inuenire potuerim? tu enim cùm Physiologiæ, ac Mathematicarum omnium Encyclopædiam mirum in modum excolueris, ad inima Mathematicarum pene-

A

2

italia

tralia ita peruasisti, ut Archimedis, & Apollonijs ad-
 mirandis, ac subtilissimis demonstrationibus detinearis.
 Quanta porrò in rebus agendis prudentia valeas toti penè
 Europæ innotuit, cum pro nostris Sereniss. Ducibus non
 solum ad omnes ferè Italiae, atque Germaniæ Principes,
 verum etiam ad Cæsaream Maiestatem, rebus foeliciter
 gestis, Legatus decimum extiteris: ac demum à Sereniss.
 Duce Ranuio inter primarios de Rep. Consiliorum Au-
 thores, adscitus fueris. Cæterum in Clarorum Mathe-
 maticorum Chronologia perlegenda, sæpius tibi nobilif-
 simi æquè, ac doctissimi Viri, tui omnino persimiles, oc-
 current, quod tibi nonnisi gratissimum accidere posse arbi-
 tror. Complectere igitur, quæ soles benignitate, atq; clemen-
 tia nostra hæc quantulacumq; munuscula, quæ si tibi acce-
 pta esse intellexero, tum demum maximorum mu-
 nerum loco habenda esse censebo. incolu-
 mem tibi, ac foelicem D. O. M.
 longæuitatem tueatur.

Vale.

Parmæ Idibus Nouembris M. DC. XIII.



ADDI-



ADDITAMENTVM. DE NATVRA SCIENTIARVM MATHEMATICARVM.



QVONIAM in hoc Opere multa ad Mathematicarum naturam spectantia sparsim dicta sunt, non ab re, neq; ingratum Lectori fore duxi, ea quodammodo huc in vnum congerere, quæ ad earum naturam ritè percipiendam necessaria esse viderentur. præsertim cum recentiorum quamplurimi, qui eas læuiter nimis attigerunt, hac de re, veluti cæci de colore, pluribus ad internam tamen earum naturam minimè spectantibus, garrire gestiant. Vt autem tractatio euadat planior, eam sic commodè partiemur, vt

Primo, De materia, seu subiecto harum disciplinarum agamus.

2. De medio Demonstrationum Geometricarum, seu, vtrum sint Demonstrationes potissima.
3. De præstantia scientiæ, quam nobis pariunt.
4. Aliquot calumniarum dilutio.
5. De Mathematicis medijs.

De subiecto Geometriæ, & Arithmeticæ, quod solet dici Materia intelligibilis. Cap. 1.

PRIMò, agemus de puris Mathematicis Geometria, & Arithmetica, quarum est diuersa ratio à medijs, Astronomia, scilicet Perspectiua, Mechanica, & Musica. Quantitas igitur abstracta à materia, sensibili dupliciter considerari solet. consideratur enim à Physico, & Mathematico secundum se, idest, absolutè, quatenus Quantitas est; siue terminata sit, siue non; qua ratione affectiones ipsius sunt, diuisibilitas, locabilitas, figurabilitas, &c. à Geometra verò, & Arithmetico consideratur non absolutè, sed quatenus est terminata, vt sunt in quantitate continua lineæ finitæ rectæ, aut curuæ, vt sunt superficies terminatæ, ex quibus variæ fiunt figuræ, vt circulus, triangulum, &c. vt tandem sunt solida item terminata, ex quibus variæ existunt species solidarum figurarum, veluti, pyramis, cubus, conus, cylindrus, &c. quæ ad Geometram pertinent. Quæ omnia in quantitate etiam discreta, seu in numeris proportionaliter reperiuntur, quos

quos solum terminatos Arithmeticus accipit. esse autem genera hæc terminata Quantitatis Geometriæ, aut Arithmeticæ subiectum, ex eo patet, quod eas solas quantitates ipsi definiunt, de quibus ipsis varias passiones demonstrant, easque omnino ab eis diuersas, quas Physicus, & Metaphysicus in ea absolute spectata considerant. Vnde manifestum est, has affectiones, quas Mathematicus contemplatur ab ipsa Quantitate, quatenus terminata est emanare; sunt autem æqualitas, inæqualitas, talis diuisio, transfiguratio, proportionum variæ, commensuratio, incommensuratio, figurarum constructiones, &c. Quæ sanè affectiones ab intrinseca Quantitatis natura minime fluunt, posita enim ea interminata, prædictæ passiones non consequuntur, nihil enim, ea sic posita, est æquale, aut inæquale, &c. sed addita Quantitatis terminatione, ea ab ea per emanationem profluunt. Quapropter iure dixeris formalem rationem Mathematicæ considerationis esse Terminationem; & obiectum totale adæquatum esse Quantitatem terminatam, quatenus terminata est. Ex hac enim terminatione variæ oriuntur figuræ, & numeri, quas Mathematicus definit, de quibus ipsis varia demonstrat. Atque hæc est illa Quantitas, quæ dici solet materia intelligibilis, ad differentiam materiæ sensibilis, quæ ad Physicum spectat; illa enim ab hac per intellectum separatur, ac solo intellectu percipitur. Continuum igitur, & discretum, utrumque terminatum, est materia intelligibilis, illud Geometriæ, istud Arithmeticæ. Hinc etiam patet, cur dicatur Mathematicus considerare Quantitatem finitam, quia accipit terminatam, quæ finita est: quod enim habet terminus, seu fines, finitum est. quod si dari posset quantitas aliqua terminata, & simul infinita, de ea etiam Demonstrationes Euclidis fieri possent; si enim daretur triangulum infinitum, eodem modo de eo ostendi posset habere tres angulos æquales duobus rectis. Porro hanc terminatam Quantitatem esse Geometriæ, & Arithmeticæ subiectum minime cognouerunt ij, qui Geometricas demonstrationes impugnarunt, ut in eorum scriptis videre est, quæ prima eis fuit errandi occasio.

Porro ex hac mathematica abstractione à materia sensibili, fit ut materia hæc abstracta perfectionem quandam acquirat, quam perfectionem mathematicam appellant. v. g. triangulum abstractum est omnino planum ex tribus lineis omnino rectis, tribusque angulis punctis omnino indiuiduis constitutum, quale in rerum natura (exceptis fortè celestibus) vix puto reperiri posse. vnde nonnulli solent Mathematicis illud obijcere; entia scilicet mathematica non extare, nisi per solum intellectum. Verum enim uero sciendum est entia hæc mathematica, quamuis in ea perfectione non extent, id tamen esse per accidens, constat enim naturam, & artem figuras mathematicas præcipue intendere, quamuis propter materiæ sensibilis ruditatem, & imperfectionem, quæ perfectas omnino figuras suscipere nequit, suo fine frustrentur; natura enim in truncis arborum cylindri figuram affectat, in pomis, & vuarum acinis aut sphericam, aut sphaeroidem, in cornea oculi circulum; imò oculus ipsa maxime sphericus est. Sol, reliquaque astra communi omnium consensu omnino spherica sunt. ipsa aquæ superficies globosa est. terraque ipsa nisi obstat materiæ crassities, & diuersitas, rotunda plane euaderet. lineæ spirales conicæ nonne manifestè in marinis cochleis designan-

signantur? Cylindricæ, & planæ in nonnullis herbis? Ars præterea palam magis easdem figuras prosequitur; artifices enim omnia ferè opificia quadratis figuris, aut rotundis, aut circulis, aut ellipsis induunt. Verum ipsa quoq; ars, non secus ac natura, quam imitatur suo fine ob materiæ ruditatem defraudatur. Quamuis igitur re ipsa non existant, quia tamen tantum in mente Auctoris naturæ, quam in humana, eorum Idææ tamquam exactissimi rerum typi, necnon tamquam exacta entia Mathematica existunt; Ideo de ipsis eorum idæis, quæ per se primò intenduntur, & quæ vera sunt entia, agit Mathematicus. Quapropter dicendum est, entia hæc Geometrica omnibus numeris absoluta esse entia per se, & vera; figuræ verò tum naturales, tum artificiales, quæ in rebus existunt, cum à nullo efficiente intenduntur, esse entia per accidens, imperfecta, & falsa. v. g. triangulum in aliqua charta depictum, non est verum triangulum, sed verum triangulū illud est, quod in idæa diuina est. ex quibus obiter illud intelligas, cur scilicet aliquando Plato dixerit Deum geometrizare, idest tanquam verum Geometram non nisi perfectissimas idæas contemplari. Eodem etiam modo, Poetæ, qui res perfectas imitari debent, eas saltem vt plurimum, non vt extiterunt versibus decantant; sed quales esse debuerunt, confingunt, atq; lectoribus, aut spectatoribus representant. Vltimò dici potest; hæc entia esse, possibile, quis enim neget Angelum, aut Deum ea posse efficere? ad obiectum autem scientiæ satis est esse possibile; scientia enim abstrahit ab existentia subiecti.

In hac præterea intelligibili materia, alio modo materia alia accipitur, cum partes scilicet dicuntur materia totius, vt quando duo triangula componunt quodpiam quadrilaterum, sunt illa duo trigona materia totius illius quadrilateri.

Similiter aliquando plures anguli partiales componunt tanquam materiam totalem angulum. Idem dicendum de alijs similibus, pariter esse cuius dimidium, aut tertiam partem, aut duplum, aut reliquum cuiuspiam totius, referuntur ad veram causam materialem, idq; teste Arist. tex. 3. 1. 2. & tex. 3. 5. Metaph. & omnibus Philosophis. quæ quidem materiæ acceptio, similis est acceptioni materiæ physicæ, ex qua tanquam ex parte cōpositum conflat: conflat enim ex materia, & forma, tanquam partibus. diuersa verò est ab ea, quam physici passim vsurpant, dum considerant materiam, in qua, aut circa quam, vt aiunt. hoc tamen non obstat, quominus illa veram causæ materialis rationem non obtineat. Quod etiam Geometricarum demonstrationum impugnatores videntur minimè aduertisse. quæ illis secunda errandi causa extitit.

Postremò aduertendum, quòd magni momēti est, definitiones tam Geometricæ, quam Arithmeticæ esse omnino essentielles, quæ scilicet totam rei quidditatem explicant; minimè verò esse tantummodo nominis explicationes, aut definitiones, vt iidem perperam existimarunt, qui eorum tertius est error. quod quidem Arist. sensisse manifestum est, quotiescunq; enim in Analyticis de scientiarum principijs loquitur, inter ea definitiones Geometricæ, & Arithmeticæ semper cōnumerat, quod minimè fecisset, si solum nominis essent explicationes. Verum quidem est eas, vt plurimum esse simul,

& rei,

& rei, & nominis expositiones. quod sæpè accidit, cum scilicet nomina valde perfecta, ac rei omnino conuenientia sunt; nam

Conueniunt rebus nomina sæpè suis.

Huiusmodi sæpè sunt, quæ perfectam continent etymologiam, vbi ipsa nominis expositio, simul etiam est rei essentialis definitio. tales sunt sæpè nomina, & definitiones Geometricæ. Exempli causa, talis est definitio quadrati, nam quando dico, quadratum est figura plana quatuor rectis lineis, & quatuor angulis rectis constans, explico simul rationem nominis, & rationem rei: dicitur enim quadratum à quatuor illis lineis. Explico deinde totam eius essentiam, quando dico ipsum constare ex quatuor lineis rectis, & quatuor angulis rectis, quæ duo simul iuncta constituunt totam quadrati essentiam, sunt enim ipsius differentia constitutiva; loco autem generis est figura plana quadrilatera: quapropter erit hæc perfectissima definitio, cum non solum nominis, sed etiam rei essentiam totam patefaciat; statim enim, ac cognoscimus quadratum ex prædictis constare nihil amplius de ipsius essentia animus scire desiderat, sed acquiescit, vnde eam esse optimam definitionem manifestum est. Huiusmodi quoq; est definitio figuræ altera parte longioris, nam cum dicitur, ea est figura plana quadrilatera, quæ rectangula quidem, & æquilatera non est, patet inde, cur dicatur altera parte longior, quod est ipsius etymon: deinde ipsius essentia, ita innotescit, vt nihil amplius de ea querendum supersit. Similiter cum dicitur, æquilaterum triangulum est, quod tria latera habet æqualia, ecce tibi, & nominis, & rei causa. talis est etiam prima 6. definitio, similes figuræ rectilineæ sunt, quæ & angulos singulos singulis æquales habent, atque etiam latera, quæ circū æquales proportionalia; hic enim etymologia, & rei natura manifestatur. talis adhuc est prima definitio 10. commensurabiles magnitudines dicuntur, quas eadem mensura metitur. innumeras huiusmodi alias, quæ apud alios Geometras reperiuntur, missas facio, ne in re tam clara longior sim. sed alias contemplemus, quæ nullo modo sunt nominis definitionis, sed rei tantum. prima Euclidis definitio, quæ est Puncti, iuxta puncti naturam bipartita est, habet enim esse partim absolutum, partim relatiuum; cum in prima definitione dicitur. Punctum est, cuius nulla pars est, definitur quatenus absolutum, cum postea in tertia definitione dicitur, termini linearum sunt puncta, definitur quatenus est quid alterius: ex quibus tota puncti natura fit manifesta; etymologia verò nequaquam; nam dicitur punctum à pungendo, quasi sit punctura quædam, quæ notio in Euclidis definitione minimè attingitur. Similiter cum dicitur, linea est longitudo latitudinis expers, vbinam nominis ratio? nam linea dicitur à lino, quasi lineum filum; antiquitus enim ex lino fila fiebant, quibus fabri ad designationes utebantur, quemadmodum nunc ex cannabæ: at in Euclidis definitione ridiculum est hanc rationem querere; in qua tamen linearum essentia perfectè apparet.

Pariter quando definit superficiem esse eam, quæ longitudinem, latitudinemq; tantum habet, apparet quidem rei natura; at verò vbi nominis definitio, quæ est, dici superficiem, quasi supremam faciem? Cum dicitur Angulus est duarum linearum, se mutuo tangentium inclinatio, vbinam vocis notio? aperitur tamen rei natura, & quidditas. Sed magis manifestum est
in linea

in linea perpendiculari, quæ proculdubio denominata est à perpendiculo, in definitione tamen nullum huius vestigium: at verò quid ipsa sit, optimè explicatur. Definitio porrò circuli videtur assignari non per intrinseca, sed tamen æquiualeat intrinseca definitioni; quando enim dicitur circulus est figura plana, vncia linea contenta, ad quam ab vno puncto eorum, quæ intra figuram sunt, ductæ omnes lineæ sunt æquales, perinde est, ac si diceret, circulus est figura plana, cuius medium æquidistat ab extremis; quæ est essentialis; posita enim hac æquidistantia, ponitur necessariò circulus. Verum centri definitionem esse tantum nominis explicationem; absurdum est: centrum enim vox græca est, quæ primo significat stimulum, vel aculeum illum, quo Boes agit bubulcus.

At Rhombi definitionem, quàm ridiculum est, eam nominis solum explicationem continere, cum nihil minus. Dicitur enim Rhombus à cuiusdam piscis, vel cuiusdam textorij instrumenti similitudinè, cuius figuram refert. naturam tamen ipsius definitio aperit, idest Rhombus est figura plana quadrilatera, æquilatera, sed non rectangula. Idem perspicere licet in definitionibus corporum, quarum prima est, solidum est, quòd longitudinem, latitudinem, & crassitudinem habet; ex qua clarè tota rei natura perspicitur. Sed ne longior sim, innumeras pene alias apud omnes Geometras reperies omnino essentielles, quas prætero: eadem prorsus de Arithmetice definitionibus sunt intelligenda, vt eas consideranti statim patebit. Quod si quis iam fateatur hasce definitiones essentielles esse, sed tamen adhuc Mathematicis illas definitiones causales, quas demonstratio requirit, deneget; is sibi refragantem audiat Arist. qui tex. 12. 2. de Anima; ait Tetragonismi extare duas definitiones, vnã formalem, seu essentialẽ, quæ est, Tetragonismus est effectio quadrati æqualis dato æquilatero; altera verò causalis, scilicet Tetragonismus est inuentio mediæ proportionalis, quia linea illa media proportionali, est causa quadrati æqualis datæ figuræ: vide nostram huius loci explicationem. Concedat is igitur oportet, Geometricas definitiones non solum nominales, sed etiam formales, & causales esse. quo nomine Mathematicas definitiones reliquarum scientiarum definitiones antecellere iam certum esse potest; cum apud omnes Philosophos in confesso sit, vltimas rerum differèntias nos latere, sine quibus vera definitio nulla est; adeò, vt etiam apud eosdem ambigatur, vtrum illa definitio hominis, animal rationale, vera sit definitio nec ne.

Obijces fortè iterum, definitiones hasce Mathematicarum esse vt plurimum definitiones subiecti: at in potissima demonstratione, ad quam tendimus, requiri causales definitiones passionis primò, & per se; definitionem verò subiecti per accidens, vt quando aliquid immediatè ab ea procedens de subiecto ipso demonstrandũ est. respondendum censeo, primò, quod cum definitio causalis passionis non sit aliud, quam causa ipsius, si in definitione subiecti continetur causa passionis, assumendo definitionem subiecti, assumetur etiam definitio causalis passionis. secundò, quod in Mathematicis definitiones ipsius subiecti sæpè euadunt definitiones passionis, vt infra clarè patebit, quando nimirum ipsum subiectum. v. g. quadratum veluti passio de figuratione quapiam demonstratur; siue quando ostenditur ex quapiam

B

constru-

construptione rectè fieri quadratum, triangulum, lineam perpendicularem, & similia. tertio, in præcedenti dubitatione dictum esse ex mente Aristot. etiam in Mathematicis esse definitiones causales, idq; exëplo tetragonismi confirmatum. Ex his, quæ de scientiarum definitionibus dicta sunt, notanda est quædam disparitas inter alias scientias, & Mathematicas in modo procedendi ad subiecti proprii cognitionem. nam in demonstrationibus à signo, à quibus incipiunt vt plurimum aliæ scientiæ, sola cognitio nominis subiecti requiritur, non autem essentialis definitio; eius enim essentia, quæ occulta est, per accidentia, & proprietates à posteriori indagatur; qua detecta ab ea iterum ad demonstrandas passiones distinctè, & scientificè regredimur. quod si primò perfecta obiecti cognitio obijceretur, vt fit in Mathematicis ob perfectus earum definitiones pulcherrimo naturæ ordine ab essentia ipsius ad passiones demonstrandas procederemus, vt fit in demonstrationibus à causa, quales ferè semper sunt in Geometria, & Arithmetica. exceptis demonstrationibus ab impossibili, vbi nobis primò tota subiecti natura ex præmissis definitionibus obijcitur, ex qua deinde semper à priori ad inuestigandas illius passiones procedimus; in quo processu definitio subiecti præmitti, eiusq; quidditas supponi debet. vnde etiam sequitur Mathematicas hæc à notioribus nobis, & natura, vt vult Auerroes, & ceteri ferè omnes, & ex nostris maximè Toletus quæst. 4. secundi Phys. procedere. notioribus nobis, quia primum omnium manifesta est tota figuræ essentia ex definitione ipsius allata, ignotis adhuc ipsius affectionibus. notioribus natura, quia prius natura est subiecti essentia, quàm passiones, quæ ab ea manant, deq; ea demonstrantur: atq; hæc causa est, cur semper tanti factæ sint Geometricæ demonstrationes, primumq; certitudinis gradum obtineant.

De medio Demonstrationum Geometriæ, & Arithmeticiæ, seu, An sint potissimæ Demonstrationes.

Cap. 2.

Coguntur huius tempestatis Mathematici ea, quæ antiquissimo possessionis iure tutò hætenus possiderunt, à nonnullis recentioribus ea diripere volentibus, omni conatu tutari. quis enim vnquam alicuius nominis philosophus ante Alexandrum Piccolomineum extitit, qui Geometris potissimas Demonstrationes eripere tentauerit? profectò nullus. fatetur ipse se primum inter recentiores hanc veritatem olfecisse, sed verè omnium etiam antiquorum primus ipse fuit, nam duos, vel tres, quos ex antiquis in suam sententiam pertrahere conatur, re vera, vt infra patebit, minimè pertrahit.

Primo igitur antiquorum auctoritates, præcipuè verò Arist. pro parte affirmatiua afferemus. & verò indignum, atq; superuacaneum existimo, cum eo, qui Arist. Analyticos posteriores legerit, de ipsius sententia disputare, eiusq; mentem, quasi in frustra locis aliquot citandis secare, cum totis duobus libris nihil aliud agere videatur, quàm perfectā Demonstrationis ideam ex Geo-

ex Geometricis delineare; quippe qui omnes conditiones, omniaq; ad perfectam demonstrationem necessaria, ubiq; Geometricis demonstrationibus attribuat, idq; non solum preceptis, sed etiam exemplis perpetuo confirmet: ego quidem nihil vnquam Arist. clarius expressisse, nihil fusius comprobasse existimo, quam Geometriæ demonstrationes omnibus numeris absolutas esse, ita vt Philosopho indignum omnino videatur sententiam ipsius adeo manifestam aliò detorquere; satius esset, meo iudicio, palam peripatetici nomen ex hac parte deponere, quam hoc modo Peripateticorum doctrinam, vt nonnulli faciunt, vel dissimulare, vel tam perperam interpretari. quamuis igitur satis esset lectorem ad libros analyticos, eorumq; interpretes amandare, non grauabor tamen loca aliquot selecta, atque adeo manifesta in medium afferre, vt magnopere mirandum sit cōtrariæ opinionis auctores ea pro libito interpretari. quorum primus sit tex. 23. primi Poster. (*Vnumquodq; autem scimus non secundum accidens, quando secundum illud cognoscimus, secundum quod inest, ex principijs illius, secundum quod illud, vt duobus rectis æquales habere, cui inest per se ex principijs huius*) vbi manifestè vides Arist. asserere demonstrationem illam, qua Geometra ostendit, omne triangulum habere tres angulos æquales duobus rectis procedere ex primis, immediatis, ex ijs, quæ sunt per se, & secundum quod ipsum; nullo autem modo ex ijs, quæ sunt per accidens. perinde ac si diceret eam esse potissimam, atq; omnibus numeris absolutam. verum de hac demonstratione inferius pluribus dicetur, interim vide citati loci nostram explicationem supra in locis Mathem.

Textu deinde 29. primi Poster. (*Conuertuntur autem magis quæ sunt in Mathematicis, quoniam nullum accidens (sed & hoc differunt ab ijs, quæ sunt in disputationibus) sed definitiones*) vbi vides Mathematicos nullum accidens, seu contingens accipere, sed definitiones, idest, non per aliquod contingens, sed per causam formalem. tex. verò 31. (*Figurarum autem maximè scientialis est prima, mathematica namq; scientia per hanc demonstrationes ferunt, vt Arithmetica, & Geometria, & Perspectiua, & ferè dixerim quæcunque ipsius Propter quid considerationem faciunt*) postea tex. 11. 2. Poster. asserit demonstrationem illam, qua Geometra probat, angulum in semicirculo esse rectum, esse à causa materiali, imò eam tanquam optimum huiusmodi demonstrationis exemplum affert. sed de hac eadem demonstratione infra iterum dicendum erit; vide interim prædicti loci explicationem supra in locis Mathematic. allatam. hæc ex Logica sufficiant, ne huc toti posteriores inferantur. tex. 68. 2. Phys. (*Aut enim ad ipsum Quid est, reducitur ipsum Propter quid vltimum in immobilibus, vt in mathematicis, ad definitionem enim recti, aut commensurabilis, aut alterius cuiuspiam reducitur vltimum*) ecce iterum causa formalis in Mathematicis demonstrationibus. vide huius loci explicationem supra à nobis allatam. 6. Metaph. tex. 1. (*Mathematicorum quoq; principia, elementa, & causa sunt*) 11. Metaph. cap. 1. summæ 3. (*Patet igitur tria esse genera speculatiuarum scientiarum, Naturalem, Mathematicam, Theologiam*) ecce tibi, quam clara sit Arist. sententia.

Quod ad Platonis auctoritatem attinet, certum est, eum in Mathematicis causam materialem, & formalem agnouisse, nam teste Arist. primo Metaph.

cap. 7. ipse non credebatur aliarum causarum, quam formalis, & materialis, quas Mathematici tractant, speculationem philosophicā esse magnificandam; efficientem enim, & finalem nūquam explicuit, propterea quod à Mathematicis, nunquam tractarentur. Proclus præterea cap. 10. lib. 7. in Euclidem, ait; Mathematicam verò omnino rerum sempiternarum vim habentem, scientiam appellat Plato. & paulo post, ne dicamus igitur, quod Mathematicam à scientiarum numero Plato expellit. & in fine cap. ait. (*Mathematica tamen est scientia, non ut à suppositione immunis - sed ut propria-rum in anima rationum cognitrix, & ut causas conclusionum afferens*) nota illud, causas conclusionum afferens. concludit postea sic, hæc omnia de Platonis sententia pro Mathematicis dicta sint.

Ipsam præterea existimasse eas esse absolutissimas scientias ex multis ipsis dictis par est credere; cur enim dixisset, Deum Geometrizare, nisi ob summam Geometriæ excellentiam? cur omnes ageometretos à gymnasio suo arcebat? cur eas in ascensu ad summi Boni cognitionem naturali Philosophiæ prætulit? quam autem immerito in contrariā sententiam alij eum ad se pertrahant, infra apparebit, cum calumnias diluemus.

Sequatur tertio loco Procli ipsius autoritas, qui in primo, & secundo libro cōm. in Euclidem, totus est in Mathematicis, præcipue verò in Geometria summis laudibus cumulandis, easq; esse perfectissimas scientias sæpius non solum asserit, sed etiam demonstrat. Id igitur primum cap. 10. lib. primi aggreditur, ubi fuse ostendit ex Platone esse scientias, quæ cōclusionum causas afferant. i. perfectissimas habere demōstrationes. & cap. 5. lib. 2. de Euclide loquens, ait (*Præcipue verò circa Geometricam elementorum institutionem eum quispiam admirabitur propter ordinem, & electionem eorum, quæ per elementa distribuit, etenim non ea assumpsit omnia, quæ poterat dicere, sed ea duntaxat, quæ elementari tradere potuit ordine. Adhuc autem omnis generis syllogismorum modus, alios quidem à causis fidem suscipientes, alios verò à certis notis perfectos, omnes autem inuincibiles, & certos, ad scientiamq; accommodatos*) notanda sunt illa; à causis fidem suscipientes, quibus præcipue indicat, se in Demonstrationibus Euclidianis causas agnoscere.

Lib. deinde 3. in comm. ad primam Euclidis proposit. hæc habet; Quando igitur syllogismus Geometris per impossibile fuerit, symptoma tantum inuenire cupiunt, quando autem per præcipuam Demonstrationem, tunc rursus siquidem in particulari demonstrationes fiant, causa nondum manifesta est, si verò in vniuersali, in omnibus similibus continuo & ipsum propter quid manifestam fit. Ecce tibi iterum ipsum Propter quid in Geometricis. & in eod. com. post multa; illam autem, quæ demonstratio dicitur, quandoquidem propria Demōstrationi habentem inueniemus, & definitionibus Medijs quæsitum estendentem; hæc enim Demonstrationis perfectio est. Vbi obseruandum est apud Proclum Geometram uti definitionibus pro Medio; quod requiritur ad exactissimam Demonstrationē, ut ipse ait: quod declarat exemplo primæ Demōstrationis Euclidis, cum ait, quando autem per descriptionem circulorum, quod constitutum est Triangulum æquilaterum esse ostenditur, à causa apprehensio fit, æqualitatem enim circulorum causam æqualitatis laterum illius esse dicemus. Quid igitur apud Proclum clarius

clarius dici poterat? quæ tamen omnia aduersarij videntur clausis de industria oculis præterijisse; constat enim ex opusculo Piccolominei ipsum diligenter hoc consilio Proclum perlegisse; qui igitur fieri potuit, quin ea viderit. Sed hodie plurimi non ad verum, sed ad libitum philosophamur.

Placuit hos tres solos Platonem, Aristotilem, & Proclum ex veteribus pro nostra sententia in mediū adducere, propterea quod eos sibi adiungere cōtra omnem rationem nitantur aduersarij, vt ex prædictis iam satis liquidè constat. Reliquorum verò Philosophorum, tam Græcorum, quàm Arabū, aut Latinorum placita citare supersedeo, etiam si omnes vno ore Geometricas demonstrationes tanquam omnium exactissimas celebrauerint, vel teste ipso Piccolomineo, qui initio libelli de certitudine, Mathematica, sic ait; omnes ferè Latini, vt D. Albertus, D. Thomas, Marsilius, Egidius, Zimara, & pleriq; alij vno ore Auerroem interpretati sunt, dicere Mathematicas demonstrationes esse in primo gradu certitudinis, quod Mathematicus ex notioribus nobis, & natura demonstrat, quippe qui vel solus, vel maximè demonstratione illa, quam potissimam appellant, vtatur, qua. s. simul & quod effectus sit, & cur sit liquidò innotescit. Verum ipse omnium primus absolutè dici potest, cum nullus ante ipsum, cuius opera extent, id dicat; quamuis ipse falso Proclum, Arist. & Platonem sibi conetur adiungere. Post ipsum verò soli duo ferè Pererius, & Conimbric. eum sequuti sunt. At verò contrariam sententiā reliqui omnes post ipsum amplexi sunt; ex quibus solos duos, eosq; præstantissimos huiusce tempestatis philosophos allegasse sit satis. Toletum. s. & Zabarellam. Toletus enim quæst. 4. 2. Phys. in 3. conclusione habet ista; Physicus, & Mathematicus differunt in modo demonstrandi, Physicus enim frequenter vtitur demonstratione signi, & effectus, quia ipsius causæ frequentius sunt occultæ, nec per se sensibiles, effectus verò sunt sensibiles, vt mors, motus, &c. quæ ad sensum patent, quorū causæ à sensibus sunt remotæ. At Mathematicus frequentius à prioribus procedit cum eius causæ notiores sint effectibus, à sensu enim abstrahit, & in intellectu notius est, quod prius est. videas Lector, quàm sincere naturalis philosophiæ professor vera de Mathematicis loquatur, ita vt etiam eas illi præferat. Iacobus autem Zabarella in toto suo opere logico, perpetuò Mathematicas demonstrationes, vt potissimas agnoscit, exempla q; Arist. geometrica exponit tanquam vera, & omnino rebus ipsis accommodata; quare non est, cur vnum, aut alterum ipsius locum hic describamus. illud non prætermittam, ipsum fateri se bis, teruè totum Euclidem sedulo perlegisse, vt probè posset Arist. mentem circa demonstrationis naturam assequi, cum videret Arist. quæcunq; de demonstratione præciperet, omnia ad Geometricam normam, tanquam ad lydium lapidem examinare. Locus, ubi hæc ait, mihi è memoria excidit, certus tamen sum apud ipsum ea me legisse. quarto tandem loco, communi autoritate omnium antiquorum idem comprobatur, apud quos semper demonstrationes Geometricæ appellatæ sunt per antonomasiam demonstrationes, non rationes, non opiniones, non sententiæ, quemadmodum in reliquis philosophiæ partibus fieri solet. Sed iam ab autoritatibus ad rationes.

Prima. Vera, & perfecta demonstratio ex Auerrois sententia debet à notiori-

tioribus nobis, & natura procedere, tales sunt Geometricæ, ut paulo supra patuit, ergo ipsæ potissimæ erunt demonstrationes.

2. Ex Themistio cap. 2. suæ paraphr. 2. Poster. Demonstratio potissima debet ostendere, & quod, & Propter quid. quod profectò ceteris demonstrationibus melius præstant Geometricæ, & Arithmetica. v. g. demonstratio 32. 3. ostendit angulum in semicirculo esse rectum, quod omnino ignotum erat; & affert causam, quæ pariter ignorabatur. Idem ferè faciunt aliæ omnes. in Mathematicis verò medijs, in Physica, & Metaphysica effectus plerumq; noti sunt, sed causæ latent; dicendum igitur Geometricas demonstrationes ex Auerroë, & Themistio præstantissimas esse.

Tertia, quæ est eidentissima, sumatur ex resolutione aliquot demonstrationum. Quid enim opus est disputationem hanc per extraneas ambages agitare? cum liceat quasi in rem præsentem ire, & veluti demonstrationum anatome facta oculis ipsis earum media contueri. sed prius in memoriam redigendum est, illam esse perfectissimam demonstrationem, quæ non solum rei demonstrandæ causam propriam, & adæquatam affert, verum etiam, eidentissimè ostendit talem passionem ab illa causa procedere, ita ut non possit, ut ait Arist. aliter res se habere, in quo profectò Mathematicæ excellunt. Causa verò hæc in Geometria, & Arithmetica aliquando est materialis, quando scilicet vtuntur pro Medio partibus, respectu totius; vel est formalis, quando nimirum Medium est definitio subiecti, aut passionis. non tamen latet omnem perfectam demonstrationem alio sensu dici à quibusdam procedere per causam formalem, quia in ea continetur causalis definitio passionis, quæ definitio causam ipsius exhibet, & proinde tanquam forma ipsius est, quæ rem in esse constituit.

Secundò notandum est: Omnem demonstrationis discursum resolui tandem in aliquid, aut per se notum, aut à posteriori comprobatum. Satis. n. est, ut causa eidentur appareat, quocumq; id modo fiat. hoc dixi propter nonnullos, qui cum in Geometricæ demonstrationibus lineam, aut diuisionem aliquam, rei, quæ ostenditur, non intrinsecam animaduertunt, statim existimant eas per extrinseca demonstrare: sed decipiuntur; quia non animaduertunt lineas illas, aut partitiones, non esse medium demonstrationis, sed adhiberi ad medijs inuentionem, & connexionem cum passione. Quod autem eorum dubitatio omnino vana sit ex eo patet, quod plurimæ sunt demonstrationes, quæ sine vlla linearum constructione, aut diuisione comprobentur, uti sunt 15. 33. 34. 42. 36. in solo primo elementorum. atque hæc erroris eorum præcipua causa est.

His præmissis, primò ostendemus causam formalem in Geometricæ demonstrationibus reperiri, deinde materialem. idq; primò per resolutionem primæ Euclidis, quæ à causa formali procedit. & quia hæc demonstratio non theorema, sed problema est, idè sciendum, quòd minimè aduersarij animaduertèrunt, in omni problemate per quandam linearum constructionem doceri aliquid effici. v. g. in præsentì docet Euclides, quæ ratione descriptis quibusdā circulis circa datam lineam, ductisq; aliquot lineis modo præscripto, gignatur triangulū æquilaterum, ut rem consideranti manifestum est. quare nullo modo lineamenta illa, ut illæ circulorum semidiametri sunt extrin-

extrinseca rei, de qua demonstratur; quinimò subiectum ipsius sunt. Quia verò facta constructione, statim perspicuè apparet ortum esse triangulum, æquilaterum, non est illi curæ probare illud esse triangulum, sed quia an sit æquilaterum ignoratur, idcirco totus demonstrationis discursus versatur in demonstranda trium illarum linearum æqualitate.

Quem quidē discursum continere causam, quamvis per se pateat, vt mox apparebit, non deest tamē Procli autoritas adeò clara, vt magnopere mirer Piccolomineum Procli studiosum, eam non vidisse: Proclus enim in cōmen. huius demonstrationis hæc habet; quando autem per descriptionem circularum, quod constructum est triangulum æquilaterum esse ostenditur, à causa apprehensio fit; similitudinem. n. & æqualitatem circularum causam dicimus esse æqualitatis laterum illius trianguli. Quibus verbis non solum autoritas, sed ratio etiam optima, cur hæc sit demonstratio à causa, continetur, quia nimirum ostendit causam æqualitatis laterum esse, quia sint semidiametri æqualium circularum. Quæ argumentatio procedit à definitione subiecti, quod est circulus: quamvis non tota, sed tantum quatenus necessaria est, afferatur, idest definitio semidiametrorum, quod ad demonstrandum sufficit, vt benè notat Zabarella, loquens de hac ipsa demonstratione; cū igitur medium sit definitio subiecti, patet eam esse perfectam demonstrationem, in qua passionis ostensa allata est propria, & adæquata causa, quæ est natura circuli. sicq; Euclides optimè demonstrauit ex constructione, quàm præceperat, gigni triangulum æquilaterum. Subiectum igitur est illa circularum, ac linearum configuratio, medium definitio circuli, passio triangulum æquilaterū. ex qua demonstratione erui potest etiam definitio passionis causalis, idest, esse triangulum æquilaterum ex tali constructione ortum. Quare huic nihil deest ad perfectam demonstrationē. ex quibus videas, quā immeritò nonnulli eam impugnent, putantes eam esse per extranea; causa erroris fuit, quia existimarunt absolutè demonstrari triangulum illud esse æquilaterum. verū decepti sunt, quia in hoc, & in omnibus alijs problematis, demonstratur talem constructionem parere triangulum, vel quadratū, vel quid aliud, vt patet Euclidem, vel obiter inspiciēti.

Placet adhuc alteram à formali causa procedentem expendere. ea est 46. primi elem. quæ similiter problema est, quo docet Euclides, qua ratione supra data recta linea quadratum describatur. tradit igitur quandam linearum constructionem, ex qua postea demonstrat ortum esse quadratum, ita vt constructio illa sit loco subiecti, de qua demonstratur esse quadratum. non igitur intendit, vt nonnulli falsò putant, demonstrare absolutè illud esse quadratum, sed ex tali constructione ortum esse quadratum. duo autem sunt de essentia quadrati, primum habere quatuor latera æqualia, secundum habere quatuor angulos rectos, vt ex definitione constat. Neutrum autem sine altero sufficit, nā & Rhombus, quatuor latera æqualia habet, & Altera parte longius habet quatuor angulos rectos, neutrum tamen quadratum est. si verò vtrunq; simul cuiuspiam figuræ competat, illam necessariò quadratum esse efficient. Probat igitur Euclid. vtraq; euidenter inesse illi figuræ ex vi illius constructionis, & idē illi quadrati definitionem competere. Quare hæc erit potissima demonstratio, cū causam afferat intrinsecā, propriam, & adæ-

& adequatam, propter quam res est. Vbi notandum effectum re vera distinguere à sua causa, esse enim quadratum (qui effectus est) non est habere, quatuor angulos rectos solum: neq; habere quatuor latera æqualia solum, sed vtrunq; simul in eodem; vnde resultat totum, seu compositum, quod est quid diuersum à partibus seorsum sumptis. in demonstratione autem hac, causa sunt partes seorsim sumptæ; effectus verò est compositum, ex earum vnione resultans. Notandum præterea eandem demonstrationem procedere à definitione subiecti, nam illa duo quadrati essentialia, ex definitione eorum, quæ sunt in constitutione petuntur, quæ constitutio est instar subiecti, vt supra monui: ex hac autem definitione partium subiecti in demonstratione contenta, eruitur definitio causalis ipsius passionis, quæ est, quadratum est figura habens quatuor angulos rectos, & quatuor latera æqualia, ex tali constructione producta. Notandum tandem quouis modo siue à causa, siue ab effectu ostendantur illa duo essentialia quadrati, inesse ipsi, nihil referre ad demonstrationis perfectionem. Satis. n. est, si habeamus rei causam propriam, ita vt aliter se habere nequeat. sexcenta huiusmodi per formalem causam, apud Euclid. Archim. Appoll. & alios Geometras reperies. vide Appendicem, ad finem operis, in qua omnes primi elem. demonstrationes resolutas inuenies, plurimasq; à causa formali.

Sed iam materialem causam indagemus, idq; duce Arist. accipiamus igitur celeberrimam illam 32. primi elem. quam Mathematicis solent aduersarij opponere. & quoniam supra tex. 23. 1. Poster. nos eam per causam materialem procedere ostendimus, ideò ne actum agamus, explicationem illam nunc opus est relegere. Hoc tamen loco partem ipsius primam, angulum, videlicet externum cuiusvis trianguli, æqualem esse duobus internis, & oppositis, examinabo; cuius medium, si ad rigorem demonstrationis redigatur, est hoc; externus angulus est diuisibilis in duos angulos, quorum singuli singulis internis sunt æquales, ergo etiã totalis angulus erit æqualis ambobus internis simul sumptis. Quod autem externus angulus sit diuisibilis in duas partes æquales internis angulis probat diuidendo illum per lineam illam opposito trianguli lateri parallelam, vnde statim ex parallelarum natura apparet partiales angulos anguli externi æquales esse internis trianguli; ex quo sequitur totum externum angulum esse æqualem duobus internis simul sumptis. Hic autem modus argumentandi, à partibus possibilibus ad totum, esse à causa materiali, apud omnes Philosophos in cõfesso est, & Aristot. ipse tex. 3. 5. Metaph. id asserit. & tex. 11. 2. Poster. vitur simili exemplo ad materialem causam explicandam. quamuis autem Geometra non dicant talem angulum, vel talem figuram esse diuisibilem in partes æquales alijs quibusdam, sed statim diuidant, id faciunt breuitatis causa; vtuntur enim actu pro potentia, quia actus potentiam supponit, quod optimè Aristot. 9. Metaphys. tex. 20. annotauit, sic; Descriptiones quoque actu inueniuntur, diuidentes namque inueniunt, quod si diuisæ essent, manifestæ essent, nunc autem insunt potentia, &c. Cuius loci nostram superius allatam explicationem habes. per descriptiones autem intelligit Geometricas demonstrationes, vt sapius supra in opere ostensum est. Innumera sunt apud Geometras, quæ per hanc possibilem diuisionem procedunt, quæq; ideò sunt à causa materiali;

teriali; plures autem esse in primo elem. constat ex appendice in fine operis addita. Notandum hic quoq; causam esse natura sua distinctam ab effectu, non secus ac potentia ab actu; nam ex eo, quod possit aliquid diuidi in partes æquales aliquibus, sequitur illud totum esse actu æquale alteri. & est à priori, quia partes natura prius sunt toto, cum sint ipsius causa. Notandum hic etiam parallelam illam, qua angulus diuiditur, duci ad mediū demonstrationis indagandum, nequaquam verò ipsam esse medium, & idcirco demonstrationem hanc non esse per extrinsecam, nisi velis minorem propositionē per extrinsecam ostendi, quod libenter concedimus, cum istud demonstrationi nihil derogat. Est autem per intrinsecam, propriam, & adequatam causam illius æqualitatis, partes enim respectu totius sunt tales. est igitur potissima demonstratio, quod erat demonstrandum.

Postquam Euclides hanc primam propositionis partem demonstrauit, ostendit alteram. Omne triangulum habere tres, &c. quoniam partes duorum rectorum sunt æquales tribus angulis illis. quod medium pariter est à causa materiali, à partibus ad totum. Vide huius explicationem tex. 23. 1. Poster. ubi etiam videbis eam posse demonstrari modo Pythagoreorum, absque vlla diuisione, sed per partes actu existentes. hoc dico propter eos, qui per hasce diuisiones timent, ne non inueniatur medium à priori. sed vt deponant penitus hunc scrupulum, sciant in huiusmodi demonstrationibus, quibus aliquid æquale alteri adhibita diuisione demonstratur, sæpè accidere, vt non diuidatur, nisi vnus terminorum æqualitatis, quare ex parte indiuisi æqualitas causabitur à partibus actu præcedentibus, & constituētibus totum; quod videre est in vtraq; parte huius. 32. secundum Euclidem, & in 47. primi elem. & alijs plurimis.

Sed primò Piccolom. ex Proclo obijcit hæc (*Quando enim eo, quod extrinsecus angulus duobus internis, & oppositis æqualis est, ostenditur triangulum habere tres angulos æquales duobus rectoris, quomodo à causa est demonstratio hæc? nonne medium certum signum est? etenim neq; externo existente angulo cum interni existant, duobus rectoris æquales sunt; est. n. triangulum latere etiam non producto*) Pergit deinde Proclus demonstrare primam Euclidis demonstrationem esse per causam, & proinde veram demonstrationem. quod Piccolomin. in sua citazione callidè videtur reticuisse. Ad obiectionē respondeo primò. angulum externum in Euclidiana demonstratione minimè extraneum esse, quia in hac secunda parte assumitur pro subiecto demonstrationis, idest pro parte duorum rectorum, ipse enim cum angulo sibi deinceps facit duos angulos rectoris, quibus tres anguli trianguli probantur æquales: quod Proclus nō videtur vidisse. Secundò, si hæc Euclidiana illi nō probatur, accipiat de eadem re Pythagoricam, quæ absque angulo externo, & absq; vlla diuisione probat intentum; & erit omnis sublata dubitatio. Tertiò, si conuincerent aduersarij, quod nequaquam faciunt, hanc non esse à priori, sequitur ne propterea reliquas omnes esse ei similes, vt ipsi inferre conantur? minimè gentiū. quo logico iure ab vno particulari inferre volunt vniuersale?

Secundò, obijcies, passionem hanc, habere tres angulos, &c. non reciprocarum triangulo, seu non esse secundum quod ipsum, vt aiunt Logici: reperitur enim figura quædam præter triangulum, vt patet apud Proclum, quæ
C eandem

eandem habet proprietatem. Respondeo habere tres angulos rectilineos (de his. n. Euclides agit) æquales, &c. cum triangulo conuerti, nam Proclus eam conuertit. figura autem illa alia, quæ habet tres angulos æquales duobus rectis, non habet angulos rectilineos, neq; .n. rectilinea est, ut apud Proclum videre est: & ideo non est ad mentem Euclidis, aut Pythagoræ. sed iam cum Proclo concludamus, sic; quia etiam illud quoq; dicendum est, quod internos angulos duobus rectis æquales habere, per se, & secundum quod ipsum triangulo inest: idcirco & Aristot. in tractatu de demonstratione hoc exemplum habet in promptu, secundum quod ipsum considerans, hæc ille.

Aliam per causam materiale ex mente Arist. expendimus tex. 11. 2. Posterior. ubi ait, angulum in semicirculo esse rectum, quoniam est dimidium duorum rectorum, quod medium est in causa materiali, esse enim dimidium est esse partem. Causa igitur, quæ facit angulum illum esse rectum, est dimidia quantitas duorum rectorum, quæ ipsum constituit; sed fortè melius dicemus, si dixerimus, ideo esse rectum, quia est diuisibilis in duas partes, quæ simul sumptæ, sunt æquales dimidio duorum rectorum, siue vni recto. Linea verò per quam diuiditur, non est medium, sed medij manifestatiua. In sequenti appendice ad finem Operis plures alias videbis in solo primo elem. à causa materiali.

Neq; verò necesse esse existimo demonstrationem quampiam ex Arithmetica examinare, cum cõstet eam eodem prorsus modo cum Geometria demonstrare, ut planè in 78. & 9. elem. videre licet: imò quæcunq; hæcenus de altera sunt dicta, de vtraque intelligenda esse volumus, nam ut est apud Eutocium in comm. Apollonij: ταυτα γαρ μαθηματα, δοκουσι εμεν αδελαφα.

Contra prædicta generatim obijciuntur.

Primò, causæ istæ Geometricæ non videntur veræ causæ, non .n. satis videntur ab effectibus suis distingui: nam in causa formali partes definitionis sunt idè cum definito; & in causa materiali partes sunt idem cum toto, ergo non sunt veræ causæ, & proinde neq; veræ demonstrationes. Respondeo primò, supra dictum est, quando partes seorsim, & non ut totum componentes sumuntur, distingui à toto, quod partes unitas significat, & præterea formam compositi; quæ distinctio non est solius rationis.

Secundò, licet non appareat tanta distinctio hic, quanta in Mathematicis medijs, & Physica, est tamen tanta, quæ sufficiat ad perfectissimam demonstrationem, quod patet autoritate Arist. Platonis, Procli, & omnium Græcorum, Arabum, & Latinorum (præter duos, vel tres recentiores) qui oēs hæc demonstrationes perfectissimas, esse consentiunt, ut sup. diximus.

Tertiò, quantacunq; sit hæc distinctio, certum est eam non esse solius rationis, quod clarum est, primo apud eos, qui putant relationem distingui à fundamento, ut aiunt, realiter, modaliter, vel formaliter. Secundò, cõstat etiam apud reliquos omnes, præsertim apud recentiores, qui variæ eam nominant, alij .n. eam formalem, alij realem, alij modalem, alij ex natura rei,

rei, alij realem modalem, & alij alijs formalitatibus eam appellant; quibus singulis aliquam realitatem illi inesse significant, quæ sufficit ad perfectam demonstrationem. satis enim est ad perfectam demonstrationem, vt per eam causa propria, & adæquata effectus, iuxta rei naturam, detegatur, sic enim intellectui nostro fit satis, vt acquiescat, & verum intueatur, quod est finis perfectæ demonstrationis. neq; verò maior, aut minor distinctio facit, vt causa sit magis, aut minus vera, sed vera illa est causa, quæ verè causat effectum à se non ratione tantum distinctum: & proinde vera illa demonstratio est, quæ per eam demonstrat. quartò hæc, quamuis parua distinctio, multum tamen ex alia parte conducit ad demonstrationis perfectionem, ex ea enim fit, vt in demonstratione liquidò appareat, causam illam esse veram, & propriam affectionis demonstratæ, ita vt non possit à propinquiore procedere; quod in nulla alia scientia tam euidenter apparet.

Obiectio 2. Geometra ostendit eandem conclusionem per plures demonstrationes, ergò per diuersa media, atqui vnius effectus est vna tantum causa propria, & adæquata.

Respondeo primò, eandem rem ostendi quidem per plures demonstrationes, quarum vna est à priori, altera verò à posteriori. secundò, si omnes sint à priori, tunc essentialiter esse vnā tantum, plures verò accidentaliter, quia in omnibus erit idem medium præcipuum, sed constructio, qua illud detegitur diuersa, vt patet in 3.2. primi, quam aliter Pythagorici, aliter Euclides, aliter Proclus demonstrarunt, sed tamen in omnibus est idem Medium, causa scilicet materialis, quamuis diuersa sit constructio.

Obiectio 3. Demonstrationes Geometricæ non constant ex proprijs, & per se, non enim Geometra considerat essentiam Quantitatis, neque eius passionem, quatenus ab illius essentia manant, quare ex communibus quibusdam, & merè extrinsecis necesse est procedere. Respondeo ex dictis cap. 1. de materia intelligibili, & definitionibus Geometricis huic obiectioni abundè fieri satis. materia enim Geometriæ non est quantitas secundum se, sed quatenus terminata, cuius totam essentiam ex definitionibus essentialibus Geometra cognoscit: quorum vtrumq; aduersarios latuit.

Præterea falsum est, Geometram ex communibus pluribus scientijs procedere, quod vetat Arist. 1. Poster. procedit enim ex principijs communibus quantitatis terminatis, idest figuris, & numeris; quod non solum licet, sed etiam debet fieri ex 1. Poster. tex. 20. & 25. neq; vnquam idem principium repetit, nisi vbi est effectus formalis ipsius, & non nisi contrahendo ad illud particulare.

*Recentiorum calumnie aduersus Mathematicas
diluuntur. Cap. 3.*

Prima est, qua Alexander Piccolomineus, & eius sectatores malè contra Mathematicos Proclum adducunt, quod, vt manifestè videas, hic tibi describam integram Procli sententiam, quam ille mutilatam citat, & quidem græcè, vt melius lateat. libro igitur 3. in Eu-

clid. sic habet: At causam, & ipsum Propter quid Geometriam minimè contemplari pluribus visum est, huiusce enim sententiæ est Amphinomus Arist. duce. hæc sunt, quæ Piccolomineus græcè citat, quibus deinde subdit, quid amplius querimus pro hac sententia? sed non ne aduertis Lector, prædictam sententiam non esse Procli, sed Amphinomi cuiusdam nullius nominis philosophi, qui sub falso Arist. patrocinio Geometricæ causas auferre conabatur, quæ tamen ac si Procli ipsius esset à Piccolomineo in medium affertur. sed videamus, quæ Piccolomineus prætermisit, pergit postea Proclus. inueniet autem aliquis (inquit Geminus) huius etiam inquisitionem in Geometria, quo modo Geometrix non est querere qua de causa, in circulis quidem infinita multiangula inscribantur: in sphaeris verò multiangula solida æquilatera, & æquiangula ex similibus planis constructa infinita inscribere est impossibile. ad quem enim spectaret hoc inuestigare præter Geometram? Hæc est sententia Gemini à Proclo allata ad Amphinomi opinionem confutandam. Pergit postea Proclus ex propria sententia sic; Quando igitur Geometris syllogismus per impossibile fuerit, symptoma tantum inuenire cupiunt, quādo autem per præcipuam demonstrationem, tunc rursus, si quidem in particulari demonstrationes fiunt, causa nondum manifesta est, si verò in vniuersali, in omnibusq; similibus cōtinuò & ipsum Propter quid manifestum est. hæc est tota illius loci integra series, quā aduersarius mutilatam obtrudebat. vbi apertè vides, Procli de Geometria sententiam.

Secunda calumnia est, qua contra Mathematicos Arist. quamuis inuitum interpretantur. neq; solum loca ipsius clarissima ex analyticis, phycis, & metaphycis, quæ superius recitauimus in alienum sensum detorquent; sed præter ea vnicum tantum locum, qui expressè Mathematicis refragari videatur, afferunt, eumq; sibi falso fauere cōfingunt. is est in angulo quodam operum ipsius, in secundò videlicet Moral. Eudem. cap. 7. sic, in immobilibus autem, vt in Mathematicis non per se, sed similitudine quadam principia appellantur. cuius germana interpretatio non contra, sed pro Mathematicis est: loquitur enim ibi Arist. de principio efficiēte, à quo fiunt actiones humanæ, & per motum, vt doceret in homine esse principia quarundam actionum, quæ propriæ sunt hominis, & liberæ. talia autem principia negant esse in immobilibus, quoniam sunt entia necessaria, & libertatis expertia; esse tamen secundum similitudinem, id est, vt se habent principia libera ad actiones liberas, ita principia necessaria ad actiones necessarias: vnde sequitur, quod quemadmodū principia libera sunt ad æquata causa illarum actionum; sic etiam principia Mathematica erunt causæ ad æquata passio-nū Mathematicarum; quod ipse Arist. testatur paulo post, his verbis: nam si habente trigono duos rectos, necesse est, tetragonum quatuor rectis constare, clarum est, quod trigonus duos rectos habens causa eius existit. & vt intelligamus eum loqui de propria causa, quæ sit medium demonstrationis, subdit; id autem necessariò euenire patet ex analyticis. quare Mathematicis maximè fauet hic locus, contra quā aduersarij autumabant. nullus igitur locus apud Arist. reliquus est, qui nostræ sententiæ apertè non faueat.

Tertia, qua contra Mathematicos Platonem ipsum eximium Mathematicarum fautorem, ac studiosum excitare conantur; aiunt enim ipsum 7. de Rep.

Rep. dicere Mathematicos circa quantitatem somniare. Verum, ne fallacia subfit, ecce tibi Platonis verba è græco syncerè translata. Reliquæ verò, quas diximus verarum rerū quoquo modo esse participes, Geometriam scilicet, eiusq; comites circa ipsam essentiam quodammodo somniant: syncerè autem quicquam ab illis cernere impossibile est, tantisper dum suppositionibus hærent, easq; ratas, & immobiles adeo seruant, vt illarum rationem reddere nequeant. Aduerte primò Platonem non dicere Geometram absolutè somniare, sed quodammodo somniare: deinde non dicere circa quantitatem, sed circa essentiam: vnde si liberet funem cum eis trahere contentiosum, verbisq; hære, vt ipsi faciunt, nihil contra Mathematicos facerent. sed esto intelligat ipsam quantitatem, videamus quid sibi velit. vt autem istud videamus, sciendum est, totius 7. de Rep. discursum esse in constituendo Reip. Custode, & Gubernatore, quem in primis vult esse optimè natura, tam ad agendum, quàm ad speculandum idoneum: vult præterea, ipsum sapientissimum esse, idest Theologiam, quàm etiam Dialecticam nominat, optimè callere, per quam absq; vllò discursu rerū, ac præcipuè summi Boni essentias contempletur. ad hanc diuinam contemplationem, vt peruenire possit, opus ait esse eum humanis aliquot disciplinis imbutum esse. totam autem Philosophiam inibi partitur in tres partes, in Dialecticam, seu Theologiam, quam intellectui attribuit absque vlla suppositione, & discursu: hancq; solam scientiæ nomine dignam esse existimat. secundò, in Mathematicam, quam in cognitione, seu ratiocinatione collocat, & propterea principia supponit. tertio tandem in opinionem, quæ versatur circa res naturales, quæ in imaginatione ab eo collocatur. Iuxta hanc trimembrem diuisionem ex Platonis sententia sic habet Marsilius Ficinus in argumento huius 7. de Rep. Diuina siquidem in tribus aquis representari videntur, primò quidem licet cõfusus in rationibus physicis. secundò, distinctius in Mathematicis. tertio, clarissimè in Metaphysicis. & paulo post: Diuinas deniq; formas omnino immortales, resq; veras Plato existimat, quarum imagines quidem sunt mathematicæ formæ, vmbrae verò res naturales. & postea: Cum autem animaduertat Thaletem, Democritum, Anaxagoram, tam negligentes in rebus diuinis fuisse, quàm diligètes in naturalibus; Phærecidem contra, & Pythagoram, Pythagoreosq; omnes Mathematicorum Principes pariter summos extitisse Theologos, moribusq; diuinos, meritò partim ratione, partim experientia concludit curiosum naturalium studium animum à diuinis sæpè auertere. & post nonnulla: Quare septimus hic liber de Rep. vbi animum ad summum Bonum, Solemque, idest Deum, ideasq; diuinas, quasi stellas, conuenientibus producit gradibus, nullam in ipso ascensu naturalis peritiæ facit mentionem, sed mathematicos quosdam gradus ad Diuina commodius perducentes adducit in medium, inter quos duo sunt puri, Arithmetica, & Geometria, &c. reliquas deinde Mathematicas Plato enumerat, ac singillatim commendat, atq; in Rempub. admittit. post multa iterum Ficinus sic, cum ergò dicit, animam à lucerna ad Lunam, à Luna ad Solem attolli, significat Plato à formis naturalibus ad Mathematicas, ab his ad diuinas deniq; eleuari. & nonnullis intermissis, deniq; Theologiam, quam etiam Metaphysicam, & Dialecticam dicit, omnibus facultatibus

ratibus anteponit, vt ducentem omnes, & ad suum officium vtentem ministerio singularum. officium autem eius esse per totam entis progredi latitudinem, atq; ad ipsum Bonum totius entis causam, se cōferre, & quid vnumquodq; sit definire, rationem cuiusq; essentiæ assignando, quidū quamlibet sequatur essentiā demonstrare. Ceteras autem facultates præ huius nobilitate iudicat esse seruales: aut enim ad opiniones hominum declinant, aut saltem etsi ad incorporea se se pro viribus erigunt, nihilominus circa illa quodammodo somniant, quales esse inquit Mathematicas. ex quibus iam clarè vides Platonem dixisse Mathematicas quodam modo somnare circa essentiā rerum, non absolutè, sed comparatione ad Theologiam: intelligis etiam cur Mathematicas nolit scientias appellari, quia nimirum solam Theologiam hoc nomine dignam censebat: qua de causa minus Physicam, eodem nomine dignam putauit, cū eam opinionem, Mathematicam verò cogitationem, vel ratiocinationem dicat. ob eandem comparationem asserit etiam Mathematicas minus esse certas, quam Theologiam, quoniam, scilicet hæc nihil supponit, nihilq; discurret, sed intuetur: illæ verò iactis quibusdam principijs, quæ probari nequeunt, discurrunt, proptereaq; in ipso discursu potest error aliquis contingere. eandem huius loci explicationem habes apud Proclum cap. 10. lib. 1. in Euclid. sic; Verum quid sibi velit Plato, quando in libris de Rep. à Mathematica scientiæ nomen abstulit breuiter dicam. & paulo post; hanc deniq; scientiam, quam ab artibus distinguimus diuidens, vnā quidem suppositionis expertem esse vult, alteram verò ex suppositione scaturire. & post pauca: & sic ait Mathematicam tanquam suppositionibus vtentem ab ea, quæ suppositionibus caret, perfectāq; est scientia deficere: vna enim verè est scientia, per quam omnia, quæ sunt cognoscere apti sumus. perspicuè igitur vides auctoritate horum philosophorum hæc omnia Platonem non absolutè, sed comparatè dixisse.

Post hæc Ficinus iterum ex sententia Platonis sic pergit: quoniam verò differendi facultas, si adolescentibus tradatur opinionem honesti debilitat, vnde euadunt intemperātes, imò & superbi, & impij, vt in Philebo quoque, & legibus dicitur, idcirco ante trigésimum ætatis annum in Mathematicis erudiendi sunt, atq; in publicis negotijs per interualla pariter exercendi. concludamus tandem hæc pulcherrimo eiusdem 7. de Rep. loco, quem etiam Proclus lib. 1. cap. 8. ad verbum ferè sic recitat: Ideo & in Repub. Socrates rectè dixit, oculus, nimirum animæ, qui ab alijs studijs excœcatur, defoditurq; à Mathematicis tantum disciplinis recreari, excitariq; rursus ad eius, qui est, contemplationem, & à simulacris ad ea, quæ vera sunt: nam pulchritudo, & ordo Mathematicarum rationum, firmitudoque, ac stabilitas contemplationis, nos ipsis coniungit intellectibus, perfectèq; in ipsis obfirmat, perpetuò quidem manentibus, & diuina pulchritudine colliucentibus, ac mutuum ordinem seruantibus. Animaduertisti Lector ex his paucis, quot laudibus in hoc 7. de Repub. Mathematicæ à Platone cumulentur, vt totus ferè liber quoddam ipsarum encomium videatur: vnde mirum sit, istos ex eodem septimum locum illum contra Mathematicas, inter tot ipsarum præconia sedulò emendicasse, ac perperam interpretatos esse: sicque Araneos imitatos esse, qui ex mellifluis floribus, ex quibus Apes mella, venenum colligunt.

ligunt. Verumenimuerò quis vnquam de Platonis mente erga Mathematicas dubitare poterit, cum ipse omnes ageometretos è suo gymnasio reiiceret; cum quotidie, vt ex Philopono refert ipse Piccolomineus auditoribus suis aliquod Problema Mathematicum proponeret. qui de legibus 6. & 7. de singulis Mathematicis addiscendis leges sancit, vbi Geometriã adeò extollit, vt asserat, asymetriad quantitatum ignorare, non hominũ, sed porcorum, ac pecorum ignorantiam esse. In Epinomide tandem quàm digna, quàmq; præclarè de Astronomiã, deq; Geometria, & Arithmetica, quæ ad eam conferunt, prædicat. præcipua autem Astronomiæ laus ibi tradita est, quod ea, inter omnes scientias, animum ad cœlestia, atq; diuina attollit, indeq; ad summi Boni cognitionem, atq; amorem allicit, quam veram esse sapiëntiam diuinitus inibi Plato pluribus fatetur. plura alia Platonis loca breuitatis causa, prætereo; quis enim, vel leuiter eum attingit, qui non perspicuè videat, eum super omnes Philosophos esse Mathematicarum commendatorem eximium.

Quarta est Mathematicas, Geometriam præsertim consistere in imaginatione potius, quàm in discursu, & proinde scientias esse puerilis ingenij, cum pueri valeant imaginatione. accedit authoritas Arist. qui 6. Eth. cap. 8, ait, quid est, quod puer fieri Mathem. potest, sapiens, aut naturalis non potest? præterea, quia antiquitus pueris ante alias tradebantur. Respondeo, quod, vt in præcedenti responsione dictum est ex Plat. sententia, non imaginatio, sed retiocinatio, seu cogitatio versatur circa Mathematicas, imaginatio autem circa naturalem Philosophiam; sed audi Platonem in eodem septimo. Placet igitur, ait, primam partem vocare scientiam, secundam cogitationem, tertiam fidem, postremam imaginationem. Constat autem vltimas duas ab ipso collocari in naturali peritia. adest etiam Procli authoritas, qui cap. 5. lib. 1. sic habet; Instrumentum itaq; aptum ad iudicandum cunctas res Mathematicas cogitationem ex Platonis sententia statuimus, quippe quæ opinione quidem superior est, ab intelligentia verò superatur. Per cogitationem verò intelligendum esse quendam mentis motum, idest discursum, tum ex vi græcè vocis *Νοηματος*, tum ex vi Latinæ vocis manifestum est; cogitatio enim dicitur quasi coagitatio. s. mētis, quæ idem est cum discursu, aut ratiocinatione: quare manifestum est horum Philosophorum autoritate ratiocinationem versari circa Mathematicas, imaginationem verò circa res physicas, contra quam ipsi contendebat. Verum quid opus est autoritate, vbi res ipsa videri potest, consideret quilibet Geometricas demonstrationes, clarè videbit opus quidem esse non mediocri imaginatione, sed multo maiori discursu, sunt enim in nonnullis, 50. & 60. consequentiæ, vna post alteram inuicem connexæ. Sed quid dico in nonnullis cum totum Euclidis opus sit perpetua quædam illationum catena mirabilis, ita vt vltimæ ipsius demonstrationes contineant, si resoluantur consecutionum miriadas; at verò omnis illationis expers prorsus est imaginatio. Si verò ipsarum inuentionem consideremus, admirabiles omninò videbuntur, tum quia res omnino abstrusas, & abditas demōstrant, tum quia media, quibus eas cōprobant, diuino ingenij acumine indigent, vt inuestigentur; vt propterea earum authores nomina sua immortalitati consecrarint; sic Thale-

tis

tis Milesij 5. primi; Oenipodis 11. Pythagoreorum 32. Pythagoræ ipſius 47. inuentorū adhuc nomina celebrantur: Hippocrati quadraſſe lunulam, Archimedi Parabolam, quantam gloriam peperit? Apollonij Pergei Conica magni Geometræ nomen ei compararunt. hæc & plura alia non ſolum puerilis ingenij acumen, verum etiam virilis captum magnis ſpatiis ſuperare videntur. Cur autem Ariſt. dixerit puerum fieri poſſe Mathematicum non autem ſapientem, aut naturalem, ipſe declarat, quia nimirū in vtraq; eorum opus eſt experientia, quæ in puero non eſt, experientiam enim aſſert temporis longitudo: facilius tamen puer moralia intelligit, quam Geometrica, facilius enim eſt intelligere quid virtus, quid vitium, &c. quam quintam, aut ſeptimam primi; non ideo tamen puer erit prudens, quia prudentia non ſpeculatiua, ſed practica eſt, Itaq; quod puer ſapiens, aut naturalis eſſe nequeat, defectus non eſt ex parte intellectus, ſed ex parte experientiæ. Neque præterea dicendæ pueriles ſunt, quòd antiquitus, vt vult etiam Plato, pueris primò traderetur, quandoquidem in illis totius ætatis robur, & florem inſumebant, cū ad 30. vſq; ætatis annum in eis, occuparentur. pueriles meritò dicerentur, ſi in pueritia tantū eis operam dediſſent. Dicam ſyncerè, quod ipſe, dum eas per plures annos docerem expertus ſum; quoſcunq; reperi ingenio in Mathematicis pollere, hi pariter in alijs omnibus excellebant. Requirit enim ſtudio omnes ingenij partes, imaginationem, diſcurſum, & memoriam. Idcirco veteres puerorum ingenium ad Mathematicas quaſi ad Lydium lapidem experiebantur; ijsq; inepti à reliquis ſtudijs arcebantur. audi Platonem 7. de Repub. An & hoc aduerſiſti, quod homines natura Arithmetici ad omnes doctrinas, vt ita dixerim acuti videantur.) & poſtea concludens ait, propter omnes, quas adduximus rationes, haud quaquam negligenda hæc ſunt, ſed in his præcipuè erudiendi, qui optimis ſunt ingenijs.

Quinta, Geometria carpitur, quòd plures habeat demonstrationes per ſuperpoſitionem factas, qui modus demonſtrandi videtur aduerſarijs valdè imperfectus, ac penè ridiculus. Sed ſciendum primò in toto Euclide eſſe tantūmodo tres per ſuperpoſitionem. Secundò, eas eſſe tam perfectas, ac euidentes, quàm reliquæ; falluntur, qui putant illam ſuperpoſitionem eſſe demonſtrationis medium, eſt enim loco conſtructionis: neque, quæ probanda ſunt æqualia, ea ſuperponuntur, vt ipſi putant, hæc enim ratio nullius eſſet momenti, nec Geometrica, ſed Phyiſica potius, niſi eretur enim ſenſibus: ſed ſuperponuntur quædam, quæ æqualia ſunt, vt ex eorum ſuperpoſitione appareat æqualitas eorum, quæ non ſuperponuntur. Conſidera quartam primi videbis ibi ſuperponi quædam latera æqualia duorum triangulorum, vt deinde baſes, quæ non ſuperponuntur, inferantur eſſe æquales: & ratio, qua probantur æquales eſt, quia congruunt, non quia ſuperponuntur, vt ipſi putant, nec intelligunt, quodnam ſit illius demonſtrationis medium.

Sexta calumnia ridicula, eſt cuiuſdam, qui Geometras reprehendit quòd ſæpè vtantur circulo, vt patet, in prima, 6.4. & 8. primi elem. ſi. n. loquatur de circulo, qui figura eſt, in ſola earū prima is adhibetur, vt patet, vel figuras ipſas more puerorum ſpectanti: ſi loquatur de circulo, quòd vitium eſt in demonſtrando, id multo magis falſum eſt, cū in nulla earū reperiatur.

Septi-

Septima est, qua dicunt Geometras non habere materiam veram, & propriam, ea enim Physica est, & proinde neq; causam materialem. Sed dicendum est Geometras quidē carere propria materia physica, non carere tamen propria materia Mathematica, quæ est illa intelligibilis, de qua cap. 1. dictum est.

Octava, est cuiusdam dicentis, opinionem communē esse, Mathematicam non esse propriē scientiam; sed hoc manifestē falsum est, cum inter tot Philosophos Græcos, Arabes, Latinos, solum ipse duos, vel tres huius sententiæ in medium possit afferre, Piccolom. .s. quem sequitur Pererius.

Nona, est alterius, qui Geometras damnat, quod plura reuocant ad illud vniuersale axioma, quæ sunt eadem vni tertio, sunt eadem inter se. Verum iste malē Geometrarum principia nouit, axioma enim illud, nusquam apud Mathematicos reperitur, neq; reperiri pōt, cum quantitatē non inuoluat.

Decima, qua dicunt entia Mathematica non extare: sed ex initio dictis de materia intelligibili hæc nota satis detergitur.

Vndecima, abstractionem à materia multū derogare perfectioni Mathematicarum demonstrationum; cui respondeat eruditissimus Toletus, qui in 2. Phys. quæst. 4. sic ait: Physicus frequentet utitur demonstratione effectus, & signi, quia ipsius causæ frequentius sunt occultæ nec per se sensibiles, ac Mathematicus frequentius à prioribus procedit, cum eius causæ notiores sint effectibus, à sensu .n. abstrahit, & in intellectu notius est, quod prius est. Postea in 4. conclus. sic ait: omnem physicæ imperfectionem à materia pendere, vnde Arist. 2. Metaphy. tex. 16. tradens huius non exactæ certitudinis rationem ait: natura materiam habet: & post pauca: At res Mathematicæ, cum ab hac materia separent simpliciter necessariae sunt, semper enim omnis triangulus habet tres angulos æquales duobus rectis. ex quibus apparet omnem Mathematicarum perfectionem oriri ex abstractione, contra quā putabat aduersarius.

Duodecima est, Mathematicas abstrahere à Bono: verum eas ab ea liberat Arist. dum lib. 13. Metaphys. ait: qui dicunt Mathematicas scientias nihil de bono, vel pulchro dicere, falsum dicunt: dicunt enim, & maximè ostendunt, nam etiam si non nominant, quia tamen opera, & rationes ostendunt, non ne dicunt de eis? pulchri namq; maximè species sunt, ordo, commensuratio, & definitum, quæ maximè à Mathematicis scientijs ostenduntur.

Decimatertia est, Geometriā, & Arithmeticā, vt sunt speculatiuæ scientiæ esse inutiles, atq; iniucundas. Sed hæc oppositio in omnes quadrat speculatiuas, quæ non vtilis, sed gratia sui sunt. quod maximè ij solent opponere, qui scientias, vt ille cecinit cauponantur, seu qui eas quaestuosas faciunt. Verum hos animo mercatores potius, quàm Philosophos amandemus ad cap. 8. 9. & 10. libri primi Procli, vbi fusè de vtilitate earū omnium differit. Quod si Philosophus sit, qui hæc opponat; huic illa sufficiat vtilitas, qua loca omnia Arist. Mathematica, quæ ferè quadringenta sunt, faciliè Mathematicarum auxilio intelliguntur, sicq; ad plenam totius Arist. intelligentiam, tandem perueniri potest.

Quod attinet ad delectationem inuenient, inibi apud Proclum hæc, qui Mathematicarum disciplinarum cognitionem spernunt, voluptates, quæ in

D

ipsis

ipsis sunt, minimè degustarunt. & qui Mathematicas ignorant iecunas capiunt voluptates. Ex quibus fit, vt viri nobiles, ac Principes, qui non lucrandi, sed philosophandi causa literis dant operam, Mathematicis maximè studijs delectentur. inter quos celeberrimi extiterunt, ex antiquis quidem Archimedes Regum Siciliae consanguineus; Boetius vir consularis; Alphonfus Rex Hispaniarum; nostra verò ætate Marchio Guidobaldus, Princeps Ticho Brahe; Franciscus Candalla, & alij complures, quorum monumenta in omne æuum permansura mundus admirabitur.

Decimaquarta, subiecti ignobilitatem Mathematicis exprobrant, quod videlicet sit accidens. sed respondetur primò, quod quamuis sit accidens, est tamen immateriale, & abstractum, qua ratione inter subiectum Physicæ, & Mathematicæ collocatur. secundò, melius esse de aliquo accidente veritates innumeras cognoscere, easq; admirabiles, quàm circa substantiã materialem præsertim, mille opinionum turbis, ac dissensionibus perpetuò huc illuc agitari, neq; vnquam ad vllius substantiæ cognitionem peruenire. tertio, in Mathematicis medijs aliter se habere, vbi non nudam quantitatem, sed vel cœlestia corpora omnium nobilissima, vel sonos musicos, vel visionis modos, ac deceptiones, vel causas virium machinarum eodem fine, ac scopo, quo ceteri Philosophi cætera contemplantur.

Decimaquinta est, quod siue ioco, siue ex eruditionis ignoratione addunt Mathematicos legibus tum prophanis, tum sacris sæpius proscriptos, ac damnatos fuisse; atq; olim non rarò Imperatorum editis Romano imperio pulsos. Verùm istis nequaquam opus esset respondere, cum vix nullus adeò eruditionis expers reperiatur, qui ignoret illos pseudomathematicos fuisse eos, qui, & quidem aptius, & Genethliaci, & Chaldaei, & Iudiciarij dicebantur. quorum doctrina nullo mihi pacto probari potest, cum nullis nec experientijs, nec rationibus fulciatur, sed mera vanitas, atq; impostura, sæpè etiam superstitio sit. vt propterea mirandum sit, cur non penitus huiusmodi artes de medio tollantur, sed quod ait Cor. Tacitus lib. 1. histor. hoc genus hominum potentibus infidum, sperantibus fallax, in Ciuitate nostra, & vetabitur semper, & retinebitur. lege libros 12. Pici Mirandulani contra Astrologos. accedunt præterea Tycho, & Keplerus, qui quamuis Astronomi, Astronomiam tamen istam pluribus improbarunt. Calumniosè tamen ij faciunt, qui illorum nebulonum culpam in omnes Mathematicos transferre gestiunt. Atq; hæc tantummodo dicta velim, ne simpliciores ab istis calumniatoribus decipiantur.

Decimasexta, qua in vniuersum proponunt hoc modo, vtrum Mathematicæ habeant perfectas demonstrationes, postea in discursu multa contra eas adducunt, quæ tandem in fine tractationis contra solas Geometriam, & Arithmeticam valere fatentur. Quare nisi lector ad finem vsq; omnia perlegerit, quod rarò accidit, decipitur, putat enim in omnes Mathematicas illa quadrare, cum tamen ipsi fateantur, se nunquam loquutos esse de medijs Astronomia, Musica, Optica, Mechanica, quibus inesse veram scientiæ demonstratiuæ rationem libenter concedunt.

Decimasextima, est cuiusdam recentissimi Philosophi, qui vbi pluribus contra Mathematicas disseruit, nihil, vt fieri solet, sibi obijcit, verum complura

plura Arist. & veterum philosophorum loca sibi aduersantia dissimulat: tandem, quod nullus adhuc ausus est, concludit Mathematicam nullam esse Philosophiæ partem, cum tamen apud Arist. & omnes peripateticos nihil frequentius occurrat, quam tres esse philosophiæ partes, Physicam, Mathematicam, & Metaphysicam. ait præterea sæpius certitudinem Mathematicam ex eo provenire, quod ad sensum ostendant, seu quod sensu ipsarum veritates percipiantur; quod omnino falsum esse sæpius supra probatum est, cum eorum materia sit omnino intelligibilis, non autem sensibilis, & nullus est, qui eas, vel leuiter attigerit, qui istud palam non fateatur.

Scias deniq; candide Lector, me sincere omnia, & solius veritatis amore hucusque dixisse, vt experiri poteris, si autores, quos citavi, adieris, quod vt facias, obsecro, plura enim, quam dixi, reperiēs. è contrariò vidisti, quàm sollicitè, alij, quorum munus esset eas fouere, ac tueri, cōtra pulcherrimas hæc facultates, nescio quo consilio tam sollicitè egerint.

*De præstantia scientiæ, quam nobis pariunt Geometria,
& Arithmetica. Cap. 4.*

Scientiarum nobilitas, atq; præstantia non ex subiecto, & medio solum, verum etiam, & quidem multò magis ex notitia, quæ per illas acquiritur, quippeq; illarum finis est, pensanda est: quanto enim hæc præstantior, ac nobilior est, tanto etiam illæ excellentiores sunt habendæ. Verumenimverò, vt ait Arist. initio 2. Metaphys. Finis scientiæ est veritas. quod & Plato confirmat, dum in Symposio asserit, animi cibum esse veritatem, atqui Geometria, & Arithmetica, cum semper euidentiā pariant, semper etiam veritatem consequuntur, vnde Arist. 1. Ethic. cap. 7. Geometram appellat veritatis speculatorem. cum præterea reliquæ scientiæ (Mathematicis medijs exceptis) rarò euidentiā pariant, rarò etiam veritatem assequuntur, sed ferè semper opiniones gignent, vnde eas meritò non scientias, sed opiniones Plato voluit appellari: sequitur absolutè dicendum esse, Mathematicas reliquarum scientiarum præstantissimas esse; quemadmodum inter opiniones præstantissimum quid est veritas.

Neq; verò solum huius notitiæ excellentia à veritate desumitur, verum etiam ab admirabilitate, sunt enim conclusionēs Mathematicæ (paruis exceptis) admirabiles veritates, licet enim cum Cicer. primo de orat. sic admirati; quis ignorat, ij, qui Mathematici vocantur quanta in obscuritate rerum, & quàm in recondita arte, & multiplici, subtiliq; versantur? Et verò quis non admiratur, cum intelligit, omne triangulum habere tres angulos æquales duobus rectis? & omnem figuram rectilineam habere angulos externos, etiamsi mille sint, æquales tantummodo quatuor rectis? Item, duo parallelogramma super eadem basi, & in iisdem parallelis constituta, æqualia esse, etiamsi alterum quantumuis longum efficiatur? quàm admirabilis est 47. primi, pro cuius inuentione Pythagoras Musis Hecatombas immolauit? In secundò deinde Elem. lib. quàm subtilis est 14. quæ rectilineo cuius quadratum exhibet æquale. In tertio postea, quot quantaq; an-

gulus ille contingentiae continet miracula, qui quamuis quantus sit, nequit tamen à linea recta partiri. sed ne longior sim, quis in 10. libro considerans illam tot magnitudinum asymmetriam, & diametrum esse costae incommensurabilem, non magnopere obstupescit, atq; cum Platone non asserit illius ignorantiam, non hominum, sed suum, ac pecorum esse? In 13. quanto stupore afficimur in illa quinq; regularium corporum in eadem sphaera inscriptione? & cum intelligimus quinq; tantum in tota rerum natura reperiri posse solida regularia? meritò igitur Cardanus lib. 16. de subtilit. ait; Euclidis sunt duae praecipuae laudes, inconcussa dogmatum firmitas libri elementorum, perfectioq; adeò absoluta, vt nullum opus iurè huic comparare audeas, quibus sit, vt adeò veritatis lux in eo refulgeat, vt ij soli in arduis quaestionibus videantur posse verum à falso discernere, qui Euclidem habeant familiarem.

Quod si ad Archimedis opera oculum conuertamus, quam sapè nos ea reddunt stupefactos? vt dum ostendit triangulum quoddam esse dato circulo æquale. dum Parabolam ad quadratum redigit: dum planorum centra gravitatis rimatur: dum totius arenæ mundum vniuersum complentis numerum subducit: dum quodlibet pondus, atq; adeò mundi machinam loco dimoueri posse, vel ab vnica formica demonstrat. quamquam hæc duo ad medias pertinent. At libellus de lineis spirales, & alter de ijs, quæ in aqua vehuntur, quam admirandi sunt? De sphaera postea, & cylindro varia demonstrans, quanto & alios, ac se ipsum spatio superat, vt dum inter cætera diuino planè acumine ostendit cuiuslibet sphaeræ superficiem quadruplam, esse circuli eiusdem maximi. Item si tria hæc, cylindrus, sphaera, & conus, sint in eadem altitudine, eorumq; bases sint circuli maximi illius sphaeræ, habere inuicem proportionem, quam habet hi numeri 3. 2. 1. quare ob tam præclarum ingenij monumentum, sepulcro ipsius marmoreo sphaera, & cylindrus marmorei sunt impositi, quemadmodum Cicero lib. 5. Tusc. narrat, vbi etiam magnopere gloriatur, se cum in Sicilia Quaestor esset, illud ignoratum ab Syracusanis septum vndique, ac vestitum vepribus, & dumetis indagasse sepulcrum. meritò igitur Cardanus lib. 16. de subtil. eum tanquam ingeniorum Phænicem supra omnes subtilitate præstantes viros, atq; adeo supra Aristot. ipsum duplici ordine euexit; Archimedes, inquit, primus sit non solum ob monumenta illius nunc vulgata, sed ob mechanica, quibus vires Romanorum sapius fregit. Apollonius deinde pergeus cognomento Magnus Geometra, nulla ratione Archimede inferior, quam mira, quam abstrusa in suis conicis in lucem profert? sed inter cætera illud admirandum; inueniri duas lineas, quas vocat asymptotas, quæ si in infinitum producantur, semper magis inuicem accedunt, nunquam tamen concurrunt. missos facio Hipficlem, Theodosium tripolitam, Menelaum, Serenum, Pappum, & alios, quorum opera omnem superant admirationem, eaq; mirabili adeo connexionem, ac certitudine tradita, vt nullus sit, qui priscis illis Geometris ingenio cedere libenter nolit. Quapropter cum Cardano lib. 16. de subtil. hanc partem concludamus; nihil mirum igitur, inquit, Geometriam esse, omnium scientiarum subtilissimam, quæ cum tamen à manifestissimis initium ducat, meritò ansam præbuit, vt prima omnium etiam pueros doceretur.

retur. mirum est, quam breui ex apertissimis ad obscurissima trahat, & ex humillimis in altissima statim assurgat.

Sed iam Arithmeticae etiam fructus inspiciamus: in qua præter ea, quæ Euclides, Iordanus, & Maurolicus egregia sanè adinuenerunt, quàm mirabile est illud veluti scientiarum monstrum, ac portentum, quod Algebram vocant? nihil fortasse in tota peritiæ Encyclopædia subtilius, profundius nihil, non humano ingenio par est, sed quid cœlitus reuelatum dixeris: numeros illos, quos surdos vocant, & qui nullo modo exprimi possunt, addit, subtrahit, multiplicat, diuidit, perinde ac si numeri communes essent: illis verò, quos minores, quàm nihil cōfingit, quid abstrusus? quibus tamen vtriusq; admirandas adeò dissoluit quæstiones, & enigmata, vt ij, qui hanc callent eruditionem, nihil in numerorum infinita ditione obscurū, nihil arduum timeant; vt propterea eos non homines, sed vel intelligentias quasdam separatas, aut præstigiatores quosdam esse existimes.

Hanc tandem Geometriæ, & Arithmeticae tractationem absoluentes, ex prædictis breuiter earum prærogatiuas sic perstringamus: quarum.

Prima sit, quòd omnes scientiæ partes ab inuicem distinctas obtinent, videlicet primo loco definitiones, easq; essentielles. Secundò, postulata. Tertiò, axiomata, quæ sunt tria principiorum genera; ex quibus scientia deducitur. quapropter quarto loco succedunt propositiones cum suis demonstrationibus: quæ partim problemata, partim Theoremata sunt. hunc porrò doctrinæ ordinem pulcherrimum ab Arist. etiam traditum, præterquam in Mathematicis, & maximè hisce puris nusquam est reperire.

Secunda, ex principiorum autem præmissorum certitudine fit, vt procedant à notioribus nobis, & natura.

Tertia, quòd omnes earum comprobationes sunt demonstrationes, partim à priori, partim à posteriori, vbi nihil probabile, nulla opinionum discordia, sed totum euident, concors, & verum cernitur.

Quarta, demonstrationes à priori sunt tantum à causis intrinsecis materia, & forma.

Quinta, demonstrationes earum, vt plurimum, & quòd, & propter quid simul manifestant.

Sexta, est mirabilis, & perpetua demonstrationum connexio, & dependentia ab inuicem.

De Mathematicis medijs, Astronomia, Perspectiua, Mathematica, Musica. Cap. 5.

DE materia harum, cum apud Philosophos conueniat, nihil est, cur de ea dicamus. Eas verò habere perfectissimas demonstrationes, quibus etiam mirabiles veritates, easq; scitu iucundissimas nobis patefaciunt, vna, eademq; opera breuiter demonstrabimus. non deest tamen Arist. autoritas 1. Poster. tex. 30. afferentis eas habere causas demonstrationum, sic. Hic enim ipsum quidē quòd sensitiuorum est scire, ipsum verò propter quid Mathematicorum, hi namq; habent

bent causarum demonstrationes. loquitur ibi de medijs hisce facultatibꝫ. vide nostram illius loci explicationem superius allatam; aut si mais aliorũ. sed iam rem ipsam oculis inspiciamus.

Et, vt ab Astronomia initiũ faciamus, demõstratio eclypsis Lunæ (etiam Arist. eiusq; interpretibus præcipuè Zabarella testibus) non ne potissima? nam affectionis illius, seu defectus propriam, & adæquatam causam euiden- tem facit, interpositionem, videlicet terrę. Idem de solari defectu dicen- dum, cuius causam ostendunt esse Lunæ obiectionem. quas demonstratio- nes ab Astronomis inuentas esse ex ipsorũ libris constat. & quòd medio vtã- tur Geometrico, nimirum circulo, & diametris, & diametrali oppositione. quàm deinde certæ sint, patet ex eclypsum infallibili prædictione.

Secundò, cur Sol plures dies in parte Zodiaci æstiuæ; quàm in hyberna moratur? causam afferunt Apogæum.

Tertiò, cur Luna successiuè illuminatur? quia sphærica est.

Quartò, cur in horologijs solaribus tropici sunt lineæ curuę? æquator verò linea recta? quia illi sunt sectiones conicę, æquator verò est sectio duo- rum planorum.

Quintò, cur Sol non totam simul terram illuminat, sed successiuè? quia terra sphærica est.

Quam deinde mirabiles, ac iucundæ sunt cognitiones illæ, de quibus ipsæ sacræ literæ mirabundæ loquuntur? altitudinem videlicet Cœli, atq; pro- funditatem abyssi improbo sanè ausu perscrutari? terræ, Lunæ, Solis magni- tudines, ac distantias acumine planè diuino nobis euidenter tradidisse? to- tius deniq; mundi fabricam, ac symmetriam, qua cognitione nihil præstan- tius, potissima hæc nobis philosophia manifestum facit; vt iure liceat illud accinere:

Felices animæ, quibus hæc cognoscere primum,

Inque domos superas scandere cura fuit.

Admouere oculis distantia sydera nostris,

Aetheraq; ingenio supposuere suo.

Astronomiæ pars iucunda æquè, ac mirabilis est Geographia: qua, vel in globo, vel in tabula, terras omnes, maria omnia, quasi præsentis licet cõ- templari. quoque loco vnumquodque sit, qua zona, quo climate, magna iu- cunditate percipitur.

In perspectiua etiam neq; desunt perfectæ demonstrationes, v.g. cur ocu- lus sphæricus? vt illi vndiq; lineæ perpendiculares possint accidere. Sed cur lineæ perpendiculares? vt distincta fieret visio; ecce causæ finales. Cur cõ- cauũ speculũ ibi vrit? quia solares radij reflexi illuc congregantur. Cur bacu- lus in aqua fractus apparet? quia per lineas refractas videtur. Cur Iris rotũ- da? quia non videtur, nisi sub statuto angulo, qui non nisi in orbem collo- cari potest. vbi simul vides, quàm dignæ quoq; sint hæc cognitiones.

In mechanicis postea: cur cuneus tantas obtinet vires? quia est vectis geminatus. Vnde cochlea tanta vis? quia constat cuneo, & vecte. Verum quid admirabilius, quàm quodlibet pondus, vel ipsum vniuersum, vnus for- micæ vi posse commoueri? ipsamq; naturam, vt ait Arist. vel inuitam supe- rare. quàm subtilia sunt ea, quæ de centro grauitatis Archimedes olim, nu-

per

per verò Commandinus, & Lucas Valerius demonstrarunt.

Musica tandem suas habet. demōstrationes, v.g. Tonum constare ex duobus semitonij minoribus, & commate, quia ratio sesquioctaua duobus semitonij minoribus, & vno commate constat. Tonus autem in sesquioctaua ratione consistit. Item Diapentem constare ex tribus tonis, & semitono minori; quia si ex sesquialtero intervallo, quod est diapentes demas sesquitercium, restat sesquioctauum. Sesquiterciū verò continet duos tonos cum semitono minori; ecce causæ materiales. Cur bis diapente, aut bis diatessaron consonantia cōponi non potest? causam huius habes supra sectione 19. problem. nu. 34. sed quā mirum est Pythagoram sonos in proportionibus diuissse, non secus, ac si quantitates quædam permanentes essent?

Reliquum esset de Mathematicis etiam practicis nōnulla dicere, in quibus omnes quoq; causæ manifestæ reperiuntur; ex eò enim, quod practicae sunt, necessariò finem inuoluunt. efficientem verò materiā, & formam sæpè adhibent ad præmissas probandas, quas assumunt ad concludendum id, quod principaliter intendunt. Porro inter practicas omnium præstantissima est Geometria practica; quis enim non admiratur, cū audit Geometram solo visu inaccessas etiam magnitudines quascunque, vt turres, vel montes mensurare?

Ex quibus liquidò constant Mathematicas habere perfectissimas demōstrationes, quarum causæ ita ab effectu distinguuntur, vt nullis calumnijs sint obnoxia: quare etiam si aduersarij conuincant, quod neutiquam faciunt, Geometriam, & Arithmeticam illis carere; reliquis tamen prædictis concedere coguntur: easq; per omne causarū genus excurrere, quod tanta præterea euidencia præstant, vt nihil ambiguum, nihil controversum relinquantur: Mathematicæ namq; teste etiam Arist.

1. Elenchorum non sunt contentiosæ. Vnde fit, vt tota hæc adeò digna, atq; admiranda cognitio sit mera veritas, quæ omnium scientiarum finis atque animæ nostræ cibus est.

L A V S D E O.



APPEN-

APPENDIX.

Placet nunc demum, ut melius adhuc Mathematicarum natura pateat, locaq; Arist. Mathematica magis illustrentur, Demonstrationes primi Elementorum Euclidis breuiter expendere, atq; unamquamq; ad suum demonstrationis genus referre.



Rima igitur Demonstratione Euclides ostendit Triangulum illud eo modo cōstrūctum esse æquilaterum, hoc proximo medio, quia scilicet habet tria latera æqualia, quod medium est ipsius subiecti demonstrationis, siue trianguli æquilateri definitio: quare hæc demonstratio erit per causam formalem.

Secunda Demonstratione ostendit duas lineas esse æquales, quoniam ambæ sunt vni tertiæ æquales, quæ ratio nititur illi axiomati, quæ sunt æqualia vni tertio, sunt etiam inter se. est quidem demonstratio ostensiuæ, sed non per causam, verum à signo: esse enim æquales vni tertiæ, est signum æqualitatis earum.

Tertia Demonstratio eodem medio vtitur, quo secunda.

Quarta Demonstratio ostendit, primò de illis duobus triangulis, quod habent bases æquales, quia bases congruunt sibi mutuo. secundò, ostendit alios duos angulos esse æquales alijs duobus vtrumq; vtriq; eadem ratione, quia nimirum sibi mutuo congruunt. si dixeris igitur, quod sibi mutuo congruere sit definitio æqualis, erit demonstratio per causam formalem; si autem dixeris esse signum æqualitatis, erit à signo, & à posteriori.

5. Ostendit de Triangulo Isocele, primò, quod Anguli, qui sunt ad basim, sunt æquales, ratio est, quia ablatis æqualibus ab æqualibus ipsi sunt reliqui. Quæ quidem ratio etiam Arist. teste, est per causam materialem; nam esse dimidium, tertiam partem, duplum, reliquum, alicuius totius, & similia, nihil aliud est, quàm esse partes respectu totius; partes autem sunt materia, vt apertè docet Arist. tex. 3. lib. 5. Metaph. quem supra cū alijs explicatū habes. secundò, demonstrat de eodem Isocele, angulos infra basim esse æquales, ratio, quia opponuntur æqualibus lateribus triangulorū quartæ præcedentis, quæ ratio videtur signum quoddam æqualitatis eorum esse.

6. Probat duo illa latera illius trianguli esse æqualia, ab impossibili, quia sequeretur partem esse æqualem toti.

7. Duas posteriores lineas cum duabus prioribus necessariò coincidere demonstrat, quia aliter sequeretur, vel partem esse æqualem toti: vel angulos Isoceles sub basi esse inæquales, vel etiam eos, qui supra basim, contra quàm ostensum est in quinta.

8. Probat angulos illos fore æquales, quia congruunt: per 8. scilicet axioma: videtur à signo.

9. Probat

9 Probat angulum illum diuisum esse bifariam, per octauā præcedentem: est ergo eiusdem naturæ.

10 Probat lineam illā esse diuisam in duas lineas æquales, quia illæ duæ sunt bases triangulorum quartæ; hoc autem, esse bases talium triangulorū, videtur esse definitio; quare hæc demonstratio esset à definitione subiecti, & per causam formalem.

11 Probat illam lineam facere angulos rectos, quia facit angulos cum subiecta linea æquales; nam ex decima definitione si illi anguli sint æquales, qui sunt à tali linea, erunt ipsi quoque recti. demonstratio igitur est à definitione.

12 Probat lineam illam esse perpendicularem ex definitione lineæ perpendicularis, quia nimirum facit angulos, cum subiecta linea æquales, rectos uē; est igitur demonstratio à definitione, à priori, per causam formalem.

13 Probat duos angulos esse æquales duobus angulis rectis, quoniā utriusque sunt æquales vni tertiæ rei. quare est à signo.

14 Probat intentum, quia aliter sequeretur, partem toti æqualem esse.

15 Probat angulos ad verticem æquales esse, quia si ab æqualibus, æqualia demas ipsi remaneat: vel sunt reliqui. Est igitur demonstratio per causam materialem, ut dictum est in quinta.

16 Probat angulum externum maiorem esse interno, quia est maior alio angulo æquali ipsi interno. est à signo.

17 Probat duos angulos esse minores alijs duobus angulis, ex 4. axiom. quia. s. si inæqualibus adiecta sint æqualia, tota erunt inæqualia: vbi causa inæqualitatis totorum, est adiectum illud, quo adiecto conflatur duo tota: quare adiectum illud est; pars autem est materia totius. demonstrat igitur per causam materialem.

18 Probat angulum vnum esse altero maiore, quia ille fit veluti totum, iste verò illius pars. reducitur ad causam materialem.

19 Probat propositum ab impossibili.

20 Probat duo illa latera esse reliquo maiora, quia sunt æqualia vni lineæ, quæ ipsa reliquo latere maior est. est à signo.

21 Probat illas duas rectas esse minores alijs duabus, ex eo, quod sint minores quadam quantitate, quæ quantitas minor est illis duabus. à signo.

Secundò, probat angulū illum esse maiorem altero, quia. s. est maior quodam angulo, qui maior est illo altero. pariter à signo.

22 Probat per illud axioma, quæ sunt æqualia vni tertio, &c.

23 Probat duos angulos esse æquales, quod sint anguli oppositi basibus triangulorum octauæ. videtur à definitione horum angulorum.

24 Probat latus illud esse maius altero latere, ex eo, quod sit æquale cuidam lateri, quod etiam est maius illo latere.

25 Probat propositionem, deducens ad absurdum.

26 Demonstrat, deducendo ad inconueniens.

27 Probat illas esse parallelas, quia nunquam concurrere possunt; est à definitione parallelarum.

28 Puto à causa demonstrare, ostendit enim duas rectas esse æquidistantes, quia earum anguli alterni sint æquales, illi enim anguli sunt causa æqui-

E

distan-

distantiæ linearum. simile dicendum est de secunda parte demonstrationis.

29 Prima pars probatur ab impossibili. secunda à signo, quæ sunt æqualia uni tertio, &c. Idem dicendum de tertia parte.

30 Probat esse parallelas ex 27. primi, quare est eiusdem naturæ cum illa.

31 Eandem habet rationem, quam 27. primi. per causam igitur formalem.

32 Primò, probat angulum externum esse æqualem duobus internis, & appositis ex eo, quod partes anguli externi, sint æquales partibus illorum: ex æqualitate. s. partium infert æqualitatem totorum: quæ demonstratio est per causam materialem. Secundò, probat illam adeo celeberrimam, omnis triangulus habet tres, &c. quam fusissimè explicavi supra ad tex. 23. primi Poster. ubi Arist. eam in exemplum perfectissimæ demonstrationis adducit.

33 Partim per 4. primi, partim per 27. primi demonstrat: quapropter ad earum naturam sunt referendæ.

34 Tria probat. primò, per 26. primi, secundò per illud axioma, si æqualibus æqualia adjicias, tota sunt æqualia, quod duobus angulis applicat. quæ demonstratio est à partibus ad tota: à causa nimirum materiali. tertium per 4. primi concludit.

35 Procedit per causam materialem: in omni enim casu probat illa duo parallelogramma esse æqualia, quia si æqualibus æqualia adjiciantur, tota erunt æqualia: ut in præcedenti dictum est.

36 Probat duo esse æqualia, quia sunt uni tertio æqualia: videlicet à signo, à posteriori.

37 Probat duo triangula esse æqualia, quod sint dimidia duorum parallelogrammorum æqualium: est itaq; à causa materiali.

38 Eadem ratione demonstrat in hac, atq; in præcedenti.

39 Propositum probat, ad absurdum deducendo aduersarium.

40 Similiter demonstrat ac in præcedenti 39.

41 Probat unum esse duplum alterius, quod sit duplum alterius, quod illi æquale est. videtur à signo.

42 Probat parallelogrammum, & triangulum esse æqualia, quoniam utrumque duplum sit eiusdem trianguli: videlicet per causam materialem.

43 Probat duo parallelogramma esse æqualia, quoniam ablatis æqualibus ab æqualibus sint residua. causa est materialis.

44 Probat parallelogrammum æquari triangulo, quia utrumque; cuidam tertio æquatur. à signo videlicet.

45 Probat totum parallelogrammum æquari toti rectilineo; eo, quod partes amborum totorum sint æquales: est perspicua causa materialis.

46 Probat quadrilaterum quoddam esse quadratum ex definitione quadrati, quia s. habet quatuor angulos rectos, & quatuor latera æqualia. est igitur à causa formali.

47 Probat quadratum lateris angulo recto subsensi, esse æquale duobus quadratis reliquorum laterum trianguli illius: & ratio desumpta est à partibus, quia. s. partes prædicti quadrati æquales sunt singillatim prædictis quadratis; ergo totum quadratum totis illis quadratis æquale est. manifesta est causa materialis.

48 Probat angulum quendam esse rectum, eo, quod æqualis sit cuidam angulo recto. est à signo.


Hæc

Hæc pauca sufficiant, vt Philosophi habeant, vnde possint de Geometricis demonstrationibus dijudicare. non tamen quispiam existimet idem iudicium de reliquis Mathematicis esse faciendum, Astronomia enim, Optica, & alię vtuntur etiam alijs causarum generibus in demonstrando, vt sup. cap. 5. de natura Mathem. patuit. Et quamuis sepè demonstrent ab effectu, perpetuò tamen euidentiā efficiunt eam, vt nullam, vt ait Themistius, patiantur instantiam.

Hortabantur me nonnulli, vt eandem operam locis Mathematicis, quæ apud Platonem sunt, impenderem: quibus dum obtemperare vellem reperi Theonem quendam Smirnæum Scriptorem Græcum, iam pridem idem præstitisse, cuius opus adhuc Græcum asseruatur in Vaticana Bibliotheca, vt ait Iosephus Auria in præf. ad suum Theodosium Tripolitam; vbi spondet se breui eum è Græco à se conuersum, in lucem editurum, quod an præstiterit ignoro. Curandum igitur est, à recentioribus Platonicis, vt tandem aliquando, ne à quopiam actum agatur latina voce, ac luce pariter donetur.

L A V S D E O:






CLARORVM MATHEMATICORVM CHRONOLOGIA

Eorum videlicet, qui rebus, aut scriptis clauerunt, ex certis historijs deprompta.

Omissis tum fabulosis, tum ob nimiam antiquitatem incertis, veluti sunt ea, quæ de Athlante, Zoroastro, Endimione, Orpheo, Lino, alijsq; traduntur.

Iubal verò pater canentium cithara, & organo, hoc est Musicæ auctor, omissus est eò, quòd nimio interuallo cæteros antecedit.





PRIMUM SECVLVM INCIPIENS

Ab Orbe cond. anno	3237
Ante primam Olymp. ann.	76
Ante Urbem cond. ann.	100
Ante Christi natiuitatem ann.	832
Iosaphat Iudæorum Rege.	
Aremulo Latinorum Rege.	

*Singula porrò secula ex 100. annis constant. Anno huius seculi 76.
vel ante Urb. cond. 24. Olympiades initium sumpserunt.*



TERPANDER THEBANVS musicus celeberrimus, Homeri pronepos, de quo Arist. in probl. & alij omnes veteres meminunt: clāruit paulo ante primam Olympiad. hoc est ante Christi natiuitatem 800. circiter annis. Lyram, quam olim Orpheus tetrachordum fecerat, ipse heptachordum reddidit. modulos lyricos, & leges fidium inuenit. adiecit suis, & Homeri carminibus modos, quibus canerentur. Primus de Musica scripsit. Lacædemonios inter se dissidentes cantus suauitate sedauit. quaternas in ludis Pythijs victorias retulisse publicis monumentis traditum est. ex Plutar. de Musica.

Vt autem intelligas quidnam essent leges, de quibus hic, & infra passim fit mentio, audi Plutarchum de Musica. Omnino inquit cytharæ cātus Terpandri ratio omni ex parte simplex perexit esse vsq; ad ætatem Phrynidis, non enim antiquitus pro libidine cuiusque (vti nunc) licebat fidibus canere, nec rithmus, concentusue transferre: in ipsis namq; legibus accommodatam cuiq; tentionem tuebatur, cuius rei causa id nominis inditum erat: leges enim sunt vocatæ, quoniam præscriptum quasi lege, cautumq; erat, ne quis per quamlibet vnā speciem, formamq; tentionis transgrederetur.

XENOCRATES Italus Locrensis, post Terpandrum, & ante Sacadā vixit, fuit Pæanum conditor. Patritius in Poetica.

ARDVLVS TRÆZENIVS prior Clonæ, Tibianam musicam constituit. Plutarchus de Musica.

CLONAS ad imitationem Terpandri, primus leges Tibiarum fecit. circa primam Olymp. Plut. de Musica.



MATHEMATICORVM SECUNDVM SECVLVM INCIPIENS

Ab Vrbe condita.

Ab Orbe cond. ann. 3337

Olympiadis 6. ann. 4

Ante Christi natiuitatem ann. 752

Ozia Iudæorum Rege.

Romulo Latinorum Rege.

SACADAS ARGIVVS conditor Modorum: & inuentor legis Tripartilis. circa Ro. cond. Pindaro antiquior. ter vicit in ludis Pythijs. Plaut. & Patric.

EUPHORBVS PHRYX ante Thaletem contemplationem de lineis fecit, & triangulum Scalenum inuenit, idest (vt opinor) modum ipsum construendi excogitauit. hic igitur primus geometrizare cœpit. Laertius in Thalete.

TERTIVM SECVLVM INCIPIENS

Ab Vrbe cond. ann. 101

Ante Christi natiuitatem ann. 652

Manasse Iudæorum.

Tullo Hostilio Romanorum Rege.

THALES MILESIVS ab Vrbe cond. ann. 120. natus. hic primus omnium septem Sapientum appellatus est Sapiens. ex Aegypto primus in Græciam Geometriam transfudit. inuenit triangulum in circulo orthogonicum, hoc est, ni fallor, 31. tertij Elem. Quintam, & 15. & 26. primi Elemen. adinuenit. illud etiam demonstrauit, Diametrum circulum bifariam secare. tropicos, & æquinoctialem designauit. primus eclypses Solis prædixit: quarum prima teste Plin. lib. 2. cap. 12. contigit ann. V. C. 170. mensus est Aegypti Pyramides ex umbra. inuentor fuit Vrsæ minoris, idest, eam primus obseruauit, & alios docuit. ex prænotione, atque oliuarum emptione diuitias sibi comparauit. ante Methonem ann. 132.

SIMONIDES LYRICVS octauam lyræ chordam addidit: hic fuit inuentor Artis memoriæ. Plin.

LYCAON Musicus, nouum chordarum ordinem inuexit, quem habes loco. 344. locorum Mathematicorum, & octauam lyræ chordam addidit. Boetius. Zarlinus.

MAMERTINVS insignis Geometra, quiq; multa geometrica adinuenit. Thaleti successit.

ANAXIMANDER MILESIVS Thaleti successor. Horologium solare,

CHRONOLOGIA:

41

Solare, Sphæram, Gnomonemq; reperit, obliquitatem Zodiaci obseruauit. Terræ circuitum reperit. primus tabulam Geographicam exposuit. primus Lunam aliena luce lucere demonstrauit. sphæram construxit. Plin. Laert.

CLEOSTRATVS Zodiacum in 12. signa diuisit. paulo post Anaximandrum. Plin.

HECATEVS MILESIVS primus codicem de situ orbis reliquit. paulo post Thaletem. Proclus in comm. Euclidis.

AMETISTVS summus Geometra, atque rerum geometricarum inuentor, frater Stefichori poetæ. inter Thaletem, & Pyth. Proclus.

POLEMON auditor Panetij Rhodij, tempore Aristophanis grammatici, orbis descriptionem fecit. Suidas.

SAPPHO Poetria, & Musica. prima Plectri vsum inuexit, cum prius digitis solum pulsarent. inuentrix etiam Mixtolydij concentus. Plut.

PYTHAGORAS SAMIVS, Aegypto, ac Perside perlustrata, in Mathematicis excelluit. primus Numerorum scientiam apud græcos illustrauit. Musica theoreticam ex Fabri malleis adinuenit. Luciferum, atq; Hesperum, quæ duo sydera putabantur, esse vnum, atq; idem Veneris astrum docuit. omne triangulum habere tres, &c. quæ est 32. primi Elem. primi Pythag. demonstrarunt. 47. primi Elem. reperit, pro qua Musis Hecatombas immolauit. primus Mathematicæ ludum aperuit. Proclus. Plin.

TELAUGES filius Pythagoræ, & magister Empedoclis, scripsit de Quaternario libros 4.

ANAXIMENAS MILESIVS tempore Pythagoræ, dixit sydera non solum supra terram, sed circa terram moueri. Laert.

DAMON Musicus, Pythag. adolescens, aliquot luxuriæ deditos, harmonicis canticis ad bonam frugem reuocauit. Zarlinus.

QUARTVM SECVLVM INCIPIENS

Ab Vrbe cond. ann. 201

Ante Christum ann. 552

Sub Babylonica captiuitate Iudæorum.

Seruius Tullio Romanorum Rege.

Anno 44. huius seculi, Romæ exactis Regibus Consf. sufficiuntur.

ANAXAGORAS CLAZOMENIVS primus lunarem eclypsin prædixit, eiusq; causam patefecit. primus librum in lucem edidit. dixit Solem esse maiorem Peloponneso. scripsit de radijs visui, vel de ratione scenographices. Vitr. lib. 7. Val. Max. Diog. Laert.

OENIPEDES CHIVS Democriti synchronus, inuenit 12. & 23. primi Elem. huius discipulus fuit Zenodorus.

ZENODORVS auctor tractatus de figuris Isoperimetris, qui est apud Clauium in sphæra, & in Geometric. pract. Theon enim, ex quo desumpsit

F

sumpsit Clavius, eum Zenodoro attribuit.

PERICLES discipulus Anaxagoræ, & Atheniensium Princeps; Athenienses ob tetram Solis eclipsem trepidantes, & palantes, eclipsis natura exposita, sedauit. Val. Max.

HIPPOCRATES CHIVS, qui dum circulum quadrare conaretur, lunulam quadrauit. eius circuli quadraturam Arist. sæpè in paralogismi exemplum adducit, eamq; breuiter exposuit. primus Elementa Geometrica conscripsit. primus inspexit duabus medijs proportionalibus inuētis cubum duplicari posse. Eratosthenes apud Eutocium in commen. Archimedis. Proclus etiam.

THEODORVS CYRENEVS sodalis Hippocratis Chij, multis Geometriam auxit. Proclus.

PHRINIS insignis Cytharedus. primus apud Athenienses cithara cecinit. primasq; in Panathenaicis tulit. fuit discipulus Aristoclis, qui ex Terpandri familia ortum trahebat.

PHRINICVS, cuius Arist. in Problem. musicis cecinit: insignis musicus, ac tetrametri carminis inuentor.

LASVS HERMINÆVS primus omnium de Musica scripsit. Darij Hidaspis tempore. Suida.

DIOCLES de Musica scripsit. Suida.

ISMENIVS CHORAVLES, teste Boetio, multis ægritudine laborantibus, sono, & cantu omnes animi molestias deterfit. eius æqualis fuit Dionysiodorus, & Nicomachus. Plin.

NICOMACHVS Arithmeticus, quem Boetius sequitur, & cuius extat græca arithmetica, vbi & de musica tractat ex Zarlino 8. supplem. musicalium. Pappus lib. 3. eum Pythagoricum appellat; Isidorus lib. 3. ethym. videtur eum paulo post Pythagoram collocare. eiusdem meminit Eutocius.

EMPEDOCLES AGRIGENTINVS Pythagoricus, cantu furibundum adolescentem, ac nudo ferro hostem impetentem compressit, ac sedauit.

TIMÆVS LOC RV S Pythagoricus, Mathemata scripsit, teste Suida. paulo maior Platone, à quo Plato suum Timæum inscripsit, ac partim descripsit. extat adhuc ipsius monumentum de natura mundi.

SIMON Philosophus Socratis amicus; scripsit Dialogum de musica. Diog. Laert.

CRATISTVS, qui solo naturæ acumine, quoduis geometricum Problema, quamuis difficile resoluebat. Proclus.



CHRONOLOGIA. 43
QVINTVM SECVLM INCIPiens

Ab Vrbe cond. ann.

301

Ante Christum ann.

452

P. Sextio, T. Memnio Conss.

In quo Socrates septuagenarius anno ab Vrbe cond. 353.

Olymp. 95. ann. 1. moritur.

DEMOCRITVS MILESIVS anno vno maior natu quàm Socrates. scripsit de contactu circuli, & sphæræ. de Geometria. de lineis irrationalibus. de solidis. de numeris geometricis. Harmonica, siue de Musica. de concentu, & harmonia. Actinographiam, siue de radijs, siue de Perspectiua, siue de Scenographice. certamen Clepsydræ. de Planetis, de anno magno. Cœli, terræq; descriptionē. Laert.

ANTISTHENES Socratis auditor de Musica cōmentatus est. Laert.

SIMMIAS Thebanus discipulus Socratis, de Musica. Laert. Suid.

PARMENIDES ELEATES primus dixit terram esse rotundam, & in medio mundi sitam. Laert.

PROTAGORAS de Mathematicis scripsit. Laert.

EPICVRVS ille Epicureorum Sectarius, de Musica scripsit.

METON, & } ante Alex. Mag. obitum ann. 108. Athenis solsti-

EVCTEMON } tium obseruarunt. Methon primus tempestatum prognostica singulis annis edidit. primus cyclum Enneadecaterida, vel Aureum numerum in Græcia instituit; qui annus Methonis dicitur.

PLATO, Socratis auditor, fuit maximè Mathematicum studiosus; nam singulis diebus auditorib. suis geometricum problema proponebat. Ageometretos è schola arcebat. primus sectiones conicas, & cylindricas inchoauit. Modum demonstrandi per Analysim inuenit, item modum agri dimetiendi pulcherrimum, vt apud Vitruvium constat. Delij eum tanquam oraculum consuluerunt de modo aræ, siue cubi duplicandi, quos tamen ipse ad Euclidem Geometram modestè abire iussit: non tamè omnino à problemate abstinuit, extat enim apud Eutocium Platonis modus inuendi duas medias proportionales, quibus inuentis, cubi duplicatio peracta esset. in suis præterea Dialogis cōplura habet Mathematica, quæ olim Theon Smyrneus, ac Philippus Mendæus commentarijs illustrarunt. Proclus Lucr.

AMICLAS HERACLEOTES Platonis familiaris geometricas inuentiones amplificauit.

LEODAMAS THASIVS à Platone Analysim didicit, cuius ope multa geometrica excogitauit.

NEOCLIDES LEODAMANTE iunior, inter rerum geometricarum repertores connumeratur. Procl.

LEON discipulus Neoclidis: Determinationem geometricam inuenit, quæ distinguit problema possibile ab impossibili. Geometrica elementa, secundus ab Hippocrate, sed accuratius construxit. Procl.

F 2

EV-

EVDOXIVS GNIDVIS Astronomus, Leonte iunior, & Platonis Comes in Aegyptum. Quintum elem. Euclidis de proportionibus inuenit. Theoremata multa vniuersalia reddidit. inuenit etiam Arachnen, horologium, videlicet solare, in quo lineæ horariæ, & arcus signorum in modum araneæ se secant. Vitr. Octaeteridem, idest, Solis, ac Lunæ per octonos annos recursus docuit. scripsit de Geometria, & Astronomia. Mathematicas ad vsum mechanicum vnâ cum Archita traducere conatus est: quos ambos Plato redarguit, quòd Philosophiam prostituisent.

ARCHITA TARENTIVS Mechanicę inuentor: reprehensus à Platone, vt modo dictum est. Cubum reperit. ligneam columbā volentem exhibuit. qua præterea ratione duas medias reperiret, extat apud Eutociū.

THEÆTETVS ATHENIENSIS Architæ Tarentini sodalis, cum quo Geometrica auxit. Procl. primus de quinq; solidis tractauit. Laer. inuenit 10. decimi.

BRYSO, & ANTIPHON } Circuli quadrationem inuenire conantur. extant ipforum conatus apud Arist. quos explicauimus in locis Math.

PHILIPPVS MENDÆVS discipulus Platonis. loca Mathematica operum Platonis explicauit. Comperit Iridem insequentes se fugere, fugientes verò insequi.

HELICO CYGICENVS Platonis familiaris, cum Dyonisio Regi solis defectum, qui tunc accidit, antea multò prænunciaffet, Rex summa admiratione affectus, argenti talentum ei donauit.

PHILOSOPHVS, Platonis auditor. De interuallo Solis, & Lunæ. de eclypsi. de magnitudine Solis, Lunæ, & terræ. de Planetis. de Arithmetica. de numeris secundis, de opticis, de circularibus, & medietatibus egit. Suida.

SEXTVM SECVLVM INCIPIENS

Ab Vrbe cond. ann.

401

Ante Christi Natiuitatem ann.

352

Tito Manlio Dictatore.

*In quo Alex. Mag. imperauit: obiit q; ann. ab Orbe cond. 3791.
ab Vrbe cond. 425.*

THEVDIVS MAGNES, elementa geometrica tertius construxit. Procl.

CYGICINVS ATHENIENSIS geometrica ampliauit. Procl.

HERMOTIMVS COLOPHONIVS, quartus elementa geometrica vberiora reddidit.

ARISTÆVS senior, ante Euclidem demonstrauit de conicis: quem Euclides in iisdem sequutus est. Item de resolutione. Item de locis solidis, lib. 5. Pappus.

GE-

GEMINVS demonstravit linearum tres tantum esse similes, rectam, circulem, & spiralem cylindricam. Ortus quoq; linearum spiricarum, & conchoidum, & cissoidum, tradidit. Propositionem quintam primi elementorum vniuersalius, quam Thales, demonstravit; ostendit enim æquales lineas rectas ab vno puncto ad vnā similitum partium lineam, idest, vel ad rectam, vel ad circulem, vel ad cylindricam, incidētes, facere angulos ad basim æquales. Scripsit præterea lib. 6. geometricarū enarrationū. Procl.

PERSEVS CITTICVS Post Geminum: inuenit lineas spiricas. Proclus.

MENECHMVS EVDOKI discipulus, sectiones conicas reperit. Tribus proportionibus tres alias adiecit. modus ipsius inueniēdi duas medias, extat apud Eutocium.

DINOSTRATVS Menechmi frater, geometrica cōplura reperit.

XENOCRATES CHALCEDONIVS Platonis audit. de geometria primum duos, deinde quinq; lib. composuit. Item de numeris lib. 1. De astrologia lib. 6. Diog. Laert.

EVCLIDES Megarensis geometra, Platonis tempore, siquidem teste Valer. Maxim. ad eum Plato, Delios aræ sacre conductores amandauit. Alexandria longo tempore dedit operam discipulis, vnde excellentem in Mathematicis habitum consequutus est, neq; vsquā deceptus est. Papp. lib. 7. vixit autem, & claruit, vsque ad Ptolæmeum primum Aegypti Regem, vt vult Procl. sit ne idem cum Euclide Megarensi auctore sectæ Megaricæ, dubitatur. Quintus geometrica elementa mira methodo contexuit. ipsius extant etiam Phænomena, optica; catoptrica. musica. data. Item de resolutione, de fallacijs, de locis ad superficiem lib. 2. Conicorum lib. 4. Item Porismatum lib. 3. quæ perierunt. Pappus, & Procl.

L. PAPYRIVS cursor Romę primum solare horologium publico loco construxit. Plin.

HERMOPHILVS cæcus Theopompum Geometriam sine abaco, ac radio docuit.

ARATVS Poeta Græcus, ante Hipparchum centum ferè annis, de Cælo, stellisq; eleganter cecinit.

CALIPPVS Cygicenus astronomus insignis, cuius Aristot. in Metaphysic. meminit. periodum 76. annorum ex quatuor Methonis cyclis conflauit, qua Sol, & Luna iterum ad pristina restituantur: initium primę periodi statuit obitū Darij Regis, seu initium Monarchiæ Græcorum. ex Almag. Ptol.

ARISTOT. Platonis auditor, & Alex. Magn. præceptor, scripsit Mechanicas quæstiones. librum vnum, quem appellauit Mathematicū. sect. 19. problematum de musica. Item alium librum de musica. Halonis, & Iridis demonstrationes apud ipsum primum reperiuntur. passim in suis operibus omnis generis Mathematata ingerit.

AVTOLYCVS præceptor Arcesilai, floruit circa Olymp. 120. extat eius subtilis admodum liber de sphaera, quæ mouetur, & alter de vario ortu & occasu syderum. Diog. Laert. in Arcesilao.

THEOPHRASTVS Eriusius Arist. discipulus, & successor, reliquit tres

tres libros de musica, vnum de musicis. Harmonicorum vnum. de mensuris vnum. de numeris vnum. Historiarum geometricarum quatuor. Astrologica historia 6. Arithmeticarum historiarum vnum. de lineis indiuiduis. Diog. Laert.

HERACLIDES Ponticus, Speusippi, & Arist. auditor. de Musica lib. duos. de Geometria etiam scripsit. Diog. Laert.

DICEARCHVS Siculus, Arist. auditor, primus montium altitudinem perpendicularem dimensus est; altissimum prodidit Pelion, nimirum 1250. passuum. Plinius lib. 2. c. 67.

ARISTOXENVS Tarentinus Musicus, auditor Arist. eius extant harmonicorum lib. 3. Suid.

CONON Geometra, & Astronomus insignis, Ptolæmo Philadelpho gratificaturus, Berenices Comam in Cælum transfudit. libros 6. de Astrologia composuit. de eo Virgil.

In medio duo signa, Conon, & quis fuit alter.

ille verò alter Pontano nostro in Virgilium est Archimedes Cononi synchro-nus, & familiaris. Hunc plurimi faciebat Archimedes, eiusq; propterea mortem in lib. de Quadrat. Parab. deflet.

TIMOTHEVS Musicus, cum ad Alexandri magni mensam orthium modum caneret, regem velut insanum coegit ad arma: rursus remittente cantu, regis etiam furorem remisit. Chromaticum genus inuexit. septem Terpandri chordis quatuor addidit. Plut. de music.

ARCHELAVS Chorographus, omnem terram ab Alex. Mag. peragrata descripsit. Diog. Laert.

XENOPHANTVS Musicus, certis modis Alex. Magn. ad arma prolibito concitabat.

ARISTARCHVS Samius, hoc tempore ante Hipparchum 200. ann. Scaphen, seu Hemispharium, hoc est horologium sciothericum in concauo hemisphærico descripsit Vitr. extat ipsius egregium monumentum ingenij, libellus de magnitudine, & distantijs Solis, & Lunæ.

BEROSVS Chaldaus, tempore Antiochi Sotheris hemicyclium excavatum, genus horologij solaris reperit. dicebat Lunam esse pilam ex dimidia parte candentem: reliqua habere ceruleo colore. cetera apud Vitr. lib. 9. ei Athenienses ob diuinas prædictiones publicè in gymnasio statuam inaurata lingua statuere. Plin.

ARISTILLVS Astronomus, cuius obseruationes circa inerrantes stellas, sæpè Ptol. 7. Magnæ constr. recenset. videturq; eum Timocharide paulò antiquiorem facere.

TIMOCHARIS ante Hipparchum ann. 156. ab obitu verò Alexan. Mag. ann. 41. suas obseruationes habuit, quas Ptolæmus in Almagesto recenset. obseruauit primam stellam Arietis post sectionem vernalem gr. 2.



CHRONOLOGIA. 47
SEPTIMUM SECVLVM INCIPIENS

Ab Vrbe cond. anno 501

Ante Christi natiuitatem ann. 252

Conff. } D. Lunio.
L. Posthumio.

ERATOSTHENES Cyreneus sub Ptolymæo Evergete primo, & duobus sequentibus regibus, ab obitu Alex. ann. 90. & totidem ante Hipparchum, astronomicis in Aegypto vacabat, reperitq; Solis declinationem gr. 23. 51. primus terræ ambitum ratione umbrarum Solis inuestigauit, vt ex Cleomede refert Clavius in sphaera, vbi eam fusè explicat. Duplicandi cubi summus fuit artifex, vt patet ex eius Mesolabio apud Pappum, & Eutocium, atq; ob id votiuam tabellam in templo consecrauit. extat epistola ipsius ad Regem Ptolæmeum apud Eutocium, de ratione cubi duplicandi.

ARCHIMEDES Syracusanus ingeniorum Phoenix: quadraginta ipsius mira adinuenta Mechanica fuisse, tradit Pappus lib. 8. quorum vnum fuit; datum pondus data potentia mouere, in quo fertur dixisse.

Dic vbi contestum, & cælum terramq; mouebo.

Alterum, quo portionem argenti auro mixtam in Corona illa deprehendit; vnde præ læticia è balneo nudus exiliuit; atq; per Urbem domum properas clamabat *εὐρηκα, εὐρηκα.*

Tertium sit sphaera illa vitrea, Automa celebre, quæ syderum omniū motus mirè imitabatur. de qua Claudianus pulcherrimum illud texit epigramma: Iupiter in paruo, &c.

Quartum, specula parabolica construxit, quibus hostium naues procul comburentur.

Quintum, chocleam aquaticam (ex Vitruuio, & Diodoro) qua in altum aqua effertur excogitauit. quam Iosephus Cedretus nostra tempestate restaurauit.

Sextum, nauim graui pondere oneratam, machina quadam facillimè in litus attraxit.

Septimum, complures bellicas machinas fabricatus est, quibus per triennium contra hostes Romanos patriam solus tutatus est. reliqua ipsius adinuenta perierunt. Verumenimuerò admiranda mihi magis ipsius scripta monumenta videntur, in quibus quidquid est, totum Archimedis est. quorum memoria extat, hæc sunt. De aqua ponderantibus lib. 2. Circuli dimensio. de lineis spiralibus. quadratura paraboles. de conoidibus, & sphaeroidibus. de arenæ numero. de ijs, quæ vehuntur in aqua. de sphaera, & cylindro. de libra. viaticum. de sphaeræ cōstructione. de 13. solidis à se inuentis. lemmata. de sectione circuli. de speculis comburentibus. M. Marcellus interdixerat ne ille vnus captis Syracusis occideretur: tantus virtuti honos, vel ab hostibus haberi par est. occisus est autem ab ignaro milite, dum in patriæ directione totus cuidam demonstrationi vacaret.

CTE-

CTESIBVS Machinator subtilissimus: Pneumatica inuenit, idest, quæ spiritu, ac vento motus efficerent, quasi spiritalia. hydraulicas machinas primus construxit. adhuc viget machina illa Ctesibij, de qua Vitru. Hydraulica etiam horologia primus exhibuit.

SVLPIVS GALLVS Cõsul, primus Romani generis rationem eclypsum in vulgus edidit, & pridie quàm P. Aemilius Persen Regem superaret, animos militum ob futuram sequenti die eclypsim trepidaturos, breui futuri euentus, admonitione habita, confirmauit. Plin. Val. Max.

OCTAVVM SECVLVM

Ab Vrbe cond. ann.

601

Ante Christi natiuitatem

152

Conf. L. Mummio.

APOLLONIVS PERGÆVS sub Ptolæmeo euergete secundo cognomento magnus Geometra, quod vniuersaliter de omni Cono elemēta conica octo libris subtilissimis demonstrasset. scripsit præterea de sectione proportionis, & spatij. de locis planis lib. 2. de perturbatis rationibus. de tactionibus. de inclinationibus. de cholea. Pappus. modus ipsius inueniendi duas medias, extat apud Eutocium in comm. Archimedis. pharetram, solaris horologii genus reperit. Vitru.

ISIDORVS Philosophus, Hypsiclis Alexandrini præceptor; nam Hypsicles in 15. Elem. ubi ponit inclinationes quinq; corporū regularium, ait se eas ab Isidoro Magnò præceptore suo accepisse. Plinius eum citat in Geographicis. Suidas verò sic, Isidorus Philosophus, vt si quis alius philosophatus est in Mathematicis.

YPSICLES Alexandrinus, Isidori discipulus, qui libros duos Elementorum 14. & 15. Euclidi addidit. nominat Apollonium. videtur his temporibus extitisse.

PHILO BIZANTIVS mechanicus, mechanica fecit ante Heronem, à quo memoratur; hunc existimo eum esse, cuius Proclus ad octauam primi meminit, referens ipsius demonstrationem. modus ipsius inueniendi duas medias legitur apud Eutocium in Archim.

POSSIDONIVS Philosophus Panetij discipulus, qui Rhodi tempore Ciceronis docebat, à Plinio Mathematicus appellatur: à Strabone verò citatur in Geographicis. Geographica igitur scripsit. huius ianux cum ad eum audiendum Pomponius Magnus adiret, Imperij fasces submisit.

SERENVVS Antinensis: cuius sunt Cylindricorum lib. 2. subtilissimi. videtur in hæc tempora post Apollonium incidisse.

HERO Alexandrinus Ctesibij discipulus, eius sunt Automata; Spiritalia: de Ballistis. Mechanica. Barulcos. de Rotulis. de Horologijs aquaticis. Camaricha. Cambestria. modus ipsius inueniendi duas medias legitur apud Eutocium. Geometrumenon, idest Geometria practica. de eo fit mentio ad secundam, & 25. primi elem. Proclus. Pappus. Vitru.

HIP-

CHRONOLOGIA.

49

HIPPARCHVS, qui & Abrachis dicitur ab obitu Alexandri ann. 100. ante Ptolemæum 180. obseruauit maximam Solis declinationem gr. 23. 51. Inuenit primam Arietis post æquinotij Vernalis punctum, gr. 4. nouā stellam suo æuo genitam deprehendit, cuius occasione in syderalem scientiam seriò incubuit. primus igitur stellas numerauit, suisq; locis assignauit, organis ad id excogitatis. Plin. Scripsit de motu Lunæ in latitudinem, & de Arati phænomenis. ex Suida. Tabulas etiam astronomicas, teste Ptol. condidit. Adhuc extant eius lib. 3. in Arati Phænomena: & vnus Asterismorum, suntq; Græcè nuper editi.

CLEOMEDES his seculis græcè scribit Meteora, quibus tractat ea, quæ in sphaera solent doceri. extat græcolatinus interprete, & scholiaste Roberto Balforeo, qui eum inter Possidonium, & Ptolemæum collocat. Item Arithmeticam, & Harmonicam, quæ asseruantur in Bibliotheca Vaticana, & S. Floræ. ex eodem Roberto.

NONVM SEMISECVLVM

Continens ann.	52
Ab Vrbe cond. ann.	701
Ante Christi ortum ann.	52
Conf. C. Pomp. Magno. Q. Cæcilio.	

THEODOSIVS Tripolita de habitationibus. de diebus, & noctibus. sphaericorum lib. 3. de lineatione ædium. Commentaria in Theudæ capita. in viaticum Archimedis. Sceptica capita astrologica. de vere. Horologium ad omne clima, idest vniuersale excogitauit. Vitruvius.

SOSIGENES Astronomus, cuius opera Iulius Cæsar. Calend. correxit. Sequentes quinque extiterunt ante Vitruvium. ex quo eos desumpsimus: sed quanto ignoratur.

ATHENÆVS de machinis, cuius extant duo fragmenta græca apud Vitruvium. in fine. non est ille Dipnosophistarum, ille enim vixit in secundo Christi seculo. Eiusdem mechanica.

DIONYSIODORVS, cuius fragmentum extat apud Eut. in comment. Archimedis, quo subtilissima demonstratio continetur secandi sphaeram in datam rationem. Inuenit conum, idest horologii solaris genus, figuram conicam referens, vel in cono descriptam.

SCOPAS Siracusanus Plintheum reperit genus horologii in Plintheo descripti: instar quadratæ trabis erectæ, in cuius summo erat horizontale, in quatuor verò lateribus erant duo verticalia, australe, & boreale. necnon duo meridia, orientale, & occidentale.

PATROCLES fuit inuentor πελεκίνου, idest bipennis, quod genus horologii solaris erat, figuram bipennis referens.

PARMENION προς τα ισορουμενα excogitauit, horologia videlicet, quæ cœli historiam narrarent, horas, dies, menses, signa Zodiaci, &c.

G

AN-

ANDRONICVS CYRESTES Athenis in turri octogona Anemoscopiũ primus collocavit. ex Vitruvio. ponendus igitur ante Vitruviũ, quanto tamen ignoratur. Anemoscopiũ est machina, continens ventorum figuras, ac situs, cum indice mobili, qui ventum perflantem com monstrat: quale Bononiæ est in Episcopo.

M. AGRIPPA, Augusti gener, & Cons. terrarum orbem proprijs commentarijs descriptum, postea in porticu depictum Pop. Rom. spectandum proposuit. Plin. lib. 3. cap. 2.

C. IVLIVS CÆSAR Monarcha, primus scripsit Metaphrasim in Arati Phœmena. Suid.

VITRUVIVS, qui in suo de architectura opere cōplura miscet mathematica. præcipuè illud, quod de horologijs solaribus ex Analemmate primus ex latinis, literis consignavit. ait Venerem, & Mercurium circa Solem, tanquam centrum circumferri. suum opus Augusto dicavit.

C. MANILIUS Antiochenus Astrologus, & Poeta, primus latinis carminibus, quamvis Græcus, astronomica cecinit. extat ipsius astronomicon. floruit sub Augusto.

DECIMUM SECVLVM

Sed primum à natiuitate Christi.

Ab Orbe cond. ann.	4089
Ab Vrbe cond. ann.	752
Olympiade exacta	194
Octauiani Augusti Imper. ann.	42

DIONYSIVS AFER, qui Græco poemate orbis situm decantavit.

MARINVS TYRIVS scripsit de Geographia. eum Prolemaus reprehendit.

STRABO eruditissimè, ac fusè orbis situm, cuius magnā partem peragrauerat, descripsit.

SOLINVS, & } De situ orbis pariter conscripserat.

P. MELA }

STRATON AMASENVS Philosophus, lib. 7. Geographicos edidit Suid.

PLINIVS, omnis generis Mathemata suo operi cōmiscuit. sed præcipuè Geographica à 2. lib. vsq; ad 6.

ARTEMIDORVS tempore Strabonis, scripsit Geographica, ut patet ex Plinio, & Strabone, eum sæpè citante.

IV. HIGINIVS de signis cœlestibus. de mundo, & sphaera ad Quintilianum.

ANDROMACHVS Creteusis, quem Theoricarum inuentorem facit Clavius.

MENELAVS, qui & Milesius, post Hipparchum a. 224. ante Prolemaum

CHRONOLOGIA.

51

meum 41. astronomicis obseruationibus dedit operam. primā Arietis post æquinoctium gr. 6. 12. deprehendit. lib. 6. de subtenſis, ſeu chordis. Item lib. 3. de ſphæricis triangulis, qui extant.

PLVTARCHVS libellum de muſica optima eruditione, ac doctrina reſertum reliquit; quem ſuperius ſapè citauimus.

VNDECIMVM SECVLVM

Secundum verò à Chriſto incipiens ab ann.

Chriſti 101.

Clemente ſummo Chriſtianorum Pont.

Imperante Traiano.

DIOPHANTES Alexandrinus Algebræ, quam hodie vocant mirabilis artifex: extant eius 13. libri Græci Arithmetiſcorum. ponitur ſub Antonino à Raphaele Bombello in Algebræ præſatione.

PTOLEMÆVS Alexandr. Aſtronomorum princeps. obſeruabat à Natiuit. Chriſti ann. 130. maximam Solis declinationem gr. 23. 50. primam Arietis poſt æquinot. gr. 6. 40. ſcripſit magnam conſtructionem, quam Almageſtum vocant. de Annalemmate. de momentis. Geographiam. Planipharium. de ſpeculis. libros mechanicos 3. canonem expeditum. de iudicijs 4. centiloquium. ſtellarum inenarrantium ſignificationes.

SEXTVS EMPIRICVS, qui dum de Mathematicis in vtranque partem ſubtiliter diſputat, de eis plura doctè in medium proferat. ex Gentiano Herueto eius interprete.

DVODECIMVM SECVLVM

Tertium autem à Chriſto incipiens

Ab ann. Chriſti

201

Victore ſummo Pont.

Imperante Septimio Seuero.

PORPHIRIVS Philoſophus Platoniciſcus ſcripſit Iſagogem aſtronicarum rerum lib. 3. Suid. is eſt, cuius eſt Iſagoge, de quinque vniuerſalibus. eius Proclus meminit ad 14. 18. & 20. propoſitionem primi elem. vbi illius demonſtrationes aſſert. Item Hypothipoſes aſtronicarum poſitionum, ideſt expoſitio in Almageſtum.

CENSORINVS in eruditiffimo libello de die Natali, plura habet ad Mathematicas, præſertim verò ad Aſtronomum ſpectantia.

HIPPOLYTVS Epiſcopus, ob diſcordias inter Latinos, & Græcos de celebrando Paſchate paulo ante excitatus, primus ſcribit de cyclo Paſcali, eiusq; inuentor celebratur. Iſidorus.

G 2

DECI-

52 MATHEMATICORVM
DECIMUMTERTIVM SECVLVM

Quartum verò Chr. ab ann. Christi 301

Marcellino sum. Pont.

Diocletiano, & Maximiano Impp.

*Quo Schola florentissima Roma, Athenis, Caesarea,
Constantinopoli, frequentabantur.*

SEXTVS AVIENVS RVFFVS Arati phenomena, & Dyoni-
sij Afri de situ orbis poema latine interpretatus est.

IVL. MATERNVS Siculus latine scripsit: sed de iudicijs.

THEOPHILVS Episcopus Alexandrinus inter Aegyptios Ma-
thematicos celebris iussu Theodosij senioris Imper. cyclum Paschal m or-
dinavit: cui alium paulo post contrarium Romanis Dyonisius Abbas pro-
posuit.

ABIFELDEA Princeps Syriae, Afsyriae, & Persidis, Geographus in-
signis. eius Geographia asseruatur in Bibliotheca Palatina Arabice scripta.
Corradus Gesnerus in Alfraganum.

VALENS huius aetatis insignis Mathematicus, qui iussu Constantini
Magni, Urbis Constantinopolitanae, quam tunc ipse aedificabat, genituram
ex coelesti Themate inani labore dijudicavit. Zonaras.

EVSEBIVS Caesariensis Episcopus scribit de cyclo Paschali. Isid.

MAXIMVS Epirota sub Iuliano Apostata scripsit de numeris. Suid.

Quinque sequentes ponendi sunt inter Archimedem, & Proclum; quo au-
tem loco ignoratur; Proclus enim recensens Mathematicos usque ad Ar-
chimedem, de eis fileat.

NICOMEDES, qui de lineis conchoidibus scripsit, per quas duas
medias proportionales exhibeat, atq; hinc cubum duplicabat. iisdem con-
choidibus angulum datum rectilineum trifariam secabat. extant ipsius sub-
tilissimi conatus apud Eutocium, & Pappum, & P. Clavius in Geometria
practica.

EVDEMVS, qui Geometricas enarrationes conscripsit. Item libel-
lum de angulo. Proclus.

MENELAVS Alexandrinus, cuius demonstrationes affert Proclus
ad vigesimam quintam primi elementi.

GEMINVS RHODIVS, Procli Diadochi praeceptor, graece scri-
psit phenomena: quae Mediolani in Bibliotheca Ambrosiana asseruantur:
& quidem graecolatina, Edone Stildario interprete. Praeterea de ortu li-
nearum spiralium, conchoidarum, cissoidarum, earumq; passionibus. Item
de Mathematicarum ordine.

Circa finem huius quarti seculi fiunt undiq; Barbarorum irruptiones in
Rom. Imperium: Gothi sub Alarico Graecias inuadunt, Athenasq; capiunt,
ac diripiunt.

DECI-

CHRONOLOGIA. 53
DECIMUMQVARTVM SECVLVM

Quintum verò Christi.

Ab ann. Christi

401

Anastasio sum. Pont.

Impp. Arcadio orienti, & Honorio occidenti.

*Quo Roma ter capta, & imperio occidentis ab Odoacre exciso literæ,
& artes passim pessundari incipiunt.*

Sequentes duo ponendi sunt ante Eutocium, sed quanto non comperio.
DIO CLES, cuius modum inueniendi duas medias proportio-
nales, & modum secandi sphæram in datam rationem, refert Euto-
cius, desumptum ex libro de Pyrijs, seu ignarijs.

S P O R V S Nicenus, cuius etiam duarum mediarum inuentio est apud
Eutocium in comm. Archim.

PROCLVS DIADOCHVS, qui Athenis Platonica scholæ præ-
fuit. scripsit comm. in Euclidem eruditiss. Suid. Georgius Henischius. Hy-
potyposes astronomicas. sphæram. Archimedem imitatus vstorij speculis,
Valentis naues Constantinopolim obsidentes combussit. Zenoras, qui eum
mirè commendat.

CYRILLVS Episcopus Alexandrinus scribit de Cyclo paschali. Isid.

S. AVGVSTINVS Episcopus lib. 6. de Musica, Item de principijs
Geometriæ, & Arithmeticæ scribit.

MARINVS Philosophus Neapolitanus Procli discipulus. eius est Pro-
theoria in data Euclidis.

DEMETRIVS Alexādrinus, lineares aggressiones fecit. Papp. p. 61.

PHILO TYANÆVS de lineis genitis ex implicatione *πληκτοειδων*,
& aliarum varij generis superficierum. Pappus p. 61.

S. PROSPER Aquitanus de Cyclo paschali. composuit Cyclum ma-
gnum annorum 532. Io. Lucidus. Isidorus.

PAPPVS Alexandrinus: cuius Mathematicæ collectiones extant. &
comm. in 5. Ptolæmei magnæ syntaxis. fecit etiam vniuersalem orbis descri-
ptionem. de fluuijs Lybiæ. extant eius lemmata in Apollonium Pergæum.

THEON Alexandrinus, cuius sunt græca comm. in magnam syntaxim
Ptolæmei, præterea de Arithmetica. de ortu Caniculæ. de Nili ascensu.
comm. in paruum Astrolabium. ex Suid. fuit Pappi synchronus.

HYPATIA Theonis Geometræ filia Alex. Diophantis Arithmeticam
comment. illustravit. præterea in Conica Apollonij scripsit. astronomicum
canonem construxit. claruit sub Arcadio, & Honorio.

VICTORINVS Aquitanus Astronomus, ab Hilario Papa Romam
inuitatur ad Calendarij correctionem.

E V T O C I V S Ascalonita post Theonem, & Pappum scripsit, eos enim
nominat. scripsit commentaria in conica Apollonij, & in Archimedem de
sphæra, & cylindro, de circuli dimensione; & de æqueponderantibus.

DECI-

MATHEMATICORVM DECIMUMQVINTVM SECVLVM

Sextum verò Christi.

Ab ann. Christi

501

Symmacho sum. Pont.

Imperante Anastasio orienti.

Theodorico Rege Goth. Italiæ.

*Hoc sæculo Roma quartò capitur à Totila : & Longobardi
Italiam inuadunt.*

BOETIVS vir clarissimus, & Consularis, latinè de Arithmetica, de Musica, de Geometria practica: inuenit Chiterinum musicum instrumentum. Supplem. chron.

CASSIODORVS vir clarissimus, & Consularis, scribit de Arithmetica, de Geometria, de Musica, de Astronomia, de Paschali computo. Baronius.

IOANNES Grammaticus cognominato Philoponus, scripsit de Arithmetica, modus etiam quidam inueniendi duas medias ei tribuitur, vt apud Clau. in Geometria practica. comm. in Nicomachi arithmetica scripsit.

HERO Mechanicus, qui est alius ab Herone Philosopho mechanico, de quo superius. eius extat liber de Geodæsia, & alter de machinis bellicis. ait ipse in Geodæsia stellis fixas post Ptolemæum, vsque ad suam ætatem progressos esse grad. 7. qui progressus, si Albatignio credimus annos saltem 460. importat, qui Ptolemæi ætati aditi Heronem in hoc seculum transferunt.

HELIODORVS Larisseus, cuius extant optica græca. citat Heronem mechanicum.

DIONYSIVS exiguus Abbas Romanus, computum, & cyclum paschalem aliter ac Græci ordinauit a. D. 532. quem latina Ecclesia postea vsq; ad Calendarij correctionem sub Greg. 13. factam, sequuta est: primus annos à Christo Domino numerare cœpit, qui prius à Diocletiano, siue à persecutione Diocletiani numerabantur. Christmanus in Alfrag.

S. GREGORIUS Magnus Papa in musicis excelluit, eiq; adeo fuit addictus, vt Clericos ipse musicam doceret. canticum Ecclesiasticum ordinauit, qui ab eo denominatur. choro etiam modum constituit.



DECI-

CHRONOLOGIA. 55

DECIMUMSEXTVM SECVLVVM

Septimum verò Chri. ab ann. Christi 601

Gregorio magno sum. Pont.

Mauritio Imperatore orientis.

Longobardis in Italia regnantibus.

Arabes in Asia, & Africa, & Europa complura regna occupant.

ISIDORVS Hispalentis Episcopus, in suis de originibus libris omnium Mathematicarum compendia inserit: & de cyclo paschali pluribus agit: & in libro de Mundo breuiter tractatum de sphaera perfringit.

MARTIANVS CAPELLA, qui etiam Foelix Mineus dicitur, ad hæc tempora à Patricio in Poetica refertur, scilicet paulo ante Eraclium Imper. scripsit in suis nuptijs Mercurij cum Philologia, de 4. Mathematicis Geometria, Arithmetica, Musica, Astronomia.

DECIMUMSEPTIMVM SECVLVVM

Octauum autem Chr. ab ann. Christi 701

Sergio sum. Pont.

Imper. Tiberio Absimero orientis.

Longobardis in Italia.

VENERABILIS BEDA de Arithmetica. de Musica. de Astrolabio. de Horologio solari. de computo Ecclesiastico. Ecce tibi quanta literatorum paucitas Barbaris Imperium deuastantibus.

DECIMUMOCTAVVM SECVLVVM

Nonum verò Chr. ab ann. Christi 801

Leone sum. Pont.

Imper. occidenti Carolo Magno.

Irene verò orienti.

Literæ apud Arabes florere incipiunt.

ALMEON, siue Almamom Rex Arabum, ante Albategnium ann. 50. obseruauit Solis maximam declinationem 23. 51. reperit vni gradui terræ deberi mill. 56. in campis Singar propè Babyloniam.

ALBA-

ALBATEGNIUS ARACENSIS Arabs, post Ptolemæum ann. 750. à nat. Christi 880. ante Alfarabium 381. obseruat Solis maximam declinationem 23. 35. & primam Arietis post æquinoctium grad. 18. 2. Aracæ est vrbs Syriæ, & patria ipsius, à qua dicitur Aracensis. extat liber eius de scientia stellarum.

MICHAEL PSELLVS Græcus Quadriuium, hoc est de 4. Mathematicis compendiosè scripsit, & extat. Docuit filios Imperatoris. hic ponitur à Baronio.

Sequentes 5. ponendi sunt ante seculum 10. quo Suida scribens, eos memorat: quanto autem, nescire fateor.

PAVLVS Philosophus, introductionem Astrologiæ composuit.

PETOSCIRIS Aegyptius, Astrologica è sacris libris pertractauit.

ACHILLES STATIVS Alexandrinus Episcopus. de sphaera.

ZOROMASDV5 Chaldaeus. Mathematica scripsit.

PELLES Aegienfis. Arithmeticonum lib. 2.

GE5BER Arabs, cuius extat Opus astronomicum 9. libris distinctum, quo Ptolemæi Almagestum exponit, ac corrigit. initio agit de Triangulis sphaericis, quantum astronomicis calculis opus est.

DECIMUMNONVM SECVLVM

Decimum verò Chr. ab ann. Christi 901

Ioanne sum. Pont.

Imp. } Ludouico 4. occid.
Leone 6. orien.

Lingua vulgaris Italica incipit emergere. Baron.

GVIDO ARETINVS Monachus S. Benedicti, Romæ scripsit de Musica. nouam rationem cantus excogitauit. eius opera sunt Introductorium musicæ, in quo ipse primus vocibus nomina indidit, Vt, Re, Mi, Fa, Sol, La: Item Micrologus de Musica.

ALFARABIVS Arabs, Astronomus celebris.

ALBVMASAR Arabs, Astronomus celebris. de magnis coniunctionibus, & alia iudiciaria.

ALFRAGANVS Arabs, Astronomica elementa edidit.

BAGDADINVS Arabs. de diuisione figurarum, extat.

BEN MVSA Arabs. de figuris planis, & sphaericis.



FIGE.

CHRONOLOGIA. 57
VIGESIMUM SECVLVM

Vndecimum verò Chr. ab ann. Christi 1001
Siluestro sum. Pont.

Impp. } Ottone 3. occid.
Basilio, & Const. orient.

ALHAZENVS Arabs: eius extant optica doctè, ac subtiliter
pertractata. Item opusculum de crepusculis, vbi aeris suprema
altitudinem acutissimè rimatur.

CAMPANVS Italus, ac Nouarenfis, primus Euclidem ex
Arabico in latinum transtulit, ac scholijs illustrauit. Fuit optimus Astro-
nomus: scripsit computum minorem, & maiorem, anno 1200. vt ipse ait.
Item sphæram, & theoricæ planetarum.

ARZAE L Arabs Post Albategnium ann. 190. reperit Solis maximam
declinationem gr. 23. 34.

ISACIVS ARGYRVS Græcus, de Paschatis correctione. Cla-
uius in Calendario.

VIGESIMVM PRIMVM SECVLVM

Duodec. verò à Chr. ab ann. Christi 1101.
Paschali sum. Pont.

Impp. { Henrico 3. occid.
Alexio Commeno orient.

RABBI Abraham de Sphæra. Christm. in Alfrag.

IORDANVS Nemorarius, qui scribit de ponderibus, citat
Campanum, & Campanus in def. 5. elemè. citat Iordanum, qui
scripsit de Arithmetica lib. 12. & data Arithmetica. & de Astro-
labio. qui scribit de Arithmetica appellatur etiam Nemorarius, vnde vnus,
& idem Iordanus videtur esse.

AVERROES Arabs magnus commentator, fecit Epitomen Alma-
gisti. Picus Mir. contra Astrologos.

ALMEON Almanforius Arabs, post Arzaelem ann. 70. anno Domi-
ni 1140. declinationem Solis maximam reperit 23. 33.

ALPETRAGIUS Arabs Almeonis coetaneus ann. Domini 1145.
eandem cum eo inspexit declinationem.

HVMENVS Aegyptius, cuius tabulæ astronomiæ arabicè scriptæ as-
seruantur in Biblioth. Palatina. Christmanus in Alfr.

IOANNES Hispalensis circa 1142. conuertit Alfragnum in latinum.
ex Christmanno.

THEON Smyrneus, circa hæc secula, Græcè loco Mathematica apud
Platonem interpretatur. opus eius Græcum extat in Vatic. ex Ios. Auria.

H

VIGE-

MATHEMATICORVM X X I I . S E C V L V M

Decimum autem tertium Chr. ab ann. Domini 1201

Innocentio sum. Pont.

Impp. } Ottone 4. occid.
 } Ifacio orient.

VITELLIO, qui maiorum Optica in vnum congeffit, ac digeffit. Riferus.

NICOLAUS CABASILLA Græcus, Ptolemæi syntaxis commentator.

FEDERICVS Secundus Imperat. primus Almageftum ex Arabo in latinum conuerti curauit, adeoq; astronomiam omnem excoluit. Chrifm.

ALPHONSVS Rex Hispaniarum, cuius funt tabulæ Alphonsinæ. obferuauit ann. Domini 1250. primam Arietis post æquinoctium gra. 23. 40. hic quadraginta aureorū millia ad astronomiā in lucem reuocandam cum fempiterna fui nominis gloria contulit.

IOAN. de Sacrobosco angulus fcripfit de fphæra; & de cōputo Ecclef.

IOANNES autor fummae Angel.

THEBIT Arabs, post Almeonem an. 50. an. 1270. primus motum trepidationis octauæ fphæræ rimatus eft.

PROFATIVS Iudæus ann. Dom. 1300. post Almeon ann. 160. Solis declinationem maximam annotauit. gr. 23. 32.

IOANNES GIRA Amalphensis inuenit mirā illam magnetis proprietatem, qua ad polum fempet conuertitur: vnde maxima rei Nauticæ vtilitas, & accessio facta eft:

Prima dedit nautis vsum magnetis Amalphis.

Panormitanus. Ortelius tab. 6.

X X I I I . S E C V L V M

Decimum verò quartum Chr. ab ann. Domini 1301

Bonifacio sum. Pont.

Impp. } Alberto primo Austriaco occid.
 } Andronico Paleologo orient.

BARLAAM Monacus. Græcè de Arithmetica, nondum editus.

ROGERIVS BACCON sub Clem. 5. perspectiuam laudatissimam fcribit. Item de loco stellarum. Item Specula Mathematica. Io. Lucidus. Collim.

MARCVS POLVS Venetus, per totum Orientem peruagatus, plurima scitu dignissima, de regnis Asiæ Orientalibus breui comm. materna lingua complexus eft.

IOANNES Archiep. Cantuar. auctor perspectiuæ communis. post Vitell. & multò ante 1500. ann. ex Gaurico.

VIGE-

CHRONOLOGIA.

59

XXIII. SECVLVM

Decimum verò quintum Chr. ab an. Dom. 1401. incipiens.
Bonifacio sum. Pont.

Impp. } Ruberto Austriaco occid.
Emanuele Paleologo orien.

Anno 1453. Imperium orientis capitur à Mahumeto 2.
Turcarum Imperatore.

Novus orbis circa finem huius seculi detegitur.

L EONARDVS Pisanus, primus ex recentioribus de Algebra latinè scripsit, nondum editus.

GEOIGIVS PVRBACHIVS, Theoricas planetarum, edidit. epitomen almagesti inchoavit, quam postea Ioannes de Montere-
gio absoluit. Item tabul. eclypsum. declinationem Solis maximam, 23. 28. prodidit. scripsit de horologio solari, & asseruatur in Bibliotheca Viennèsi publicè Mathematicas, Viennæ, & Ferrarię docuit.

IACOBVS FABER Stapulensis edit cōmentaria in arthmeticam Iordani. Item elementa musicæ libris quatuor.

FRANCHINVS GAFFVRIVS Laudensis, latinè Musicā, Theoricam, & Practicam scribit 1496.

IOANNES de Montereio, Purbacchij discipulus. Epitomen alme-
gisti absoluit. opus de triangulis planis, & sphericis. Tabulas directionum fecit. primus ephemerides astronomicas ad plures annos edidit. tangentes lineas inuenit. item libellum de Cometa. Mathias Rex Vngariæ multis eum auxit honoribus, & diuitijs. tandem Romam à Summo Pontifice ad Calendarij correctionem euocatus, ibi obiit, sepultusq; est in Pantheone. declinationem Solis maximam. 23. 30. edixit. Montereio plurimum debet omnis literatorum posteritas, quòd veterum Græcorum ferè omnium, Archimedis, Apollonij, Sereni, Ptolemæi, & aliorum opera numero ferè triginta, in latinum conuersa, Typis mandari curauerit. Ex Collimitij indice ante tabulam primi mobilis Montereij.

PETRVS de ALIACO Card. Cameracensis 1414. suavit Concilio Cō-
stantiensi correctionem Calendarij Romani. scripsit de Calendarij corre-
ctione. de parallelis, &c. Christmanus in Alfraganum.

F. LVCAS de Burgo edidit magnum volumen Italica lingua de arith-
metica, in quo algebram ex Leonardo Pisano partim acceptam vulgavit:
ibi etiam de geometria practica. Item librum de diuina proportionem.

CHRISTOPHORVS COLVMBVS Ligur, Argonautū princeps Astro-
nomiæ, & Geographiæ scientia fretus nouum Orbem, magno, ac felici au-
su detexit.

NICOLAVS CVSANVS Cardinalis. de Trasformatione figurarum.

H 2

XXV.

Decimum verò sextum Chr. ab ann. Christi 1501

Alexandro 6. sum. Pont.

Imper. Maximiliano occid.

*Totius orbis circumnavigatio: & novarum Stellarum
fixarum apparitio.*

IOANNES VERNERVS Germanus, astronomicas Tabulas, quibus loca stellarum exponit, declinationi Solis max. tribuit grad. 23. 28. primâ Arietis post æquinoct. gr. 26. an. 1514. de motu octauæ sphaeræ.

FERDINANDVS MEGALANES rei nauticæ, ac proinde astronomiæ peritissimus, fretum sibi cognomen inuestigauit, vnde postea navis ipsius verè Victoria totius terræ globū prima omnium circumnavigauit. 1519.

IOAN. BLANCHINVS Ferrariensis, Tabulas astronomicas composuit.

LVDOVICVS FOLIANVS Mutinen. latinè de musica Theorica. 1529.

NICOLAUS COPERNICVS, nouis obseruationibus cœlestes motus corrigit. 1515. antiquam Cleantis opinione de motu terræ suscitauit. ait præterea, Solem in centro mundi quiescere. 1530.

ORONTIVS FINÆVS, Parisijs Mathematicas docuit. varia composuit, quæ passim reperiuntur; legenda tamen cum antidoto Petri Nonij de erratis Orensijs. 1530.

ERASMVS REINOLDVS eruditissimas Tabulas prutenicas. Item cōmentaria in Theoricas Purbachij edidit.

BARTHOLOMÆVS ZAMBERTVS, qui Euclidis Elementa, Optica, Catoptrica, Phænomena, & Data ex Græcis Latina fecit.

PAVLVS Episcopus Forosempronij. opus de Calendarij correctione, quod Paulina dicitur. sub Leone X. conscripsit.

ANDREAS SCHONERVVS. de Gnomonica acutissimè scribit.

PETRVS APPIANVS de Geographia.

GEMMA Frisius arithmetica præcticam, astrolabium, &c. scribit.

MICHAEL STIFELIVS arithmetica integram, in qua Algebram optima methodo tradit.

ALOYSIVS LILIVS, alter nostri æui Sofigenes, Calendarij correctionē excogitauit, qua cyclum Lunæ perpetuum, necnon stabilem æquinoctij sedem fastis Ecclesiasticis indidit, quem sequutus est Greg. XIII. Papa, dum anno Christi 1572. exemptis decem diebus, vniuerso Christiano orbi Calendarium in perpetuum emendatum exhibuit. Eius frater Antonius Lilius vixit sub Gregorio XIII.

RAPHAEL BOMBELLVS Bononiensis. Italicè de Algebra.

PETRVS NONIVS Salaciensis, vnicò volumine varia pertractat. De nautica. in Theoricas Parbachij. de erratis Orontij. de crepusculis.

LVCAS GAVRICVS Episcopus Ciuitatensis, de Calendarij correctione. Schol. in almag.

IOAN-

C H R O N O L O G I A .

61

IOANNES BVTEO Logifices, lib. 5. de arca Noe. de quadraturis circulorum, tam antiquis, quam nouis.

FRANCISCVS MAVROLYCVS Abbas Siculus, Cosmographiā. Arithmeticorum lib. 3. de lineis horarijs. Photismos. & alia nonnulla, partim nondum edita, quorum index habetur in sua Cosmographia. primus de lineis secantibus scripsit.

HIERONYMVVS CARDANVS, artem magnam scribit, in qua de algebra. obseruauit Cometas esse in coelo. in libris de subtilitate, & varietate plurima miscet ex omnibus Mathematicis.

IOANNES Padouanus, de horologijs.

FRANCISCVS FLVSSATES CANDALLA Gallus, nobilissimo genere ortus, commentaria in Euclidem: cui propria Minerua adiecit. 16. librum. hic in Academia Burdigalensi Mathematicarum professori, annum stipendium in perpetuum reliquit, sicq; eam Cathedram fundauit.

FEDERICVS COMMANDINVS optimè meritis, si quisquam alius de Mathematicis, Græcorum enim egregia monumenta nobis mira felicitate traduxit, & exposuit. elementa Euclidis. conica Apollonij. opera Archimedis. Aristarchum Samium. Bagdadinum de diuisione figurarum. Neronis spiritalia. Pappum Alexandrinum. Analemma Ptolemæi. ex proprijs verò. de centro grauit: solidorum. de lineis horarijs.

IOANNES de ROIAS astrolabium.

IOANNES STOFLEVS de fabrica, & vsu astrolabij. commentaria in sphæram Procli. de calendario.

ABRAHAMVS ORTELIVS Geographus. Theatrum mundi, & thesaurum geographicum.

GERARDVS MERCATOR Geographus, Ptolemæi geographam restituit. Atlas, opus geographicum eius est.

ALEXANDER PICCOLOMIN. scripsit Italicè sphæram. Theoricæ planetarum. de stellis fixis. de magnitudine terræ, & aquæ.

IOSEPHVS ZARLINVS de musica duos tomos Italicè.

VINCENTIVS GALILEVS Florentinus. Italicè scribit quinque Dialogos de musica veteri, & noua: vbi optimè recentiorū Contrapuntistarum (vt vocant) errata absurdissima manifestat.

IO. BAPTISTA BENEDICTVS Gnomonica, & speculationes varias.

M. IACOBVS CHRISTMANVS comm. in Alfraganum: cui addidit commentum eruditissimum de Calendarijs, & temporum connexionem.

IOSEPHVS AVRIA Neapolitanus optimè de Mathematicis meritis, siquidem quasi alter Cōmandinus priscorum monumenta Græca nobis exponere laborauit. eius sunt: Autolycus de sphæra, quæ mouetur. Euclidis phænomena. Theodosius Tripolita de habitationibus: & de diebus, & noctibus. Item data Euclidis, nondum edita, quæ vt edantur, fatagō. plura alia dedisset, ni mors intercessisset.

NICOLAVS RAIMARVS, libellum edit, quo acutè per solam prosthapheresim, totum sphæricorum triangulorum calculum absoluit. P. Clavius in astrolabio.

IOANNES BAPT. Vicomercatus, de horologio solari inuenit modum descri-

describendi plura horologia, & varia vna, & eadem opera ad Solem.

FRANCISCVS BAROCIVS patricius Venetus, cui plurimum debemus, tum ob Procli in Euclidem commentaria in latinum diligenter translata, tum propter Heronis Mechanici de machinis bellicis, necnon de Geodesia translationem, atq; illustrationem. edidit præterea Cosmographiam.

P. ALEXANDER FLORAVANTVS Capucinus, ingeniosissimum, ac commodissimum instrumentum ad horologia in muris describenda excogitavit; quod Rete horarium appellavit. F. Cherubinus in suo de horologijs Thaumalemmate.

GVIDVS VBALDVS Marchio, ex nobilissima familia de Monte. edidit Mechanicam, Paraphrasim in æquepond. Archimedis. Astrolabium, Perspectivam, omnia probatissima, & proprio Marte adinuenta. Posthuma sunt Problem. astron. & opus de Cochlea.

TICHO BRAHE Baro Danus, verus Astronomiæ instaurator. in id ad 200. aureorum millia insumpsit; nam, & Palatium, & instrumenta sumptuosa construxit, & operas plurimas aluit. opera eius edita sunt, tomus primus de stella nova. alter de cometis, quas in cælo reperit. epistolæ mechanica. alia expectantur. asserit cælum esse liquidum, & quartum ignis elementum irridet. Venerem, & Martem modò supra Solem, modò infra ferri obseruavit. obiit 1601.

IO. BAPT. VILLALPVNDVS Soc. Iesu. in tertio tomo commentariorum in Ezechielem, librum vnum iustæ magnitudinis habet, nouis demonstrationibus Geometricis, & alijs pluribus, tum ad mechanicam, tum ad mensuras geometricas pertinentibus refertum.

FRANCISCVS VIETA Gallus edidit, Canonem mathematicum, opus restructæ Mathematicæ analysios, munimen aduersus nouam Cyclometricam, Pseudomesolabum. Apollonius Gallus. Zetetica: & alia nonnulla.

SIMON STEVINIVS Brugensis, edidit Problem. Geometric. lib. 5.

XXVI. SECVLVM

Decimum verò septimum Chr. ab ann. Domini 1601

Clemente 8. sum. Pont.

Imp. Rodulpho 2. occid.

*Reperitur Telescopium, quo in cælo admiranda, ac noua
primum spectantur.*

CHRISTOPHORVS CLAVIVS Bambergiensis è Soc. Iesu, præceptor meus. ipsius opera sunt: sphaera. gnomonica. commentaria in Euclidem. in Theodosij sphaerica. de Triangulis planis, & sphaericis. Astrolabium. instrumentum ad horologia describenda. noua horologii descriptio per Tangentes. Arithmetica practica. Geometria practica. Calendarij Romani à Greg. 13. restituti explicatio. Apologia eiusdem Calendarij contra Mastlinum, & contra Iosephum Scaligerum. Alge-

Algebra. in quibus multa partim à se inuenta optimè demonstrat. obiit ann. Domini 1612. 5. Februarij paulo post mediam noctem annorum 75. fere.

IO. ANTONIVS MAGINVS Bononiæ publicus Mathematicarum professor. Geometriam practicam. Theoricæ planetarum nouas, iuxta obseruationes Copernici. Tabulas secundorum mobilium. Primum mobile. Tabulas directionum. commentaria in Ptolemæi Geographiam. Ephemerides ad annos 50. & Italicè de admirandis effectibus speculi spherici scripsit. nunc Italiam magnum opus adornat.

MARINVS GHETALDVS patricius Ragusinus. Promotus Archimedes. de parabola, & speculo vstorio. item Apollonius rediuuius. & supplem. Apoll. Galli. adhuc viuît.

LVCAS VALERIVS Romæ publicus Mathematicarum professor. de centro grauit. solidorum. opus magno acumine conscriptum. Item Quadratura Paraboles aliter, quàm Archimedes adhuc viuît.

ADRIANVS ROMANVS Belga, eius sunt, Idæa Mathematica. Vranographia. expositio Archimedis de circuli dimensione. exercitationes cyclicæ. de Triangulis sphericis.

Nobilissimus CAROLVS GESVALDVS Princeps Venusinus, nostræ tempestatis Musicorum, ac Melopæorum princeps, ac veteris Musicæ restaurator. hic enim rhythmis in Musicam reuocatis, eos tum ad cantum, tum ad sonum Modulos adhibuit, vt ceteri omnes Musici, ei primas libenter detulerint, eiusq; Modos Cantores, ac Fidicines omnes, reliquis posthabitis, ubiq; auidè complectantur. obiit 1614.

IO. BAPT. PORTA, eruditissimus æquè, ac nobilissimus. editi sunt eius lib. 9. de Refractione optices. elementorum curuilineorum lib. 3. Interpretatio primi Almagesti, cum comm. Theonis. de Munitione lib. 3. Pneumaticorum lib. 3. Catoptrica nondum edita.

P. BERNARDINVS SALINVS de Soc. Iesu. libri 11. in quibus supposita recta æquali circumferentiæ plurima veluti corollaria demonstrantur. de horologijs lib. 2. varia problemata astronomica lib. 1. de mensuris geometricis lib. 1. quæ nondum edita asseruantur Genuæ in Colleg. Soc. nostræ. obiit ann. Domini circiter 1608.

PETRVS ANTONIVS CATTALDVS Bononiensis, publicusq; Bononiæ Mathematicarum professor. cuius opera iam edita sunt, Elementa numerorum arithmeticoꝝ. Elementa Geometricoꝝ. Algebra proportionalis. de lineis rectis æquidistantibus, & non æquidistantibus; vbi Postulatum quintum, & septimum primi Euclid. ostensuè, ac breuiter demonstrat. De numeris perfectis. Transformatio Geometrica, qua ostendit datum rectilineum, illud ipsum reducere ad formam propositi rectilinei. De radice quadrata breuissimè inuenienda. De quadratura circuli. Plures lectiones mathematicæ. Apud ipsum verò absoluta, atq; ad Typum parata hæc sunt: Archimedis defensio. Euclidis defensio. Algebra numeralis, linealis, & applicata]. Elementa numerorum denominatorum. De regula aurea summa breuitate. Transformatio geometrica figuræ, in aliam cuius ambitus, ac laterum numerus sit propositus. Algebra triangularis. Hortus mathematicus. Continuatio algebræ proportionalis, vbi acutissimum opus

opus zeteticorum doctissimi Francisci Vietæ exponit. *Examen geometriæ* Caroli Bouilij.

IOANNES KEPLERVS Mathematicus Cæsareus, à quo edita sunt; *Mysterium cosmographicum. De stellis nouis. Paralipomena ad Vitell. vnâ cum Optica astronomica. Opus de stella Martis. Dioprice.*

GALILÆVS GALILÆVS Florentinus, cui plurimum debet tota posteritas, nam ope Telescopij nuper à Belgis inuenti, reperit quatuor planetas circa Iouem errantes; & innumeras alias fixas; in Luna montes, ac valles; nebulosas esse stellarum greges, Gallaxiam esse exiguum asteriscorum agmen; Venerem instar Lunæ augeri, & minui; Saturnum duobus stipari satellitibus; hæc partim in suo Sydereo Nuncio exponit; partim in libro Italicè scripto de Maculis solaribus, vbi se primum earum repertorem esse contendit. Item Italicè de ijs, quæ natant, aut mouentur in aqua; opus acutissimum; vbi aliquot Arist. loca Mathematica expendit. adhuc viuit, & nouum mundi Systema adornat.

APELLES post tabulam latens (sic nō nomine appellari voluit P. Christophorus Scheiner Germanus è Societate nostra) maculas solares proprio Marte animaduertit, quid circa eas eodem ferè tempore alij agerent, omnino nescius. eas tamen primus, libello ficti nominis, publici iuris fecit. item libellum de Sole elliptico. 1612.

MARCVSANTONIVS de DOMINIS Archiepiscopus Spalatri. de radijs visus, & lucis: vbi inquirat Telescopij demonstrationem.

P. CHRISTOPHORVS GREIMBERGERVS è Societ. nostra, qui ad Astrolabium, & Horologia attulit non pauca ipso Clauio teste. nuper edidit Catalogum veteres affixarum longitudes, & latitudes conferens cum nouis. Item libellum de speculo vstorio; & Appendicem ad practicam Coni sectionem, cui annexa sunt consecutaria, quæ circulorum contactui, sectionemq; angulorum curuilinearum concernunt.

P. Fr. AGVILLONIUS BELGA è nostra Societ. edidit elegantissimum Opticæ volumen; & alterum adornat.

Huius seculi præcedens pars desinit in anno Dom. 1614. quo ipsa Chronologia pariter absoluta est.

Atq; hic finis esto brevis huius Chronologiæ, quæ continet auctores ferè 257. annos verò 2464. in 26. secula distributa; in quam ex antiquis omnes quot quot reperire potuimus, ex recentioribus selectiores, qui aut scriptis, aut rebus claruerint, cooptauimus; alioquin recensendi fuissent omnes Pythagorici, atq; omnes Platonici, qui omnes Mathematicis eximiè nauabant operam. omnes præterea Poetæ ab Homero vsq; ad Christi ferè seculum anumerandi fuissent, erant enim antiquitus poetæ omnes simul etiam musici, vt perspicuum est ex ijs, quæ in libro de musica Plutarchus in hunc modum ait; non equidem fuisse immunem metri, numeriue rati dictionem poematum musicorum, sed qualis Stetichori fuit, & veterum aliorum poetarum, qui carmina adhibitis modulis condidere, Terpandrum namq; tradunt adiectis ad sua, atq; Homeri carmina, per singulas leges modis, solum in ludis cum concertatione editis canere.

Neq; mireris, quòd recētes musicos omnes, quos Contrapuntistas appellant,

lant, omiserim, id enim consultò, ac meritò feci, cum mihi obsequentes rationes, quas breuiter ex Dialogis de musica Vincentij Galilæi decerpsi, nomine musici, indigni videantur.

Primò, quia officio musici minimè funguntur: est autem ex Platonis, atq; Aristot. sententia, officium musici, rithmis, siue numeris uti ad auditorum affectus excitandos: Contrapuntistæ verò isti rithmum omnem, aut numerum aspernantur.

Secundò, quia suas illas quatuor, aut quinque partes sic simul confundunt, ut nullum verbum, nullusq; rithmus percipiatur: sed mera tantummodo musica quædam confusio: quam, qui audit nescit quid audiat.

Tertiò, quia eodem modo carmina, ac solutam orationem canunt, ut intelligere nequeas carmina ne, an prosam decantent. quod quidem maximè est inconueniens, & veteri musicæ contrarium. neq; enim musica carminis numerum offuscare; sed eum magis exornare, atq; viuidum reddere debet.

Quartò, quia cantilenæ sensum omnem, dum diuersa verba simul plures, in cantu pronunciant, ita tollunt, ut nihil omnino intelligatur: cum tamen musici officium sit, cantilenæ sententiam cantu, & rithmo auditorum animis ita in genere, ut eos iuxta sententiæ illius affectu, afficiat, ac cõmoueat.

Quintò, quia de industria cõtra leges antiquas repetitiones eiusdem, vel consonantiæ, vel cadentiæ, aut aiunt, atq; etiã rithmi maximè vitant: quod tamen ad animorum motus ciendos plurimum valet.

Sextò, quia non musicè, sed mimicè, idest non rithmis, sed modis à natura musicæ alienis, ac ridiculis frequenter imitari gestiunt.

Hac igitur nostra qualicunq; fructu lucubratiuncula: atq; in ea contemplare, quo tẽpore, & à quibus non solum Mathematica, sed aliæ etiam scientiæ ortum habuerunt: quando & apud quos floruerint, aut desierint; ac tandem iterum reuiuiscere cõperint.

Quòd si quæras, quibusnã studijs, tribus illis annorum millibus, quæ chronologiam hanc nostram præcesserunt, homines vacauerint, ac proinde, cur tam serò literis operam nauare cõperint: respondendum esse arbitror,

toto illo tempore homines fuisse totos, tum in artibus inueniendis, atque excolendis, tum in vrbibus, atque

rebus publicis constituendis: quippe-

quæ magis humanæ vitæ necessaria erant.

Vale.


DEO OPT. MAX. LAVS.

I

IN-

INDEX

In præcedentem Chronologiam.

A		<i>Alexand. Florauantes gnom.</i>	25
 <i>Rdalus musicus.</i>	sec. 1	<i>Adrianus R. B. mathem.</i>	26
<i>Anaximander astron.</i>	3	<i>Apelles Latens astr.</i>	26
<i>Ametistius geometra.</i>	3	B	
<i>Anaximenes astron.</i>	3	<i>Bryso geom.</i>	5
<i>Anaxagoras astron.</i>	4	<i>Berosus astr.</i>	6
<i>Anisthenes musicus.</i>	5	<i>Boetius mathem.</i>	15
<i>Amielas geom.</i>	5	<i>V. Beda mathem.</i>	17
<i>Antiphon geom.</i>	5	<i>Bagdadinus geom.</i>	19
<i>Aristaus geom.</i>	6	<i>Ben Musa geom.</i>	19
<i>Aratus astron.</i>	6	<i>Barleam arithm.</i>	23
<i>Aristoteles mathem.</i>	6	<i>Bart. Zambertus geom.</i>	25
<i>Autolycus astron.</i>	6	<i>Bernardinus Salinus geom.</i>	
<i>Aristoxenes mus.</i>	6	C	
<i>Archelaus geographus.</i>	6	<i>Arolus Gesualdus music.</i>	26
<i>Aristarchus astron.</i>	6	<i>Clonas music. sec.</i>	1
<i>Archimedes mathem.</i>	7	<i>Cleostratus astron.</i>	3
<i>Apollonius magnus geometra.</i>	8	<i>Cratistius geom.</i>	4
<i>Athenaus mechan.</i>	9	<i>Cyginus geom.</i>	6
<i>Andronicus mechan.</i>	9	<i>Calippus astron.</i>	6
<i>Artemidorus geogr.</i>	10	<i>Conon mathem.</i>	6
<i>Andromachus astron.</i>	10	<i>Ctesibius mechan.</i>	7
<i>Abisfeldea geogr.</i>	13	<i>Cleomedes astr.</i>	8
<i>S. Augustinus mathem.</i>	14	<i>C. Manlius astr.</i>	9
<i>Almaon Rex astron.</i>	18	<i>Censorinus astr.</i>	12
<i>Albategnius astron.</i>	18	<i>Cyrillus Episc. astr.</i>	14
<i>Achilles astron.</i>	18	<i>Cassiodorus math.</i>	15
<i>Alfarabius astron.</i>	10	<i>Campanus geom.</i>	20
<i>Albumasar astron.</i>	19	<i>Christoph. Columb. nautic.</i>	24
<i>Alfraganus astron.</i>	19	<i>Chr. Clavius mathem.</i>	26
<i>Alhazen opticus.</i>	20	<i>Chr. Gruenbergeius mathem.</i>	26
<i>Arzael astron.</i>	20	<i>Cardanus astr.</i>	25
<i>Auerroes astron.</i>	21	<i>Cattaldus arithm.</i>	26
<i>Almeon Almanforius astron.</i>	21	D	
<i>Alpetragius astr.</i>	21	<i>Damon music.</i>	3
<i>R. Abraham astr.</i>	21	<i>Diocles music.</i>	4
<i>Alfonso Rex astr.</i>	22	<i>Democritus mathem.</i>	5
<i>Andreas Schonerus gnomom.</i>	25	<i>Dinostratus geom.</i>	6
<i>Aloysius Lilius astr.</i>	25	<i>Dicearchus geom.</i>	6
<i>Abrahamus Ortelius geogr.</i>	25	<i>Dionysiodorus geom.</i>	9

Dio-

INDEX.

Dionysius Afer geogr.	10	Hipparchus astron.	8
Diophantes arithm.	11	Hippolytus Episc. astron.	12
Diocles geom.	14	Hypatia astron. & arithm.	14
Demetrius geom.	14	Hero mechan. alter.	15
Dionysius astron.	15	Heliodorus optic.	15
E			
Ephorbus geometra.	2	I	
Empedocles mus.	4	Ismenius mus.	4
Epicurus mus.	5	Isidorus geom.	8
Euctemon astron.	5	Iul. Caesar astron.	9
Eudoxius astron.	5	Iul. Higinus astron.	10
Euclides geom.	6	Iul. Maternus astrol.	13
Eratosthenes astron.	7	Io. Grammat. arithm.	15
Eusebius Episc. astron.	13	Isidorus mathem.	16
Eudemus geom.	13	Isacius astron.	20
Eutocius geom.	14	Iordanes arithm.	21
Erasmus Reinoldus astron.	25	Io. de Sacrobosco astron.	22
F			
Fanchinus mus.	24	Io. Gira nautic.	22
Fr. Lucas arithm.	24	Io. Episc. optic.	23
Ferd. Megalanes naut.	25	Iacob. Faber mus.	24
Fr. Maurolycus mathem.	25	Io. Monteregeus astron.	24
Fr. Flusius geom.	25	Io. Vernerus astron.	25
Feder. Command. mathem.	25	Io. Blanchinus astron.	25
Fr. Barocius mathem.	25	Io. Buteo mathem.	25
Fr. Pieta mathem.	25	Io. Paduanus gnomon.	25
Fr. Aguillonius optic.	25	Io. Roias astron.	25
G			
Geminus geom.	6	Io. Stoflerus astron.	25
Geminus Rhodius astr. & geom.	13	Iosephus Zarlinus mus.	25
S. Greg. mag. mus.	15	Io. Bapt. Benedictus gnomon.	25
Geber astron.	18	Iosephus Auria mathem.	25
Guido Aret. mus.	19	Iacob. Christm. astron.	25
Geor. Purbachius astron.	24	Io. Bapt. Vicomerc. gnomon.	25
Gemma Frisius mathem.	25	Io. Villalpandus geom.	25
Gerardus Mercator geogr.	25	Io. Ant. Maginus astron.	26
Guidusubaldus mathem.	25	Io. Kepierus mathem.	26
Galileus Galileus astron.	26	L	
H			
Hecateus geogr.	3	Licaon mus.	3
Hippocr. Chius geom.	4	Lafus mus.	4
Helicon astron.	5	Leodamas geom.	5
Hermotimus geom.	6	Leon geom.	5
Hermophilus geom.	6	L. Papirius gnomon.	6
Heraclides mus.	6	Leonardus algebrat.	24
Hero mechan.	8	Ludonicus Folianus mus.	25
		Lucas Gaur. astron.	25
		Lucas Valerius mechan.	26

I N D E X I

M		
<i>Amertinus geom.</i>	3	<i>Porphirius astron.</i> 12
<i>Methon astron.</i>	5	<i>Philo geom.</i> 14
<i>Menechmus geom.</i>	6	<i>Proclus geom.</i> 14
<i>M. Agrippa geogr.</i>	9	<i>S. Prosper astron.</i> 14
<i>Marinus geogr.</i>	10	<i>Pappus geom.</i> 14
<i>Menelaus astron.</i>	10	<i>Paulus astron.</i> 18
<i>Maximus arithm.</i>	13	<i>Petosiris astron.</i> 18
<i>Menelaus geom.</i>	13	<i>Pelles arithm.</i> 18
<i>Marinus Neapolit. geom.</i>	14	<i>Petrus de Aliaco astron.</i> 24
<i>Martianus mathem.</i>	16	<i>Paulus Episc. astron.</i> 25
<i>Michael Pfellus mathem.</i>	18	<i>Petrus Appianus geogr.</i> 25
<i>Mar. Polus geogr.</i>	23	<i>Petrus Nonius mathem.</i> 25
<i>Michael Stif. arithm.</i>	25	
<i>Marinus Ghetaldus mechan.</i>	26	
N		
<i>Nicomachus arithm.</i>	4	
<i>Neoclides geom.</i>	5	
<i>Nicomedes geom.</i>	13	
<i>Nicolaus Cabasilla astron.</i>	22	
<i>Nicolaus Cusanus geom.</i>	24	
<i>Nic. Copern. astron.</i>	25	
<i>Nic. Raimarus geom.</i>	25	
O		
<i>Enipedes geom.</i>	4	
<i>Orontius mathem.</i>	25	
P		
<i>Ptolemy geogr.</i>	3	
<i>Pythagoras mathem. summus.</i>	3	
<i>Pericles astron.</i>	4	
<i>Phrinis mus.</i>	4	
<i>Phrinicus mus.</i>	4	
<i>Parmenides astron.</i>	5	
<i>Protagoras mathem.</i>	5	
<i>Plato mathem.</i>	5	
<i>Philippus mathem.</i>	5	
<i>Philosophus astron.</i>	5	
<i>Perseus geom.</i>	6	
<i>Philo mechan.</i>	8	
<i>Possidonius mathem.</i>	8	
<i>Patroclus gnomon.</i>	9	
<i>Parmenion gnomon.</i>	9	
<i>P. Mela geogr.</i>	10	
<i>Plinius geogr.</i>	10	
<i>Plutarchus mus.</i>	10	
<i>Ptolemaeus astron.</i>	11	
R		
		<i>Raphael arithm.</i> 25
S		
		<i>Acadas mus.</i> 2
		<i>Simonides lyric.</i> 3
		<i>Sappho music.</i> 3
		<i>Simon music.</i> 4
		<i>Simmius music.</i> 5
		<i>Sulpitius astron.</i> 7
		<i>Serenus geom.</i> 8
		<i>Sosigenes astron.</i> 9
		<i>Scopas gnomon.</i> 9
		<i>Strabo geogr.</i> 10
		<i>Solinus geogr.</i> 10
		<i>Straton geogr.</i> 10
		<i>Sextus Empir. mathem.</i> 11
		<i>S. Auienus geogr.</i> 13
		<i>Sporus geom.</i> 14
T		
		<i>Terpander music.</i> 3
		<i>Thales Milefius.</i> 3
		<i>Telauges arithm.</i> 3
		<i>Theodorus geom.</i> 4
		<i>Timeus mathem.</i> 4
		<i>Theatetus geom.</i> 5
		<i>Theudius geom.</i> 6
		<i>Theophrastus mathem.</i> 6
		<i>Timotheus music.</i> 6
		<i>Timocharis astron.</i> 6
		<i>Theodoricus astron.</i> 9
		<i>Theophilus Episc. astron.</i> 13
		<i>Theon astron.</i> 14
		<i>Theon Smyrnenus mathem.</i> 21

Thebit

INDEX.

<i>Thebit astron.</i>	22	X	
<i>Ticho astron.</i>	25	X	<i>Enocrates music.</i> 1
			<i>Xenocrates mathem.</i> 6
V <i>Incentius Galilaus music.</i>	25		<i>Xenophantus music.</i> 6
<i>Vitellio optic.</i>	22	X	
<i>Victorinus astron.</i>	14		<i>Ypsicles geometra.</i> 8
<i>Vitruuius gnomon.</i>	9	Z	
<i>Valens astrol.</i>	13		<i>Zenodorus geometras</i> 4

F I N I S.

E Go Fr. Hieronymus Onuphrius Romanus, ex Conuentu S. Mariæ Gra-
 tiarum, Doctor Colleg. & Lector publicus, ac Sanctiss. Inquisitionis
 Consultor, vel libentissimè vidi, ac perlegi Opus hoc aureum inscriptum,
 LOCA ARISTOTELIS MATHEMATICA, & conscriptum
 ab Excellentiss. P. Iosepho Blancano de Societ. IESV. & cum in eo nihil re-
 periat, quod aut sit contra Ecclesiasticas disciplinas, aut quod pias aures
 offendat, quinimo maxima emergat utilitas ijs, qui Aristotelicum textum
 consultò amplectuntur, idèò posse typis dari censui, &c.

Imprimatur

Idem qui & supra nomine Reuerendiss. P. Inquisit. Bonon.

Errata,

Errata, quæ Lectorem sisterent, sic corrigantur.

pag. linea. erratum. correctum.

4	2	persuasisti	peruasisti
18	22	quadratum	quadrangulum
36	34	inuestare	inuestigare
38	15	AG,	ACG,
39	22	æquatiorem	æquatorem
51	46	vnoq;	vnoquoq;
70		in figura desiderantur duæ lineolæ rectæ AI, & IE,	
80	13	Tex.	Textus 59.
ibid.		in figura pro O, ponatur C,	
82	13	Tex.	Tex. 110.
ibid.	45	Vrsam	ad Vrsam
83	42	Tex.	Tex. 65.
107	10	fides	fidem
ibid.	11	faxi atritu	scissa, & attrita
166		in 2. figura desideratur linea P R.	
127	28	L,	C,
155		in 2. figura deest linea K P:	
		altera verò, quæ dextrorsum vergit, superflua est.	
220	45	quadratum	quadrangulum
221	1	quadratum	quadrangulum
231	30	incrementa	decrementa
ibid.	31	decrementis	incrementis
235	19	LO,	MN,
ibid.	21	NM,	OL,
ibid.	34	HL,	NL,
237		in figura linea K D L, deberet directè ad punctum A, tendere.	
256	4	toto	tono
264	14	numeris	neruis
266	44	cæteris	cæteri
267	45	iudicium	indicium
274	27	contrà verum	contrà, verum
279	30	MKINQ,	MHINQ,


In Additamento.

9	5	vncia	vnica
9	28	proportionali	proportionalis
14	28	diuionem	diuisionem
18	22	78.	7. 8.



B O N O N I Æ
Apud Bartholomæum Cochium. 1615.
Superiorum permissu.








1-6-271


BONIA
Apud Bartholomaeum Cochium. idris.
Superiorum permissa.











005643759

K